

文文花水板和行







中國文史哲資料叢刊

康南海先

文 文 注 記

彙編

文史指出版私印行

東南海先生遊記彙編 素 者:東 有 為 新 者:文 史 哲 出 版 社 臺北市羅斯福路 | 段七十二 巷四號 郵政劃撥储金帳戶一六九九五號 臺北市羅斯福路 | 段七十二 巷四號 郵政劃撥储金帳戶一六九九五號 本 出 版 社 基 北市羅斯福路 | 段七十二 巷四號 本 出 版 社 至 坡 亞 英重返加拿大,假道日本歸港。光緒二十六、七年在新嘉坡檳榔嶼,二十八、九兩年遊印度、緬 紐約。三十四年戌申離美赴歐,經北歐挪威及法、德、奧、匈等國 美赴歐,暢遊瑞典、法、德、然後仍囘美。三十三年丁未赴西班牙葡萄牙再遊法國,取道英倫 乙已由加拿大赴美國,在洛杉磯小住,是年遊覽金美,並訪問墨西哥巴西諸國。三十二年丙午由 士、奧地利、匈牙利、丹麥、瑞典、比利時、荷蘭、德意志、英吉利,然後由歐而至加拿大。三十年 甸、爪哇、安南、暹羅,九月復還港。三十年甲辰再遊海外,經阿剌伯、埃及,遊意大利、法蘭西、瑞 發展黨務 ,辛亥年復卜居日本,民國三年始返故國 則三 先師 南海先生自戊戌失敗後,出亡香港 周大地,遍踐四洲 。擬乘拳亂之際,由唐才常組軍以取東南數省,惜機洩事敗。旋由 、土耳其 , 取道地中海泛大西洋,還檳榔嶼。此後二、三年間 ,歷三十一國,行六十萬里,所見所聞,皆有筆錄。當時編定者,有 。蓋先師自戊戍出亡,作汗漫遊者,凡十六年,足跡所 ,東渡日本,翌年赴加拿大 ,訪問東歐塞耳 ,歷居檳榔 ,組保皇會 加拿大至英國 ,聯絡 維亞 香港 ,復由 華僑 布 新加 加利 赴

意大利 拿大、巴西等諸國耳。其未定稿者,想已散佚。諸書絕版多年,茲爲之蒐集,復於中央研 瑞士 唯印行者僅 奥地 意大利、法蘭西 利 法蘭西、 匈牙利、 1、德國 德意志 、突厥、希臘 、丹麥、瑞典、比利時、 • 布加利亞、塞耳 維亞 荷 蘭 . . 滿 英吉利 地 究院 加 等十 羅 • 氏 加

未刋稿微捲中,

獲得印度遊記一種,今謹過錄,合併刊行,

編爲康南海先生遊記

彙

編

0

全印 省獨立而終於滅亡爲證 於是悟物質文明爲强國富民所必 求物質建設, 滅亡,乃悟國家統 先生漫遊 節 始能救亡國存 度後 ,以爲印度之滅亡,由於莫兀兒帝國末期各省分裂 一之重 , 極力駁斥 , ·蓋即取 要 需 0 又以印人極端崇重宗教 , 0 對當時主張自立者發生警惕作用 當唐 鑑於印度也 才常事 敗後 9 保皇人士主張各省自立 ,不講求物質力量 , 並主 ,爲英國 **大** 張用 , 而 先生即 一統國家全力講 個 無力抵抗 别 併 學 吞 印 侵略 導致 度各

掩大地 藝復興 求不眞 進步, 然於羅馬宮室殿廟及博物院之收藏,悉心觀察 之畫與拉 先生之遊意大利也,在奈波里城 僅在近 ,孰知爲十字軍之屢敗而啓之,此卽賴文明移植而後來居上之實例 逐退 飛爾 編觀 歐 化 四 以 土各國 前 五百 也 諸 0 年間 家相 先生復認爲近代 |博物院皆于十二、三世 較 , 慨歎拉飛爾與明朝之文徵明董其昌同時 , 則 我國之畫有過之無不及 歐洲文明之突起 ,目覩意人襤褸之情, 紀後 ,對於拉飛爾之畫,尤流連讚賞 , 乃有精巧 , 皆賴於十字 , 祇 願連之狀,對西方實況 以近 之物 河 五百 軍戰爭輸 ,而 , 終於以 年來 精妙 0 同年 製造物質之精 如 入東方文明 , 此 歐 由埃及渡地中海往 ,以爲 洲之畫求 。若以宋 ,頗爲失望 歐 洲 , 技 始 眞 元 藝術之 名 有 , 横 我 文

地遼濶 其貴族 西 歐途中 早爲廣 政制 曾在 度之產生 一希臘 土衆民之統 群島 , 73 間 地 穿行 一大國 理條 0 以爲 件使然也 , 君 群島 權 久尊 延廻 0 小國寡民 而 堅定 , 峯<del>慰</del>秀聳之形勢 , 無從產 , 爲歐洲議院 生國 會 , 使希臘小 制度起源之條件 , 然非 中 邦分立而 國 不 能 實 , 而 行 難 統 中 國 平 ,

實以

地

勢限之也

0

由此深切

思考

中國欲實現民權憲政

,

必以

地

方自治

為基

礎

學與 大小 遊記 法國 識 人士亦有不 工藝 中 而 先生之在法 , 京邑卑 爲 一教育 於法 國 能及者 富 國 陋 0 是論 國 與 如 貧强弱之標 英 也 此 也 . , , 德 兩 國 先生誠先 乃知歐土 由 不 巴黎至凡爾賽故宮 但 記 當 生 , 物質 時國 產 樓閣崇麗 時之人物 力 (力之大 內 及 生 1 般 活 , 小, 泛論 原爲近百年來機器發明後富力躍 程度之比較 ,親見法京近郊人民稀少, 決定 西 方之富强者 國 , 極爲 人民之健 周詳 , 茫然不 康 0 從統 與 茅屋 生 知 命 計 , 甚至二十年 資 進之結果 卑 , 乃主張全力發展科 料 陋 , , 得 以 知蒸汽 稱 0 後所 在 霸 法 歐 力之 洲之 闌 知 西

藉銀 知存金銀 行資 先生憑弔意國之古蹟 於府 財 而 發展 庫 , 不 , 於是又深切認識 知普遍設立銀行 追溯 羅 馬之歷史 銀 , 取息 行之原理 人 與流通 羅 , 爲 馬 0 在 史上之銀行, 無 布 加 而 能爲有 利亞 觀察工農與公共建設之勃 而嘆息中國幾千年來, , 虚 而 能 爲 盈 , 約 而 能 人民僅 興 爲 泰 , 均

,

0

,

四十年之小國 生所 作 雜亂 補 德 或 百 遊 政 記 不 , 修 白序 , 曾 如今武備 九 至柏 林 . 政治 , 四 極 文學 其 聯 • 邦 醫術 , 頻 貫 . 電學 穿 其 ì 數 7 藝 都 邑 . 商務 , 贊美德 • 宮室 國 從三、 , 道德

其

後

先

生主張

中

國

應遍

設銀行與

(建立紙)

幣

政

策

,

爲理

財之重

點

, 蓋即

發端

於是

行

也

輯

即

康

南

海

先生

一遊記

彙編導言

乃至音樂,均居世界第一。 **飈搴驟進,絕塵而奔,天下萬國進化之驟且神,未有若德國者。推測** 

德,爹士以英辟專制治墨,兩國大治之事例,推論强固治權,爲國際競爭强烈時代新政治之趨勢。 德國之所以進步神速,由于德國在憲政體制中有强大之君權。根據近二十餘年威廉以英辟專制治

以故强固政府之治權,(不必是君權)爲先生一生不變之觀念,亦所追求不已者也

先生之記突厥也,敍土耳其山川景物,兼及其政俗。謂土耳其革命派青年黨人效法法國

,倡

人人自由平等之說,社會紀綱蕩然。乃以國入若不學治術,徒憤激于舊弊,妄行變革,則其禍 足

危亡其國。揆諸民初亂政,則其言不爲無

見

清代中葉以後 ,國人記載域外山 川者 ,大抵描繪景物兼及謠俗而已。若夫模山範水以外 ,能

敍其掌故,論其政制 , 借鏡異邦,作爲改造中國之神方大藥者,其唯先生之遊記乎?此則區區

印本彙編之微意也

## 康南海先生遊記彙編 目錄

<b>導</b> 言
遊加拿大記
印度游記
意大利游記七三
法蘭西游記
補德國游記
滿的加羅游記四八九
突厥游記四九五
塞耳維亞游記五五六
布加利亞游記五六五
希臘游記五八五
巴西五六九

目

錄

## 遊加拿大記

壁視其 千里 蛇 總督請跳舞宴 遣人以藏圖贈焉。 督之下;而大權一切屬之。總統名羅利、法種 總督由英所命,若吾之鎭守將軍也。加拿大雖屬英;而別爲民政如美國。其總統由民學,雖位 凡六日,鐵路行萬里矣。其國預派巡捕官于車站前相接,越日其總督、總統、稅務司官約見,其 願子速得政如我 土寸草及人居 長松,連續千里。此地殆中原所無,亦地球所少見也。三月晦夕,至阿圖和,(按指Offawa ) 頂甚平而 0 凡經雪架山洞八十餘,澗橋無數。俛瞰碧湍 ,乃到蘇波湖,(按指Supenor Lake )湖中萬島,界分英美。烟波洲渚 「三月之末,度加拿大。逾落機大山,千峯積雪,長松覆地;鐵路轉殼曲折,循山逾澗若長 、舊壘焉!再使一官邀吾視議院 無名 。時有一二烟剪人(按指印第安人)帳居于是牧畜,想見吾漠北氣象 ,是夕九時赴焉。男女七百人,鋪設宏麗,男女合沓,長裙曳地。各大臣皆來握手 0 西 , 其下議院長請茶宴 相接欣然。延入密室密談 人請吾名之;吾名之爲太平頂 , ,導遊各所 出其夫人諸女相見 ,情意至厚。述及彼舊事 ,而新黨新得政者也。一握手卽曰吾與子皆新黨 ,及觀議員議事。復至書藏云有中國 ,期大地之太平世也。逾山則雪積數千里 ,與雪峯相映,光景奇絕。 , 再導觀議院 ,相與欷歔 ,羅利並親陪焉 鐵軌盤 , 浩渺微茫, 石阜 國 種 山 , 書甚 如是者四五 頂 令我過戈 而 。先是英 多。 過 無 , 後 總 Ш 4

問訊。總督與諸大臣先舞,次官繼舞,後則羣賓亂舞,若旅酬焉。總督延吾在舞廳之高座,此則

惟總督 酒廳列兵二隊,左右執槍立。但總督與各執政大臣一席,吾一席,餘俱立飲。飲畢復舞,至二時乃 、總統夫婦坐者,羣官皆不與焉。舊總統偕吾巡視各廳及園林,燈彩萬千,花香錯雜 0 其

也 散 。吾口占一絕云 」: 0 越日總督命一女畫師自慤朗度 ( 按指 Toronto )來,爲吾寫像,畫師年十八,其地最著名 者

飄泊餘生北美洲,左賢特爲寫形留,

風鬟十八紅衣女;却是中原顧虎頭。」

## 印度遊記序

廣 醬始 于印度, 物相雜謂之文,物愈雜 川而不能言印度之教俗,蓋非深於教俗政治者,不能遊也。夫印度者大地之骨董,教俗、文字、 如枕上。過粤之木工、履工集於印者數千人,吏於衞藏或商人多假途出入。歲月相望 唐宋時,非高僧堅苦者不敢遠遊。今則海道大通,自粤來卡拉吉打者 鏡採擇,以增益我文明,則謂爲未嘗有人遊焉可也。黃懋材者,嘗作輶軒紀程,頗能考藏滇之山 至恒河口之卡拉吉打而入印度。海陸之程各萬餘里 |藏自北路行大陸來,逾越天山葱嶺 至克什米爾而入印度。吾自南路大海來,經星加坡 。心學靈魂戒律塔寺是也。蓋娶婦必擇異姓而生乃繁,合羣必通異域而文乃備。惜二千年之遊 中國人之遊印度者,自秦景、法顯、三藏、惠雲而後千年,至吾爲第五人矣。然秦景 入中國 、器用至古,爲歐美文明祖所自出 無一人記印度之教俗、文字、宮室、器用,發其祖父子孫,鏡其得失別派,以資國人之考 改印度之智慧不增 及白馬馱經而後佛典大譯 ,則文愈甚。故文明者 ,至今手食地坐 ,浮屠新義及幡幢鐃鈸大行于中夏,以增長文物知識 ,文明所關至大也。與支那交通二千餘年,自身毒竹枝蒟 , 衣無縫衣 ,乃智識至繁,文物至盛之謂。支那之文物大所加 ,然大陸艱難,風災冰窖,頭痛 。印度之文物六入支那 ,月有汽船六艘 ,故支那之文明更 身熱 視如門戶 海波不興 法顯 檳榔 故六 嶼 夫 朝

羅門教考,後于戊戌之難不存。然古今殊異,不經親身目擊,而但據殘文以考大教,豈有當哉? 不及考舉。印度至古之文明而委棄不收,此則二千年來最可嘆惜痛恨之事也。吾昔于佛典中輯婆 印度者既極寡,或有其人皆佛法之裔,僅傳佛之經典,而於印度之政俗婆羅門及諸敎之瓌異 ,皆

孔子生二千四百五十二年爲光緒二十七年十二月康有爲自序

梵文,不攜傳記,無從疏證引伸,自知略脫

日月所游 ,述其所見,庶幾中土人言印度者 , 有所參稽云爾。其次編言印藏邊事者,姑俟異日焉

今驅馳印度中八千餘里,蒙沙犯塵,擧耳聞目見而親考之,乃皆爲中土數千年所未聞者。恨不識 ,亦何足言!惟學四庫著錄,無言印度近事者,姑紀

者自隋元兩朝征爪哇,明鄭三寶下南洋外,鮮有過之。中國泥古少變,不講殖民之學,久設海禁 市也。居此年餘,望如故鄕,漸出海峽,兩山夾翠,西通印度,東達諸華,爲海中第一通道。古 璧通英文可任譯事,攜璧及妻婉絡黃榕生吳積仁及僕婦阿娟行。同富以足疾有四弟李棠皆遣囘粵 舊教如麻,及英新變政,必有可考觀而益中國者。乃坐渣甸金生船以十月二十七日去檳,次女同 榔嶼英督署中,經年,檳榔嶼暑多瘴,吾病累月,乃決居印度雪山中。且以印爲大地第一古國 ,故坐以南洋之地讓人也。 英巡捕官派巡捕十餘人列植碼頭,驅逐閒人,用官船送至大船而返。二十七日船行檳榔嶼海峽 廻望全嶼,蒼蒼山脈,自後直入,橫列如屏,前舖坦地,雄秀獨出,又握孔道,宜爲南洋之巨 孔子生二千四百五十二年爲光緒二十七年十一月二日明夷子始至印度之卡拉吉打。先是久居檳

耳!船主出印度圖及恒河圖,印度鐵路圖 二十八日二時,船行二百二十二英里,海浪如鏡,風日晴平,但廻首中原,去國日遠,懷思惘惘 弱肉强食 ,天演自然,而惜非利羣之阿軍鴉道自主之不成也 ,相與考證。同船二英女出阿爾蘭非利羣島諸影畫同觀

二十九日,二時船行二百八十四英里,船主出大吉嶺影畫相示,見雪峰挿天表,鐵軌盤嶺上下,

圖據 樓閣 十四英里 英自緬至仰光西旁非頓 Phaeton 此爲大島矣,名了巴力盡呢士 ahoi 冠山 ,爲之神往。海上時見小島 狹處四英里 ,起經度十一度二十五分至十三度三十五分,緯度爲英倫之九十三度 山脈走數千里,出于海面斜西行,蓋護印度者也。入印度海 ,晚過烟打問士島And ,印之野人居之,無衣服,下體僅有一帶,色如醬,其始 aman ,是島長一百四十英里 廣 中海

食人,今英以爲移罪人之地,立都會于悲順呢士,有二官及二醫生焉。山多虎,船夜行其旁,猶

聞虎嘯聲。

三十日,二時船行二百七十四英里。

十一月一日,船行二百二十四英里。

自檳嶼至印凡一千一百六十英里,自香港至印度三千一百二十英里,凡爲中土一萬二百九十六里 酷似吴淞津沽,蓋大水下流多如此也。至五時抵卡拉吉打,行一百二十英里,爲印度之都會焉 二日曉起見黃水,十二時入恒河口 必其得眞也。 水,歐人名之曰揚子江 枝河入海,廣七百里, 汽船行十六日而至也。恒河發自罅訶須彌山,在行納五河之流而入海口,廣百里,其旁分十餘 久讀佛典之恒河 如山東九河入海形。印人稱恒河者,譯音甚正,英人名之曰堅治,亦如江 ,此由揚州 ,今親渡之, 人先作譯人,以其揚子江爲長江名,而今歐美人沿爲定稱 , 船緩輪行千四百折,兩岸綠樹平疇,茅簷瓦屋 與之習熟如黃河大江, 已恍然如見古德說法時 ,絕 無寸阜 矣

泊公園前,因投信巡捕官,故候次日乃登岸。晚望公園,車馬雜沓

,

上岸少遊,地平如掌,

燈火

萬里 刀喇Madlna 百,船行四日程,自呢格不擔西南循海行七十英里至挑秩溝Tntiaoriam,人民二萬 望也,但水淺不能行汽船,故繞行三十海里。若自加拉吉打至錫蘭之奇林布都會,凡 錫蘭本與印度大地毗連, 舌尖矣,人民五萬八千, 及錫蘭也。 十萬 百英里至匪賒刼不擔 Viagapatam,是市人三萬二百,又循海南四百四十英里至密他喇士人民 繁星麗 自此 自此沿海漸 ,有巡 〈船主按印度沿海圖,自卡拉吉打循海南一百二十英里至巴拉峽 Palaser,自巴拉峽 惟 循 天, 海南行 此 吾已徧 有僧 撫駐焉。當南印度之南,鐵路四達,自加拉吉打孟買外,爲印度第三大都會矣 彌望十餘里 小鎭爲南印度之極。 西 北行 , 一百四十英里 遊中東北印度,奔走萬里,坊間皆無 凡 , 復至孟買矣 中隔海不及一英里,水深僅三十五英尺。呢格不擔有頗眠奶士燈塔可相 ,夾以大樹,此則倫敦猶遜其繁華□公地瞻遠 亦 ]萬□□人, 一都會也。自此行三十二英里至天助 ,至呢格不擔Negakatam,爲南印度之極 自加拉吉打汽船行三十六時可至,印度地平長如舌,此爲舌尖 廟塔瓌偉,蓋摩訶末教入印之後,惟南 , 後有尋佛迹者 , 即渡海 印地所獨也。船上多暇 , 惟 , , 印度地平如掌 三十海里至錫蘭 來此及錫蘭乃得見耳 地未滅盡佛法 海里一千二 ,少南至碼 循 海南 , 。印度 此乃 餘此 矣 74 74

註 罅 訶 須 彌 Ш \_ 按 卽 克 4 米 爾 北 部之喀 拉 科 雕 Щ 脈 Karakarun Mts 爲 世 界 第二之高

**峯**,高一萬七千尺至一萬八千尺。

錫蘭爲 Ceylan , 古稱 楞伽島 Lamka 0 按明沙門德清觀楞伽記,楞伽山在天竺之南海中,人不

地 能到 。又梵語楞伽 ,每陰雲黑夜 , 具獅子之義,故後秦沙門法顯佛國記稱汎海西南行十四日到師子國Simhale 或海濤洶湧,則山形顯露,若海湛空澄,天無雲翳,其山卽不現 ,當卽是此

俄國 如中 銀 亦即 其上也,此三店爲印之大客店矣。住其近衞園者,日每人八盧卑,從人日三盧卑, 士也 途易其國幣,本國皆嚴其滙水,惟中國不然,愚不可及,此不可不亟改者也。盧卑之圜法 用星加坡香港之銀重七銀二分者,每百僅得 三日六時登岸入客店,先到Great 在檳嶼攜 五錢 甚至值十五盧卑,所虧至十之一,否或不用,故各國無不用本國錢幣者。昔經美及倫敦 其至小者 唐西域記所述之僧伽羅國 國 或有 每 中 克波斯皆行用之,亦 有美國 奇矣 卑 中金三十盧卑,小金值十五盧卑。及遊印度內地,則一中金僅值二十八盧卑或二十五 銀 ,亦須五盧卑以上,其營構四層 土 錢 分重者體小易握 金值銀千圓 , , 計每 可易亞打卑 一盧卑贏各 , 廣大矣 士二枚 檳榔之價大金四十三圓,中金半之,小金又半之,至印 , 僧伽羅,蓋後音譯也 , 亦如古五銖 一錢八分, hatel 棧Grand hatel 0 , 印 亞打者半也 度圜 , 等, 但此 法 百四十盧卑或一百三十有奇 若壯麗則遜於歐美遠矣。 , 每 實便民用, 0 端 每 一大銅錢名卑 , 亞打 英政府之以此獲利, 棧皆無室,□□□□ 勝于七錢二分者也。 卑士易時機卑 **±** 盧卑重三錢二分 印 人名卑沙 , 是每盧 士三枚 何可算哉! |棧,僅 卑値中 自印 店日須 時 如 則大金僅 餘二室 機卑 度以 , 香港之仙 是時 -國港坡 而 + 大略 士如 五圓 滙 ,非 來

香港之小錢,

値

一錢者,其至小矣。銅錢凡三等皆無孔

,

四卑士爲一烟拿矣。銀錢凡四等,

小者

日 H 二枚 讱 半盧卑, 烟拿 ,科烟 一盧 ,重四分,易大錢八枚,倍之曰科烟拿,重六分,易叨烟拿二枚爲大錢十六枚,又倍之 卑者 重 拿四枚 一錢六分,可易科烟拿二枚,又倍之曰盧卑,銀錢之至大者矣。每 , 其銀級以倍其數以四起算。吾以中土十進算法,較之其算一數而印法五倍中法 ,叨烟拿八枚,大錢六十四枚,有鑄銀局鑄之,其銀幣多自千盧卑少至五盧 一盧 卑易 半盧卑 卑

之時

其算數不便

,遠不如

+

· 進者也

馬車 後同 印 爲街馬車坐數十人者,每人以五卑士,不論遠近,若易一車,則收六卑士,若易二車,則收九卑 後,蓋□殿之舊俗也。此等每一租用必四盧卑,此最上者,其爲印之特俗 有大 一柄 、馬車 者 立其後 之馬 0 雙馬 0 蓋印舊俗貴賤懸殊 , 車 車第 但坐一人, ,以示威儀 , tt 一時 歐 美 日 盧卑 ,故來印之英官及遊印之貴人,必從其俗, 褥飾皆高嵌精美,後可立三人,蓋印王及其貴人出 本 價 , , 英王之士大夫至今尚多皆坐雙馬不與其民同 次時半盧卑 爲極 賤矣 0 惟 , 後同 馬 車有 0 單 应 馬 等 車 , 平人坐之 單 馬 車第 而用大馬車 , 若上等人必坐雙馬 時十二烟拿 入, ,而 , 故成爲特例 必有從弁 歐美所 ,別用二馬 次時六 無也 , 0 車 執 至上則 烟 0 最下 在前 金杖 無單

凡遊印者 切 附之 , 皆携 然實 非 人, 店夥 用至去時爲止。自餘印人皆操印語 也 0 其 人皆 1須通 英語 , 上者日給 盧比 , 無通英語者 或十二烟拿 , 若不用之, , 道 遊 切 卽 無 雇 不 車亦不 縨

吉士

坦

船

至

刨

有

土

人

託

名

客

店

接引照料

,

切導

遊在

店中

侍

食

,舖牀

如

侍

者然

室器

物店

主亦

者蟻集 國全同 驢馬 土金剛 樓四層 能 ED 則官與兵入焉。循大道繞行三十餘里 度則無屋非臺 左右及後 惟印人所居者未至焉 吾乃漫遊都 , 度宮室 既多 色 步不 雨水 廣袤動十數丈,厚尺許, 形 前後園林, 遠 殊 , 鳥 環以 蓋印 可 11 塞道 則鸚鵡孔雀甚多, 外大 雨水又少, 最 行矣 會 綠潤之致 爲 即極 石闌 道 舊物 , 奇 高尺 客店臨大道門 0 , ·四方四 是日早 偉 車 小之屋亦然 。是日遊公園,但遊萬貨場,一公園大三里,臨河有亭翼然 , , 作龍 許 揚塵飛屑 極 馬 ,樓閣二三層,高皆十數丈,門戶 , 瑋怪矣 如龍 略 , 門如禁城, 膳 與北 行人皆絕 身爲人首,後門作兩天神,以 孔雀 後 , 以灰沙蓋之 地 極 , 0 , , 0 新到 外公地馬道交錯 卽 頗甚 引水曲折 相等 一對 目 無際 命馬車先至書店購印度全圖及都會圖 ,崇樓巍閣 , 然體制崇閎,古數里爲石城近河, 奥穢 觀之 英人治之百餘 , , 僅取 遊 , 萬貨院 , , , , 過之揜鼻 甚聳耳 四邊作孔以寫水,頂上多作小亭, 七盧 茂松短橋 日郎 , 極大 相接彌望,復出至河 已厭 卑 , 夾植· 年 目 , 價 苦矣 也。惟道路不修,多有堆垃圾于通 , , , , 一白石雕成,大數丈高冠,相 極賤矣 僅遊 雜沓 大風 洞廠 大樹 而 治 圍抱 則 其 未至 , . 歐 凡十里許 黄 0 4 塵眯 也 印人食無可取 0 人宮室之制 , 其果則 是日値 0 多時 目 , 蓋英 英人備印變之所 , , , 印度官 休息 以 有 有 左爲總督署, 雨少, 人所居 類 石 , , 他地 燕京 全出 榴核 頂累寶相 , , 衣 制 惟 好 環遊 臺甚 糖 桃 端 政考 於 香 故草木皆作 0 至夏 物甚 [人影 印 嚴 過 中 風 皆 七層 衢 少 , 雨 , 多 與 如 半 有 景圖 者 惟 間 , 印 遊 潦 中 中 事 巍

頂

儿

日

遊吉埠

內

偏印

人所居

,

地則湫隘汚穢

,

衣服怪異

,

别

世界矣

0

其

市道甚窄

其店高廣

璃爲之 國耳 VE 無過 酒樓 印度文明而其 也 制 人民 0 男女皆無袴 女耳多飾 石,髹必以白 久而不少改,亦可異也。疑當日舊俗限制工商 皆久 食店 。經英化百年時 佛法袈裟之制, 在北京遊雅 而 若中人之家 大店皆是 五六尺者 冠 0 之賤 環 頂 衣袴皆備 僅 殆以是爲美觀 用 ,男子以 ,或累十數, 族 雞 愚竟與巫來由同 員 , ,日售貨金數千, ,深不過七、八尺, 牆心 塔 就 卵 和宮見喇嘛 , 羊肉 則 食馬 , , 不待 亦以數尺布蔽其前後而 雕花 Ŧi. 婦 , 白布 有 X 座中大四方小相輪十餘層 , , 曳英履 故 蓋 無出門者矣 鼻唇或亦 而 , 門外必 針一 無美 其 不肯 裹首 , 以  $\pm$ 。嘗見波斯人 縷 而 食 改 及 , , | | | | | 又以 穿英服者 匹 欄 其 人皆席地 也 有 , ± 赤布 ,諸戶 蓋 0 小 規模仍 0 夫 ·豐醫 長裙 環。 惟 皆 身皆天 布 纒 神 不 : 斜搭肩· 繞作衣 羅 纒 近 少女皆 如 廟 喧 , ,問之亦無袴,蓋衣服之修齊有袴 , 出 臥有 而身首足之間 地 列, 此 闐 身 極 , , 衣 故賤抑之耶?店上皆有 , 偉 , , , , 惟 百貨 無縫 又以 繡布 赤足 偏遊全印及其舍衞勒撓故都 矮牀 殿門平頂用三成 麗 上,蓋亦無縫之制, 而門常閉 , 吾令解 市 , 特擁 是 首 者 裹頭 , , 布纒 而 聞自二十六歲以 日訪 陀 0 坐 ,頗類 而 行則男女皆以 , , , 高樓 一無寸几 必有 視之 垂曳至地 問 下, 按 佛 **上海**, 有三 左右搭繞 寺 , , 一二 纒繞拖 首 未經 上乃 ,店陳百貨 , 一四層 陀 巫 樓 得 , 然而 手曳 Ĺ, 雕刻 來 針 男女衣皆 , S 則人家所 所 udras 由 縷 衣或袴 始可 亦 壯 牆壁 上有 曳不肯全衣英服 ,大地 餘 , 人衣多如此 , 今乃 者 無異 殿前二亭 麗過吾遠矣 ,數人蹲 穿履 弦歌聲 紅黄 下 爲 知本于 皆以 垂 居 者 惟 , 最 歐美及· 礙事 ,築必 色爲 , , 被英化 坐于中 蓋 低 M. Ŧi. , 塑菩 不意 印 甚至 亦 。男 賤之 惟 布三 多 辽 中 舊 玻 無 度

少變者,亦相遠矣。然所見皆印下等人耳 反,實有自立之氣勢,自歐人外無如中國者。 分毫不少變,其愚而不知大勢如此,其滅固宜!中國人之尚氣急功勤作智巧合種同心 業,至愚之知識,不合之人種,而與方興堅勁明敏之英人鬪,宜其主滅也。今滅國百餘年 通,即今言語分四大種,文字尚分十九大種,其小者不計矣。以緩急無氣之性質,懶散 閣崇嚴,全嵌白石,間以□之也●若世無苦惱,何待如來?又印度二百餘國,言語文字,各自不 薩像,如中土 開 方塘,佛像僅三尺,純石爲之,其偉麗皆中土所無也。又遊一摩 ,若其上等人聰明雄偉 , 此印度文明所以爲地 訶 , 與印 默廟, 球之先 Mi

藩司首道之比,權甚大。皆知吾舊事,甚相敬待,而波願連尤殷勤。吾自檳嶼來印 官先來不遇,並于是日見之。凡見警察總監海關長總督書記長巡撫書記長波願連兩長 不可以所見者該之,印之最不良者在人類分等,不如中國人類平等 槍三枝,短槍六枝,須見此四要官,發文書驗准允許,乃能携帶。蓋英治印法,不得携槍 五日,英官皆約于是日相見,蓋三日爲禮拜六,四日爲禮拜,皆無約見之禮也 枝者 必 須此四要官允許,乃可携行。貴要雖至印督,亦不得過三枝,其法密如此 近者風氣甫開,人心大變,與印人之滅國百年而不 ,此眞孔子之大功耳 。三日巡 ,携四十響長 ,如吾中土 捕 極嗇之作 0 故中土 總監派 ,常人 人相 舊俗

地長官皆英人爲之,無用印人者,而印人帖然,亦可想其治法矣。印中英官署甚廣

學印度二萬萬人,而爲官至高者,僅止高等法院之次等判官

,只暗携鐵尺,與美之三藩市息士高逈異

,

可以見英人駕馭印

度之法

故

,

餘如長官及各

,大書記長所

百餘年安枕無警也

0

人作工,于是忿恨相鬪

居立加 大署則役較多, 剌民政署 , 或至 高六層 數千 , 廣數百丈,用吏三千,各署門皆立印役 , 客至皆起立舉手。本官見客于辦事房 , , 相見握手 衣紅衣,大金線帶 , 移几送至房門 , 纒首 布

在

私宅見則送至宅門

林 行小 署,規模之壯 亦拱把。 高八丈五尺 延吾與女同璧在諸貴夫人座中 弁接吾繞至後大門 人對立, 亦至矣。 六日早, 葉之柱 印度則詫爲異觀耳 如 ,實一樹之千百化身 路小 檳榔葵類 印度植 游隔 ,亦異 門入 大幹積多藤相合 陳列英印兵千 , 種 ,略同 河頗多叨 , 吾 以 巡 , 物皆備 種也 其幹有鱗甲盈 一百三十 , 規模 .總署。是日總督不在,巡撫大會印王,吾到時 0 。以赴英巡撫茶會,故早歸。三時至巡撫署,四門 撫所請乃客也 數 又有樹獨幹上峙 根 ,可名化身樹也 , 植物園 臨恒 亦與 , , 逐有卅· 矣。乃大藤本既 威儀嚴肅 親禮 前 丈 河上,正對故印之故宮, 同 ,逾河五英里乃至。有長橋百丈至恒河上園 , 甲大數寸或尺,有垂藤千足 人之抱, 0 0 即在巡撫座旁 上崇階四 。是日客皆由 不肯行 , 0 昔在丹將敦島, 弱枝下垂,婆娑護幹, 上復下垂 五十 樹同本望百 , 當大衆爭之不得 級 後門入,吾不知誤入前門 , 見前列文武百官 , , 分布 園林烟牆樓閣 巡 撫夫 見此甚多, , 四方, 百樹望之,枝幹繁多 人出 ,大樹名賓膩 垂如 ,吾則還歸 有 接 ,署門外崇階數十級 但 五爪金龍 , 若千足 , , 洞 頗 皆衣禮服 稱 無其偉大, 巡撫 開 極 大觀。 遠 園 , 因 ,周二十七中 , 積 方見印 其事 其武吏不 , , 其高 蔭方廣四千丈 林千步, , 久皆成合抱 , 有 重門左右坐 大譁 計南洋 若千百樹之大 數丈 王 長木名□ 未暇 知帶吾繞 ,每階二 , 乃有 中 单 多有之 望似 ,大 因

王北面 代朝諸王,亡國之後王者大蓋如斯也。是日印王百餘, 王,故位最高,巡撫衣金繡禮服,坐于木方亭上,亭高丈許,方廣丈餘,上置銀交椅 其租稅,以數分與印王,故諸王無權而甚富,率皆月給一二萬,多或十數萬至百千萬,其故臣尙 茶立語,至六時天將黑矣;乃辭歸。吾國木蘭秋獮覲見蒙古諸王,想亦爾爾。但英人以巡 演說乃散,散時巡撫立南面點首,百官諸王皆立巡撫下座,百官諸王遂散。 又一紙若誓詞手授印王,印王以巾或以衣受之,額手稱謝而退。 百丈,直至前門,皆鋪紅布,坐立皆滿,近巡撫左右數丈者,亦有印王十餘人, 小者在南左右立 記長官旁坐,先立起呈册,請巡撫演說,巡撫起立演說畢,復南面坐,則一官帶領印王朝 , 略談問中國 則引諸王之受官爲弁者,見皆衣英兵裝上,其容尤肅,巡撫皆坐受之矣。 每王行禮畢 制略如中國寶座。後立紅衣兵十二人,皆執金殳,威儀嚴整,滿堂肅然,如入王會圖 大率與吾古禮冠服毋進委貌冠弁同也 衣綉多用 由中道上,至前三鞠躬擧手。一官口贊某王朝見,其大者,巡撫起立與執手, 事,問愛印度否。吾謝其保護。從者遞茶食,夫人延吾與女就座,時百官雜沓 , 雑花 官呈二銀碗于巡 文武官之南,則印王百數,亦左右對坐,其後立者,則諸印王之貴臣也。堂深 ,履昻首如古履 撫, , 亦有金綉者 一貯銀錢, 0 諸印王舊所有地皆歸英治 ,紅綠各不同 一貯銀色之糖果, 幾于盡見矣。印王衣服 。首帕多用金裝 一王退畢 巡撫親以 , 其私有地 , 再引 巡撫退入乃握手爲 引見既畢 一小銀 ,各自 北則 ,色繁多 王 英 小者則坐受之 I為制 錢 人爲之代收 印度頭 , , 脚踏 巡 諸王退後 撫 撫 糖果 謁 也 各自 瓌瑋 南 復 虎皮 ,飲 0 0 書 印 面 起

則地球所無 亦無其豪侈矣。印人呼王爲喇喳,大王爲可馬喇喳,印中之大厦枱几器用皆奇貴以喇喳之故 稼穡之難故也 此間樂不思蜀 用,皆效英式, 服事焉。多有馬數百,象數十或數頭,家丁千數百。印王旣無事而富,故住都會者,宮室陳設器 !今印中 誤入多有殺害者, 惟南印 , 惟印度獨有者。吾到印度,印人以喇喳稱吾,故受累亦甚。訏嗟喇喳, , 0 諸商賈見印王購物,則高昻其價,動輒千百,印王好則取,人無所計 出入輿馬,僕從執棍持槍,尙復赫然,其用度極侈,好洋貨奇巧及古董,蓋不 度 惟有玉樓瑤殿 蓋三國地大二千餘里,强勁自立,故英人亦度外置之,蓋守舊閉關之俗然也 □三國尙自治 ,空遐恒河也。 , 雖英人入之, 既見而哀之,亦復自哀瑣尾 尚請護照 ,乃能行其地 , 而吾中國 , 亡國 不容異國人 亦可爲鑒矣 , 此則英人 故 ,此 君 知

謬 七 長三四丈, 如龍形,大二丈許。 無其首而畫之者,形如猪,大皆丈許。有首如鼠尖,前足短而後足長,能攀樹 矣。其最資人考證者,以物質僵石爲最。有大象僵石,牙長二丈,首亦幾丈。有大獸之僵獸 日遊博物院。院制壯偉,體制亦仿倫敦,但遜其大耳。然印度最多古物,則亞洲以此院爲第 ,故古儒佛皆稱之也 高丈餘 , 昔在 牙亦長丈餘 0 其大黿骨丈餘 西樵山白雲洞 ,皆足證前萬年大獸之形體 時 , 大螺 , 陳編修得之于田家以相示 八尺餘 , 皆異物也 0 若其大象未化石而骨仍存者 , 此首正同 ,亦長丈許 , 知古傳 有 0 有首 0

有

不

0

其僵石成雲形或草木形, 無所不有 , 誠大觀也

以泥爲人,將各島如山之野人塑之,自無衣之野番,至有衣袴之印人,次第列之,以明開化之等

一六

亦足證進化之理。若吾中土,他日將黎苗猺獞狆及西藏青海蒙囘部東三省及中土之人以泥塑之

,亦可比較進化之級數也。

其古跡之刻石極多,印度緬甸諸古寺塔之石刻皆備。印人長于刻石,雖不如羅馬石像之精,而比

數千年以上之物,惜不識梵文,未能考證之。

緬甸 雕 佛像用純白玉,至可寶愛矣。揩亞之伽耶塔,霸拿拉士之塔,石櫺石像皆在吾後遊之乃識

之也。其不能移來者

,亦有影畫存焉

者。 印人長于簗造,長于雕牙,其古蹟大工 其他各山之耕織樹木藥林廟舍衣服皆有尺寸小樣陳列,令人一覽而印度數千年之服食器用 ,皆有雕牙 ,雛形甚精。其織金織席略如中土,亦有 可取 風

俗如見焉。博物院之功亦大矣。

此類 矣。其帆船農器與中土無異,蓋進化之理一也,故野人家之物,中外略同。印人之車 有軟石盈數尺,可卷摺。有響石,扣之如笙簧,若以爲磐則佳甚。吾細□□磐,不知如何 古琴,亦中空而清,以此言之,其爲琵琶必格,今歐人之以筝和琴者,亦腹空而大,則亦從印出 ,否則石聲甚難諧也。其樂多爲琵琶形,惟腹空而大,有大數尺者,扣之聲甚清。昔吾得 以一 馬駕之 ,當是

其王者亦有金輅,略與中土同也。是夕船主約看波斯戲劇,其動作音節,無

略

與北

地同

,

但體積

小而上僅四柱如亭爲異耳。牛車或駕三四牛

,

以蘆棚

一般一般一次,

亦

與北

地同

一不與中土同

,衣皆

長衣 明日十時過其寓,其從官言王近舍衞百餘里,有象二,馬五十, 過于印度。宜其自立之久也。若印度則僅與巫來由等耳。在檳嶼曾見巫來由戲,亦頗煒煌 ,亦五采奉施于五色者,西人亦稱之,逈異于印度矣。考波斯器物之精及戲曲皆近比吾 ,不如上海廣東戲而過于湖南廣西福建矣。戲乃文明之表著哉。遇一 地二百餘里,蓋小王也 印王,招呼甚 0 勤 , 印 衣 約吾 服 國

上層爲貴女座

隔以

沙

幙,

無燈不

·可見

,

蓋印

俗嚴男女如

此

印王 几 樓 中國某事 吾訪之。 夏去冬來 日十時與女同 , 皆四 ,則高 如中 贈吾油點心 土大坑桌者 五 ,然印王皆已化爲英之富人,無復印舊學矣。吾女與妾登樓見其王妃,王爲繙譯 樓大園 層 , 紅石爲之, 壁妾婉絡訪印王。 , , 雙,銀香盒 則王坐也 切皆印式。王年廿許,衣英服,能操英語,甚溫文,此王治地去□不遠 階皆分二樓,皆周石,至第四 。從官令吾坐毯上,吾不肯,王知吾意, 深入印 一具,吾答之以繡扇 人內地 ,巷隘幾難容 ,越日又使其弟索吾影像。二時又訪 「重,見 王席 大車 地 , 無几 又汚穢 令覓三几來與 , 鋪以地 , 乃下 毯 車 一步行 , 中設 對 坐 0 一大 一大

王皆在 其園 然將變矣 廣袤 英巡 , 亦不 半 单. 撫 若不 可不 座 , 中 亦 少存也 速往 英式 見吾者 觀 , 延吾打波 0 , , 故 則將 是日往觀棉花廠 殷 勤 無矣 0 , 吾欲觀其印 吾辭不解 , 今果然 , 在上海

曾見

之略同 , ,王自與其從官戲 度舊制 念之太息 舊俗 0 此 , 固 不料無之。 進化 0 , 是夕到支那街天后廟 吾乃縱 自然之理 遊其 昔英人言東方爲大 園 然舊俗 至 幕 演說 舊物 而 返 古董 足

窄 得, 數千 人, 關帝 或 鄉人而 聚居支那 精 興中華會館 月鄉人羣往 忘在外域者 總辦厚待之。 0 故若 細 74 人之來印者 |會自爲 與 自立 人無 盡此 廟 聽楊跨 , 印 聽 視異邑人如仇 印 0 其 街 矣 南 X X 其娶印 굶 雜 剪髮易服 祠之 馬 別自爲國 0 海 大商性 中土人數萬里能用舊俗,大地 鄉 居 能故 館 順 時新得印 百貨具備 自香 人咸 周 德合爲 , , , 約 備 婦及 也 , 而 盡 。以公費之足,乃日與鄰邑纒訟 各 不 進 0 廣 七 獻 極 Щ 與葡萄 一教者 嘉 裕盛 熱鬧 館終日聚賭 服 議 度 楊大昭始 百 馬所至地以 , 館 過 無 人業鞋尤易 人 , , 荒地 間 請與英吏言贖此地焉 。後楊 , 0 , 此則 非中 牙人 店 者 新 日 會 南 無 0 , , 與楊 國 餘則 順 印 通婚者亦有之, 他埠所未之見也。蓋各地 新寧息平開 嗣 垠,當與同 在乾隆時矣。楊以 , 用物。 以爲 度呼 不肖 , 館 □公館每鞋收稅□ 嘉應業鞋 , 0 中國 約六七百 蓋 ,典與 IE 上亦惟 業 其歲時宴會 周 平 車 人爲支那 數十里, , 公館 遊海濱 爲 公司黃姓者,黃 0 , 此則 廣 人。 邦人來此約四千人 中國人與歐 州業木 館 , 抽 販茶乏利 動 進敎易服多不認支那人矣。 地名唐園,今其土 東莞新安合爲 其 , 日 , , 一錢 問楊 費 羨爲 紅 四 故名支那人 人數萬 帽 邑 待中國人以此 , , 日皆有 入耳 公費 長衣 所欲 積久遂有公產二十萬 ,乃以其茶盡送英印 ,約二百人 姓 0 蓋值理藉以開銷者 轉 0 , , , 公館 盧卑 ,嘉 典 楊指 以剪髮易服 鼓樂爆竹 館 與 所 旣 、印人凡 居 爲最寬 二三元 0 應人七八百 地 眼 , 名東 番禺三水 前地 有 E 祠 |支那 公費 , 新館 儼 五千 卽 進 , 英人待之太寬 自 以 街 教 如 也 總 度公司 , 酮 蕃自 約皆 爲 中 楊 則 內 金 辦恣其 0 , 不知合羣 各招 是街 大恥 國 爲 地 廣 約 者 0 育 州 百 吾 也 總 人 三十 館 旣 幾 所 餘 來欲 所欲 辦 X 呼 0 若 Œ 其 故 故 1

而少有 民 而 愚,一至于此!若皇上之幽廢,溥儁之私立,益不知矣。天后廟者,爲邦人公廟,是夕迎吾演 所知。庚子大變 人異邑者,若不相識。此地旣有木鞋,足以養生,人樂所業,而無求于外 而被廢 集者千人,門戶堂壁,層積如山 內鑠,未有如吾邦人之愚者也。各邑既有會館 所 明 , 那拉后榮祿 , 蓋數千人 (,君奔) 無 溥儁等賊篡亡國,數千人乃如夢似覺,半信半疑, 國破,在吉華人,乃反謂李秉衡大破八國,八國償金十萬萬兩 閱報者 ,吾乃告之以近年中國之危弱分削 , 其愚冥之極 , , 實出 而 無中華及廣東會館 人意表而可憫 0 ,聖主憂國 嗟夫!比之歐人之智 ,故無地可以合羣 紛紛反覆詰 ,于故國之事 , 捨身變法 問 , 其夢囈之 乃 , 累 , 而 日 , 此 救 說 無 邦 ,

九日十二時 其 宮外牆 ,皆英式 如城 再訪 ,有守兵百餘,紅衣兵數人,擎槍守門, ,頂層爲家廟,十餘柱,有其祖宗畫像十數,皆圓金冠龍袍 一印王,以約十 一時遲到 , 印王旦出 , 僅遊其宮園 其左宮爲其祖老王所居,制 。此爲印中大王, 甚類 亦同之。樓 宮室尤壯 退乃

,

中

國

0

高四五層

則宜爲亡國之民

、宜其.

自念于鬪而

不自知也

!

印度所 遊動 遠甚 物院 獨 有 矣 剛 ,已爲來復六下盡,每人 0 角 傍晚 鹿高二丈餘, 有 紅 衣樂人數十 有猩猩 奏樂 大如人, 收銀一盧卑。園 , 裙裾 皆在倫 雜沓 敦曾見者 大數里, , 印王 亦多來遊者 萬獸略備 0 有白 象 , , , 有白孔 雖不 從人仍 如倫 持金戈 雀, 敦 白 ,而 相 鸚鵡 從 過于日本 此 則

十日遊 每幅 畫院 值 數千 0 印 , 蓋皆千年以上古畫也。 度大畫 略 似中 國 , 皆工筆繪 率畫諸王及后妃宮殿之圖,王皆盤坐金繡床上 人物爲多, 但 太方板 , 不 如中 國之生動 0 然貴 庶官跪於 重 其

ED 度 遊 記

地下, 印者 畫, 之治印度 後總督馬車來,則夾道人皆冤冠起立,總督亦冤冠答禮。後扈隊如前,共約百餘人,蓋英人之治 再 而 ,有 ,仍大用儀仗,以威異族。吾曾遊倫敦矣,觀英督之來,殆過英君主不獨其相無是也 其冠服 徧 訪 紅衣馬兵執二旗,飛馳來前驅,每隊馬兵七人,七隊皆紅衣黃衣,共馬隊四 逈 晚間總督自緬甸巡到此,沿途皆派兵守道,數丈一人,行各繞道 市上無之, 與治本國殊,吾常言勢因自然而來,理爲平等而設,苟非平等,則必用威, 極多,乃至宮女羣從,極有類唐宋時者,亦可考中外相同之故矣。吾欲購一 稍有 一二,筆墨極呆,已索千數,蓋印度之文明絕矣。以前遊博物院 , 其 (威重 十九人,而 如王者 吾國 印 。英人 。及 未畢 度古

亦可聳然矣

人, + 理 門皆設鎖。入門爲曠地,有囚十四新來者,正點名作工,初入者,頸有鐵圈 入者書名,第一重門為獄官室,有書房,其旁有巷亦設門,以待囚之親戚來訪者 人十,餘皆印人,共一千二百,爲印度至大之獄也。獄室立于一千七百五十七年, 有水喉汲水以 日入獄,禁幾月 ,穢物日燒去之。其病者入病院,有花草之地數畝,可遊息焉。其監房深七尺,濶五尺,每門 日遊監獄 惟不許婦女入視 浴 0 獄名□ 0 皆限鐘 能作工者,冤頸圈。 ,小女不得入,幸携譯人朱書郞同行 數 , 部勒其 。書記長官波顯速命其管獄官來客店 起下 久無過者加白帽 , 其厨 亦 極潔 , , 再勤而久者升爲督工 其羈所不作苦工 , 否則無從通語 , 同 一,但候 0 行有獄長 ,懸木牌,注名 英獄囚英人四 , 月給十六卑 0 人保 關防甚嚴 獄外爲 人 0 有 , 醫生督 重門 + 屬官五 ,重 土 何 ,

層 形頂 寥 官及印度諸王曁議員,皆于是時大集,百物至是踊貴,客店租屋尤甚。吾累閱 吉埠之特 , 而獨登覽之。博物院尚 十二日登高塔 有果食有印書者 其 圈 衆官皆避暑於大吉嶺,總督則避暑于瑪蘇喇,惟冬至後,總督始至。 , 外有 亦須 無樓 蓋爲印 二層 者,其童子宿以 ,各有 八時, 情 無舗 , 百 , 其惰 圓几桌, 度第 粉以白灰,樓高二層,每房三人或一人,冤致二人爭也。有磨磐極重費力 外護鐵闌 重門 五 干 而 墊之屋 , 金 來客者不可不知 題名而 ,其好室者,有水有燈,物皆美好,每所二十房,舂米磨穀百工,皆使囚爲之。 工者,鎖手足,日立七時。其好者與以床,有疏屋覆之,不在密室矣。獄房處處 一都會,在東洋自順天江戶外爲第三矣。 , 花 花木粗具,月租千 疎籠 , 亦須百餘二百金 , 上頂 木寥寥須廿金 有書樓,皆須請匙于地方官 去,塔亭一百九十四級 , **免爲壯男所要,印** 用□花形 , 以爲預算者也 ,以紅帽異之。 ,已須三百 , 俛視全吉都會 。吾後賃 五百金,又有 書用囚七百二十人 , 餘金 每級六七寸,高約廿丈餘 0 是時總督新 屋 , 每一入獄,加一 吾兩 0 , , 至春 無樓甚 層樓者 烟戶千萬 此塔惟來復日乃開 請而兩失期 後則總督及衆官皆去 來 舊者, , 横四五 , , . 樓閣縣 鐵圈 百政忙甚 每日 月須百 , 至則 尚未覽也。吉埠正 印 房 , 若錢 互 , 矣 五十金 無鋪墊 開議院 0 萬 , , , 又近 環以 數屋 吾問: 上下 五千 在其手 , 物價 匙于 恒河 西 部 , 而 有 ,不過樓屋 層 抬 椅 床 月索七百 関兵 窗 也 ,有多至十 , 逐減 罪大者日 改 地 , 方官 朔 月即 微 作 故 Ш 像 , , 停 此 熱 綴 於

工之日甚多,

吾約總督以見期

,

是日得總督覆書

,

以新到忙甚,未有暇日

,

故遂行

,

以晚六時搭

極苦矣。水亦不能飲,甚苦渴,惟藉水果以自解耳。一等艙上下四榻,中一活桌,二等艙上下五 女,其貴人大家久習不肯與男人同睡,故英人順其故俗。印車極不潔,又多深夜換車,行李多者 汽車入阿喇伯焉 去卡拉吉打凡八百英里。印度汽車男女不得同房,蓋非自包一房, 。先是檳病瘧 ,久聞人言阿喇伯有雪山,可養病,至是決往。 則不能同睡也。 阿喇 蓋印度俗別男 伯在中印度

榻,惟其一等艙僅比歐美二等者耳。

土氣 管八英里地 十三日十時一刻行至烟打飛路。此地不冷, 如中國之道員駐箚焉 。十二時到阿喇伯 , 每人日五盧卑 ,其兵官導遊一切,蓋因印之舊城爲之也。 0 0 共設官二十人,隸北印度號訶副巡撫。遊其砲台 地爲大鎭,英人一千又五百 ,道廣數丈,屋院宇甚大,皆平頂 有鄉村風味,有廟,所 ,土人五千,鴉片即出 有本地所鑄之短砲, ,印式也。投客店, 事之神曰葛地土, , 其地 有紅衣兵三百守之,兵 長尺許 簾幙用 , 有官名襟尾 , 印人所 名可倫謀打 帶 , 大 順 有 奪 奉 塵

,可打一百英尺。

汽車十餘時,又三轉車乃能至,憚其過遠 既遊其市,土牆茅屋,如中土北方,惟大屋皆有樓,樓皆列門如鴿巢,其門淨板,有木柱 鎖或貼銀紙 象者,以鼻挑草而食,若村野之繫牛然,亦不多見也。有大橋過洞 長二百餘丈 ,如中土齌醮燒幽紙門,其式正同,乃知本自印俗,數千年守舊不改也。野人家有 ,亘臥恒河 , 沿河遊一 周 ,不復往,乃卽日行,往遊印之故都丫忌喇,並訪佛跡 , 無 可 觀者 0 阿喇伯 絕 無雪山 , 每洞鐵柱廿一 惟 瑪蘇來有之, , 每柱 的八尺 去此 ,加以

0 夜九時搭汽車,上艙二十六盧卑,中艙半之,下者三元半,丫忌喇卽摩竭提之轉音 也

後 帝 者 註 , 帝 , 含觀 Y 者 厄 忌 巴 打 喇 Agra 勞 爾 地 Akbar Sekandea 據 輿 又 圖 改 公 此 會 lady 圖 城之名 作亞 據 之 日 加 爲帝 厄巴 拉 , 古 爾 城 改名 代不 巴 德 日 過 Akbarabad, 伯 \_ 小 都 爾 邑 聚 臥 爾 , 始 自 Bednighua + 達 極 六 瓌麗 世 紀 之 之 , 宮 又 初 經 殿 , 有 半 , 直 世 至 紀 

沙之汗

S

hah

jshan

朝

,當

六

29

七

年

,

乃

遷

都

於

爹

利

delhi

機山 夜 僅萬數 同 惜其少水。印學生曰,支那亦不過江河二水耳,吾印度且有五河,何少也。蓋彼習聞中國江河 之苦在此 須彌東走萬里 十四 以爲此外無水與印同也 百英里 自中印度五河環之爲本都名蹟外,此無少□矣。故極目林野,沙塵漠漠,幾與瀚海同也。 , , 東亦數千里無寸山 則 可至真印度之中矣,以中里計,吾行將三千里矣 日早九 爹利 地較吉爲冷。 爲印故帝都第 ,印人之愚亦在此。遇印人二在倫敦大學歸者,問吾愛印度否?吾稱其古代之文明,而 時至屯架喇 當即舍衞也 **山** 盡而爲大原,盡印度數千里皆大陸無山 十時到摩竭提,途望白塔,三座鼎立,高跨雲表,其名他治 , ,與此正同 一大都會也。吾按圖地爲中印之中 轉車 爲之神往 其可異如此,非親歷印度者不知也。停車 自加拉吉打至此凡 。然因此故赤道風來無所遮隔,故極熱 。此去摩竭提二十英里 八百英里 0 曠 香平原 , , ,故仍先去摩揭 , 揩西間有一二,亦不足數 自此去孟買亦八百英里 臨 恒河 , 絕無寸山 , 與 時 佛書自稱中國 , 提 英教士語吾爹利去此 , 因無山 0 , 屯架喇! 聞 至孟買 ,汽車 , 故亦復少河 蓋冕之義也 乃小鎭 0 日言恒河 亦然 加拿大落 旦三 印人 ,人 ,蓋 IF. 僅 而

河 天,如吾北方。恒河乾涸,上流幾不通舟,然河邊河上洗衣服者千數,若河面則甚濶,吾昔經桑乾 ,甚相似也。 隔數里已見此塔,乃歎印度宮室之美,其開歐洲之先路也。野中林樹稀微,牛羊成羣,塵土坌 漸近見紅石砲台完好。女牆作圭形,森峯高矗,蓋七八丈,下臨恒河,名厄家披

士,蓋前四百年蒙古帝禁城也,今英旌颺風

,以爲砲台焉

0

閱 域記作波吒釐子城 址在今巴哈爾都市之南十六英里。 摩竭提Magadha 祇城 Raja 周 五千餘里,今考故址,周圍凡八百英里 griha譯云王舍城。 國 ,其址即今巴德拿 Patna 都市 , 幅員甚廣, 佛國記云 後復遷華子城 Patalputra 為首都,即佛國記之巴連弗城 西域記卷九作短奢揭羅補羅城 Girivaga,譯云上茅宮城 ,跨歐德Oudh 巴哈爾 Bahar 二州,其首都古代都羅 ;凡諸中國, 唯此國城邑爲大。西域記云:摩揭 其故 陀國 西

元太祖成吉斯汗使駙馬帖木兒平印度,卽王其地,蓋印度人事神而失于愚,故數千年間不能立國 當千年前滅于囘敎,至是又滅于蒙古。沙之汗 Shah jahan 三帝,皆帝丫忌喇 , 其子孫傳

蒙古弟□帝渠巴路AKBAR 始由舍衞遷摩竭提傳遮哈基路 JEHANCIR

今四十前爲英國監禁,瞽其目。

明嘉靖二十七年爲孔子生二千一百七年也。息裝入店卽往遊,陵去市約五里,陵方廣約里餘 乃卽此陵也。此陵爲沙之汗后打士馬哈利所築,費金數萬萬 英文圖地球大工,于印度輒寫沙之汗之陵,昔于影畫多見之。 , 既到摩竭提 十二年乃成 , 先睹之雲表 在前三百四 十八 ,門 年當

石拱 相輪 皎潔 鐵几 焉 級 每成 外爲翼觀,內亦爲五臺,石塔方廣堂甚高 植藻養魚焉 0 凡門二重,上皆作圓亭,周環堵牆,高二丈許,前作崇門,左右兩小岡,上築樓榭 0 ,門高八 廣深數百步,略如我禁城天安門前頭門,崇閎亦略如天安門也。階分二成,下成六級,上成四 人納 :數層,又二丈,殿四角,作四圓亭,高二丈,每亭八柱,殿形方如中國明堂。四 七級 ,如置身瓊樓玉宇中矣。其中爲陵殿,高七八丈,頂平,上列大圓塔一,高 ,環以石欄, ,中爲高門,穹崇五六丈,兩旁皆刻梵文花草,純白石,髹各刻二層,石窗 皆洞 以 備 盧卑,乃入中陛,長百丈, 通 九丈,頂平,上立十圓塔,高丈餘,四角爲四塔,用銅片貼之。 中爲沙之汗君后 。自中池四五十丈至殿階五級五墀 人遊息。東西分道,各長數十丈,園出以植花木。中道亦分爲二 , 十餘丈 曲折奥突,皆可拾級登 純白石,石之精潔滑澤有若美玉。前無中階,分左右道 ,皆紅白花 兩 塚 , 圍長方斧形,以瓷燒成,亦圍二塚 白石爲玉,中作方池 ,而周 ,約五丈,入門環三打,短形之廊,作數百室如朝房然 遊如 ,墀廣數丈,于是至大方臺 山洞然。 養魚焉 凡印度宮室門堂皆如此 。池石皆刻作卷雲狀 , 周圍 , ,二十餘級 , 臺二丈餘 其中為池 仰視作圓穹形 用瓷作欄 雕鏤 廣五丈,上着 ,入門 面 如如 , , , 玉則 高六尺 各列四高 廣深三十 廣 凡三成 有 盈丈 74 鐘鼓亭 左右 一旁道 兵守 銅

堂也 殿左右復爲 其外六石臺, 親門 門皆 四角立方塔四 分三 ,上下三層 ,高亦八丈,與中殿相稱, , 圍欄 后圓頂 , 花 刻劃 精細 侵入雲表 , 門用 , 凡四中臺 連 鎖形 , 五 , 方廣州六丈 室九 個 純 明

角形

周約

引流泉 遺庙 殿塔 畝 望 明月照之, 几,以備 殿臺後 國之悲,陵谷之變,墟墓興哀,益增山河之慘矣。十五日歸途遊摩訶末大庙 矣。英人于摩竭提不另立公園 蓋蒙古帝所親祀者,亦三四百年物矣。墀中有大池 餘則皆紅 0 各列白石 殿高五六丈, , , 、殿塔純白 尚 月色如畫 上侵銀漢,光景奇絕 全植菊 ,開 存摩訶末 ,下臨恒 遊人瞻眺 石矣。離百步爲左右襯樓,高廣亦五六丈,有複道長廊以通之, 方塘 亭五 瓊樓玉宇 百種皆備 。是夕遊 精滑者也 河, , 而殿臺□二丈餘 , 左右四路 故宮同說沙之汗 左右平廊 0 築石壁臨河,高五六丈,其工程之廣鉅,誠可驚人。 河樹縱橫 , 與恒 人甚多, 。臺下周室數十窗戶,玲瓏皆可通行。大工糜費稱 , 覩京華之故物 , 河清波相映, ,不忍去也。此景爲中土所無,雖始皇驪山之陵 , 頂列 每路長六十 , ,水流瀰瀰。自白石臺下爲紅石臺,深三四丈,廣數百丈, 士女雜沓 即以此陵爲之。其臺殿前 ,合計 , 十六白石亭 玉樓瓊殿 亦七八丈矣 , 七步 庭前 仰視碧落 , 西女時倚樹而歌, 一參天影 ,廣 有白露暗滿菊花園, , 門 文餘 頂四 。有兩石 ,遙接烟雲 ,貯清水,凡祀 , 長照 高亭 , 凡三 曠地數百丈,分植 恒河 華表,高十 , 重 共四 忘其爲舊國王陵矣 , 澄 徹 光 明 , 眞 疑 天 上 月色寒 , 一十亭, 流連至十二時 前後五臺 神者洗而飲之,故牛飲者無 丈 吾以十五夜再來遊之, 周環成堞如 亦異觀也 雄大地 , 殿頂皆平 , 嘉樹草坡 ,亦純以白石爲之, , 樹 尚未有此也 始去 0 陰花影 , 全在此 有 0 圭形 吾有 0 菊花 , 置 非復 中 回望白玉 , 鐵 離 時 園 矣 詩曰: 及左右 自 盈 離 几 人間 置 0 其 相 陵 鐵 數

十五日遊蒙古故宮城。五百年矣,周一英里半,高七丈。宮門作左右圓頂

,

中平高:

八丈,

門頂塔

牆暗 八尺 乳向下 ,厚五尺,砲孔長尺半,廣四 上樹英旗 , 廣 濶尺餘,凡印度城牆皆如此 ,共三門 ,有英紅衣兵數人守門。紅石舖地,斜上作曲尺形,而入正門,女牆高 寸,斜下而放炮,每牆二孔 。然印度之城牆,其制已勝于吾國矣, ,城牆厚丈餘 ,女牆皆 城有 作 主形 ,

塞其二

室 治時 石柱 高 作 # 每石 或 城內皆爲兵房 祖 五尺 長 登 頂 可容 也。 四 惟頂 曲 與帝師八哈巴爭坐,後決于太后 四十五石,蓋貴命婦膜拜處也。其中殿拜位 廟 蓋佛囘之師 折 殿廣 經 殿中 高 用三大白塔 人 此 五尺 周 數房可登頂 廟 膜拜 望丫 七間 左右五柱 I 程 惟留古廟 , 環牆高 忌喇 ,蓋君臨大集之殿也。上用圓拱形,尺寸皆石,左右作三室,皆純白石爲拜 七年,爲沙之汗孫所築 ,其尊相 ,方柱三十二,簷臨門用牙形 , 四 , , , 頂皆平 深四柱 烟樹 角 七尺 類 白亭前後各六 , 樓臺, 故宮 , , 十二級 幾與羅 , , 厚約 紅石爲之。 皆可 0 ,乃議定臨朝皇帝正坐,帝師 廟全用 二尺 馬教皇同 , **俛**瞰 74 , , 角有· 當今前二百四十年爲孔子生二千二百十二年 共 , 中 白 無牆中有寶座 十二亭 0 亭皆 - 立三圓 出 矣 , 石 , 帝在中, 師在左 廟 白石如玉, 0 , 門用木作方黼 數 八 神 ,左右前 十步為 角者 塔 側設石座 , 塔空其 , , 殿門四 門頂 乃大朝之所 大殿 長四尺,廣尺半,凡五百七十石 , 形 內 高三級 旁坐。講道 ,可見回教傳教者之尊 用三亭 , 殿前 一十九級 , , 門廊 有 ,帝師 有 門 , , 大石盤 前門作半 頂皆圭形 左右各列 山 , 分兩 入, , 帝師 所 階 高二丈許 立 , 講者 五鐵鼓 員 登 IE 月 方七尺 門 坐 形 外爲列 ·昔元 本朝 也 制 ,共 用 似 由 地 順 金

水嬉之所,溢則流于階前

,

又有水管流下

存也 者持宮殿影 後爲方殿,前爲八角圓殿,環廊有十六柱 藏金銀珠寶者。吾少憩殿前,下俛恒河 0 中國之不能保守古物 畫軟石紛至,遙 , 不如印度遠矣。此圓殿爲沙之汗后文吔士麻嘻常居之所 沙之汗當年因心思吾中國之阿房銅雀結綺臨春, , ,其前三柱臨恒河,此圓殿內室皆飾寶石,上有二石龕 極日烟樹 ,蓋北殿在城牆上者,下瞰數十丈矣 惜霸圖 麗跡 0 此 (。守殿 皆不 有十

四子

會臨

朝十五年云

0

每一 殿倚城樓 正中又爲白石崇臺,臺上開池,四周 又過爲公主之室 七萬金,則當時金殿之所費,不可思議。右出穿廊,三室與左同,是亦正殿,皆純白石爲之也 左右四柱 雲可坐一宮女浴之,其泉甚香,可飲可浴。對樓殿四面上下列室,庭廣卅丈,有十字石階 ,後臨恒河,前階三級, 雕鏤 ,亦銅瓦 極 麗 飾 銅頂 金爲底 ,穿廊三間 有方池,池石皆作捲雲形,前後各十,左右各六,水管凡五 ,而 植花,地皆有卍字石形,英人補植芍藥,可婆娑也。左右廊 加鑽石雜寶飾之。英人補其一角, , 前亦平臺, 廣數丈, 出爲便殿 下三尺,上尺半 ,前後二 重五間 外無牆 已費

也。 管 右室爲君后浴池 環列各室皆爲浴池 鑿石爲雲形 , , 未知比隋煬之浴池 前後室二池, ,蓋各宮女所用皆爲白石爲之,有自中□垂下者 皆嵌 何若?覺湯山行宮之浴池 雜寶飾金刻花 花如芍藥 , , 寒儉甚矣 着色甚 厚 , , 然益以徵國 皆白石 如 玉 朝之儉德 中 藏 水

各六室

正中樓殿三室

,

有

御坐

處

0

叉出 廊沿城樓爲 一殿 , 階三級,室爲橢圓 ,下雕花 ,上飾雜寶鑽石 , 中藏 寶鏡,今爲英人挖取

禁殿 環抱 昔蒙古帝竭民力而成之,今英人取之,乃保全之,爲遊覽之所矣, 右重樓,旁為襯殿。總而言之,自大殿大平臺至此前後左右凡為三重,正殿合共九大座 後樓殿兩 是日歸途見王陵旁有放火處,乃燒人首者,火化固印度之俗歟 殿稍小, 銀花 ,樓閣數層 切純用白石 重 然想見阿房之蜂房水窠幾千萬落,建章之千門: 頂樣銀花作三角攢合形。旁出爲藏書殿,每書皆爲石龕,飾以金花, ,左右有廊,中爲舞殿 , 複道相通 ,如吾太和保和殿階, ,洞廣交達,上下鈎連 ,左右中三亭爲帝后坐處,餘爲宮妃坐處。殿 則爲中土所無矣。 ,忽斷忽續 萬戶 極奇麗之事 ,非親到者不能想像也。 ,曲折窈奧,出入皆迷,規模比吾 然可爲建築美術學者所取法也 , 非極無道之君不 華麗: 後又爲 甚似北 ,而 重殿 若其殿瓦 能 長 ,左 京 廊

門數丈, 赤城 八寸,故印度之宮室,皆全石皆樓閣洞 五級 十六日遊昔根嘉頓,距丫忌喇十餘里 三百三十六年爲明嘉靖三十九年也。頭門石樓玲瓏 大數丈,八柱中亭頂起,四亭四角起,塔高三丈,其三塔之頂坍矣。塔石用瓦桁式 霞 一而開塔洞,又下十級而 門上有梵文,又上爲窗,畫大花枝。隧道深五丈,墳堂高七丈,封長方如棺形,白石無文 起 陵正殿崇樓五層 誠 詭 製異觀 也 0 , 殿十 語洞皆通,又八級而至中層臺下十六級 高九丈四尺 間 , ,蓋蒙古帝厄渠巴路巴沙之陵也 中 , 通, 每層 問最大 蓋山 縮小 洞 形也。環以城牆 ,上四層而至平臺, , 穹頂: 每層皆爲 作六 角形 平臺 ,而有一亭,又十級至地級高 , , 飾以 四角有亭 一。帝爲沙之汗孫 臺上列亭塔數下 臺面中爲八角平頂長方亭 金花 下作 周里許, 連 ,自臺下十 ,此陵當前 故遠望之 左右崇 中爲

外室圓頂大花

列沙迫襟,封處雕白石極精,有刻字。右一間亦其女墓,制同右,附葬一 右室爲其女墓,室高二丈,雕石作連錢形,鋪階用五色連錢。附葬二棺,乃王子也。女名錫格倫 孫女。右二間爲孫女墓

揭,玉石白瑩如羊脂,長方尺餘,誠瓌寶也。又隔三室爲其孫婦墓

0

小亭各 頂鑽 四周 矣 隧道 石, 左右室旁有石梯三十五級,至二層大平臺,廣一百三十步,深一百二十八步。 殿前旁築亭 惟第五層純 三亭于中左右,皆亭上載亭,上亭爲第四層臺前之亭矣。第三層臺方廣六十八步 有 蓋用黃銅飾 (。又上十五級爲第四層臺,廣四十三步,深四五步,臺前後左右各五亭,亦二十亭,亭尤精麗 白石亭四 四角皆有角亭,夾殿爲二襯樓 繞廊 石 頂作圓 , 4 , 而空其中, 無矣 用白石 殿凡二十一戶, , , 龕 種樹鋪席 五采,映日焜耀,與餘白石亭不同,又上十五級至第五層矣。此殿各層均用紅 中空處有白石臺, 0 ,又上十五級至第三層層臺, 74 ,雕窗之花,玲瓏皎潔,精妙絕倫,惟階稍窄,祇一丈餘耳。樓方三十二步 廊 牆戶 廊廣七尺, , 携酒食打波將宴其間 中作隧道,前列五亭,亭頂有亭,則爲第三層臺前之臺矣 , 式 如主 高尺餘,方三丈,臺中供封處如棺形, 廕以石瓦,皆作方圓塔形,階石方尺,有黃白黑三色, ,高三層 , 瓦用 石 ,四周臺深二十九步乃至室。臺前有白石橫亭 前後左右各列五亭, 脊 , 略 同中國 ,此陵殿之制 共廿亭矣。 刻鏤 瓌詭極矣。英人于陵 極 殿前十 環以石欄 精 , , 中爲陵堂之頂 有 。階 座 戶 頂用白 頂 分左右 上供 分峙 左右 四 石

角

金

南

丈,九室四正四个,略如明堂之制,正門有三正堂,深丈許,鋪地四色,八角花石,黃白黑 如圭形,方約 是日又遊咽麻 ,如一地毯 ,今歐美多仿之也。四室有小門四個及中堂爲葬室 刀拉 里 ,四方崇門角立,四角立亭,備極壯嚴。門有鼓亭 ,蓋沙之汗宰相之墓也。墓門外之路,花木夾徑,五色繽紛,圍牆如城 ,四門外各有橫池,上下全用白石 ,似中國橫殿,二層方廣數 女牆 相間

雕鏤玲瓏 · 其花頗方板 · 少生氣 ,而有多印人挾紙筆摹學之 0

中室爲宰相夫婦墓 , 封長方形 ,用黃瓷燒成。 其妹爲沙之汗妃 , 葬之右室,復右个葬其子,

个葬其

女,

其封少大

,左个爲其弟夫婦合葬

,

皆燒瓷爲封

四牆皆作戶形,戶戶不同 爲白石塔,高十九級 頂爲平臺 ,白石如玉 , , 中立一柱,螺旋而上,皆白石爲之。遙望摩竭提 中爲方石室 ,刻石爲花,極精麗矣 ,瓦亦用石 , 上蓋圓形 。牆柱皆嵌 , 地嵌大花,以雜色爲之。左右 紅花,臺廣廿六步,室方九步 , 烟樹萬家 , 在斜 兩 74 中 門 角 ,

帶恒河與王宮斜對 , 亦極俯仰登臨之感矣。此堂雖 小,而雕鏤更精 , 相之墳,奢麗如 此 , 蓋

當蒙古朝極盛之時也。

自丫忌喇至麻 刀喇三十五英里 , 至敦拉十五英里,至舍衞 一百四十二英里

科烟拿約中 計殊艱, 丫忌喇 米價 故人情鄙吝狡詐。售物開價過十倍 國 , 上者一盧卑八磅 錢二分之間 , 各物亦與中 ,下者一盧卑廿 + 略同 , 與之購物多一科烟拿, 磅 0 0 牛肉 屋 稅 每磅四 每 百 取 |卑士 二十 , , 令找換,即借以遁去 小屋 羊 肉 月稅 每磅 叨 一二盧 烟拿 卑 男女工 0 0 其 其屋 民生

引水甚深而 久爲帝都 禁呢順 駐 , 機箱文房四寶,其貪盜如此 難 出 焉 金繡 井皆數十丈 小廟 ,光華耀 極 多,大率皆頂上塔亭崢嶸,不暇悉數悉遊矣 目, ,極整潔,以牛引轆轤而 頗 可觀 0 , 蓋謀生難 街道廣大 ,可容十軌,屋外皆有地栽花 , 故習俗壞也。此地與大衞皆爲印度大都會 挽之。吾以寓小客棧, 而花木極繁。英官有 , 動盈十畝,惟

0

者 萬千計 0 番檜甚多, 十七日二時自丫 。印度屋 有 運物以駱駝騾馬連屬于道 雁子數 , 沿途多鴉片樹 中 皆數層,平頂,上作方室或圓亭,螺旋而上,牆及瓦蓋, ,一字横飛,風物略與中土同。大樹下有石 土物當從此來 忌喇往 , 乜刀喇, 自摩竭提至舍篇皆然 0 , 果多同中土 如吾北京 上艙 一盧卑零九烟拿,下者六烟拿零三 , 蓋去克什米爾本不遠也。 , 荷蘭豆尤多 , 以毒我中國者 如 , 而錢樹多如榆柳 人如獸 0 佛與鴉片同 惟象不 , 飾以 厚皆數尺或尺餘 一卑士。 甚見 紅 , 高 布 產 道上牛羊被野 僅丈許 , , 蓋 地 聞多在南印度也 印人祀以爲神 , 異哉 , , 戶 極 皆聯 目皆是 石榴 ,以

四時 爲之。自來中 然光大整潔 到乜刀 喇Muttra, , 印度覓佛 土人索高價 迹 昔爲都會,今則蕭 , , 人四元 皆無· 有 , , 先給銀 英人告此地 , 條矣。室屋落落,乃無英店 乃得爲食 有之, 故特來 , 蓋客遊 訪焉 此 者亦 鮮矣 , 僅得客店 0 床無 褥席 , 茅檐玻 , 以白 窗

列

柱

甚多,粉以白灰,蓋歐人宮室之制,實出於是,所過數千里皆然

0

之。 入村市 沿河岸 遊 行 樓 閣 臺室 離 奇 丽 , 廟樓塔 多作塔形 , 連 日. , 方圓 白 曲直 , 觸處皆廟 , 凸凹 瓌 , 詭 廟中或奉 , 不 可 一羊, 思 議 0 或犬豕, 自街道樓 或上半人身,或 屋皆純 以白石爲

于中 詩日 都 鼻 如山 羅門 詩 且 0 因 眞 日 終 會則皆英式 重 紅 , 白灰 《孀居于上,數十年不下矣,是亦關 異境也。或抱 女尼 然其屋必樓 云 無 知無猜于物 日乞食者皆 亦婆羅 鬱 頭之人 遙尋 數 不許外教 茅蓋蘆簾白粉屋 0 昔見南 或作 極 人道之和 禮 門祀 神 古 , 教 JII 神 , , 不 洋巫 字形 然 如此 神之法 者 人入 形 乜刀 , , 絕 得印 樓及 可 哺 極 亦 , 其 喇 來 無 失自由之性 與物居矣 詭 無 , 0 , 如見地 子,長· 或作 猿猴盈街塞路不 佛 度之真相, 街衢必以石 由 數 異 , 0 , 繩床無褥來一宿;只見恒 落日 蓋此 迹 人禮神, 0 , 有 以花 Λ , 吾不 石神 獄變 V形 0 4 大異常,居人以至養之, 地皆婆羅門也 羊 有 擲 , 舊 至此 全紅 復 相 神 紅 滿 皆以白灰 ,形制不一,體 , 觀之矣 盼盼 圖 或 前 野 俗多如是 石 爲故都會 鼻亦 樓, 原 可 而 , , 瓊偉 數 左右手有 膜 燕子 , **夐然數層** 塔 加 作 拜 , 0 , 樓歟! 與 歸 廟 額 僧必 詭 紅 , , 白點 皆 來 T 異 而夷爲村落,乃見數千年印度之面 有 人雜居 , 所捧 河 小 重 ,眞不 式各殊 頗訝之, 以白灰或紅 二婦 教不平等所致也 無佛蹤 飲 蓋印 猴 , , 雕鏤 或 蓋婆羅門固 持如 無猜 萬億 人持白茅尺許 夜月 可思 全白 俗重 , 此 想印俗之遺傳歟 其 日月, , , , 則吾中· 精 與 短牆 來看 其額 上牆 議 男輕女, 灰 人人並行 也 點 , 月 如塔形 廟皆小, 額 言 合掌婆羅 0 0 , , 庭院 此街 土尚 大 至大寺 上照幽獨 戒殺平等者 , , 寡 約發願至深 承 或 , 寸許 ,下則 棲宿於 市名沙打力 遜之也。 +婦多如是 ?!道窄 點至三 不盈 數畝 門 , 百户 小 0 0 杜 廟 丈。 土人言過河 瓦 , 徐步園 塞之, 佛特 目 碟 環 遊 人擠 者 點 , + 哈 印 周 其大者層高 级 , , , 者僅 黄 點 數里 奪 貯 閉 循 或 , , 蓋某王 際 窗 腥 線 油 梵 作 其 傷 瞿曇 僧 、法耳 吾 至多 有 然 0 天 有 線 婆 有 火 坐 地

宮室即 三十層 杵觚形 亭三重 皆如 亦頗 丽王 第三層樓亭,上作平臺,左右襯樓 僅數尺,柱乃無數,遠望其頂 十八日遊婆羅門天神廟。 水於門中 角道爲內殿 石右翼亭二層 諸洞奥深,穹窗多柱下 班 純 以紅 Ш̈ 類 宮 駁陸離 洞 仿 中國 , , , 尤取 也 山洞 繗 左右 每重十餘亭 石爲之,體制 , 施 結斑駁 0 , , 蓋穹圓 惟 中 千怪萬狀 Ш 錢乃許水焉。神名遽爐愼 襯 , , 洞之瓌 每層 其後漸 國宮室 廊 高 臺皆平頂者,多方圓形,多柱,皆白粉爲異耳。天神 ,猶正殿也。今守廟人以爲厨 , 數亭, 如中 上十二 ,每亭十六柱,每柱皆雙立,每柱 瑋 闢 怪偉,遠望之如山洞 , , 垂,柱上極多鐘乳 殿 驅車八英里 皆用木質成之,故稱曰 者 平原 無 重 每亭十六柱,深三丈許。入第二重爲中 0 , 寸平淨者 後體 高不過三丈, ,亦別爲一層,高數尺,柱亦無數,其頂半平半坡 ,皆作無數亭,亭形十六柱 , 不 - 忘其溯 漸 , 中層 變 ,道上印度屋舍園林,皆極新奇,蓋皆印人之故家 gklong 0 , 頂 左右襯殿 取其近于人道者 0 故印人宮室必以石 印度背倚須彌 而 ,怪石突兀 如蓮葉,旁覆而斜垂 雕鏤 [堂構 , 其不敬與中國人同 天神人物 , 0 男一女,被以 去正殿丈許 頭旁飾 雖極瓌偉之殿 ,層雲離奇 , , , 而 其初民未居 柱及簷際 , 凸凹 鐘乳 頂 , ·必多戶 必 , 其 大 體 , (練服 而已。 高二丈許 [數尺 殿 下垂 圓 閣 ,當正殿有守門者 9 , , 頂爲穹 皆飾 必 多柱 原 無數,上皆作岩洞广 廟爲三千年前 , , , 全殿 凡四 多戶 野 略 步登百級 亦不出木料 如 鐘 , 其雕鏤 , , 干三 多牖 四 乳 圓 必 駢 Ш 一旁樓 洞 居 , , 列 F 凸凹 層 蓋 Ш 垂 洞 0 , 近回 既至瞻 分三 席 吾昔游 門八達 無數 洞 , 垂 , 邊王 盤 故詩人動 地 中 如 0 , 置 魚粪 重 其園林 若其 洞 高 亦二 形 錯接 乃 視 所 故 桂 一盂 , 1 0 , 作 門 其 入 神 其 林 0

物, 物, 之無惜,若在中土,則 外武梁祠孝堂至今畫像尚存,亦足見石室之可垂久遠矣。文翁爲□創石室之祖 之取鄴亦 所費不貲矣。乃吾遊加拿大,新地甫闢 矣。光緒五年 稱大廈須樑棟 工則用鐵 累于中國之故。印度巨宮古廟,動數千年,瓌構瑋制,相望于都會。今歐人宮室,寡 以前宮室絕少,合古匠建築之美術不傳 仿之,以中人之智,工匠之巧,以列代無道帝王之侈, ,則成效之强弱盛衰逈異 人居始自 若多加 存 不如石之料堅而持久也。漢時文翁以石室祀孔子最爲智者,其七十二弟子像 甚非策也 印即 然 洞窟 藻繪 度必爲大地宮室之祖師 ,石疊層樓 , 風 雕 ,太和門之災 明世 檜 裕至愚 故中國古宮室,多不能久存,若項羽之滅秦,隋之滅陳,皆焚燬其宮室, 鏤,亦文明之容 巢之餘 建三殿 ,以壯 ,無保存古物之念,以資考鏡,然印保存之,區區 每木值數萬金矣。夫木料畏火,遭火卽燼,以無量之資財 ,在古人豈知之乎?故造始者不可不愼也 ,波爲木構 規模 ,再爲堂構 ,取材川楚 , , , 推其 不可已者 而規久遠;小室則多開戶牖,多列柱棟 , 本末 洞窟之餘 □體寒陋,皆由用木不用石之故 ,巨木徑丈及七八尺者無數,英人非斮折爲小方木 ,費至二百萬, ,嘉道時尚然,一大木柱乃運至五萬金 , ,此亦天下後世必宜法者也。 則中國先起原野 , 波爲石 而不知易木以石, 而大柱尚非全料者,不過以數木合之,而 室 , 而 人居始自檜巢 木構 必 滅 木料 計中國宮室 眞不 ,以通 。日本室皆用木 , 石室永存 可解也 , 亦非可 ,今川楚大材已乏 , , 惜後 ,而 印 風 宋 度 氣 先起 購 師 人泥 時 , 將來必 , ! 今中國 作端偶殊 其法 尚 垂久遠之 此易燼之 而 周 美觀瞻 構 一 存 ,則 山岩 ,大 武帝 , 亦 知 此 無 明 焚

去美神 壯觀也。道廣三丈,左右牆上立二石人,四 僧人數百 廟百步 ,門外數百步合抱以長廊爲半月形 ,則爲哋拉位們吧土廟,廟爲此地婆羅門大廟 |角亦 ,東西凡數百戶 然 ,門樓三層 ,數百柱,大門內左右 ,已千年矣。規模極大 , 上作平 臺 , 頂 為橢 圓 圍 ,體 拱 廊 形門 制 , 亦同 極 閉 , 內 具

第二重 上如塔形 , 凡十 層, 七窗 , 左右各五窗,窗皆突出尺餘,每 層 旭 五. 尺 , 皆雕 鏤 天神

外有堂三層

,大門以鐵略似中土

,

但分寸皆雕

鏤

,

壯

麗遠過之耳

物 , 極詭異 望之如層雲干霄 , 前後門制同 第三 重 , 前後門亦同 0

中殿 許 曝日 大拉 廣 亭,凡十六柱 亭分二道 0 蓋佛法 數肘 殿後方廣百步,而爲大方池 雜植 前門 馬 皆黃 經全得矣 烟 宜名 閉 花 一切皆本于 , 僧出 紅 皆雕鏤作 而 木並安厨焉 白其額 開 日丈室也 。環殿左右皆僧舍 0 經 後門,以聽人行,惟異敎人不許入。 是僧 相 婆羅門,佛但證悟不生不滅,不垢不淨,不增不減 連錢 示 , 與猿猴雜 賣藥 0 0 是僧寫 鋪席置 因購于 , 其旁植花或立小塔。是日或是道 , 贈我以藥,言婆羅門高僧多在兼賣云。 ,水深綠色,循石級五六十,可下池。四角有 街市 書器于 坐臥 出婆羅門經名 , 如中土寺式。 , , 亦異 ,其上, 三大部具備 觀 高僅 也 , 猿猴無數 0 間 日 有大銅柱 八 , 且 尺 馬哈巴拉地 知 有二經爲舊 , 僧名押 頗整潔 , 當中階 僧人數十 場 , 鐃鈸 同 ,二曰巴尼呢 , 本 與 利 , 日 始見歐美訂書用厚紙作皮 高數丈, , 鐘梵之聲 , , 凡三十餘 本 稍 或坐或 ,不著不染 有學者 人同 四 臥 石亭 圍牆爲廊 0 , , 室內 鏗 三日刀 ,于 金,可珍也,于是 , 招 然猶 , , 臨池 別有 僧寮 增 入室 釐 其 然 爲 語 玄妙 如 室 尸 1 廊 一大方 加拉 庭 前 中 , , 丈 以 耳 或

舊 書籍之制 加以紅綠 無 之色而 效 皆出自印 西 歐者 印 花 , 乃 度,今印既微,人皆知爲歐制 焉 , 知出 自 底至 自 印度 面 , 讅之以爲希臘羅 0 蓋印度三千年 , 而 前 馬 與希 古法 不知爲印 臘 , 今閱 相通 制矣 已久 印度婆羅門 , 然則古文明之國 , 文明久經 經已 輸 如 此 入 , , 故宮室 印 不悚

馬哈巴拉 地 馬 哈 卽 摩 訶 Maha 譯 言 大 0 巴 拉 卽 婆羅 Brdhma 譯 言 梵 , 蓋 大 梵 經 也

哉!

巴尼 呢 教P按 教語,即梵i takrit 此i 語 種北 , 梵二 是 典種 經稱梵 或散典 即斯,推克南 是利種 E而名數。 Sanskrita 所名數。 7 即教徒稱之日 ali 乃淵源于 山錫 西蘭 吉之 ,宗 乃教 淵語 源。 於又 此稱 印伯 度勒 之羯 宗語

花木 又遊咦啤哈尼拉 中左右皆有 左右各七柱 分七八格 甚 麗 0 , 小亭, 殿級 殿左右有 , 柱 數十 理勒 形皆揉曲如籐 中 樓 八角亭, , 闌呢花 神抱琵琶 左右爲石池 喇 每柱皆三垂 ,雕摩精瑩驚人。頂爲平臺 廟 , 殿簷兩 0 , 三重五 此 廟 純 層 , 殿階 層作 白石 ,牆邊立兩大獅 流 , 二成三出 水道 雕刻 **尤麗,**門 , 委曲 , ,三層橫列八神 如太 , 頭至 如腸 ||捜頂 和 殿制 殿瓦上,尾垂地 , 刻五白石人,體 皆有闌 0 殿分三開 , 皆以白石爲之。 , 上有 勢若 , 斜身攀上 , 小 亭 句 開 飛 , 在 Ŧi. 0 殿脊 門 門 油 內 中

於我國 歸途 人今日綿力 過 矣 大 0 廟 中 , 殿似 而 純白 新廟之壯麗 中 土戲 石 I新樂者 園 , , 尚 其 0 如此 上環接 甚 l似京師· 0 若其 , 其下膜 大 人居則湫隘陋小 廟之制 拜 , , 膜 環 拜 廊 處皆 合抱 , 貴人大衆室高廣不過數尺 純 , 以異 方嚴 端正 色石爲之, , 惟 處 方長百 處 皆 樓 皆 餘 其僻于 丈 石 , , 印 渦 偉大可

驚

,

雕

鏤

精

絕

0

此殿蓋

專

以

雕

刻勝

者

,

亦數百年

矣

靡不卵 山澤而: 平之世 仁,而 原野 孔子 大地 事神 輒惻 狄,至太平世乃遠近大小若 大功鳥 矣。此皆婆羅門教者 能保人, 人不敢踐之,其仁及螻蟻又如此。觀其養猴雜居,見蟻戒踐二事,印度俗之仁能及物 ,而 , 立三世以待推 ,故印度人不敢殺獸 然傷心 其他疾疫,困苦煩惱,萬千民未能保,何 焚之,禽獸逃匿 求之過 , 。是以 人獸 疎于人事 飼鷹 田 ,三滅于英 「獵罟獲以 , 蓋二義不 驅 雜居。 速 亦主持戒殺者,然今世界始通 , 捨身 獸爲仁,驅之而後能保其類也。 , 以 行 ,宜其弱也。出廟散行,有游蟻大隊過從者,誤踐之,帶遊之人詫勸謹 是則人自私其類而攘殺 時 理想之論 餇 , ,溥博淵泉 ·能並· 已國不保 虎 ,但能節之而不戒之,非其仁之不至也, , 而後人得平土而居之。周 , ,故戒殺亦婆羅門之義 , 立矣 蓋婆羅門先哲有此舊論 致狼虎 0 , 而早 推此言之,據亂之世親親, 0 ,夷爲奴隸 , 徧地, 而 夫大道若仁愛矣,於行之至與不至,亦有 見實施 時出之。據亂世則內其國 殺人無數 禽獸 ,人身不保,有類羊豕 ,諸侯並立,弱肉强食 , 先行此數千年 中古灣 能及物 , , 而佛從之,非佛創法也。婆羅門先哲創教已極 古聖多以此爲功。 公時尚驅虎豹犀 ,近年英人治之,然盛亦 , 故成爲 **患難除,而** ,故後聖專言安民 升平之世仁民 俗而實不 , 而印 而外諸夏 時 未可也。吾每見殺牛豕 , 人遂至極愚 , 人未安樂 象龍蛇 民未 蓋教義太先不應於時 當堯之時 可行也 , ,故以 昇平世 能保 , 孔子亦僅 ,太平之世愛物 殺人萬 其 0 ,或列國 婆羅 極弱 , 時 , 實非 驅 禽獸傷人 則 , 數也 猛 內 反爲大害 門先哲心 , 黙平 諸 遠庖 相爭 戒殺之時 夏而 滅 能愛物 避 故也 洪 于 雞鴨 厨 , 過于 膏塗 益烈 故太 外 ,謂 術 ,不 口 , 故 夷

保國民而未能及大地之同胞,況于禽獸乎?只可行立憲君主之時,而不能推行人類皆平之事 通池 北有高樓 其體制亦出於是也。石山洞以灰結石爲之,有門,可居人。出花廠,乃有一院 數,其下鐵網爲百鳥之巢焉 十丈,分左右門 臺處開一大池 于禽獸乎?苟失其時 行及數千年太平極平之說,宜其害也。禮以時爲大,今中國當內其國之時 未至寒而先衣裘,未至水而陸行舟,其誤害阻塞必甚矣。今婆羅門先哲于數千年亂世之先 綠蔭森森。 石山高丈許 兩大亭 堂數室 後 莊嚴 為横 雜 植 , 樓 , ,堂前 盤上有銅人立焉。花屋以鐵網木架爲之。凡印中花廠皆是歐人 水草 迤北爲方池,植荷花 纒 頂爲臺 , , 籐草 頂爲平臺 有數洞 , 植樹 池中爲三壇而宣其下,以容游魚石橋! , , 近左右亭二馬路夾以花卉 ー, 樓前 自左門入 , ,亂其序,其害亦如印度而已 有水管焉 。出院繞北,有大道夾以花木,至桔槹亭,引恒河水入園者,則園 , 山後小樓有神龕 ,臺角爲亭, 甬道有橋 0 ,門有樓數室 循外牆行 , , 用線 來印度未嘗見此 ,過水至園之正堂,當園中焉。堂樓三層,前堂及廊爲 可以遠眺 瓦可 ,若中土祀花神者。正南有三銅人捧大盤 , 爲小圓屋 ,守園者居之。入門至臺前 坐。 , 則當前臺矣。 ,印人屋頂 堂前有長池廿餘丈, 且戊戌逋播以來未得見,雖方冬無花 0 ,歷雜樹爲花廠 四時而歸。遊印王之園,甬道夾花 通焉 , 0 自正堂後 無非臺亭者。距堂前 臺上爲鐵圜 , 夾 環以石路 , , 左石道曲 池爲二區 山羊長尾鼠 ,亦未至太平之日 , 加以 而下爲牆堵焉 玻璃 , , 環以 左右十二 中 ,二大樹 , , 池中 - 爲泥池 以大藍葉 徧 , 較修 北 圍 地 餘丈 牆 有 面 0 ,當前 , 半月形 夾之, 矣 潔 養猴 牆 ,只能 **,**而 9 , 而田 橋 內 ,有 。正 正北 廣 , , 然 미 有 況 無 IE

,

所費無 從人睡熟,不及轉車,遂宿于候車場 則爲果樹菜畦,少荒蕪矣。自荷池正出當大門 凡卅餘柱 深之致,不 體皆印度舊 田之葉,如覩故人也。 忘其身在萬里異域矣。行數十步,又爲一臺,此內則花畦以卍字紅白黑石界之,以植花草 司 璧一人別女室 數 , 如 痸 此 蓋 一十二耳 也 臨恒河 風 。其院落之多, 俗然 不 0 ,圍以石闌, 也。循河行 池中有方亭,內外十六柱,雕刻甚精,是則中國所無矣。循道北見二大亭, 能睡 以此亦可窺印度古制 也 隨處點綴,或亭樓 極莊嚴,一爲神祠 爲大石臺,方長十丈。石欄點筆 , 有一室少客,惟未能解衣而寢 一斑。是夕九時,搭汽車往爹利 ,夾道綠樹,又花石之草畦,稍似 ,或院或臺 , 爲公□地也。印人爲此亭,全石全雕 ,頗似中國 , , 終夕車聲隆隆 朓 , 望 惟太 , 烟 十二時至押 樹 (方直 西式 , 風 ,然印 , , 波 擾 11 媽 驚 沙 曲 , 此外 度全 無數 新 然 RAN

大陸 焉, 兵凡三百 未之見也。 十九日十二時到 城 , 註 且 地 但層 經 衞 價賤 城 亦 多 **参利** Crararti 蓋久爲內地 故 高不 ,實都于是。道路之廣濶 舍 世 衞 如歐 0 ,卽古之舍衞也。今印 國 夾道 0 人耳 鉢 西 皆樹 , 邏 域 不須重鎭矣。英人僅二百餘,餘皆印人 0 犀 記 若其庭院 , 那恃 作 其大道茂樹數重 室 羅伐 多 王 ,宮室之宏偉 大皆數十畝 悉底,乃鉢 , 音日爹利 卽 波 斯 , 匿 不 0 邏 田 P rasemajit 舍衞當印度之中 知德之柏 , , 犀 吾行地球大半 道廣數十丈 那特多王治 林何 如耳 ,凡十六萬五千三百五十一 , 之國 則 , , 又 臨 東 遇歐美遠矣 0 稱 都 英東有 盡亞洲 恒 勝 0 泂 考 軍 , 佛 禁呢 王 自古四 國 西 0 記 實以 至 順 稱 歐 爲 舍 人駐 地 都會 美

,

,

此。 河環抱 八十級 丈而: 塔,相望不絕,掩映于烟樹中。印度數千里無山 人, 二,入英人客店,店外園地數十畝,可徐步 光 景 純石 印及古士大夫多居于是,以屋占地廣大,故相尋極遠,人居無多,而 今雖以在陸不在 **,** 而 小環瑋 , 憑眺 驅 故 , 莾蒼盤亙數里,此外土山數十重環之,英人新築塔于鷲嶺顯二十年矣。高 成佛窟 一登嶺 山河 氣象萬千 ,雄壯如此 , 蹴步登塔,憑欄四望 海,非舟車之總滙,又夷爲郡縣,非復帝室皇君之時,象教已衰, , 四爲帝都 ,覺新京金陵無 , 故地靈再積 ,舟車-走集 此氣象也 ,樓塔臺觀,極目無際。 也 ,蓋非偶然,宜佛之生此土也 ,道里均便 0 , 惟舍衞城中有鷲嶺,今名曰之雅士 蓋印度爲萬里大陸 , 士夫會萃 夕陽將下時 ,工匠 , 而 精巧 綿亙百 。住舍衞四 舍衞特當其 ,與烟樹 , 故規模之宏大若 數十里 無復居 日 中 Ŧī. , 高 河 層 , , , 樓 土聽 僅數 登塔凡 而 Ш , 步石 閣 又山 相 經 映

自宕如玉 守之,遊者給以一元。此殿築于蒙古帝沙之汗,在前三百四十七年,費十六萬金 即日遊蒙古禁城之王宮,高壯與丫忌喇同式,惟殿堂寥落,僅有白石大殿數所耳。 三十二步,頂爲平臺四亭。 見物影 小 殿左右引水爲溝 石柱 , 四 ,綴嵌 雕鏤精絕 , 兩旁以石爲窗 紅花,橫列六柱,深亦六柱 ,詫爲至寶。右殿雕飾五樂,窗分八角,皆刻連環,左右室水嬉之殿也 廣丈深尺,皆用白石, 殿基跨城樓上, , 刻花玲瓏 , 中置大石寶座 通于右殿 前臨恒河 ,共三十六柱 , ,今近城處僅餘小水 蔴 以 影 壁 , 全雕孔 , 所嵌皆以銀及寶石爲之。正中 0 雀 影壁之石 ,今無矣。 , 草樹 白 殿深二十四 極 無 , 亦有 殿蓋至地 如 際 晶 , 極 如 英四兵官 步 為 0 鏡 目 有亭 寶座 莽 , 純 , 能 廣 蒼 用

分二成 寶石 梳粧 皆雕花 正殿同。寶座臺後開 殿左右二十五柱 見之。 其子所居者。 ,其光可鑑 亦爲水道,左室爲其子浴池,皆純白石爲之,有水管穿殿,中置鑿花浴盤 浴畢臥飲之,今尚 處 左轉爲 , ,高八尺, 前對端門, , 皆用光石爲之。 深四尺,四 , 比之 丫忌 喇之 浴池 神殿 頂亦五采門,垂半月圈,其石能照人,加以疎櫺,以便婦女之覽觀也。左殿 ,共 備極莊嚴 , 直當頭門 「面水溝 皆純用白石 在。右室爲蓮花石座,以引水管, 門, 五十柱 再出爲王浴殿 與後殿通,四 ,似仿用中土之制也。 ,正北爲臺 ,廣二尺,皆嵌雜寶爲花 , 極類 ,以銅爲門 ,光明廣大 吾中土禁城 ,中置寶座,各四柱 ,深廣倍之, 面 有闌, ,過之遠矣 , 有石枱置食物 規模 惟矮小,不及中土之半耳 亦有寶座 雕 , 引水 。寶座臺之牆,用雜寶嵌 上有光石蓋之。後浴殿 。隋煬之浴池 畫寶花同 ,皆白石雕鏤爲之。柱 流紋漪象魚行 , , 亭高丈許 其門制同丫忌喇王宮之廟 0 各殿及浴殿浴池上下 , 鑿蓮花置 , 極 , 其雕鏤 此王妃 0 ,其長五尺,置香水 為 鳧鶴 花 鳥如 浴殿 用 雕 , 蓮花 略 不 石大方池 生 與 皃 純 也 0 出 雕 座 Y 用 0 寶座 于此 後有 忌喇 飾 , 飾 大 司

王城有 中有 大池 摩 訶 , 純 末 大廟 紅 石爲之,膜拜者徧滿其間 , 崇壯 無倫 , 殿基五十級 , 惟 , 廣 回教之廟 百 步 ,正殿巍峨高十丈, , 必禁人曳履 須跣足而入 上載 數亭 , , 14 故吾皆不入 面 宗樓

夕遊博物院 , 有獸如羊 -而兩頭 ,名巴父路見亞。 ]架所製瓷器, 似吾古鐘鼎 , 有 雕花木碟製 頗

矣。

印度遊記

精

出

沙

寒挖

掘

云

身軀

裸體

何天臥泥塗。

供祀妖像羊與猪

,

馬身象首塗粉朱。

人持香花與燈俱

,白牛

入廟膜拜咨

0 美惡,視乎人力爲張 住壞空本非相 此月曾照瞿 猴千億雜 曇面 人居 ,億籾 , ,施以豆麥走群狙。形俗愚詭可駭吁,如入地獄變相圖。 諸聖河沙皆曾見。 弛。非道弘人人弘道, 變幻只 須臾 。嗟爾象教浩大亦滅絕 今我感愴 可鑒 人間世 可懼 可驚瞿 ,何況人家朝代國土之區 , 劫無兒者如水逝。高天蒼蒼 。悟入諸天更無着 編尋佛 , 明月照我 品 教萬里無 0 固 大地 知 自清娛 教宗 成 搏 無

權

大地之無

凝

, 乃諸天之常存

0

是時

編訪佛跡

,凡有

告大廟

,

皆三蹤者訪之

數丈, 而至墓 也 無他 四角立四塔 二十日早食出 前之佛所樂講堂也 名鉢揩 有告二十一里外 左右各三十九戶 大王所手植 0 三百年矣 所 而 頭 但用泥 重環抱 語音既近 至 也 ,外門樓 扇下車 城 0 0 , 封。 殿若明堂 乃與同壁狂喜 ,四角牆上有亭,四方有門爲四堂,堂各列十戶,印度宮殿之壯嚴多類 , , 都會 爲遊印度所未覩,心窃異之。 有舍衞至古之廟,驅車至此,時已正午。道中 遠遊舍衞之郊 0 其地以鋪金易之,今廢千年矣。 二層 殿頂平臺,分左右兩階 , 則壞殿 , 亦應山 ,下開五門,頂亦作平臺 ,五室九个。中堂三丈餘 頹 , 礎 Ш 0 知此地果爲舍衞,此地卽須達長者布金地 先遊颯德利靜陵 濚洄 , 觸目荒涼 , 氣象逈 ,上臺凡十 , 與同 有 異 導游 , 東監廣數百步,周繞皆作長廊 , ,室二丈, 指殿上之鐵華表日 其蒙帝瑪哈乜薩及其文思妃暨其 必爲舍衞 璧言舍衞在中 者相接 五級 , 殿開· 0 , 臺 則 旣 群 爲舍衞 廣 告我 印度 九門 Ш 百步 蝣 日 , 蜒 , , 此 臨恒河, 三層 , , , , ,皆自鷲嶺 中又爲 此堂即諸 此 必 千五百 有 而 二千五 佛之遺 至隧 考 ,戶 殿 零十 百四 地 道 相 經 , 出 用 此 沙 跡 按 高三層 所言祇樹 , 十二年 得 年 焉 , 圭形 又三層 圖 0 是時 高 ·阿育 僧者 0 , 僅 地 更

外有 乃歡喜無 給孤獨園 山 坡 量 也 , 六 0 俛仰摩 重環抱至前 恍 然見佛與曼殊普賢迦葉阿難舍利弗說法處 抄 焉 , 0 而 布金之地 布金地居其正中者也 , 橢 員 周 七 里 , , 其 臺觀相望 西 一半尚· , 至誠 有泥 , 今 所信 難頹廢 橋數尺 , 雖 八舊址 譯 , 而 難 焉 通 石 構 0 , 依 而 莊 嚴 Ш 得之意外 營構 , 遺 構 , 其 多

所 註 地 , 稱 鉢 Mahe 揩 頭 , to 譯 音 近 代 爲 Mah 考 古 家 æ + 於 或 其 謂 地 舍 掘 衞 出 城 金 之 石 故 銘 址 記 所 , 在 證 地 明 祇 英 粛 文 伽 稱 藍 S 故 ahet 址 之 地 0 0 祇 鉢 樹 揩 精 舍 頭 音 遺 譯 址 之 或

存焉

0

是Mahet,未知即是舍衞否?

諸 云 遂 王 及 註 或 大 0 精 王 眞 抄 法 人 善 祇 舍 顯 民 , 施 園 Ξ 七 競 爲 遺 藏 毛, 與 建 址 自 供 精 都 , 宏 杰 養 舍 據 始 大 , , , \_ 諸 懸 昔 唐 年 國 僧 爲 西 發 王 幡 伽 域 跡 民 蓋 藍 記 皆 而 , , 卷 西 散 今 六 大 悲 花 E 室 , 惱 荒 其 燒 羅 時 香 廢 伐 0 當 悉 0 , 晉 中 然 又 底 降 略 燈 秦 或 景 安 續 城 四 法 南 明 法 年 顯 顯 Ŧi. , Ξ 六 初 日 , 里 距 到 H 藏 4 不 佛 , , 已 4 國 有 絕 日 記 逝 0 Ŧ. 見 鼠 多 祇 五 佛 衝 洹 林 百 空 燈 精 , + 處 柱 舍 是 有 給 , , , 愴 餘 燒 本 孤 年 花 然 有 獨 t , 心 幡 園 然 悲 層 蓋 勝 則 云 軍 , ,

須 達 長 者 布 金 地 , 此 堂 卽 諸 經 所 言 祇 樹 給 孤 獨 粛 也 0

廢

E

不

止

Ŧ.

年

矣

大 城 註 外 此 , 精 何 處 舍 有 建 地 立 之 , 不 始 近 , 不 北 遠 本 涅 , 3 槃 饒 經 泉 卷 池 Ξ + , 有 , 好 記 之 林 樹 最 詳 , 花 0 果 經 鬱 云 茂 : , 時 清 須 淨 達 閑 多 曠 白 , 舍 我 利 當 弗 於 大 中 德 爲 , 佛 此

者 須 不 設 金 百 斷 果 # 達 足 置 步 事 賣 我 尊 , , 自 者 今 金 隨 , 0 , , 造 錢 云 祇 金 言 漏 願 時 及 門 未 陀 未 何 布 爲 比 丽 , 樓 遍 念 周 粛 取 其 無 丘 有 者 言 遍 屬 地 上 僧 , 金 , 須 , 須 0 法 此 造 , 0 , 達 不 猶 如 祇 達 須 王 處 立 長 復 來 陀 達 不 , , 最 精 者 須 法 造 言 祇 多 相 勝 舍 金  $\pm$ 陀 言 與 寸. ,  $\Box$ , 0 七 取 僧 可 舍 , 0 , , , 日 請 眞 長 其 須 坊 利 金 安 之 以 實 者 0 意 達 寸. 弗 , 見 若 不 中 無 須 多 惟 精 言 與 言 悔 7 仁 , L 涬 舍 , 成 粛 , , , 長 , , 0 祇 當 立 我 所 隨 者 善 地 陀 時 大 自 說 卽 共 哉 意 粛 , 須 林 房 爲 妙 聽 時 往 ! 任 達 , 佛 法 祇 中 多 止 使 詣 , 足 人 斷 陀 造 聞 不 0 , Ξ 立 选 清 須 車 事 林 是 近 寸 百 淨 達 馬 地 語 不 人 , 門 吾 遠 無 多 載 所 屬 , 4 樓 染 言 負 我 己 , 0 , 禪 時 欲 卽 清 , , , , 當 吾 千 買 坊 故 隨 汝 往 淨 使 靜 使 不 集 長 便 祇 , 寂 如 處 斯 悔 布 者 取 能 陀 寞 來 , 人 也 地 卽 金 見 大 , , 多 六 長 0 , 共 0 與 + 輕 偕 祇 否 者 有 自 由 Ξ ? 陀 所 泉 寶 念 B 往 出 所 乃 當 之 答 祇 池 斷 , 入 告 礟 出 中 事 言 陀 , , 冬 祇 者 , 答 祇 樹 0 , , 夏 我 言 陀 卽 何 唯 所 陀 林 员 室 長 語 藏 Ŧī. 0 , 言 花

樓 正堂體方 , 四正 爲門 , , 縦横六 , 高二丈餘 + 步 , 略 , 中 計 堂 中 爲 國 干 庭 四 , 此規模之大概 五. 丈 , 階崇七 也 級 0 , 今西南方室柱及樓門 上下純石爲之 , 堂上 盡 四 圯 周 爲 , 惟 室 東 , 北 74 南 角 有

角樓

以

內門

柱

樓室

, 獨完好

,

미

推

測

焉

堂

,

各

各

别

異

,

厨

坊

浴

室

,

洗

腳

之

處

,

大

小

靑

厠

,

無

不

備

足

云

東門高二丈 横楣 石高四尺 , 以 石爲 , 凡 牆 14 石 , Ш 皆有 凸 四 花 層 , , 門牆厚 每 五石 丈餘 層 , , 韋 石 牆皆厚五尺, 厚 五尺 並刻 其圍 花 , 牆 第三層 距七尺二寸 石正广 門 , 丰 作 開 員 拱形 一大

印度遊記

各四柱 窗 土,厚二尺四寸, 十五級兩成 楚人秦人巴人滅庸之歲也 用,或植花者歟?圭形之長孔終不可願,中庭近西處,則阿育王之鐵表也,高二丈餘 方土,長方七尺,高三尺餘,又築土如圭形 ,近外柱圓 樓 窗,柱之相距四尺七寸,每柱高八尺四寸,柱深三層,故每門至角樓,凡二十四柱 ,窗高廣七尺,每一方兩角樓外凡八窗,于四窗中爲門也。每門至角樓,凡八柱 周刻梵文,當一千五百零十年前則魯文公十六年,孔子生前五十八年,魯文公不視朔毀泉臺 深四重 上凡門三,窗二,方廣 共十六柱 ,柱 ,乃至樓 共二十四柱 皆刻花。約十層,柱上承長橫石,橫石承石板,卽爲蓋矣。蓋用灰沙爲之 中作灰沙尖堆圓形六七尺,餘爲長平臺,可自角樓登也。角樓高七尺二寸, ,刻有牛有人,角樓頂平臺爲灰沙尖堆 , 上有 ,與東北不同 八柱 一丈九尺二寸,六柱 ,中空無柱 0 北門廣六尺餘,楣上雕神 ,列長孔二千,又有方圓封各 , 皆雕花 , 承石板 ,上作圓 , 南門頂亦爲小尖堆 ,作石瓦四 拱形,凡石十三層 , 方, 室外有渠, 角有 , 員 佛 , 封二 深尺餘 南門左右各六柱 像 ,所 ,每兩柱 , 雕花篆甚 重 ,近牆 ,圓徑 每樓下四 , 不 中 間爲 尺餘 如 柱 知何 庭有 凡 古 方

佛堂不類不完 堂上近西,有三高門 堂東外有廊,廣二丈,長四丈餘,凡餘四十四柱,柱石刻畫,頂樓毀矣,尚餘石板之半 兩 石架 殘破支撑 殊爲 可恨!四門外西堂右存十三柱 , 皆回 每門兩 教所毁者 重 ,高 五丈, 0 西 方餘牆 編刻可 , 回王所爲 蘭 • 經 圓拱 ,蓋七 0 , 百年矣 其新柱則英 左存十三 , 一柱半 回王所築也 人所補 , 蓋右隅 , 堂上盡此 無門 丈餘 存 亂 矣 五柱 0

曲抱處 二,其一高約丈許,一圓一方,蓋殿臺之址,皆佛故跡也。外有石亭,方數丈,又外有石院 堂南九十步外爲長廊,廣丈餘,深凡三柱,橫十一柱,共三十三柱。曲抱各四柱,共十六柱,其 亦五尺,廊前有門,高一丈,廣三尺六寸,凡存六門。又外牆作圭形,以灰沙爲之,牆外有石堆 ,柱多缺壞。每柱距六尺,廊頂用石三層,作拱。是廊凡十石拱,重爲二十石拱,其牆厚

格,各廊柱皆無刻花 堂西之廊柱十五重,今餘四十五柱 ,減于堂制,堂北無廊 ,其曲抱者無矣。廊柱石拱,今存十二重,失其三矣。 ,不知舊制有否? 頂凡十

牆,

此則後人所補築者

0

右一堂三廊,凡柱三百零四 ,皆須菩提長者所營。其傾倒者,英人皆以新石扶之,其英人所補之

新柱,今不數焉

室,外皆白石築之,今外石已破,但見磚泥雜沓,矗聳于夕陽崇岡間,直成灰刼矣 堂百步外,西南角有壞牆三重,斷礎遺磚,淒涼滿目。牆高三丈,厚六七尺,每重九門,近有

堂直西一百四十五步,石門巋然完好。門凡二重,皆高二丈,廣丈餘,上爲大圓拱門 三,中作 神龕 ,尚完好 ,高廣丈餘,頂爲平臺,此室如廊朝內而與西南之壞殿相連矣。惟石皆純 , 南有 石室

其堂東則 一切無存 , 驅 車直至堂東門矣 ,惟堂十餘丈外,有 一丘,高數丈, 上有石亭,其石乃大

白

與堂廊之石不

類

,或後人所:

補築

世,

印度遊記殿頂倒下所爲者,此亭至今六七百年矣。

石 廊外 , 爲回王夏馬潤契附之陵,于今五百年矣。陵石牆高廣數丈, 其門正方 , 周 刻可 闌

經 其封形 如棺 , 高 丈餘三成 0

堂北出十丈有高家, 而外有牆 以磚築之,凹凸有陵 爲回王亞多丁陵,于今七百年矣。其高十五丈,圓十六丈,中開 ,上下四旁,皆出小羊樹,望之如 直 上山 家,真詭異之製也。印 四 窗 , 頂平

堂北 數十 步 , 有 井深廣 無盡 , 蓋數千年矣,昔印王開以爲佛 井 云

度如

此

陵者甚

|多。吾于冢得古錢

, 乃印度千五百年前

者

,當西晉時

矣

,

亦異寶

也

有井深廣無 盡 注 , 按西 域記卷六給孤獨園 西北舉帶宰堵波 即塔 Stuha 側 不遠 , 有 井

斷牆 抱,層 帝心 堂東南 而發皇 几 百五十年 遷城 如 來 **率**願亞慮 有塔 層 在 可見 世 舊址微茫 前 前不見古人,後不見來者 舍衞第 爲蒙古三 ,高二十四丈二尺,螺旋而 , 汲充佛用。 ,寺觀相屬 打馬士所築,今七百年矣。登塔頂,俛視舍衞形勢,百里山河,指點在目 , 一代帝多古勒 次都城在一千七百年 山川濼帶 其側有窣堵波 ,前有 恒 河所 顏垣十里許,爲八九百年前貴人屋也。其地 河滾滾,落日蒼蒼,佛跡 ,天地悠悠 建。 , 上三百七十九級 無憂王所 第 , 當中 三次 ,愴然淚 或 都城即今舍衞 建云 漢末爲他華鴉巴慮大王 下 ,外作六層蘭 ,或卽是此井歟 0 蓋 霸圖 人世 掃 外城爲蒙古第 無可 地 ,塔形爲觚陵二十三, 淨盡 能存 ,華嚴彈 無 有土人爲吾指點舍衞 三代 0 П 第二次 恃 ПП 指 馬 者 ,皆在 都城 囂 , 但 群山 沙 敗 所 在 乘 遷 運 五.

,

凡四百年。第四次都城即今舍衞城

,爲蒙古第六代帝沙之汗所建,于今三百七十八年

,

當明武

,

營帝都 柱分其 不忍去 宗正德十三年,孔子生二千七百七十年也。 前九十年也,是石 弟子文殊迦葉聽 付夕陽芳草而已 倒影之, 。須菩提營殿之年 佛及諸大弟子 一石,又檢石灰 。幸二千 , 舍衛之山 以流 傳大地 ! 俛仰一 如 法處 五百餘年之古物 可謂不 何 III ,為前二千五百五 撫摩 也。 雄秀 , 諸 , 空, 世 同壁以 國王長者膜拜 夕陽將下,下塔 , ,固冠絕亞洲哉。 角樓 瓌寶矣。<br />
口占小詩曰:<br />
須菩提手所經營 他 日大地 刀斫得一石 卡 , 竟能遺留 十二年 , 當時 處 , 諸 而 , 塔上視布金舊址 第一次遷都城, 天龍 還。 教諸 佛 ,當春秋僖公十八年中國 , 有花者懷歸 同璧率從 長 再登殿 國 生 鬼 處 神 , 皆當 圍 , 繞處 上, 人檢拾柱 , 歷 此 撫摩遺 離布金地約二十里耳。一成佛 此 感 , 及殿 須菩提長者 劫 觸 也 , 舊事 石柱 廊遺柱 , 跡 , 一霸主 鷲嶺移來久聽 何 石 ,石階瑩 況 紛 , 得十 皆當· 齊桓公卒之歲, 來 自鷲嶺移來 吾 , 朗 , 餘枚 身乎 而 時 然。 如 列 今 須 眉 經 ? 無 長 佛勇座處 0 徘 者如 磨 吾 像 , , 到今二千 惜 翻 在 徊 無 孔子: 環 ±, 角 何 無 而 僧 成 影 樓 繞 經 , , 4 惟 諸 几 者 石 營 鏡

行 公 不 莊 註 七 見 筬 公 t 之 無 年 按 書 年 凡 時 佛 Щ 四 者 , 生 無 月 + 0 年 वा 八 Ŧi. 今 引 諸 日 年 以 W. 所 說 , 舍 不 生 佛 衞 , 然 Ξ --, 人 今 孔 , + 所 以 子 有 成 述 以 布 生 道 給 爲 金 前 孤 , 在 地 ďij 獨 爲 周 百 須 蒙 穆 據 = 菩 營 王 + 提 于 時 n £i. 長 者 13 Ŧ. 年 者 鐵 , 乃 ,  $\mathcal{H}$ 案 有 佛 爲 百 以 , 滅 答 PU 爲 較 + 度 此 在 中 時 時 -魯 土 壽 歲 年 之以 莊 七 Œ 前 公 + 合 爲 七 空 Ŧī. 魯 , 文 年 以 僖 , 考 74 距 此 公 據 月 孔 推 + 者 子 之 八 , 而 13 生 年 可 六 附 則 信 會 + 佛 Ŀ 于 矣 年 推 爲 恒 0 H 吾 魯 星 統 0 魯 莊

五百歲

,

魯叟當時

獝

未

生。

手持此

石還支那

,

自石鼓外

,當爲第二古物矣

印

度

五二

計 大地之運 開 闢 于 秋戦 國之時

百年矣。吾國自萬里長城外無比矣。女牆圭形,障堡皆尖月形,門上有兩窗小亭,飾五采過于吾 二十一日遊舍衞外古城,去城四英里 ,城高四丈八尺,形勢雄峻,蓋婆羅門王班道所築,一千三

南京北京城

極莊嚴 城內荒蕪,人家無多,淒涼觸目,如古築城有摩訶末廟,臨城樓上高印尺二百,殿五開間 ,其頂同塔則印度大工略同 ,前已壞其半,蓋五百年物也。右有六角崇臺十丈,印王訶 無 樓

潤路死葬馬,亦三百八十年矣

道為一方亭,皆白石為之,縱橫六柱,凡三十六柱,葬九棺焉。封大者為大僧王弟咩路揸亞之位 數十,可下石門十二戶,上有二層,上三門,下五門,左一亭,右一龕,左亭旁一小堂,右出曲 距古城十數里,有六百年前回教大僧嘱工無願阿利亞之墓。入門,前爲方池,深二丈,後有石級 ,前爲其妻,右大者爲其弟,餘其子也。每四柱有白石圓广頂格,五格爲行,五行共二十五格

印度大工之制多如此。始見之極駭其莊嚴,今已數見不鮮,舍衞古跡,如此甚多,遊不勝遊,亦 又里許 ,其崇五丈,上又爲平臺,臺頂大圓塔,繞以六亭,殿四周繞廊,凡百數十戶,四方爲門· ,爲印王氣埋消巴沙之陵 ,三百五十年矣。中殿左右各七室,然十五室上爲平臺 ,臺上更 外環石牆,鐵門皆雕鏤

倦遊矣。

手携花撒 中供三神 一十二日遊婆羅門各廟。其一廟分在西階,而上堂中堂有門,外有木闌 、狀如猴 有佳 有 有撈吟者 派路路鋪 加 打者 誦 , , 白黑面 中神名遮根拿地,黄面者 經者 , 扎 有 , 卡地者 有 0 , 挨希者 者 有 其婆羅門分類十, 呢罅要 ,乃黃面之妻也。一僧拱立于堂甚恭。其餘各廟,詭制異態不 ,有 , 摭麻 有吼地者 0 中印度五大城 者 , 有 有毡士者,有石蒟支者,有七地者 0 , 有拉住者 左神人爹霸問 根遮路 ,皆婆羅 將來譯之,以求窺其涯 , 有 , 的當 直居者, 門而 黑 面 , 無雜教 一,右神 有梶拉尸,有沙尸, 有瑯家路 呷 , 屢訪之, **愿巴打沾白** , 有們 , ,內垂簾, 有 皆不得 呢他 有 的 **捺**打 理者 面皆 路 一可數。 戴冕 開簾爲神 也 者 , , 有 有 0 , 有蘇 此 租 衣 巴呢亞者 拜者皆 路 行兼 (黄袍 龕

之,亦云幸矣 既訪雜教不得 頂為平臺 度樹木, 與卡拉吉打公園略同。惟園中有堂,白石爲五室九个,制若明堂 ,可眺望 ,乃遊植物園 , 其中室葬沙之汗女, ,廣六英里,當中里二十,蓋蒙古帝之御苑, 蓋圖難士打拉呷,任紫玉埋香 而今爲公園也。 , , 74 長依香國 1角有 樓 , 9 園悉 英人保護 可登頂 種 印

雜教

,

甚惜不得見之,惟有英文雜教書二種

,

略

也

0

堂外臺基廣百 廠 皆印 制 也 餘 0 又遊 打 , 公園 雜列花 , 略與 卉 , 玫瑰. 中國 遠同 大如 中國 0 但 方平 一牡丹 蕭 , 此爲印 颯 ,不 見佳 度特 處 種 0 堂外開四池, 四方有四大花

0

銀花 訪 印 , 輝麗 度王 絕 , 乃卡拉 倫 , 價 亦不昂 吉打 所 0 識 其 , 雕牙精細 約來此相 見 , 有印王騎象者 者未歸 也 0 遊于 , 鬚眉縷縷 市 則 店 肆 有 , 大若中. 隨風飄蕩 土 者 , 索價二百金 其 顧 繡 多用

腦廣大 佛何以 其餘雕 孔子譏 夫上等· 繡錯 候 從人 或 晚有波斯 極悪 印度上等人固未嘗眇 上等人,其上等人深居簡出,出必 ,以舍衞 豈印分人種皆世 而 , 9 或十 其文 與 狀 耀 以 中 刻 分別 # j , 戲來 爲最 亦間 明 卿 小 目光精彩 國 數 , 睿哲精深 , 黑瘠 貴 四 或 固 立 而 數人 選舉後 相等也 也 切 有 人意態 種之故 徧 , 極難 一,今則 眇 無 國 一二衣英服 小 不 皆 其家故也 , , , 無少 皆挾 得者 小 精 身體豐碩 忽絕異其 下 , , , 、孟買 等人 頭 過于印度遠矣 人種 底 致彼下 , 過于 坐毡 腦 異 , 往視之,人二元 矣。 者 E 極 0 ,想三代 , , 伺候 平 則 等種人皆不講 絕 種人若是, 小 中土,吾購一牙刀焉。其首飾嵌金寶鑽石皆極精 衣服瓌詭 , , 然甚少 車馬 智者 無神 乃過于中國常人遠甚,與在客店所見在倫敦讀書之二印人同,乃 惟訪購 , , 目光無神 故 , 時亦必 有 少而愚 氣者也 0 無 , 擠甚 陪坐者 無從 此 矣 印 , 頗疑古今之變耶!今觀戲場頭二 帽 度古銅古畫則 患 , 文學 如此 者多 。乃 聞內地衣英服者皆恥之。 有 , , 其 戲 與 ,于是印 見 舍衞乃誕佛之地 方有 然不平之處尚 , 有 知制作之所 , , , , 印 不 是則商貨必 惟汽車中 員 立侍者 講 中國 度終以 度王公士夫貴 , 無之, 養生 有黄 分毫無異 , 有在遠立侍者 多 見 由 有 , , 間有 不興 等于 聞 ,佛 ,而 滅 紅 , 尚 其王及士大夫所藏 , , 鑒之哉 羊豕 本太子 有 人皆備 ,唱白 皆由 人種亦如 , 一二,亦皆頭腦豐碩者 尖圓 民智必不開 自遊印 , X 等位 愚賤 情節 種 集矣 ! 紅 ,故能圓 , 久呻 度以 印 芣 此 色 平之故 度道 中之印人 皆 相 , 0 , , 甚疑印 蓋全 其王 傅 來 司 矣 而 揭 滿 中 黄 , 顧 , 0 , 乃知 印中 所 級横 不 也 故 公士夫皆有 所 , , 從者 見印 種 智慧亦 可 度先哲及 見 0 , 捲之金 吾國 75 舊教之 得 愈 0 , 壞 皆 畢立 文物 蓋 無 經 精 知 頭 市 0

者矣,甚矣考風俗之難也。 未若戲場之大集 ,若未見此,幾不解印度先哲之何以獨能聰明,印度制作文學之何以能有高**美** 

不知爲樓,蓋純石成階故也,中 路菩薩,曰寒嘻菩薩,不知當中土所譯經典爲誰,或亦文殊普賢之類也。極下爲數室,然亦無僧 刻蓮花,上拱左右龕,各供菩薩像五六,右龕曰粗得嬉菩薩,曰鋪哈路菩薩,曰 **寳座,而以佛像趺坐,純白石爲之,高僅尺餘,與卡拉吉打同,不如中土之宏偉也。** 樓房,結構玲瓏,如中土戲臺然,蓋爲學舍也。登樓循廊乃入佛殿,蓋殿基純在樓上也,在殿上望之, 而不跪者 廊及前門恰如中土祠 即成繁聲 入一石楠萸婆羅門廟。神爲婦人披衣白石爲像者。上鋪金采,前有池,膜拜者盈地,有以鼻嗅地 曰周卑土馬哈住菩薩,右龕曰呢根加周的些路菩薩,曰薩撈菩薩,曰丫的賒路的亨加路菩薩 **舍衞城營之**二百五 一十三日遊佛廟,在舍衞徧訪,只得此廟,特留訪之。門巷極窄,惟廟中甚潔,由後門入,後座有 有覆 亦異樂 ·身于地者。旁後有小殿,二神。一吹笛者,廊懸銅鐘數十,擊者以手過而觸之, 十年 也 .廟,皆在樓上,殿三間六柱,亦恰肖中土,柱皆用雙神座,高臺 ,今少廢毁矣。道廣大 土尙無此巨製。廟甚小,僅三丈,深六七丈耳,然純用白石極 , 城外列樹 成行 , 走馬相望 , 惟 稍勿利丫拿提菩薩 車塵 兩廊六柱 八角三成 極多 精潔,兩 終日飛 ,日爹 柱皆 如吾 也

之地 塵蔽天,酷暑蒸人,全印如此 實非樂土 , 且教化風俗束縛極嚴,全無自由之樂,印度可謂西方極苦世界 ,而舍衞之塵尤劇 0 英人見居是地者,子孫變相,皆成黃藍色。蓋全印 , 惟其煩惱至極

五六

,佛乃降生是間而超度之歟!

**舍衞屋宇極大** ,租 亦不貴,蓋印之士大夫旣失國家,後日卽困苦,英人居是者亦少,故大屋極賤

**獨中土之言九江三河也。五河者** 帶五河 水流繁衍,支派交錯,真天府之地也,何可不自幸而輕棄之歟?無水之國,其辛苦瘠磽 曰呷爺Bias 古印度七大城,而卡拉吉打、孟買、密遮土不與焉。七城皆在印之中,北爲印度之中原,故都亘 克什米爾,英特駐巡撫於是,爲北印度省會焉。克什米爾商務皆聚于是。印人屋室必石 蒸必矣。七城繁興,以有水故,皆蒙古故王及印度大王所治。 水耳,我印度有五河,何少之有。彼以爲我國除江河外無水也,其可異如此。觀于印度而 極淺小,五河可知。吾嘗與印之在倫敦學者言,印度甚好,惜水少。印學者曰支那亦不 與卡拉吉打逈異也。英人攻印,先破舍衞 地最繁庶者一曰舍衞Srarasti,二曰丫忌喇Agra,三曰勒撓Dwcrnur 五曰鉢訶 Qahcre,六曰邠雜 Punjab,七曰擔裂射 Amritsan,總名之曰五 五曰渚烈信Satbaj,五河皆流入恒河。英人名恒河曰針拿Gumnna,然恒河已 , 曰芝林 Gheling 0 ,二曰罅哑 Rari ,三曰毡鴨 Chenab , 74 過江河二 ,沙漠酷 皆出 中國之 日 , 四 河 I間波 于

罅訶

雕

鏤極

精美

0

間波去罅訶不遠

,由舍衞汽車往罅訶,此行攜寒衣甚少

,若往

一罅訶

順

道

遊克什米爾

而時近冬季

,克什米爾冷度同于新疆

,

積雪蔽地

河

寒嚴栗

,實

不可

行

0

來

印必

原欲

,

遊雪山以避暑,印之雪山,英人所闢,五地皆極繁盛,曰大吉嶺近西藏者;曰抹蘇利Murree

亭,亭上又爲長石表,石表上又立數長石人,以手相接,物既偉大, 驅車大道 宮室過之,舉全印之宮室,無如勒撓 英里,約中土千餘里矣。汽車十二時乃至卡拉吉打,則九百二十四英里,車行三十六時乃至也 鎭曰普拿 E 矣。又遊一故王宮 能不慨然 平臺,臺中作大圓塔 中爲平地,長廣千步,正中爲二殿 初日, 一十四日早六時 奶呢多路Ninetall,曰暹拉Simla 其規模之宏壯 ,飛閣洞戶,複道重樓,連綿貫屬,其高峻如禁城午門樓,而列戶萬千,黃光 怪偉駭目,若如是者,甚多不可數。其印王故宮皆油黃色,廣長盈里 ,曰奄多不地,亦緩往 ,屋皆五六層,髹屋之色,紅白黃三者相間 !近此宮間 暹拉總督避暑所駐。大吉嶺者,孟加拉副巡撫避暑所駐。近西大城,尚有 抹檀Madetan 搬沙 Paohauar 阿富汗 到 勒撓 , , 爲刁倚不勝王宮也,今英官噤呢順居焉 氣象之巍峨,不亞吾禁城殿閣 ,四方四圓塔,如京城五塔寺之形,又有十餘小亭繞之,其高矗天,皆用純 皆茂樹連屬 ,亦蒙古帝分藩之地 ,乃還遊勒撓。二十三日三時搭汽車行,自舍衞至勒撓三百四十 , ,一方一圓,圓者上圓下方如明堂,崇階數十級,其圓頂之上爲 道廣數百步 ,真足驚人者也。客棧極宏麗奇偉,有以印王故宮爲之者 ,曰嗎利Murree ,故王宮最多,規模之大,道路之廣,不遜舍衞 ,芳草徧地 ,而瓌偉詭異過之。乃今爲酒店 eghonaston 以冬寒皆待復期。其近孟買大 0 屋頂皆有塔亭,有累塔十餘 ,近克什米爾者,北印巡撫避暑所駐 。門樓五層 , 其潤澤豐縟 上摩雲漢 ,五開中高 , 過于舍 ,四周爲宮室 , 白光照人 **衞摩竭** 映日則 , , ,塔上又無數 左右旁陀而 盛衰之感 來編 提二都 地 高二 映帶 Ran , m 0

Ŧi.

八

下甬道 樹草相 有崇座 備極 塗, 十五戶 上所飾 遠矣。至亞呢札 上皆有管 長數十丈,宮門或三或五 有英舊砲 其 大盈丈 , , ,大樹 長亙 共六 備極 ,以 臺 云是故園圖也,今爲民地矣。左右有六角亭,花木甚盛 王妃之冠 ,印人以砲攻之,英兵千五百全沒於此,故英人大駭封之,以爲鑒焉。英破勒撓最後 十月 老 屋高四尺, 瓌詭 備朝會挿 , 附遊 上戴相輪 藤 , ,茂翠相夾,環宮數層,方平廣大,以視英倫賢斯睦眞宮之徧于閱闠 0 殿上圓如蓋 有 , 三重頂作圓塔 一故宮,爲巴沙駕租 燭 陳王故物及像王葬飾帳宴皆在 員 ,皆作中高旁下形,門閘略同 , , 高丈餘 廊 想見雞鳴紫陌銀燭朝天氣象也。再入內宮,門高二丈許 , 有牆 而 下方 , 下圍以闌 , , 上樓金鳳與本朝后妃朝冠相仿 其深四柱 ,殿內蓋六花下垂 顯楷撻王殿也 , 皆塗黄色 , 其長周 歐人,無如中土覆瓦如堂者 。入北宮門 ,以紅布覆之, 繞于殿 , , 花大盈 與 一曉日 ,皆爲黃色, 1 瞳雕 ,眞 丈, ,夾植花樹甚盛 0 全雕 一、寝構也 出前門 相映 極華嚴矣。 人物 , 崇階 絢 , 臨河平 爛 , 樓屋高 殿 八 ,道廣一 極 0 , 門內 級 五 矣 上圓 地百 者 開 0 , 丈許 殿內 ,凡門 鐵闌 頂 四 二丈 , 相 用 面 北 去

間四門 大門 每門臺上又分三門 總十三大門 左右邊爲大亭二,前後四小亭,廿二拱,左右廊上下二層,皆七戶,上層在平臺上, , , 六小門 前列四 亭 0 第四層 ,第三層爲 臺門 平臺, , 横列三十 横列十九 門 門 , 每門上分作 , 每三大門間 九門 小門 凡二十 ,二小門 t 0 又中

,

遊亞思不刁拉亞尼王

殿

,

數百年

矣

0

殿名奄孟扒拉

, 壯

麗第

,

可冠印度

0

其外門

制

大門

又

夾

門

前平地數百步 , 高四 層 ,圍以長廊 亦復百步, , 合抱如半月形,亦上下二層 玲瓏塔亭,卓立不復記矣 , 皆數十戶 , 並作圓拱式 0 門前 百步 ,有

,

觀此乃. 最, 圓殿 亭塔 大成 量以肘計也,已見佛典,今猶然 殿旁有崇樓六七層 花,戶頂作圓柱 頂層爲大平 十六戶,每三大戶間 入中階十八級二成 上作七戶 矣 而印度宮室 高十四丈,又建于丘陵上,故可俛視全城,崇樓傑構 廊深二丈餘 間 知中 皆以 門內有 , 共 乃 或 紅 臺 所謂 九 跳 布 , 十一 道百 ,皆由 横 覆之 舞演劇之所 ,以勒撓爲最 ,亦八十八 玻璃洋燈 ,有石階直登殿頂 方數十丈,其前橫列八十八戶 ,階級廣十餘丈,門之瓌偉崇詭 ?。正中 戶 丈 小戶 石爲之,殿壁四 , , 上作平臺 Œ 亦出 殿廣數十丈,中室七門 室門有神像 ,有石梯 , 0 中左右皆間以亭 壁上高三丈許 ,而此殿又勒撓之最矣。殿內深十八肘 印 。牆厚盈丈,殿內分七間,正門列室,高四五尺,深丈餘 度 , 展 也 每下層門 ,凡一百級 五丈 騎 轉可通門內 0 勒 馬者 撓 , , 環以木龕石龕神龕, 上皆有飛廊 各大宮廟皆 , 上懸璃璃大燈盈丈, 末峙四高柱 , , , 級高 ,與外 中四十四 臺卽作大拱 ,左右室各三門 , 雕刻瓌詭 門同 有之 尺,此殿約崇十丈, ,以純白石爲之。 ,皆可攬勝 , , 0 印印 其後亦同 左右各二十二, , ,突出二亭,但論門制已 四 惟左右廊崇高亦五層 柱 人守舊 然方廣數尺 , 門高 每燈盞以千 五戶間 ,廣一百三十肘 0 蓋大地古宮室 , 內周以 |廣數丈,突出二亭每門 , 殿中置前王祭器帳宴 無用 , 每戶四 加以殿基三十八級 以三戶夾以二亭 , 甚怪 數 廊 歐 物 , , 其制 者 每間 亦 柱 , , 爲印 蓋印 以印 頂樓橫列 百 , 左右爲 柱 餘 , 蓋備 度集 燈 度爲 頂刻 戶

平臺兩 殿前樓已作小兒冬學開比鄰矣。鹿上蘇臺,古今同喟!吾立殿頂得一石,有刻花者,遂亦爲鴻寶 極,由橫廊可通六十餘複道,各複道內洞房窈窕,上下溝道,奧詭陰深,不可測識 **廊及木龕複道** 宮女觀劇者也 下過之,乃一臺門,如城門也,此爲左門,其右門則傾毁矣。似此詭壯 月平臺,臺上樓又二層,作半月六角形,又作平臺,臺上爲頂層 左門樓三層 左右崇高摩 · 若建章之 千門萬戶 柱 每成五級總三十級 頂作亭,以襯中間半月之臺。柱下爲三角大平臺,臺下三層圓樓,壯麗奇詭,得未曾有 面有崇階數十級為梯,斜上頂層大亭,護鐵闌,高長丈餘,其左右起兩大柱 每層橫列數十戶 丈,殿門凡九 ,僅二三尺,容身而已。上石級四十六,卽可通殿,前後橫廊,直望深道 印俗嚴男女,故如此。又疑此龕從何出殿頂,複道四通,凡六十餘道可通 ,廣數十丈,如吾太和殿也。 ,則此殿亦庶幾可推識矣。其繪圖布局者,亦不易才哉!斜旁有殿崇階六成 ,旁作兩廊 ,樓頂高大,平臺數千步,臺上有樓二層 ,皆重樓 ,末綴小塔 殿前列池 ,正殿爲正朝 ,殿頂大圓塔三,高塔二列于簷頂 ,作一大亭,自下樓第三層之大 , ,雖歐洲猶不得也,然今 皆作半月形 , 此蓋祀摩 ,未知阿房. ,高圓 訶 上又作半 末者也 ,不可窮 殿門 周 數丈 如何 0 其

遊公園 深線 詭,皆對正殿者也。殿崇三十八級,廣數十步,四面周廊,繁花徧滿, 殿左右 以前王宮苑也 有三面 平臺 ,其中 ,穹戶無數 臺殿華嚴 , 東有 ,前 臨大池 八面崇臺 ,池方百 ,五層高聳 丈 ,八角形 , 上生草矣。 有英兵守之,入者給一元 有 製十級 池前 兩 石 門 可下 亦 復崇 池水

,

唐古芯,唐古芯學印度者也。其王名一曰孟員得利阿王,一曰河得崇王,一曰文殊得利王 繡,冕袍色尚黃,頸有領有珠,甚似中土,殆十八九矣。以領珠論之,則是本朝學蒙古, 試喳刁拉王,一曰呀士乜都拉王,一曰沙扎亞尼王,一曰加租願哈王,一曰嚴尸牢海帶王,一曰 唐之冠袍;窄袖繡龍 殿中偏懸印度前王油像十幅 ,極似國朝之龍袍;綬垂于中,則似漢唐;履首甚仰,似今三禮圖;履皆金 ,諸王皆戴冕袍帶綬履,其冕四邊,崇中更高,似地藏王帽 ,日 似漢

華得利河王

一曰暗遮得利沙王,皆近代之王者也。公園草木,略同他園

0

座 燈長數丈,盞殆千數,云價值六千金,此廟新潔都荔,然亦數百年物 觸人。庭階甬道百丈,鐵闌環繞,以紅黑石子為花砌,花木楚楚。累階上殿, 亭,巍峨怪偉,門內左右牆皆平樓,庭階左右四圍殿,每殿頂五圓 出園門見摩訶末廟壯麗 前楹深三柱 ,供奉摩訶末者。座前供可蘭經一部,衣以繡袱。左龕供其子,右龕供一人頭馬身者。有· ,後室五座,高五級,深盈丈,皆純白石。殿旁別有臺講書者 ,廟門七出 ,左右門及照樓皆七出,□中高旁漸下如上式 ,覆四高塔,皆白石爲之 ,崇七級 殿左右深廣各五柱 , 中高頂 **,**中 龕爲銀葉 上爲 光怪 玻璃

百九十九英里 文梵文並習者 。是處爲大都會地 ,至夜二時到 0 園大十餘里,馬路彎環 , 亦無佛寺 , 夜深無英馬車, 僅有印度馬車 聞 霸拿 ,樹木潤澤,過于舍衞,徧行城市 士有之,卽以二十四日晚六時汽車經勒 ,四柱上有蓋 一周, ,後蔽以布 則外多破壞者矣 撓至 霸拿 ,方廣二丈 長哩

,中一殿三百年前物。二層上作平臺,臺上敷塔,今爲學舍,學生百數,入視之蓋英

又遊一公園

康

週到 車行。 板橋霜之句 矣。此店横列 **餘如小亭,亦如北京之車,但較小耳。同璧女頗苦其腥臊,以異域異物談笑試之,遂坐印** 亦不納,或對無房故,又之他店。繞行十餘里, 度阡越陌夾長楊 也 長衢 出影 夾樹 ,風景相同 圖 數十室 相示 廣陌微霜,殘星滿天,月影在地 , 機車逐客看殘月 , 言是地只有 ,前後皆曠地 ,獨異者在万里外之佛國耳。行數里得客店 ,植花木, 佛塔,二千餘年矣 ,絕域 無歸堪 垂藤蔭 與弱女車中凄然 斷腸 ,鷄聲嘐嘐,馬聲蕭 ,室頗幽勝 。後得 ,在五英里外 一店 , 每人日 , 。得小詩曰:霸拿拉士四更霜 ,以夜深閉門不納,又之一店 皆人滿, 蕭,誦鷄聲茅店月, 五元 僅餘一 , 主人爲英人 室,已三時 人跡 度馬 甚

**毳八,龕下周刻梵文經,高約盈丈,夾以黼黻卍字之文,石多墜落,字亦多剝壞。英人以一長亭** 鐵闌鎖置其石,纍纍千百佛像,有神有王,有牛有象,有相輪八層 ,既到寺院皆廢,亦無一僧。守者帶視,塔體正圓周一百五十肘。 一十五日遊古佛塔 皆極古厚,與武梁祠堂畫像同。卡拉吉打巳有移置 , 驅車出野 , 古塔臺寺在田中者。相望形式甚怪 , 吾剔石拾灰懷之, 高約四五丈,上生草樹 ,然皆廢圯,遙望塔上 , 其刻 畫與 祇樹給 同璧女亦得佛像及梵文 孤獨園 層亦 ,環石 者同 毁

此有金廟,游否?金廟者,全廟門頂以金爲之,極有名,不知其在此也,遂復留英人宿于停車場 存,然陳設多英式矣 歸途遊公園 與各城略同 0 繞 行城市 0 遊一王宮 周 而歸 ,白石莊嚴 , 夕搭汽車行 ,崇樓 層 0 既登車矣 臺 ,横列百室 (,停車 光明 場英人殷勤 照耀 , 今其 周旋 告以

之石六枚以歸。此二千年前之異物

,

他日吾國開

博物院

或得

所取

資

也

相類 十數 日本用四人穿槓中抬之,每人日半盧卑。其度屈兩手爲一肘,兩肘爲一捫 拿 此 屋頂 數四可望焉 一十六早遊恒河 ; I 汽車長未嘗見中國人,到此皆極殷勤焉 每五六萬 誠非易易 , , 而 頭 頂又多亭,又尺寸刻鏤 崇壯遇之。然 又有累合十數層塔而爲 八烟 。沿河人家皆居樓閣,高至六七層,眞不讓歐美也。而樓塔雜沓 肘値 拿,刻匠六烟拿 0 其石價每長一 ,有遊艇如西湖船,舟子四五人,英人皆坐船面 四 · 五六盧卑,今英人治之百年猶如此 無 一寸非石也 肘 , ,其他亭榭臺廟 一切人工日科烟拿至八烟拿 一總塔者,又多在五六層之臺上,每臺又皆五塔,塔又多在數層 , 値 八烟拿兩卑士, ,蓋多千數百年物 ,索我中國銀錢觀之,同璧適有携之,各贈以 ,六角八 每土木 角,方圓 , ,印度數千里無 則古者必極賤也。 匠 , 每人十日食米二十磅 一日之工價 一曲尖,高下鱗錯相望 , 以便瞭望 Щ ,其量以斤半爲 , , 其 値 得 , 吾亦從之, ,盈望萬千 科烟 轎如 石甚 難 拿 , 大槓 値 , , 與 大工六烟 而 員 有 賒 也刁 塔 盧 大工 , 式同 籐 卑 高 也 74 如 喇 0 多

船過河 捫柴足矣,故焚尸處旁堆多柴,至此吾爲掩鼻掉船 不知有焚 隱之良甚矣。今人食肉不動其心,印人視焚人亦同 死尸來 邊 以 人事者。 浴河 竹撻抬之,用紅布掩之,顧 者相望男婦皆有 其穢惡故不可受 ,以布 其忍心膜然無所動 視河 蔽下體而 邊已燒一尸,上下夾以柴而下火焉 而回 浴焉。河邊停 ,故人情無常, , 不忍卒視 ,尤爲可奇 一尸 0 全在聖者立法有以望之 而沿 , ,以布白蔽之,又見四 蓋習慣 河 浴者 成 自然 0 每燒 嬉笑飲 也 , 一尸 吸 而 人抬 害於 ,所謂 9 用十 若 側 絕

十賒爲一

捫

皆深也

沿河小龕甚多,高數尺,多以祀神養猴,其小龕中,雜置器物杯碟象馬百數十,大僅寸許 了不避人,紛紛聚食。又公園有放生塘,施以豆食,魚千頭,唼喋而來,皆異境也。印度玫瑰以此 也,蓋盡婆羅也。登岸遊一廓,中爲一殿,四角有亭,養猴千萬,遊人如織,沿途施以豆 麥 皆神 ,猴

金廟者 鉢,幸白牛入廟共禮拜之,其外以象馬爲神或象首人身塗以丹朱,施擲香花,相屬滿地。 日照照 爲印王蘭之升所築 其光昱昱,其神最靈,故禮拜者多如蟻。巷窄數尺 ,百餘年矣。高僅數丈,有兩大圓頂 ,入者摩肩 ,圓周丈餘,皆以眞金塗之,曉 ,人以清水一 奪

, 香花

吾從人

爲最大,爲中

國牡丹矣

知 趕 車 亞站,主人以頭等車二位相贈,送百里轉車處乃還,厚情可感。轉車處相距數百步,攜 3 印人也,亦取錢購花及水,以禮神焉。旁有兩塔,高數丈,雕鏤皆滿,有三大尖鼓,廣六七尺 以祀神 小雨泥濘,車黑無火,至半小時乃開,然後有燈焉。車中絕不精潔,印度車政之不修 ,沿途陳設神像,玩□如識,別成一世界也。車站人告街亞乃有佛寺,是夕八時 行李 往街 , 匆

迤數十里 一十七日六時到 高百數十丈, 街亞 , 無英人店 山頂有塔,巍峙鬱然 ,但有· 土店 **加** 0 來往印度七千餘里 少仿英式者 ,甚 凄 凄 ,皆未見山 0 驅車 出行 , 舍衞石山及此外 石山 秀聳 ,

間有土阜,皆高不下敷丈,惟此秀蒼有中土意,耳目一新,

神氣甚樂,望山欣然,

意塔必爲佛寺

甚矣

少體 不可 易馬 時行 打 僧來 題記曰: 烟冷 看馬 也 山名瑪希巴哈,塔名馬哈浮屠,二千二百年矣。太路瑪棱卡王所築,行篋 加 果有 危難也。詩云·一匪兕匪虎 無算 與 0 , 戰 卽 蹶 乃編遊邑市 中 朝,而 , , , 復蹶 伽 放馬 如 不 然 道中若壑相迎 ,完好 , , 野 也 卽 知 耶靈塔, 此 所 解衣與之。 日本 道中 何云。 食草 曠 不行,兩車夫以手推車,又加一夫,車不能行, 圕 , 0 羅漢像 無 絕 吾今獨若是 日 南條文雄及有多僧亦嘗朝 壁頻 有 人行 , 缺 , 皆婆羅門廟 曠野杳茫,不見一人。 車 至寺有僧出迎 必有本也。有佛坐之道場 , 是時一 過者 , 爲印· 比舍衞之殘毁, 誦 0 , 分毫不異 樹影連 唐太宗三藏聖教序百 天暮欲歸不得 ,玄奘之勞苦可想矣。 ,呼之皆不肯易也 中未見之境,知佛之必曾棲于是也。天大雨泥滑 ,率彼曠野。」吾道非耶,吾何行至此 孤塔 ,無知有佛寺者,爲之懊惱。 , 0 衣袈裟如中土者 , 山嵐 過之遠矣 中 誦咒 云 **,**幸 僅與弱女及一印僕在車 0 繞 驅 ,有佛 故城 日 重寒暑躡 雨少 。極天長道樹影,夾之雨大天寒,日暮風急,車 「嗌 4 0 印 車 晴 車 0 白牛車 度 坐石一, 中得 其叨願札慮 印 ,面色甚黑,如中土所圖 , 車夫先走 X 佛 5 霜 跡 詩 , 項掛 遠近 ii : 雨 , 以此爲最矣 石上佛樹 最後有告者曰郭外七英里有焉 而 遙望佛塔嵯 巴住差 念珠 前 , , 乘重 蹤 寺中得白牛車 遠訪浮屠 ,遂乘牛車至寺 ,不能進不能退 , , 眼 誠 宣 覺勞輕 , 呀 大 重 , 歲時 佛亭一 而 無書不能考 去 峨 , 绺 打 胡僧形 圓 0 , , , 輕 有 天 載 馬不 那 與 \_ , , , 寒 Ш 面 蒙古西 霧 的 , , 往 求 方塘 H 卽 霜 嵐 能 蝦 黑 雨 , 深 Ē 印 0 在故 迷濛 映帶 蓋錫蘭遣來 髮 土 行 雨 願 衣家 藏 有 晡 鬈 零 , 人之極愚 達 處錫蘭大 日 矣 促車夫 鄉 , 0 而 , 0 , 之 可望 + 奪巴 佛坐 本人 日 泥 夫衣 鼻仰 0 , 亦 斜

紅石闌 者矣 石也 塔移去也。 乃二千五百餘年蔭佛之樹也 佛當年晏坐處 書不能考, 訶林之菩提樹 前後左右 74 面 、 堂中· 壁 臨一方塘 目略同 此亭為 。由亭右出數十步,至一白石亭,方廣約二丈,凡八柱,與給孤獨園之柱同 花樹 掛 寺中 ,可謂 高丈餘 幡 塔前 僧墳 磬 多歐人施像 然伽耶靈塔佛跡完好 環外 佛晏坐 ,皆如人長 -僅此 數畝 , 多日本 , , 人 至矣。 數十步,有 爲三十四代之後輩 石色黑 ,厚尺許 意境 競法 一僧 , 有 , 悄然 僧寮皆毁 處 皆作小塔形 人所施者 石數十級可下 ,云天下惟此乃爲真像,可與闕里之孔子並重矣。依廊有 , , , · 甚滑澤 寺僧燒柴以煖客,煮飯爲齋以餉客, 餘則爲工人,凡二十人。來印往來七千里,僅見此 , 此 雕鏤奇古,昔在卡拉吉打博物院見之,英人號爲最古物者 0 一廟正對塔右一廊,石級五廊,黑如漆 吾與 如見當日 龕爲佛 ,新修 ,亦有中國 ,當爲印度中第一矣,與璧女同登瞻仰 0 臺前 壁女手摘之,得數十葉 , , 高尺許至丈餘 乃此樹之曾玄矣。 與諸弟子文殊迦 , 1佛坐禪 有闌 西南方環以牆 一堂,方廣三丈餘 人到此施旛焉 ,倚闌有大樹 時 天花 ,皆古德耆宿盛名者。 塔有 葉坐 亂 ,東方臨塘之廊 樹下徘 墜 禪 。中一室僧 ,以東編一室 , , ,高二丈,婆娑蔭下數丈 法雲 處 以爲異寶 饑極僅下咽焉。寺居丘阜上, 徊 , 繚繞 此塘 ,以火照之,有 , 瞻仰遺澤 為佛 所宿 也 作十七石龕 , 可比于闕 , 0 , 塔處 供 懽喜贊歎 街 , 亞當 西 金身 一僧 亦 偏 石長方三四尺 , 小亭, 塘 忍去 佛像 佛 。亭嵌 坐立之佛像十尊 里之檜 室 , , 既喜 典 水 **龕深廣** 0 , 青線 惜 中 凝 , 雜置 高三 蔭 乃 [既歎 塔旁環以 已天黑 綠 佛 何 若吾粤 知自此 約 像 佛 如 地 環塔 一四尺 足跡 鹽醬 亭龕 新 乃乃 五尺 0 , 佛 Ŧi. 無

嵌吾與張夫人妙華二人像施僧,存于寺中,僧人出册請題名其上,吾寫中文,璧女寫英文記焉。索 不能久徘徊,本欲留宿,惟天氣嚴寒,寺僧無氈,且弱女在此夜深不妥,遂決歸。璧女以小金合 今秘宗即其所傳 峭,千年之物 皆日本人所贈也,他日當再覓中土佛經贈置其間 與中土同 之佛像, 于僧人得大小佛像二尊以歸。大者尺許,小者三寸,刻四佛像,其大者莊嚴極矣,此二千二百年 衣裹像及經幡磬以白牛車載還,比之秦景之白馬馱經過之矣。使僧讀經聽之,凡文殊普賢之音 最可寳異,在支那者應以此爲第一矣。又得梵書三册,貝葉幡一,銅磬一,經三頁,解 , 其讀 , 亦可貴矣。弘法大師 觀音菩薩曰哥德瑪逋打,亦與譯音不遠 ,日人伊呂波五十音, 爲日本人 即其以中土文傅印音創成,今行之通國者也 , 0 來學中國爲清流國 有日本人所施弘法大師所寫即身成佛品 心。僧有 佛書 師 一大櫥 , 弟子歸而 ,皆梵文及回文十餘册 弘大法於日本 , 以其寫經 • ·意遒

太 路 瑪 梭 + 王

註

按

卽

摩

阿

育

王

, 乃

西

歷

0

,

之靈塔,可謂

相

副

矣

0

人 人 葬 稱 之 之 H 達 旃 達 摩 阼 阿 阿 育 育 王 0 Dharmasoka anda S ck 紀 2 元 前 其 其 Ξ 義 義 世 H 紀 E 可 之 法 畏 摩 之 揭 50] 陀 育 國 E 王 0 後 考 # [a] 生 育 皈 王 依 前 佛 半 教 生 , 暴 博 虐 愛 殘 仁 慈 殺 時 時

嗎 希 巴 哈 Ш 及 馬 哈 浮 屠

H

王

B

之

囫

育

王

0

註 按 卽 伽 耶 Ш , 又 稱 象 頭 Ш , 梵 語 稱 象 日 伽 耶 , 見 宋 法 雲 翻 譯 名 義 集 0 又 譯 作 羯 闍 F 利

即 度 游 記

康

卽 高 靈 沙 是 百 Ш , 此 餘 0 是 石 尺 自 Ш 突 形 無 堵 君 似 憂 波 王 象 馭 王 , 頭 無 之 字 所 , 憂 , 故 王 建 承 卽 統 名 也 50] 0 化 0 育 靈 治 大 王 墜 唐 , A 潛 遠 西 soka 被 人 域 德 神 記 時 隆 卷 馬 燭 , 八 哈 昔 前 伽 Maha 如 代 邪 奇 莫 城 不 , 卽 西 於 登 大 此 封 南 之義 演 , Ŧ. 說 而 六 0 寶 告 里 浮 雲 成 至 屠 等 功 伽 卽 經 0 邪 窣 云 Ш Ш 堵 0 頂 波 上 , 按 印 S 馬 有 tuha 度 哈 石 俗 窣 浮 屠 堵 稱 當 譯 波 日

言

寶

塔

日

本

人

題

日

伽

耶

靈

塔

,

蓋

本

西

域

記

,

所

謂

伽

耶

靈

Ш

之

塔

耳

與一 震恐 聲 耳 無可如何 車人 茫,不見道路 歸時 鎭定之, ,入兩山 以待以食餉廟中送者,店主留餐以待 0 , 八異謀 又聞 吾不 印僕 鐘 , 行 夜深天寒 間不 至 大嗥 死于大難而 。吾既慣遭危難 , , 遂爲震慴 絕 點 時 聲 見故道 無人行 無寸双而 , 轉入 夜色深黑 , , 腹飢 廟 故道 0 人送者曰 死于此,命也夫!同 0 , 每問 只有 身寒 行萬里之外, 自八時至中夜十二時半, , , 此身尚在死境,閱之尋常。惟念弱女甫出 去市幾里 漸望見燈火 林木風聲 寺僧遣二人挾挺送歸 , 與壁相 , 此群 抱持 ,則 絕域異國 狼 , 人家 也 蕭蕭樹影 ,歸來沐浴飲酒飽餐 壁膽氣 時 , , 勉强慰 時 此 , 乃少 地多 云 三 英里, , 行既緩 曠野深山之中 極壯,始尚誦詩 , , 釋然 虎狼 英例 藉 道路 , 以 與 馬車之道禁牛車 ,二時半乃還 , , 再行 數時 觀 時 談 其 有食 , , 不至, 與璧追談夜間迷道事 二二時 乃 變 ,深夜無人之境 暢談 人者 知此 0 吾既 且未 ,繼而支持不得,己而 , , 0 , 亦云三英里, 益疑 地 即遭此險難 一往來 至店已乏盧 多盜 素講不動心之學 既素知印度多猛 覩故道之山 , , 故挾 故驅 ,又非故道 卑 車 挺 , , 相與慶更生 · 者 繞 無以見 也 0 從 獸 身挾弱女 , X 堅 聞 其 道 深 , , 吾母 心疑 易 持 75 虎 異 夜微 而 줆 以 行 嘯

而至, , o 壁謂 飲 升已 酒 洏 得 畢,天已明矣。自店至寺七英里,不過中國二十三里耳, 破 4 此 車 佛 ,不可言勇 像 夜歸 , 誠非容易,幸求深願達耳。 ,自八時至二時半,凡六時半,安得不驚。蓋自北京出險以後 ,須待少養之,乃能整軍 然經此險後 再出 , 故二十九日決先歸 , 遊興 頓 馬車往時,天雨泥濘,僅行二時 減 , 歸 心 卡拉 逐生 吉 , ,未有若此 打 有 , 如敗軍之將 乃 擬 他 遊

焉

0

佳 亞 Gya

之 羅 住 石 內 者 門 之 有 註 , 稱 所 皆 大 Щ 昇 寺 按 婆 在 形 羅 地 天 院 似 卽 受 伽 , 象 佛 0 故 首 新 耶 樂 或 伽 稱 記 B , , rahma 閻 耶 伽 故 之 之 羅 伽 耶 日 迦 王 耶 象 P 部 頭 0 gaya 羅 之 山 西 , 稱 域 Gaya-ksetra , G aya 以 訴 舍 記 示 于 作 醯 布 别 諸 伽 S irs 顏 于 邪 神 治 佛 , , ø 毘 陀 其 S ahie 名 伽 紐 , , 今 義 耶 神 城 之 其 以 以 Buddha-. 起 地 神 是 00 ary 分 通 源 而 新 力 得 有 舊 名 , , gaya 爲 運 說 兩 0 英 聖 部 , 人 石 , 伽 , 及 此 舊 梵 壓 耶 歐 部 其 語 伽 爲 呼 洲 多 耶 首 阿 人 佛 爲 不 象 修 所 婆 得 羅 教 B 住 遺 羅 動 之 伽 名 品 跡 門 , 耶 域 教 因 , , , 及 若 其 徒 此 0 域 聖 婆 所 觸

貝 樹 多 註 馬 樹 0 -茲 按 o 幹 西 昔 佛 域 黃 白 在 記 世 云 , 枝 金 , 葉 高 剛 靑 數 座 翠 百 Ш 尺 菩 , 提 冬 , 夏 屢 樹 不 經 B adhiduma 凋 殘 伐 , 光 , 鮮 獝 無 高 變 者 74 五 , , 丈 每 卽 畢 至 , 佛 鉢 如 來 坐 羅 涅 其 Oirhala 槃之 下 成 日 等 皆 īE. 覺 之 凋 落 樹 , 因 也 , 頃 丽 0 之 謂 佛 復 之 國 故 菩 記

提

0

作

干

Ŧ.

百

餘

年

蔭

佛

之

樹

也

ED 度 遊 記

康南 七〇

云 王 翠 受 請 生 E 欲 , 次 中 哉 隱 其 外 妃 , , , , 嗟 素 西 略 其 香 因 , 焦 道 嗟 高 惟 爛 乳 信 而 數 , 謂 + 世 丈 毁 灌 外 初 餘 , 之 溉 道 運 餘 佛 絕 佛 步 無 刧 憂 灰 , 樹 滅 法 , 而 , 不 菩  $\pm$ 灰 恐 密 積 遺 , , 4 遣 提 嗣 後 萌 壞 日 聚 , 還 使 樹 焉 位 有 剪 伽 後 , 者 伐 摧 藍 生 X 0 0 數 , 信 不 令 殘 月 無 , , , , 受 盡 周 後 伐 王 夜 憂 事 , 深 分 王 火 邪 空 峙 牛 菩 , 王 石 靈 重 覩 婆 道 摩 提 敬 羅 伐 聖 竭 垣 何 樹 異 異 , 毁 蹟 悔 門 大 , 覩 陀 , , 佛 高 國 掘 樹 燒 叠 過 , , \_ 猶 至 以 舉 補 石 遺 , , 丈 目 刺 泉 周 無 以 秱 跡 示 壞 四 香 天 投 拏 水 垣 憂 , 尺 乳 興 相 地 伐 王 , , , 烟 發 摩 不 且 , , , 高 溉 故 餘 焰 兵 哀 杰 + 將 樹 王 今 根 未 徒 本 感 根 禮 , 餘 菩 非 動 無 柢 尺 敬 靜 0 , 提 憂 躬 樹 泊 物 , , , , 樹 王 乃 今 惟 于 忽 臨 , , 之 剪 無 以 縱 猶 見 將 生 , 隱 伐 物 數 末 火 見 醝 日 兩 Ŧ 株 於 路 樹 何 焚 在 , , 石 惹 樹 4 也 燒 根 , , 壁 構 深 生 猛 , 0 迎 莖 , 火 南 乳 聞 設 增 如 枝 , 以 宗 甘 賞 之 上 悲 本 葉 而 而 J 出 慨 中 溉 歎 蔗 迦 0 , \_ 分 義 升 王 1 , B , , 丈 茂 寸 , 經 沃 者 至 中 , 葉 斬 其 餘 慧 之 誠 略 夜 , 言 含 信 云 日 祈 截 樹 ,

其 讀 觀 世 音 菩 薩 B 哥 德 瑪 逋 打 , 亦 與 譯 音 不 遠

旨

0

B ma 註 不 按 遠 哥 , 德 佛 瑪 陀 逋 音 打 與 極 Buddha 與 gauta 不 B 遠 a • 0 Buddha 又 查 觀 世 音 音 譯 菩 相 薩 近 , 0 又 査 稱 瞿 觀 曇 自 又 在 稱 0 喬 西 答 域 座 記 稱 音 四 與 縛 gau 廬 枳 帝

濕 伐 羅 音 與 A ualokitesuara 不 遠

去時霸雨馬不行,夜歸山谷道縱橫。天惜奇寶不易與,故作艱難爲此程

## 遊鷄足山伽耶靈塔雜詩十一首

我來印度訪佛跡,只此猶留丈八身。夢入漢明知此是,撒花供奉雨紛紛 古德靈墳塔百千,或經二千三百年。馬鳴龍樹今在否,亦是龍華大會傳 樹下青 青一片石,當年晏坐落天花。臺前石鏡摩挲徧 貝葉文書分五簡 石山翠聳帶雞足 絕域深山宵失道 佛像二尊大車載 伽耶靈塔百八尺,環繞小塔像千億。坐立十像真法身,撒以香花似相識 寶樹 婆娑摘葉回 水亭悄悄對方塘 , 梵天經咒得三函。施以夫妻雙合像,易來古石兩瞿曇 ,曾經佛坐亦悠哉。光孝菩提稱老矣 , ,狼吓虎嘯風阻人。弱女抱持行半夜,驚魂又作再生身 ,雙雙白牛馱以背。此像二千二百載,歸作支那最先輩 十七禪龕古道場。想見法王入定日 料有靈奇佛窟開。靈塔嵯峨十層出 ,只爲此樹作雲來 , 曾經悉達坐禪來 ,佛影長留識妙華 法雲亂墜雨花 香

第 編 意大利遊記目錄

白 序

首

編

海程道經記

氣象日增巨大……詩

放南洋至印度洋

過亞丁至紅海

 $\Xi$ 

蘇彝士河至鉢賒 詩……亞丁地形

 $(\equiv)$ 

蘇彝士河工程……運河略史……運河之要……埃及首都啓羅……詩

……小國之難盛……詩……希臘形勢……希臘今王……地中海歌

意大利游記

第一編

先泊巴連的詩往奈波里道中

西人侈靡之風……侈儉之得失……意人貧詐多盜……舊邦勃興之難 ……婦女亦有耕者……羅馬藉以統地中海……神皋奧區……舊俗類

擬意大利 華土之一……山居……古國多相類……進化之故……中國變法宜比

奈波里

人情之蔽……似北京……舊國整頓之難……三千年版築舊制……樓

居與庳宮之習慣……千年立國……燒炭黨之根據地……加里波的根

據地……嘉富洱之宮……詩

哈喬拉念古城 新發現之古城……火山之害

 $(\Xi)$ 

(四) 游邦渒之二千年前古城覽宮室衢道器用服食雕畫

街一……酒市……群飲舊俗……古廟一……埃及神……開化之序… ……道中所見……教堂多改學校……戲園……當時尙席地坐……市 邦牌古城之歷史……地球第一大古玩……關係之重大……火山之功

…噴水管之起原……壯麗類今制……官署一……市街二……富室一 淫畫……摩色畫……市街三……富室三……市街四……官署二…… 舊制……裸體畫……男女同浴之舊俗……樂店……妓館……淫俗及 ……鐵管之用……美術一特色……富室二……浴池……厚蓋厚壁之

六、七……玻璃起原……富室八……銅器……奇俗……全城之冠… 雕刻……官署三……淡逸之畫品……宛然中國物……富室四、五、

…行半日不盡……古廟二……古廟三……官署四……博物院……二

千年故國古物……與中國比較

(五) 喱蘇喱火山

「川東町クレ

歐洲最著名之火山……達官……葡萄林……警察冠奇製……詩……

吾先誰爲續

た天司……弗敦之余……音奈波里餘遊及往羅馬道中

(六)

大祇祠……佛教之餘……意國通商第一埠

(七) 羅馬

二千年石渠…… 祆祠 宏麗甲 大地

號稱宇內第一之彼得廟

(八)

宇內第一廟……與天主教興替之關係……門庭……殿堂……彼得保 羅墓……刻像之極品……一畫經四人死三人閱十年乃成 ……相上造

像……耶教之矛盾……歐俗畏鬼……認罪亭……認罪亭之暧昧……

諸教改革之一關鍵……洗兒儀式……寳石柱

(九) 教皇宮

(+) 羅馬最巨之鬥獸場

…迷信……摩色畫院……一大怪物第一巨觀……公園

地球第一大世家……第一畫師拉飛爾……油畫之祖……中國文書…

二千年鬥獸場……猶太人之血場……蠻俗一斑

(+-)羅馬最先之紀功坊

(+=) 歹布路宮 最古紀功坊

歹布路略傳……羅馬法律起原……初通中國之安敦……公園及圖書 館之起原……中雷

(十三) 奥古士多宮

**浙派畫……愷撒略傳……奧古士多略傳……羅馬千年專制帝政之祖** ……以帝王名爲爵諱……當時羅馬之形勢……今日歐洲政治之先河 ……歐洲之秦始皇……羅馬爲世界……君士但丁廟……古橋……羅

馬之四分……君士但丁之雄略……羅馬之三分……羅馬之分東西…

…地克里生爲羅馬罪人……國土分合之利病……競爭進化說之評決

……羅馬印度之前車……分封裂地爲帝者秘術……地克里生論……

焚人之刑

(十四) 羅馬首王羅慕路之宮

(十五) 尼羅帝宮(附論羅馬宮室不如中國秦漢時) 羅王第一暴主……男色蠻俗……中霭陋制……羅馬文物遠遜秦漢…

…文明普及之比較……讀中國書游外國地

(十六)

附論中國不保存古物不如羅馬

…崇敬英哲之風普及……無用之用……殺風景之一證……建築用木 中國破壞古物之略史……中國美術不進之由……堂構之舊俗宜革…

不用石之原因……建築進化之早……一大憾事……我國力之厚何修

不可

(十七) 羅馬古道

巨工存者此爲最

(十八) 羅馬四百餘寺至精麗者無如保羅廟 羅馬與歐北之比較……盡地球石質之所有……保羅墓……吾國人不

七七

知敬教……國民自立性……孔教之精備……莊生論孔……排孔者之

神權為據亂世之教……中國古代神權之盛……孔子廓淸神權之功…… 罪……歐洲尚未至升平世……宗教之界說……教主皆權術雙用……

…孔子爲文明時代之敎主

(十九) 博物院之刻石處

中國刻像不精之原因……古大國之氣象……瓊寶……全世界第一博

物院

(二十) 博物院之藏書畫處

右畫……中國蠶之傳種……織絾畫……古書百餘萬册……中國之大

慙

(#1) 公園中畫院

(廿二) 加西尼宮藏畫處

拉飛爾之畫……畫學之重要

近體畫之比較……四五百年前我國爲世界第一

鐵畫 盛士卑順· A藏畫處

(世三)

(廿四) 邦非利宮藏畫處

(廿五) 巴釐尼宮藏畫處

大地中刻畫絕詣之妙境……略近吾武梁祠堂……文野之一證……詩

拉飛爾本師畫……拉飛爾派之畫……詩

サ六) 元老院舊址(附論議院之制必發生于西不發生于中)

初世政權皆在元老院……元老院興替小史……元老院關係之重大……

落……王權永廢之原因我國村落之比例……平民之界說……日耳曼 …寡人政治……地形與政體之關係……希臘之比例……羅馬起于部

……日耳曼史與我土司傳一轍……國土大小與政體之關係……中世 之比例……部落械鬥會……非國會……日耳曼成國後會議舊制隨滅

獨延于英之原因……一、小國寡民……克林威爾事業之眞相……二

國際會議與春秋時盟會之比較……法國會議制之泡影……議會制度

及巴比倫亞西里亞阿刺伯諸國之比例……古代文明與民權不相容… 地僻海隅……歐洲全體之形勢……地中海之關係……印度波斯埃

有羅馬……中國不能有英倫……歐亞歷史之大異點……利害之相倚 …中國形勢……我古代貴族議院……中國不能有希臘 ……中國不能

(世七) 羅馬古蹟

我戰國時遺址……最大之宮室……愷撒圖書館……拉飛爾遺骸……

畫師與名王並列……古陵……詩……亞比西之棺……亞比西略傳…… …火葬之龕……焚尸及存棺……愷撒所生之屋……初通中國安敦帝

之遺像……羅馬古物入中國之始……羅馬商店之異俗

(廿八) 遊王宮

體制……華磁之見重……全殿皆拉飛爾畫……中西王宮相同之怪象

……中西王居閎狹之比較及其原因

(廿九) 議院大學

(三十) 邦非爾宮

所感……詩

三十二 古迹雜述

三十二 羅馬沿革得失 人口數千之野番部落……立國五百年仍爲小國……匈奴蒙古之俗…… 羅馬古物與埃及雅典印度並峙爲四……詩

…行同刼賊……開國之原無足道……羅馬文明之原因一……滅希臘

八〇

之影響……羅馬文明之原因二……一統之久……羅馬特別政策一、

……羅馬與秦之比較……與漢魏六朝之比較……幸與不幸……得失 一、三、四、五、……中國愧羅馬……中國之蔽……經義……古俗

遊加巴羅拉 相倚……地勢……五服三等之義

西方之歷陽湖……拉飛爾產地……以首戴物之俗……拉飛爾自圖其

家族

(三十四) 佛羅練士

佛羅練士之文明歷史……金幣之始原

三十五 自立市最古最大者……閎麗爲歐冠……喔呢士市之歷史……馬可波 匪 呢 土 市

戰國……詩

羅父子……世界歷史之健……商國與共和政之關係……商國必弱于

遊美蘭

于王宮……阿刺伯畫……富家布施之博物院……兵房… 絲市……小巴黎……美蘭市之歷史……南北意之相異……市易所過 ·加里波的

八一

像……拿破崙像

三十七

意大利沿革

意大利語系之起原……與中國歷史之比較……教皇撫意土之始……

黑暗時代……中世文明之一綫……均勢政策之濫觴……封建與自由

都市之關係……十九世紀初之意大利……新意大利之略史……嘉富

洱之功

三十八 意大利國華政治

面積人口……行政區域……吏治疎密與我比較……郵運……農業…

林業……漁業……礦業……意之特產……一、文石……吾國一富源 ⋯⋯一、絲⋯⋯工業⋯⋯工藝不振⋯⋯產業總計與英德法之比較⋯⋯

比較……意大利為我法戒……人之輕我者亦何由哉……大農少……

…食品與死亡統計比較……以貧而夭弱……移住民歲計……與中國

財政前途之危……銀行……殖民地……同盟國 …國貧民困……嘉富洱遺憾……稅則……兵備……政府歲出入……

人民開化程度……意大利所以不如日本德國之故

三十九 意大利之俗

八二

(四 十) 羅馬之教(附論耶教出于佛)

大地上絕新之局……歐洲二千年首都……僧國……最大之革命……

寺及僧之數……詩……僧國政府之組織……選舉法……佛耶相同之

點……標義之同……印度希臘交通之跡……儀式之同……新教非教

主正義……英人之言……耶教推行所以獨廣之故一、二、……耶教

之善……施之中國之不宜……耶墨比較……道術不可偏廢……中國

諸子所以不盛之故

(四十一) 舊說羅馬之辨證

髡爲羅馬俗辮爲日耳曼俗……膚澤隨地味而變……我遜歐人者惟一

耳……我國用金貨之早……安息爲東西交通之障……安敦像……甘

英之罪

四十二) 羅馬與中國之比較羅馬不如中國者五

豪族平民之爭……三頭政治之爭……百年內亂……武人政治之亂… 政權普及之廣狹……布爾賓……羈縻藩屬……文學教育之廣狹……

…三十暴君……末世之亂……與中國比較

(四十三) 論五海三洲之文明源士

大地最重最怪異之境土……界域五海之樞……連絡三洲之脈……一 、巴比倫亞西里亞文明……二、埃及文明……文明一原二原之異……

…三苗不足比埃及……三、波斯文明……西方第一期一統大國……

西方第二期統一大國……四、希臘文明……南北東西四流所瀦……

爲祖所自出……阿剌伯集印度波斯羅馬中國文明之大成……片土之 我國地形之缺點……五、羅馬文明……六、日耳曼文明……此片土

前途若何……我國人宜注意


爪哇也 將盡大地萬國之山川國土政教藝俗文物,而盡攬掬之,採別之,掇吸之,豈非凡人 之所同願哉!于大地之中,其尤文明之國土十數,凡其政教藝俗文物之都麗郁 遺恨於是,則雖聰明卓絕,亦爲區域所限。英帝印度之歲,南海康有爲以生在意王統 遇野蠻種族部落交爭之世,居僻鄕窮山之地,足跡不出百數十里者,蓋皆是矣。進 則欲攬掬大地也,孰從而攬之。故夫人之生也,視其遇也,芸芸衆生,閱億萬年, 力之短薄也,雖哥侖布墨志領岌頓曲之遠志毅力,而足跡所探遊者,亦有限矣!然 盡攬掬 而生萬里文明之大國,而舟車不通,亦無由覩大九洲而游瀛海,吾華諸先哲,蓋皆 元奘西遊,當道路未通汽機未出之世,山海阻深,歲月澶漫,以大地之無涯 者,縮大地促交通之神具也;汽船成于我生之前五十年;汽車成于我生之前三十年 ;電線成于我生之前十年;而萬物變化之祖,爲瓦特之機器,亦不過先我生八十年 一之前三年,德法戰之前十二年也。所遇何時哉?汽船也、汽車也、電線也 ,誤以爲二十五萬里,元卓朮太子之入欽察也,馬行三年,乃至博望鑿空, 而採別掇吸之,又淘其麤惡而薦其英華焉,豈非人之尤所同願耶!然史弼之征 ,之三 ,而人 美,

于醫耶,則必擇一耐苦不死之神農,使之徧嘗百草,而後神方大藥可成,而沈痾乃 竭作以效勞貢媚于我,我幸不貴不賤,無所不入,無所不覩,俾我之耳目見聞,有 地利 吉冷 以遠軼于古之聖哲人,天之厚我乎!何其至也!夫中國之圓首方足,以四五萬萬計 湖海,以注於康有爲之生世!大陳設以供養之!俾康有爲肆其雄心,縱其足蹟,窮 考其性質色味 私而得天幸哉 康有為於不先不後之時,不貴不賤之地巧,縱其足跡目力心思,使徧大地,豈有 底足下,攬之懷抱若此哉!縮地之神具,文明之新製,不自我先,不自我後 其目力,供其廣長之舌,大饕饕而吸飮焉!自四十年前,旣攬掬華夏數千年之所有 心精,奔走薈萃,發揚飛鳴,滂礴浩瀚,積極光晶,匯百千萬億之泉流,而 才哲如林 凡歐美之新文明,具皆發于我生百年內外耳!萃大地百年之英靈,竭哲巧萬億之 七年以來 嗟乎!康有爲雖愛博好奇,探賾研精,而何能窮極大地之奇珍絕勝,置之眼 爪哇 匈牙利 ,汗漫四海 ,而閉處內地,不能窮天地之大觀,若我之遊踪者,殆未有焉!而獨生 緬甸 ,別其良楛,察其宜否 !天其或哀中國之病 、丹墨、瑞典、荷蘭、 、哲孟雄、印度 ,東自日本、美洲 ,而思有以藥而壽之耶!其將令其攬萬國之華實 錫蘭 比利時、德意志、法蘭西 ,製以爲方,採以爲藥,使中國服食之而 ,南自安南、暹羅、柔佛、吉德、霹靂 ,西自阿剌伯、埃及、意大利 、英京利 、環周而復 、瑞士、澳 成江河 ,特製 所


故居寥天室。

萊、未過,則吾于大地之藥草尙未盡嘗,而製方豈能謂其不謬耶?抑或惡劣之醫書 耶?吾於歐也 焉!其可以起死回生,補精益氣,以延年增壽乎?吾之謂然,人其不然耶?其果然 審方製藥以餽於我四萬萬同胞哉!方病之殷,當群醫雜沓之時,我國民分甘而同 戴之矣!萬木森森,百果具繁,左捋右擷,大爵橫吞,其安能不別良楛,察宜否, 不勝也!雖然,天既强使之爲先覺以任斯民矣!雖不能勝,亦旣二十年來晝夜負而 可起耶!則是天縱之遠遊者,乃天責之大任!則又旣惶旣恐,以憂以懼;慮其弱而 孔子生二千四百五十六年卽光緒三十年冬至康有爲記于美洲北太平洋域多利之文島 分嘗一臠焉。吾爲厨人,而同胞坐食之,吾爲畫工,而同胞遊覽焉,其亦不棄諸! 于後,徧遊以畢吾醫業。今歐洲十一國遊旣畢,不敢自私,先疏記其略,以請同胞 中南美洲未窺 可以不讀 ,或不龜手之藥,可以治宋國,而絕有待于徧遊耶?康有爲曰,吾猶待 ,而非洲未入焉 ,尚有俄羅斯、突厥 。其大島若澳洲、古巴、檀香山、小呂宋、蘇祿、文 、波斯、西班牙、葡萄牙、未至也。于美也,則 味


## (+)里波奈圖一第



口里波奈圖二第



八九






圖 三 第

圖 四 第




圖 五 第

圖 六 第




圖 七 第






圖 八 第






山火砸蘇嘔圖九第


Ξ

圖十第

院戲馬羅圖一十第




園公馬羅圖二十第




九四

## 院物博馬羅圖三十第




處車電馬羅圖四十第





九五

## 圖 五 十 第




處渠石望外郭馬羅圖六十第







(一第內字爲石寶皆內)廟羅保散馬羅圖八十第



#### (二) 廟得彼散馬羅圖九十第




⊖廟得彼散馬羅圖十二第




九八


#### 廟古馬羅圖一十二第




圖二十二第



九九




圖三十二第




圖四十二第 廟利索遮釐馬羅


#### 殿正廟得彼馬羅圖五十二第




堆邦之年千二馬羅圖六十二第 ( 棺爾飛拉及王意 有內石純皆廟 )




#### 羅博依毡拿打風馬羅圖七十二第




宮故拉格拉加埠路爹帝古馬羅圖八十二第




#### 壙古馬羅圖九十二第




門域爹未拉卑馬羅圖十三第








圖一十三第




圖二十三第

#### 防牌喱利爹馬羅圖三十三第




圖四十三第




一〇五

#### (地麗繁一第國意)市士呢砸圖五十三第




Venise

#### (里波奈近)埠大亞射呢哐圖六十三第



Venezia

#### 圖七十三第



#### 圖八十三第






圖九十三第



圖十四第






圖一十四第



圖二十四第









圖五十四第


圖六十四第




者得掘下地在室宮故臘希圖七十四第




者得掘下地在礎柱之宮故臘希圖八十四第



#### (一) 者得掘下地在新刻彫之宮古臘希圖九十四第




(二) 者得下地在新刻彫之宮古臘希圖十五第



#### 圖一十五第




圖二十五第




Como

一四四


圖三十五第



圖四十五第




#### 圖五十五第




Como


#### 池水噴拿利嚦前宮王利大意圖六十五第



#### 圖七十五第




圖八十五第






圖九十五第


圖十六第



圖一十六第




圖二十六第




<u>ー</u>
ナ!

#### 圖三十六第




Salo

#### 圖四十六第



Salo Panorama

#### (河擺泰之語英卽)河路嘔咦梯圖五十六第



圖六十六第



## 海程道經記

安南,三月十二日,適暹羅,以事少滯檳榔嶼。至四月十二日,自檳榔嶼乘英之舟 光緒三十年,二月六日,康子再爲歐美游。乘法國公司船自港行。二月十二日,過

## 放南洋至印度海

山船。

四十尺,重一萬五百噸,馬力一萬三千匹,每時行十七海里。船主一,副手六人, 管機十四人,管伙食一人,火工百人,水手五十一人,男僕六十人,女僕七人,雜 十八日,至錫蘭,易披猗那公司之巨艦,曰孖摩拉。廣六十尺,長五百三十尺,高 工三百人,每年工金費一萬磅,容上客三百五十,中客二百,船出水面,高樓四層

,仰望之崇墉屼巇,若巨城侵雲,吾昔曾往遊歐美,未覩此巨製也,蓋氣象又日增

巨大矣。 海程道經記

編首

錫蘭乘孖摩拉巨艦往歐洲新覩巨製目爲聳然得詩一章

渡海至錫蘭,巍巍覩巨艦。樓觀四五層,俛臨滄波澹。驚飛上雲表,鵬翼九天鑒 。其長六十丈,洞廊窅深塪。千室以容客,弘廓尤泛濫。重過一萬噸,結構森慘淡

天塹。眼前突兀見此見船,海不揚波無險探

陷。昔稱萬斛船,北人信不敢。今乃廿倍過,後者應難勘。浮海突奇峯,島嶼築

。巨浪拍如山,邈若蚍蜉撼。驚波了無覺,蹈海若枕簟。信兹樓艦力,能敵海若

介紹於英倫貴要。卜公昔為港督,五年舊交,已亥之冬,曾保護我者。其夫人通文 之已熟,不爲異也。卜督避暑居別邸,滊車須一時乃至,船開不及遠訪,僅留書託其 乘划船登陸,訪英總督卜君夫婦。土人黑面赤足鬀鬚單袈裟。吾居印度久,耳目習

前後數四,可謂情深文明矣。

學,能著書,其女公子與吾二女同薇同璧甚厚。及至巴黎,已得卜公夫婦介紹書

錫蘭游記別爲書,今記歐游,不重錄。

## 過亞丁至紅海

二十日,自錫蘭行 扼險以瞰海道,令人可驚,得詩一章。 · 廿五日六時 ,望亞丁,山勢若火,雄奇絕甚。英人鑿山築壘

夕陽見亞丁,雄山臨海角。峯巒簇嵯峨,鐵色立若削。尖矗皆火勢,纍纍走樓閣

意態何��崪,金精横秋岳。斜坡下走者,亦復成剱鍔。邊海勢奇甚,麥加更何若

環犖确 落。大教自盛强,横絕非亞漠。武人兼君師,大地汝踸踔。我昔得駿馬,云產阿 剌伯。雄姿挺慓銳,追風走歷落。今猶思其雄,況覩山獰悪。惟天設奇險,石勢 ?想見山川雄,摩訶末乃作。仗劍掃歐亞,稱天傳教鐸。至今千餘年,遺種 遙相犄角 。紅海此門戶 0 遠將 大印度,一 ,强英先據攫。砲壘洞山腹,旌旗表蒼莫。錫蘭與坡港 網無遺落。盡握海王權 ,張翼遠其啄。嗟爾競爭世, 雖少 ,遙

海險無復獲。

要地 國事 事落人後 ,凡錫蘭檳榔嶼星架坡香港,將二萬里,皆英壘也。海權無與爭鋒者,不止中 ,卽歐洲各國亦無不讓英人占盡要着,豈天縱使然耶!抑亦謀國者有

亞丁山勢,聳特無倫,英人奪之於法,沿山砲壘,終日倚闌,望之歎息!追思所過

不臧耶!

自香港至西貢九百十五海里

自西貢至新架坡六百三十七海里。

自新架坡至錫蘭一千五百九十七里

o 錫 蘭 距

港三千一百

四十

九海

里

自錫蘭至亞丁二千一百十七海里。

亞丁距香港共五千二百六十六海里,凡為中里一萬七千一百四十八里

里六十之六十九有半,然則當多三千里之間,近於二萬里矣 0

得卵及扇各一, 亞丁土人黄色,微近華人,多持駝馬卵羽來售,羽可爲扇及西女肩挂 携之他方,則爲異寳矣。亞丁海面有飛魚 ,萬千飛躍 ,其身長二尺 , 吾以 二 先 令

開東此 傳聞 一十六早 卽 此 九時 耶! 飛魚有入船 , 自亞丁行 者 , 左右皆島 , 光景亦 奇 ,約 九里許 ,

並尖峻之山

,

海底故皆礁

0 昔號

之西可啓 一交爲超 證通古案 早代據

許

,

嘴長數寸,

似劍,魚有翼

。呂氏春秋謂雚水之魚名鱗

,

有翼

,

**檀水在西極,豈** 

海熱甚 鏡。 海。 爲流淚門者 至近蘇彝士河處, 波浪澄碧 , 此次清風拂拂 , 今履之爲坦途矣 , 左爲阿剌伯 兩岸山景尤佳 , 船人皆喜爲天幸也。望阿剌伯山勢之雄拔 , 右爲阿非利 0 四 時 至丕倫 ,加好風相送, 加 , , 兩岸夾山, 平迤之島也。 逈非亞丁之熱。昔人多言過紅 右平 有英砲 迤而 左 ,想見阿剌伯人 峭 台 拔 過此 , 波平如 即紅

才之盛 ,宜其文明之發 ,爲歐洲師也,甚欲一游之。

紅海夾山, 澄波不漪,水深碧,與日本九洲海內同 , 實非紅海也。昔人偶用爲名耳

蘇彝士河至鉢除

0

,

每海里當英

四月三十夜九時,到蘇彝士河口海灣處。廣數里,岸上燈火萬千,熒煌如晝,埃及 噸八先令,故以之守護河堤,易固也,逈非黃河千餘里之延袤,而歲修僅數十萬金 爲歐亞非澳交通地 無分毫奇法妙技 難 人守護 夜中一時入河 國醫生來船鯰 而自信者耳。黄河之屢崩者,以河流萬里,本悍甚。異於地中海之絕少泛濫也。 力守護之耳 之戔戔也。由此推之,沙漠之河,無不可開,北京渾河及通濟河之易崩者,以無貲 廣十餘丈,深三丈,兩岸皆沙漠,以沙包堆之,傅以橫板 ,而 全藉· ,故沙雖易崩 人工,刻刻守護 。然安得處處爲地中海口,當歐亞澳之衝者耶?里息勃斯 ,紅綠之燈,數十丈相望,以示船相避者也。蘇彝土河長六十七英里 人咸聚客廳,唱名走出 ,遂以人人易知之板築,擅希世大工之盛業,里息勃斯,乃精於算 ,輪舶往還極盛 ,而旋卽修之,人多守護,預先隄防,故堤工無恙 ,實絕無崩頹之患 ,而河堤僅二百里許,收過河船稅極重,每人每 ,其有病者,亦須扶出,其醫者則英人也。 。昔聞此巨工而駭之,今見之,乃絕 ,固以長椿 , 實 , ,蓋望之似 沿途皆有 乘時 市幸 此

置也

運河乃 邘溝千里運河,爲至大至古之河工,大地未之有也。今歐人以開運河爲尋常必然之 興 水利便交通第一大業,吾國自白圭爲秦開渠 ,至漢時爲渭渠 ,及至隋時開

得大名者耳。然成功所自,不能不感創始之人,舟過處,吾誦里息勃斯而頌祝之不

河 略 史 編首

海程道經記

運

事業 ,德人於頃年開運河三,長數百數十里不等,其一溝通丹牛波及來因河 ,不惜

運河之要 身治血脈第一法,亦治國便民興利第一法,其地塞者,國不治民不富而弱;其地通 萬萬巨費 ,以便運輸,其詳見德國游記。德人今尚日議開通他河不止,蓋通者爲人

速,縮 不能不有藉於水運 者,國治民富而强;其文野弱强貧富之等差,卽視其交通之等差爲比例。若夫滊車迅 大陸而通之,固必不可少,卽滊車徧開,然僅載精小之物,其巨物粗料 ,故鐵路載人及小物 ,而河船運巨料,二者相輔 而行 ,其於利用

佁

蔽之日 , 通而已矣。通者愈通 ,兼擧並行,交互並通而已

前民

,

兩必相需甚殷

,而皆不可少,且滊道愈盛

,而河運亦愈盛

,

亦相因焉

羅及首都啓 意人麡集凡三萬,法人二千餘,英人則三萬餘,大商皆英人爲多。昔者法人勢力爲 啓羅爲埃及都城,人口百萬, 歐洲商賈屯集,大厦雲連,宮室市道,儼同歐土矣

大,今則歸英保護,一切皆英勢力範圍矣。埃及人之富者,宮室用器,皆模仿歐人 , 餘則皆席地食臥,其服無袖。此地臨尼羅河,德法意人皆呼尼羅,英人則呼爲啓

羅,其建都在五千年前,金字塔古王陵石獸諸古蹟,皆五千年物在焉。爲大地最古

文明之地矣

五月初一日 人駈駝成群,千百以市,貨所在成市,如中國漠北然。河中有湖,廣百數十丈,近 行蘇彝士河中,蘇彝士河兩岸 ,白沙無垠 ,照眼皆痛 o 阿 剌伯 人埃及

,高聳

居 雲霄,本欲入遊,以疫禁客不果,望而嘆息!三時,至鉢賒埠,爲蘇彝士北 。北地中海,樓閣照波,誾誾雲連,馬車滊道交絡,人民數萬,皆環北岸地中海而 ,樂石隄長里許,中立里息勃斯石像,望之甚偉巨,美哉禹功!也之不能忘也 虚處

得一絕句

里息勃斯存石像,千秋神禹走忘功;如斯沙漠空能鑿,配酒蘇彝落日紅

鉢賒属埃及,道路未潔,居民有來船旁操絃而歌者,似歐曲也

,自紅海入此,見地中海,亦

蘇彝士河在赤道北二十八度四十三分,熱甚。去亞丁一千三百二十八英海里,亞丁 已涼,易紗衣而加夾衣矣

十七英里,爲中國凡二萬四千餘里矣。 距港五千二百六十六海里,總計來路距港凡六千五百九十四英海里,並蘇彝士河六

海道通達,國際聯翩,而華人過者,計亦無多,蓋天限東西,俾文明不易交通宣進

從此去亞入歐,山河兩界,于此限隔,厄顧漢月數萬里,甘英惆悵而不得渡者。近來

編首 海程道經記

天時至此驟長

者耶

,八時乃黑,五時已光,至意大利亦略同。惟柏林瑞典則九時乃黑

四時已光,稍不同耳。

之古跡,更可探游,乃決計往巴的連詩焉。 浪甚大,惟至意國之巴連的詩僅二日,且可冤地中海大風浪,而羅馬爲二千年盛大 **鉢賒為地中海總口,自此至君士但丁及奈波里凡三日,至法國之馬賽須四五日,且** 

簡行李,擇其必需而不可少者,爲二三小篋携之,否則分別另寄慢車,然寄慢車又 艙下大箱中, 極慢,往往一月或十餘日乃到,故人到而物不到,又不如勿携之爲簡妙也。 之費,千里之近,略須中國十數圓,若徧游大陸數萬里,則所費無數。故遠游者料 吾行李多在船艙下者,是日三時到鉢賒,先時欲起行李,船主不可,及三時到鉢賒 中,俾可携入船艙及可携于氣車中者,乃可隨時取用。寗可多置小篋,萬不可置船 , 圖書影相具器物皆不備,後之游者,有近身必用之物,必須特爲收拾 六時須易船往巴的連詩,匆匆下艙檢行李,則箱籠如山,徧覓不得。故遊全歐時 至 臨時欲用而不可得也。然遠遊大陸而乘滊車,稅行李極重 ,別置小篋 ,一箱

### 地中海

自鉢賒易意大利船 每小時行十八英海里。則甚速也。舟子多用意人,粗黃類東方人,船客亦多意人 名埃詩士,重一千七百廿八噸 ,船甚小 ,僅容上客二十八人,

望古遙集,

占一

絕句曰:

希 臘形

勢

讀作基哩士 五月初二日,連日過希臘島,遙望雅典,峯巒拏雲,頗極秀峭,如台州外望者。遙 , 此其東南境之山 也

過干地亞島 地 中開 海是天池 ,長四百 , 養出 九十五里 天驕開闢奇; , 又名結烈地。 回望鉢賒樓閣逈 展轉訪問 , 乃悟即 海波浸處海雲飛 希臘國 也 0 希臘英

念亞力山大帝漢尼巴之偉蹟,埃及腓尼士之文明,數千年戰爭兵艦之影

囘望鉢賒樓塔凌波,與烟影相蕩

,縹渺無盡

,西望亞歷山大市府不遠,欲遊未得

,極目蒼蒼

不如前船之文,甚矣小國之難盛也。六時開行入地中海,涼風襲衣,波濤杳杳

想二千年前之文物,今猶焜燿於大地,今親過其境,如與孛拉底畢固他拉柏拉圖

里士多德接,爲之低徊終日

希臘近海,

山不甚高,有燈塔焉,前二十年屬英,今歸之希臘

。希臘王爲丹墨王子

希臘今王

守令,本不甚貴,而 , 午間 其後在丹墨京遇之,彼還故國省父,徒步出遊 穿入 島中 , 高皆數十丈 西俗貴人好遊,亦好徒步也 ,青 山碧海 , 相迎如畫 0 ,蓋小國之君 自曉八時至五時 , 風 景至佳 , 自封建積來 0 , 惟 皆 行希臘 Ш 多童 如吾 羣 ,耕 島

草樹 者甚少 :彌望,今希臘新自突厥自立,僅數十年,足見治化之未至,或人口亦太少也 時有 小屋在 山麓 小松丈許 ,亦復寥寥

,若歐洲

各大國

則

寸

地皆

青

編首 海程道經記

一島名噫飾駕,當西一千二百年前,大將邀釐(尸噓)士往君士但丁攻拖來曾駐

此島,詩人賀梅爾,有詩二十篇詠之云。

吾船自鉢賒斜走西北,經希臘而入亞耳居海,又經自根半島而入亞得亞海。

# 地中海歌 波濤 浮 望 古 思 今 臨 波 而 歌 之

於東。 據其 浩浩乎沸潏灝渺哉,地中海激浪之雄風。君士但丁之頸延其西,直布羅陀之峽 剌伯以爲東南郭。巴比倫亞述之發生,實藉海波灌先覺。腓尼基與迦太基 陸槎枒若蠶叢。 0 亞居海港汊旣繁互,亞德亞狄海灣長成谷壑。高盧西班牙以爲西北屏,埃及阿 中 西與黑海相接 南邊橢圓如半規 中開天池萬餘里,洪濤浩演無不容。揚帆激艦可四達 (,東與 ,非亞列國憑險雄。東邊萬島相錯落 大西洋相通 0 南則非亞沙漠迴漠若拱壁 ,希臘文明於此作 ,北 ,羅馬伸股 爲歐洲 ,貿遷 Ш 口

明母,沿海華嚴成樓閣。羅慕路所居旣得地,雖起野蠻小部落。憑藉海波駕樓艦 處處依海角。海人習海波,海商成商國。西頓與推羅,二市未寂寞。用能販易文 鞭笞四表 一統廓。亞力山大有遺市 ,駝隊大船走集猶連絡。綳標愷撒 東 西騖

**鼐爾孫拿破崙相尋索** 

。滔滔洪波

,邈邈天幕

0

幾世之雄

,

賦詩橫槊。漁船

如飛

呼!文明出地形,誰縱天驕此狎渫!

綠碧翻翻涉。遙望雅典哥林多,嵐靄溟濛岳嶬嶫。七賢不可見,民政今未渫。嗚

雄立,日新而妙微。昨日一日行希臘,雲峰聳秀天表接。島嶼萬千曲曲穿,瀾漪

恢奇!不知木土火諸球地,似此海者有幾希? 地形詭異吾地稀,宜其衆國之竸峙而

意大利游記

# 歐洲十一國遊記

## 第一 編 意大利遊記

# 先泊巴連的詩往奈波里道中

然街道屋舍甚整,亦有來船絃歌者。警察者戴雞毛冠,彈壓於埔頭,船客下船以序, 百八十九里,經五十小時而到,不及兩日半,可謂迅速矣。此爲小埠,人民不多, 五月三日夜十二時,至意大利之巴連的詩,距鉢賒九百三十英里,爲中里凡三千 |

整淨不譁,自此登歐洲大陸矣。

在船酣寢竟夕,至凌晨六時乃登岸。凡一入客舍,所費不貲,自房租食費外 時已一時矣,然船客皆登岸覓客舍宿,以船中運煤入艙太鬧故也,然實不甚鬧。吾 ,浴費

客僅登岸宿四五時 二餅金,賞費自侍食鋪床守門運行李牽梯亭五六人,皆須賞賜,虛縻無算 ,乃無 一留船者,可見歐人之俗求安而必不少節 彼此 同不節 然船

故客舍及馬車侍役得以分養,華人則必節之,故客舍馬車難鬧美

,而侍役亦無以

侈

儉之得

失 轉之,不得獨息,故人人亦不得不奮而求生計 爲分養 反不匱,此爲理財妙義。其中彼此得失甚多,不能以 然合而論之,分利互輸,更易致富,歐人之法尤善,今美人之效既大著矣 , 故爲 一人計 ,則得其安,爲大衆計 , , 以互相灌輸 則分其利, 一言斷。今德人亦儉嗇 他 , 其道 物類是 與 中 , 推入輪 國 正相 能積貯 ,若僅 反 中 前 , 而 共

有 爲一人之計 五月三日七時 一游埠公司 亦未見其得也 , , 汽車 皆有司事者一人在車場 行 , 乘之入奈波里

,

以代游客料理

,

其冠皆有游埠

公司

字

,意人皆不解英語

,

遊之甚難

0

惟

歐

洲

埠

垣

,

毫僅 耳如 詐 英語名之曰哭 甚 。而哭代買票 , 自巴連的詩 ,其人必解英德法三大國之語,乃能應客 往羅馬 ,欺稱九十八,既查其價明告之,彼乃云在奈波里少停者 ,上等車價七十八唎利 五意 **啊利,略抵中** 國通行之幣也 ,余乃覓哭人 土。 而 託之 圓英 人磅易二十 , 八十

盜意

人貧

許多

七佛郎

,衣箱

件

,則云須二十佛郎,後索六佛郎,其他類是,則

極

難

信

也

意人

彼婦立 食餐而 可 至貧多詐 置 篋笥中 即失 即滅燈 ,而盜賊尤多,一英商告曰 走出 吾嘗· 多遭胠篋 0 在奈波里滅燈寢臥 後 雇 0 吾譯人偶不留意 西僕奥 人羅 • ,到羅馬奈波里客店,各行李當**愼** 弼告我日 管房婦入室燃燈四 ,在奈波里置二金錢於房中衣內 , 昔在 奈波里客舍夜寢 顧 , 我 展被學首 往衣 檢 ,金錢不 視 失去 之, 出房

金數磅

,與英人言之皆同。

行客運此,不可不愼

,與內地風俗略相近而尤甚矣。吾

舊 興之

之情 室田 74 來意甫登岸 也 玉宇,視其 大國頡 年矣 。吾昔嘗游歐美至英倫,已覺所見遠不若平日讀書時之夢想神遊,爲之失望。 如如 野之精美 頏 0 此四十年中 中士然 , 人若皆神仙才賢,豈知其垢穢不治詐盜徧野若此哉!故謂百聞不如一見 已極勉强 , 而更爽然!意久裂於封建, 亂於兵燹 ,乃逈不若,自爲風 ,固不能一蹴幾也;能令國盛强 ,工商業雖日加獎勵 , 雖經賢君相勵意經營 氣 ,舊邦殊甚 , 而未能驟與諸大爭, , 而以貧 , ,農工商業亦日進 , 蓋自咸豐十 雕在 小之國 歐洲 ,支持海 , 則 年 而 貧困 立國 北 ,已爲善 陸 歐各國道 一者舊 二軍 , 在我 國固有 治矣 , 與各 生之

之游火山也,乞兒數十,追隨里許,此與印度無異,此皆吾所親見聞者,若其襤褸

願連之狀,此各國所同有,又不止奈波里也。未游歐洲者

,想其地若皆

瓊樓

國也,其治未至,何足怪哉! 意大利屋形,頂多平方,類於埃及,雨必少矣,其井甚深

足食足兵,民又能信,三者兼致

,談何容易!孔子固言必世而後仁,意大利之新立

,

闌甚巨,以木架轆

轤

而

馬 加 考問 河運之 ,田中 也。 井 多井 處皆有累石小穹廬以息耕者 , 桔槔盈望 ,藉以灌 **溉者,特怪近海** , 乃解詩 所謂 如 中 此 田 有 , 雨 廬 也 何以少, 其 由 細

落多在 山山巓 , 白屋數百數十不等,沿野種桑,果樹徧地, 行列 甚整 , 耕皆以馬 路

意大利游記

時

到

馬

土多利

,

土山戴

石 ,

皆作平方形

,

山極

秀迤

0 車沿

海

行

, 平原

無海

隄

0

村

康南海先生遊記彙編

皆夾 小石 ,前垂帶, 田間農室極樸 少少 雕 飾,綠野秀木,與

者婦 女亦 有 耕

,

地羅 中馬 海藉 以 統

神 皋 奥

類 華

山之舊 居一俗

土

0

華

土村鄉

宇,夕陽斜照

,望之甚佳

村落同。其巨室亦無園囿

或剪齊草樹成之。

大利道多夾樹

意

品

者

,

地形

Щ

勢

,

肥秀如江浙

而過之,

吾生所未覩

也

抑抑

可謂

神

皋奥

圆

矣

而

無大河

,

以山迫海濱故也。

間

有峻嶺侵雲無樹

,

或夾以牆

,

牆高四尺許

,

以碎石用灰結之。

蓋北

歐

一夾道

,

用

木籬

,

亦其類華土之一也

木

刈穫 , 宜羅馬之藉以統地中海也。 , 男女咸集 , 是地溪港甚多,

陂陀 碧海 相望 ,千里相属,皆作

, 光景甚佳。九時半至夫特樓,屋千家 婦女亦有耕者 ,白布裙

青綠色。山巓耕植皆徧

,與爪

哇同

,蓋濱海之地,秀嫩已

,甚新。十時

後去海

入山境

岡

陵

穿山洞數十,

過橋數十

,正當收麥

,黄雲徧野

農家

無用牆者 用牆甚古樸不美觀。 此羅馬舊俗

,

,多依原野。意大村落,獨憑山巓,或下至陵麓而止。巍樓紅牆 , 冠山

,勝於我國。惟少林木,其宮室連比

,

巷道甚窄

,

與廣

州 抗

, 間 有花木, 亦在室內天井,故入其 中,行其巷,風致絕無

有不飾 Ш Ŧ, 者 與石之犖确相出 0 窓狹小 長尺 入 ,亦極不便矣 , 如廣 州當店 0 , 其屋尤古舊 屋 平 頂 上或更築小 築之以

灰泥

,

飾 以

紅白

亦

而

室屋巷道

,

在石

室

,

或

層

,

登屋平頂

, 多在 屋旁 , 有土梯層級 而 上 , 其制甚 類 印度埃及 蓋雨

0 屋極小狹 , 僅丈許 , 類中土北方然。有樓 , 多二層 , 遠不如北歐之宏

少之俗然也

古 國 多 相 類

進化 之故

比中擬國

意變 大法 利宜

中有高 橋三層,拱門數十,望如巍樓 ,此乃僅見 0

知古國多相類者,卽觀宮室田野,意大利與我國同者甚多

,

亦可知進化之故矣

0

一樓

,

則意人尚遠不如也。乃

麗,而勝於大江以北之人家矣。但較吾廣州鄉落室居之廣麗

概 而 論之,北歐各國 ,皆勝於我,意國 與我國平等相類, 特意人少茅屋而多

近者田 貧富亦相若 野亦 治 0 吾國求進化政治之序 ,葡萄盈望 , 桑果鋪茶 , 亦可比擬意 , 勝吾北方 大利 , 而 與吾江浙廣相彷彿者也 ,採其變法之次序而酌 行之, 0 民之

他國 則新舊貧富皆不相類 , 驟難仿擬 也

### 奈波里

極 車,左右長几七尺,皆厚褥 四時半到奈波里 美麗 ,客舍自爲之,五年前到倫敦未見,今詫爲異觀,及游全歐, ,車場閎壯 ,車頂平可置行李,車內可坐十人,髹全黃 ,持票領行李可立取。客舍迎客之雙馬車,長大幾如汽 ,則埠埠 ,如 ·皆然 乘輿

人情之蔽 望之若知

無有

。甚矣,人之驚新

而忘舊也!吾久遊歐美政治宇內

,

習焉若忘

, 然則

吾

之熟視無覩者 , 或亦吾國人所駭視震眩爲得未曾有 ,而尊之神之者耶

六十萬 奈波里四十六年前自爲國 ,環山襟野,憑海而居,樓房高下若蜂窩 , 嘉富 二洱佐薩諦尼王伊曼奴核第 , 風景至佳 統意國 , 與法之馬賽同 , 逐合爲 爲歐人所 , 人民

南海先生遊記 彙編

北 京 累日乘日 皆 稱 一砌石板 者 也 馬 0 崇樓 車 , 車 , ·行久則 輪頻欲倒 五層 , 成窪 與各國同 ,震眩我心 輪 過入之, , 惟 極舊敝 , 數日 時時傾倒 , 後爲之心跳 道路汚穢滑斜 , 與北 京前 , 道中婦女貧人,襤褸相 , 果菜之渣及馬矢盈積 時相似。吾 久不行

此

之 不 , 如柏 亦多乞者 林 紐 約 , 嗚呼! 者 , 亦 何其 在 此 似北 0 故欲整道路治宮室 京也 0 乃知舊國整頓極難 , 非闢新埠 , 木可 以屋難拆毁故 0 吾國 自北京以至各 也 0 倫 敦之

難 舊

國

整

頓

似

省 都 會皆然 可 借鑒 矣 1

版 築 奈波里 延廊 尺 方 , , 微榭 枝出 亦吾國三千年版築舊制 出 牆外 火 , 皆土闌土窗 Ш 及邦牌之道旁 , 夾道皆然 , 狹 0 樓皆土壁 小塵舊,窗多尺許圓眼,門多十字格,種 ,樓房二三層 , 所謂 百堵皆興,築之登登者也。 , 仍用板築,層層可見,窗戶亦極少 , 園林相屬 , 皆砌 灰牆 若吾南方, 種形式,皆類 厚尺許 樓 , 皆 上時有 高 用 五六 磚

,

習居 慣與 庫宮 築 宮而 ,不見此形矣。其與北京眞類甚 悪峻宇 , 成爲風 俗 , 故少層樓 耳 0 但羅 0 馬創俗,已好樓居 ,不若中土之義

年 立. 國 奈波里千年 來自爲 國 , 久爲法班奧諸

干

其

(憑控:

Ш

海

,

地

勢雄要

,

而

人才亦最

盛

, 卽

倡拒

奥謀意

大利統

自

立

之加

波

拿利

黨

大

所爭

, 隸屬

無常

,

而

要爲

Ŧ

年立

國

者

也

0

以

, 美

卑

之樓

制干

年

黨之 根 國統 又稱燒炭黨 之大業,則奈波里人之功也。 者 , 亦倡于是 0 蓋 自彼 千八百二十年起 加里波的自西西里島長驅入奈波里 兵以 來 , 四 + 年 中 , 都 卒 能成意 人苦于

據燒

地炭

底絕滅矣。

事勢至反

,而殘害尤甚,不可不鑒也

!

嘉富洱之功

大業。

當時意人激于法俗,多倡革命,加里波的瑪志尼亦主是義,而嘉富洱審時

度勢

苛政,壺漿迎之,卽在是地。數十年來,亂離不絕,兵禍至慘,故市里凋 難 人士,謀意國統一 復 , **殆爲是歟!甚矣兵戰之慘也!今經四十餘年休養** ,誠不能已,若我國由統一而求分立,以自削敝 , 而凋敝 尚若此 ,則必至分剖以 ,在奈波里 敝 い、元氣

入客舍 丈許 木森 里近 秀 上流之海旁榭閣街道並 , 乃卽 ,安頓 樓臺十數 意 行李 大利開國名相嘉富洱之像也。方面大耳 , , 卽 頗妙麗 出 遊 新整 ,遊人甚夥。 , 時已近暮,惟繞行 , 類北 歐 吾入公園 , 公園 市衢 在海邊 ,舉目則銅像峩巍于林杪 , , 自山 氣象雄偉 , 石隄新樂,電燈 循海 , , 君臣 至于公園 德 相 屬 奈波 以成 長大 ,林

登歐洲 苦心于外交以成弱小之國 又適有英主相得,獨主王權以合成意大利統一之業。若其善結英相法帝以拒强奧 大陸第一日出遊,下車卽見嘉公之像,爲之懽喜踴躍 ,惟諸葛可與比倫。吾于近世歐洲人才,最爲敬慕 ,額手加敬,瞻仰感慨 小,今于

,不能去懷。

我生編

數歐洲才

,

意相嘉富實第

0

我今日首登歐洲陸

,

初遊即

見嘉侯

銅

像聳雲

初登歐洲陸奈波里遊公園卽覩意相嘉富洱像喜賦

而 突兀 0 方面大耳修幹軀 , 眉宇雄偉態强倔 。森然天人姿 ,降誕救意國 0 我生最

奴制 燈萬千歌樂喧,繡幄香鞋草成茵。士女嬉遊瞻仰頻 墳。奈波里本非公國 見情彌親。有若公生咤風雲 分裂十一邦,竟能統一國獨立。外結英法兩君相,內容加瑪二豪傑。前拒强奧之 臣魚水亦復同,明良千古難遇合。當時革命民主論紛紜,獨以尊王違俗說。遂以 發。忽念搆造遇之艱,聳然起敬手加額。少日躬耕類南陽,壯能擇主同諸葛。君 之始已四旬,與公相隔三萬里之關津。豈意入境第一日,先見公像結緣因。東海 意國爲妻情何窄。大地嘉耦汝最奇,得此丈夫種不滅。瓣香我只爲公焚,今日相 想慕之英雄,忽爾遇之喜舞不可遏。譬如好色者見所愛慕之美人,情意懽欣中暢 ,後絕霸法相侵壓。成功雖同俾斯麥,艱難締搆過千百。超然若無人世欲 ,鑄金乃記范蠡勛。林木森蔚樓臺新,海浪淙淙石隄濱 ,揮斥天地獨立軍。仗劍昻首向蒼旻,微公誰 我生東方之大秦。當公立國 歸

無

電 典

## 哈喬拉念古城

西海波瀾接,徘徊悵望想千春!

發現 之古 新發現 二日早 年乃發掘出現 ,不通天光 ,先遊哈喬拉念之地下古城。奈波里之邦潭古城,人所共知 ,即在奈波里本城南,其上有室,守者二人,入者每人一佛郎,守者 ,人所罕知而罕遊者 。亦二千年前爲火山所壓 , 沈下九十尺,近 此古城 小

城新

火山之害

0

横楣

石及鋪地石皆磨鐫清切

,與邦猈同

,

以陰氣襲人,不欲徧

遊

,與守者購取雲

石一片

,

逐出

0

當時

死 人,

未知其數也

,火山之害亦劇哉

之。 石, 燃燭導入,下石級數百,凡爲三室以憩遊人,穿一隧道,展轉深入,左右夾墻用雲 神 其 鑲嵌凹凸,與今制同。至深處有石梁 廟殿九級平階,一石座置獻物 ,室髹紅畫花,左右二圓柱 ,流水滴下,上爲石橋及瓦 ,礎上有花作芝形 · 拱豎蓋

# 遊邦渒之二千年前古城覽宮室衢道器用服食雕書

壓。 震 午遊 , 時羅 ,噴火,全埠三萬人, 千年沈冥冥,於西曆一千七百四十八年,有穿井者,發掘灰石,得精製品物甚 邦牌 馬第度帝大施恩惠以救難民 , 距奈波里二十餘里許 爲火山所壓,死者三千人,犬豕雞同 , 在海灣內 ,而沈埋甚深,終難發掘 , 蓋當耶氏紀元七十九年 · 其宮室廟堂 時而 僵 化 0 匪 , 餘僅 ,同 蘇 威 時被 走冤 火山

歷邦 史渒古 城 之

多

0

後七年, 奈波里王查爾斯三世時

,發出

大戲園,漸漸疏剔

,

至乃全城

顯

露

, 火

Ш

之上覆移

盡

,

則牆園道路室階像設器物食品玩具圖

畫字蹟

,

具存

,

斑

駁

壯

麗

,

古地 第

玩球 大

關係之重大

意大利游記

關於政治 發掘六百年一 , 遊之如在二千年前羅馬 文化風俗 古城 之法戒 ,尚未盡也, 古國 以 中 爲進化退化比較之具 吾曾遊之。希臘亦發現一古城,吾曾見其圖 , 見其 人 、物風 俗也。 , 亦莫大之鑒矣 此爲地球第 一之大古玩 0 近年匈牙利 ,然 而 亦 所

皆不能比邦渒之龎 大弘多矣。欲知大地進化者,不可不考西歐之進化;欲 知西歐進

火

山之功

以 有

火山之臣

禍

,尚爲有

萬里長城

,天下之得失,固有反正兩例而各相成者,故言道者不可離陰陽也。夫

益後人之偉事,不能不嘆美之,況其他乎?僅知偏至之論

,在今發現,則爲考古鉅觀。微火山吾安得見羅馬古民,微秦政吾安得

,則莫精詳於邦渒矣。在昔沈滅

,則

爲奇災大禍

化者,不可不考羅馬之舊蹟;欲考羅馬之舊蹟

道 中 所 見

校教 堂

多

改

學

者 ,其 所見幾何耶?抑何足與論道哉 1

故教王一宮,今改爲學堂矣。規模閎敞 寺院爲學也。然意國之教僧充斥,與吾國之佛教衰微,事正相反,吾國稍留古跡 也。意國自復建以來,敎皇失權,多改敎堂爲學校,並以其租充學費 由奈波里至邦牌, 輪屼 傾仄 ,有類: 北京 有汽車, ,居民貧苦襤褸 數分時可至 0 ,門外一環樓 ,操賤工者多, 吾欲觀閭巷風 ,亦高三重 俗 里巷湫囂 ,故乘馬車行 ,黄 , 亦似 色, ,此亦略似改 中土, , 市道 頗類印度 道經 崎 嶇

助國 力 而 發光明耳

正復

無礙。若意國則天主教權,以黑暗蔽世界,寺院太多,正不得不改爲學校,以

大道中 沿 餐焉 海 而 0 店主以邦渒畫出售,先購數册店 行 前 , 對 坡原鋪 火山 十里許 棻 , 多植萄萄 , 右山環如屏 , 園圃 相 ,主引入古城,相距數十武耳。遙望邱上小 , 綠野蔚 屬 ,到邦牌入一客店 秀, 店中純寫 古城之畫 , 紅牆 妙畫 , 73 , 少憩午 當列樹

屋無數 者是也。門有小室,花果扶疏 ,購票乃入, 每人二佛郎,繞全城各街道甚遠

戲 園

臺

,圓

環石十五六層,每層高

七寸,石皆平滑,

其後在羅馬所見

大戲

場

,

匈牙利表

高

五

之高

衙

大府第也。先至一兵房

,方圍各存十四柱

,皆紅磚爲之。薄半

中土

, 乃

上戲

有

肩

輿二人擡之,如禁城之肩輿然。

吾坐其

輿,委折

**治入**,

門數重

,

頗

類

中土

坐時 當 尙 席 地

德卑

士所見戲場

亦同

此制

,

必當時尙席地坐也。上爲大戲院,白石雕鏤極平

市 街

戲園

牆

厚數尺

,

作

.圓形

,

門皆

圓拱

,

處處皆磚牆

,

以灰結亂

石 0

爲之,

塡雜

石

爲道

丈許

,

凡廿二層

, ,

其廣

大比今日戲

園

,

口

以想其游觀之盛矣

**拳**确

不

整

,

類

Ш

村

然

,

然

左

一右有

溝以洩水矣

0

道廣不盈丈

,屋高丈許

亦

有

稍

庫

酒市

稍崇者

,

大概類

吾楚桂郡縣治也。逢交道處,有三石峙數寸

,以消水流

而

便

人行

0

沿道

賣酒

店無數

,

衢屈折

,

存無數

,酒甕有高三尺許者,

**廣圓二尺,多尖其底。又有大爐如圓穹,** 

室廣

七八尺

缶

, 尚

望見之,結白石以爲爐,煮酒者甚多,今酒爐酒

群飲

舊 俗

,

皆蒸酒者

,

想見其沈湎之風

。今歐人無不好飲者

,

德法尤甚。客店食桌中

無有

廟

古

意大利游記

過 爲 廟 ,

客 ,

神 座 , 極似

中土鄉客之神祠也

0

獻神

之石座

,高四五尺,

長

大可置

4

前後刻

高 ,

五

尺處

酒盞者 賞之以錢 若不飲

,

,

則

飯

價昻

金,

蓋猶羅馬之舊俗也。

過一泉

,甚清潔

,

有持勺飲

方堂崇階 , 石 級 七 層 ,

堂上六楹,左右六楹 ,門六楹 , 寝室有 牆 ,

四五

埃及神

康南海先生遊 記

捲書形 也。 其 , 階前 小室以灰成 有小室,以爲祝居,有道通地下而至神座 ,突花草魚鳥 神 仙 , 神堂復有像, 男形 ,以託神語 , 左右爲女形 , 其神爲埃及神 ,持 一剪

許 , 有 孔 以 爲磨 , 如 此 者甚 多矣

此

新摹製

者

,

其

原

物在博物院

矣。

旁屋有神龕如中土

,

畫紅綠連錢,

有圓釜大二尺

過 Ш 丘 , 卽 戲園 後也 , 有大廟殿 , 在丘平頂上 ,柱數十, 中 座崇九級 , 似 中 土寺

開

化 之序

觀

0

旁有

大方石一

,階下有小圍牆

,

門

正對

階

,

亦與

中

土同

0 開

化之序

,

何其

類似

之甚也 神 ,故多井 0 但今者歐人大講建築之學, , 其闌甚潔 有六柱,蓋舊爲亭也。 崇閎偉麗 , 而吾國 井甚深, 尚滯 有大白石盤 而不 進耳 , 0 重洗盥 圓 廣 四 尺 , 敬 ,

壯原噴 麗 水質 1之起 4 製 下作棉花,高三尺,柱中 0 柱 上石二層 , 刻石瓦三桁蔭之。後門七柱,柱高二丈許,大二尺許, 有孔放水流,柱每截三尺,今歐人多噴水管 , 方形 蓋仿 于此矣 , 極壯

故神 偉 , 以鐵棉承 面之石有 横 手痕 石 , 其壯 已低 滑寸許矣 麗類今之巨製矣。 前有井,上刻神,拜禱者以手洗神面

經 磨 店 有白 石磨 , 有 嘴流下

再 二神 廟 , 中 -爲天井 , 兩旁小 室 , 制 如 中 土 0

\_ 沿途店甚整 ,廣深皆丈許,床以磚結 ,甚小,僅能容人 ,有室亦極小 尚 横臥 骨纍然 , 廣數尺 , 類

市

街

官

署

入官署

以白石爲天井

,

有

極圓

石尺

許

, 視

其

獄

,

死

W

, 白

富 室

鐵管之用

與中土寺觀

同

0 中

爲庭除

,有小池五尺許,白石環之,中有圓石柱

,置水管噴水,上有

0 羅馬之商店則 類中土鄉村者,亦類小城市者

自南洋暹羅

緬甸

,但皆以磚爲之。印度以石,然尙不如此之廣也。初開化之室店,類皆狹小,

安南爪哇皆然,印度室屋甚大,而店肆廣數尺,則賤商之俗爲之也

人 入一富室,壁皆繪丹青 , 色深厚 , 如今油畫 , , 有 皆極完好 室, 圖其全家,凡十三人,爲 ,下作床,皆畫花草方格 七幅 , 其餘牆皆紅幅嵌 , 相極端 好 , 似今 黄

柱,如今西式,則鐵管之用久矣。今機器大行,乃引而伸之,然羅馬文明之程度工藝 圓白石三尺許。花階間有赤身石像尺許,上層由五石級登之,有鐵管注地,環庭各八 之精美,可以此推之。正西客座畫人物,其下作紅黃幅,或方或長,皆畫草 一白石一紫石 ,兩色相間,一室用五色小石,數分大,砌花草,名曰摩色, 或作 , 階 磚

故 字,或作棋樣 歐人之繕 美地磚 ,或作長方角,今歐人盛用之以作畫,尤貴重,皆仿古於羅 , 其來已古,過於吾國,亦過於印度矣。旁爲舞室 , 其厨 馬 有 大白石 者也

旁有厠 作板 , 又有 共長二丈,廣八尺許 大紅磚 , 方尺五六寸許,旁設水池 ,此屋分前後二座 ,隔牆有圓窓以取水 ,前 男居 , 後女居 , 0 前座 有燒 麵 左 一右房各 之竈

色 鶴 , 皆有樓 其 灰甚滑,其色紅 ,入門 , ,二千年經風雨不壞,此羅馬之特色,與埃及之裹尸同,亦 巷,狹數尺 , 長丈許 , 今京師 亦多有 此式 0 牆 皆有 書 繪

意大利游記

美

術

特

奇術 也。 今歐 人宮室多仿之,吾國古寺廟多同是 ,然色易凋 ,不能比之。 若其宮室

制 度 ,全同華土,但彼**變**而有進,吾守而不進,以 此爲異耳 1

室二 再過 一富人室 ,門刻屋主人像,以白石爲之,今制正仿其式也。前門三正面

富

甚 石 人家尚少此巨製也 上下皆石 長 爲庭除 ,左右各七柱 0 有四 , 上石圓凹 人 。然皆狹窄二三丈許,無廣園 面大鳥,白石所刻成也 ,廣四柱 , 庭階 , 毎柱 室屋 近此六尺 ,式皆同 ,有白石噴水池,今畜中國金魚焉 。夾以爲座 中土 ,惟衆柱環拱 ,左右各一室, , 則 中 度一牆 或 廟堂 有 0 , 有磨 庭階 以白 之

中霤 大富人 爲 大浴 房 亦 圓五尺 ,其長 能 頂 出 廊凡柱十七, 風 蓋作圓龕五 俗之外故耶 室皆白石長方者, 0 ,皆畫花鳥 臥室塗黄極光滑 ,其 鳥如生。其圓拱皆紅黃色, 大小相銜 , 地 磚 五 色相 , 池圓丈許 銜 , 甚 一文明矣 深三尺 或六角 0 , 過此 有

庭植

花

木者

,

則

亦

風

氣

所限

雖

有

浴

池

有畫神及人 上海浴室 ,其女浴室別一小池 , 有天星 ,有文字,壁上十五小龕以置衣服 ,方丈許,左右壁各小籠十五 ,下有橫石以便 ,前 五與男同 人坐 如 4

衣服 者也 上圓拱厚尺許 ,有中霤二,夾道皆同,長數丈, 壁瓦皆厚二尺許 , 亦以置 ,極似

厚 壁 之 又埃及希臘亦然 用板築, 爪 哇之竹渣王宮 故必極厚乃堅固,然今中土人家皆用磚牆 0 0 今中土惟吾粤五層樓及殿寺署壁 吾觀印人宮室,上蓋面皆平, 用灰爲之,厚二尺許 , 仍有 崩 二尺許厚之牆 , 羅 者 馬 亦 蓋 同

,

無二尺厚壁,頂蓋用瓦

無用

古

一尺許厚之灰沙,蓋北西歐,亦與中土同

,則此制尚未盡開明也。以其厚蓋

厚壁

舊男

俗女同

浴 之

其後 懷 遮其下體焉 粤無浴 浴 壁畫 白石 爲極 淫樂之美觀 管大三寸以引熱水 陰沈襲人,不宜於養生焉 石雕刻爲之 , ,日 道之始必如是 皆千數百年而猶存 , 獨樂不如 作 偉 突花鳥繩草形 廉恥 大之製 地 室。歐人尙樂,故雕刻皆尙赤體 本昔男女同浴,今亦同之,此與京津同 , 明潔甚 , 日進 0 故 極 同樂 瑞典與日本同,並不用短褲矣。印度熱地,極重浴 作 也。 精美也 矣 0 則 故日本維 0 , , 歐 有 此與 男女異浴 故多同浴 皆精絕 今荷蘭人盛行之。 ,則勝於中土之磚瓦 人浴房 0 熱水房 蓋浴爲潔體之大事,可以去病 今歐制同。 。雖然,歷久不壞,故羅馬印度之室,及爪哇竹渣 新 0 池外一 之前 ,今亦但分男女室, , , ,各國多同之。 夾墻 又進而 亦然 赤體女石像 今歐人機器極盛 以引熱水 前 惡其褻也 ,宜其浴無擇也。然今則頗尙恥 , 吾遊日本箱根溫泉 有大圓石盤 ,忽而沒盡者矣,是又未可厚非也 史記識於越之俗,男女同 0 , 注於 粤人廉恥最重 , , 不肯裸以相 男與男赤體同浴 此制今歐 , 大白石池 ,製此甚易 , 大五六尺 浴爲樂魂之妙事,可以暢 人盛行 , 蓋猶男女同浴 見 無無 , 長 富 , , , 在羅 赤體 中置 文餘 則 , , 女與 人浴室 處 人 相對 遺鐵管 噴· 處 Ш 馬當時 人異 , , 以短 崇二級 仿 而 女赤體同 之 、室矣 者 一。有熱 之王宮 也。 浴 , 以白 布褲 , 水 ,則 , , 故 極 及 蓋 ,

意大利游記

此

則富貴者先行之。吾粤人則無論貧賤,亦無裸以相見者

,

則尤文明矣

0

此地又有

熱水渠 ,凡五小室,以備富人之獨浴,有鐵管以引水,此似北京之官房也。吾徧觀

故 ,且 極寒之故也。粤人乃不好浴,則屋小人多,太尚廉恥之故,積久則成俗焉 o

大地各國人情無不好浴者,惟西藏布丹廓爾喀人不好浴,故最不潔,則

以難得水之

然多置浴盤 ,僅求隙地,足以容之,旣可潔體,且可樂魂,衞生却病兼之,亦何可

亂世異 已哉! , 嗟夫浴者人體之公理也。豈可少哉?野蠻不浴,據亂同浴,升平之世, 則尚異浴 ,太平大同之世, 人各自立,人各自由 ,則復歸於同浴耶 廉 0 **恥與** 

浴室 , 入院甚 大, 有客座白石爲之,壁皆畫樓閣人物 , 有鐵窓方格爲之也

前有藥店 , 畫兩蛇及草爲記號 ,疑如中土之生草藥店 ,亦有蛇焉 ,此皆製品未精之

俗 也

藥店

妓

館

淫俗及淫畫 之俗,好畫陽具,各室甚多,與日本維新之前俗相同,蓋尚淫甚矣。人道之始蓋 不如此者,今非洲各蠻皆然。升平之後,賢哲有作,乃敎以尚恥,然後稍變耳。 旁爲妓館 ,其門墻上突一男子陽具,大三寸許,長尺許,爲記號,昭其質 也 一。羅馬 中 無

其妓館 由 土印度囘敎歐洲之地皆然,足以徵進化之序矣。風詩多男女淫暴之作 來久矣 床以 ,但印 磚爲之 度回教戒之過甚 ,甚高而 小,制極拙矣 ,則抑女而至於蔽面鎖樓 ,壁皆畫男女交媾狀,多反後爲之,或者其 ,此又矯枉 而太過者耶! ,尨吠桑中

男色耶!其畫牀則似歐人之疏畫,長几紅色,有褥甚精矣,畫色至今如新,此其絕

摩

色

書

成 有一密室,水射之,爲一龕 畫 , 所謂 摩 色也 0 歐人盛行 , 色畫三字 以小石砌成五色畫。一室畫女子浴,全屋皆以小石砌 摩 畫一牛極精,寫HAVE 四文,其壁畫

過 養繭. 店 , 置 一赤身鐵像 ,綠色魚 大尺許 , 精 甚 0

市

街

Ξ

人物皆

極

佳

過 牛肉 店 , 以方石置牛五足 , 如中華石枱然

Ξ 過一 制及畫略同 貴家, 前室 全地摩色, 所畫花果人像如生。 五色石點綴成花。又方角處小石如 蓋羅馬承希臘美術之餘 釖 ,吾各拾得 故於畫最精

過一 酒爐 , 下作地牢

,

,

也

其

, 餘室

市

街

四

富

室

過麵包店 ,以石砌圓 龕 二屢 0

官

署二

像 入一官宅, , 刻極精 甚麗 0 有男具石人二,石鴨二,石馬二,石兎二,石魚二,石鱉二, , 制與他宅同 ,而石像甚多。 庭除甚深,上下二層,中供一 白石神 人面 馬

, 皆在花草掩映間 , 蓋羅 馬之俗 ,以雕刻爲尚 , 故陳設尚 Ż 0

又入一 臨 石池 官宅 , 四壁畫魚鴨蝦無數 , 摩色 畫 鋪地 , 更壯麗 , 鷺以數筆爲之,花上鳥亦然 0 中間 水管激射 , 下 一白石神 , 其餘花草 龕 , 七級 , 皆瀟灑 而 E , 前 出

官

署

Ξ

雕

刻

足之怪一人

,

以手提其足,又一石刻人挾魚蛇

,極精妙矣。又有兩石刻人首立左右

康南海先生遊記彙編

掞

逸之畫 品 塵 0 如今江浙畫,其着色尚極新,吾國人覩此,則知淡逸之品,羅馬人二千年已能

爲之,所難者仍在精工迫眞耳。故今日歐人之畫,又上一層也。此室若遷於中國

,皆

七富 宛 然 室 中國 79 Ŧī. 六 物

信爲中國之物,蓋無一不與中國同 也

又入一富室,其畫 極佳,室制如今式 ,其桌有鋪褥,其冠有雄雞一

又至 一富室 ,主人名……

人物皆具男女形,

室有白石桌甚精

,

與江粤富室同矣

,

畫作文字甚多

叉 一富室,主人名……… 今仍之 校者 識缺

各室皆刻名壁上, 室有洗衣房 , 作 :三層池 , 餘式同。 其厨有作麵之鐵具 , 則 其於

食具 亦精矣

起 原 又一富室,有玻璃矣,足見羅馬製玻之古。餘摩色地磚畫壁池亭,略同他室 ,類中土,門庭甚大。門旁一房 ,庭

富 玻 璃 室 八 末入一 大富室,弘麗爲此城之冠矣。門高數級

矣 有鐵箱,偏銅釘 , 赤體 此 右旁一庭二室 像 最爲真物也。又入兩庭 於是見羅馬之淫風 ,綠花斑駁,石獸甚多,雕刻極精。又有圓石 ,爨釜之具五,皆鐵爲之,如古燒牛然, 極矣 , \_ 室畫男女交媾者 。此大門立一 男像 0 四牀 , 陽 具極長 斑駁青綠 器皆 作 精妙 大, 神 像 , 似 有 0 , 其東 中國 東向一 一人以 向 古鐘鼎 大室 權衡 庭立

稱之,聞此爲賈事,故繪於此,乃在大門以示衆,亦奇矣。今以板蔽之,時其開闔

奇俗

銅

器

五三

全 城之冠

柱,東西四柱

以示人焉。西向一大室,隔一梯,又一室,又一庭,其當正門之大庭,環廊南北

,置石人鐵人十餘,石盤石枱方圓長形不等,亦十餘,刻鏤

極

精

0

東

七

向一堂一室甚 爲全城之冠也。今意人以大銅鍊繞其邊外,不許人近,且修其墜瓦以爲完室 大 , 四面 丹壁,繪畫金釆,完好如新,圖寫其當時人物風俗器具 0 , 旁 亦

三室一 庭 。畫亦極 精妙 其旁室酒爐 ,亦畫男子具三幅於爐前 ,當時羅馬之淫俗流

0

行如此 則源 流 ,大衆不諱而公彰之。然今各博物院陳設之像,無不赤體 有自,毫不足怪矣。此城望之雖小,而行之無窮 ,衢巷轉折 者 , 皆露男女之具 南北 東西

下,乃速行而 Ш 0

行

半

日

不 盡

行半日不盡,蓋巷窄屋小,所容衆多故也。然雖三萬人,

而神廟

甚多

,富室甚多

所經者已數十,自入此最精麗宏大之巨室後,餘皆不如之,亦不暇徧觀矣。日 西

法不 傳 廟,石堂上存鐵條四,其中空焉,扣之皆作樂音,清濁協律 0 出登高邱上,正面爲大廟 , 正殿二成 ,下九級 ,上六級 , ,亦異制也 至殿 陛 , 」。惜其 殿上 大

大廟

 $\equiv$ 

古 口廟二

有一

石柱 , 廣六深亦六 ,今折斷之餘,猶 高丈餘 , 廣二尺餘 0 堂壁內爲三室 也 , 其 左右

皆有 廊 , 刻畫 深邃廣濶 每柱距 , 氣 八九尺 象 萬千 , ,自堂至門 東西石柱各四十四 遠至三十餘丈, , 闌干 亦四 廣 十四四 # 餘丈 , 礎大五六尺 兩 廊 堆積 瓦石無 ,柱礎

意大利游記

數

皆室材也。此等大廟

,在今歐洲,亦爲大者,想見此城之盛

而

羅

馬之文明矣

官 署 29

審官署甚閎大,左右柱各十七,每距丈許,柱礎刻甚精。正中宮座石爲之,高五尺

博物

院

0

廣二丈,夾牆厚數尺,其上必如是矣。門凡十柱 ,門前牌坊一柱,凡三層 0

入 自此夕陽已下 , 則皆邦牌故物 ,不及細視,匆急行至博物院,守者已去,覓之來,厚給其費 也。 死尸人十四, 胎一 ,犬一,雞卵麥豆米荸薺平果,皆以筐承 經火後皆化 , 開 黑

色 之 , 0 4 各食品皆然 -羊肉 麵 包並 , 歐 具 人之食麵 , 可推 見食品焉 包,蓋亦源於羅 。其麵包如平餅,圓廣五六寸, 馬矣 0 死尸 以玻 運陳

於

中

,

皆

作

灰

色

衣

服 瓦缶尤盛 冠履皆已黑霉 有反覆臥者, , 刻畫精古,多仿埃及,皆作紅泥色。 有 , 亦有 作業者, 可辨者。 其移至各國博物院者蓋甚多, 其鎖制甚 大而 奇 畫人物極 , 有 以銅爲門櫃 存於此者不過此數 類 吾國 一古鐘鼎 者 0 用 器 , 吾此 亦 甚 0 其 多

得其斷磚碎瓦舊灰及瓦缶,蓋二千年建國之古物 , 亦難得甚矣

古二物千

年

故 或

中國比較 尤鮮新 大概 論之,邦渒之宮室器用,無一不類今日中土之僻郡。其牆壁之畫旣精美 0 鋪地用摩色畫,庭多石人石枱石盤,刻鏤皆精 , 此則吾國今日尚不

及也

,而色

携

蓋其 地控海疆 千年尚 不過 , 千古皆爲 如彼 , 則 大都會 可 愧 甚 , 故當時 ! 然偏覽歐土大進化, 邦牌 亦必爲名城 皆在此百年, , 如今之奈波 百年前屋多 里矣 0 然吾

五四

國

低小

,

亦與中國同

,

則亦無可深愧者

與

笑乞丐 難 者 火 五月五日 山 , 豈不然哉 也。 而奈波里民乃貪便利而 , 車 火烟常噴,望之可畏 , 夫 游 鞭 ?乘 匪 之而 蘇 馬 匪 士火山 去。 車行十餘里 至山 不 ,高四千二百七十五尺,壓臨奈波里埠 脚 去 ,而人民亘古居此,具爲都會,亦險矣哉!人情不畏險 , ,且建都於是,所謂民者冥也,多貪小利而 , 易汽車 坡陀 而 登 , 皆遊埠公司代辦 ,沿道欹側 如北 京 , 車 , 路 小兒數十從 亦公司特 , 歐洲最著名之 築 車 忘

大難

後

光緒廿 穿之而 過 年 , 五一年八 登 Ш + 九此火山7 鐵軌道十

五里

,

去年新築者,客店

人家數四

,

亦

新

築焉

0

噫

何其

可 畏哉

! ,

吾

又嘗

爆震

,

其泥石流下

,

掩峯嶺

數重

,

皆作

火色

鐵軌

者

0

日:「 冒 險 也 供 ! 周 千餘年後人之摩玩 國賢 曰:「若今日火山忽爆 ,<br />
豈不勝於<br />
蓐螻蟻而<br />
速化<br />
乎? , 吾兩 人又爲邦渒之古董矣 相與 大笑。 ,

\_

至

Ш

頂

,

再

極繁盛 換機牽車,凡二千七百尺,十二分時而躋焉。自山足至麓 , 其 種 葡萄 , 相距二三尺許 則寸草不生,望之山 , 於腰處以枝互纒若橫帶 盡綠者。 , 夾道皆葡萄梅李桃 ,綠實纍纍

葡

葡林

,

景色至佳

, 將至

Ш

頂

,

頭

遠望以為草

造

知皆硫

人所陷

十九

,

青葉陰陰

杏果

達

觀

製 也 0 凡 0 可 歐 拾之 洲遊觀之地皆如此 然硫 氣甚 重 , , 警察員絨冠絨衣 不 可聞 0 下機牽 車 , 盛暑上下汗浹流 處 , 有警察數 人照料 , 詢 之云: , 恐爲

意大利 游記 警

察

冠

奇

熱甚

,

然

匪

蘇

匪

士火山麓酒樓望海並眺奈波里全城華人莫我先也

吾先誰爲續

0

康南海先生遊記彙編

不改制 險不許 意國制: 爲人扶掖。火穴烟甚盛 輿,或曳纜入牽之,帶路者每人索七佛郎,人多則可省,國例也 。然吾在爪哇巴思溫火山曾見之,亦相同,故亦不强視,乃拾熱石數四而下 也。下機牽車至登頂火穴,有百許丈,火泥如碎沙沒足,登者必以杖 ,亦奇矣。其冠左右有翼,廣近尺又看街警察之冠,皆垂雞羽綏纒數十,此 ,時有飛石噴出,捫之猶熱,吾欲近視其穴,掖人及警察以 ,不能去之。然可 或肩

有酒樓 相接 0 毎日 , 門戶山峙 遊客十數, 臨 Ш 麓 , , 波濤浩瀚 倚窗望海 在山上轉車處,有樓賣酒,公設也,遊客皆書名。下至汽車停處 0 ,至勝概也。午飯於是 全城樓閣人家六十萬,環海而居 , 飲酒望海甚樂 ,斜倚邱陵 , 慨然賦 , 與島嶼

晨登 筑。人家六十萬 0 島嶼蕩烟點 唨 蘇 唨 , 中午飯山麓。酒樓憑高處 ,帆牆渺相屬。樓閣走邱陵,臨海環列屋。波濤拍石岸,風起奏笙 ,烟樹彌望縟。葡萄梅杏李,纍纍枝頭熟。都會二千年,英雄戰 ,開窓縱遊目。 海山兩門峙 , 海波浩深綠

勝 事酷 日 正當旭 地 曲 。德法與 0 山海 0 長 嘯眺 控 奥班 要妙 大字 ,爭霸來逐鹿 , 慢費 ,天海在 偉膽矚 一掬。引杯且浩然 。近起燒炭黨,竟成統一局。雖歷火山災,豈捨 。吾華與相 比,芝罘獨少縮 ,旅人登快足。支那來遊者 0 大風波忽蕩 ,炎

佛 教之餘

祠

大

袄

祠

一意 埠同 通 商 第

則嗅其手,皆佛教之餘也。地攢石成異花,大柱五皆盈丈,蓋意爲天主教 遊奈波里大袄祠 多皆壯麗者。奈波里人口六十萬,工廠林立,樓房櫛比,皆五六層, ,高六七丈,上爲圓穹,中奉耶蘇像,設几置燭唪經 ,信者見大僧 甚 古舊 國 故袄 ,與

店 巴黎倫敦同。惟道路最劣耳。 他處則不 舟船交通 ,葡萄酒 能 , 則爲意國通商第一 , 尊 可見其盛。昔別立國,自咸豐十年,乃併於薩諦尼爲意 , 須十餘佛郎 其戲園遊冶處亦少類巴黎,在意國次于美蘭 大埠,美蘭之富勝之者 , 亦有賤者 ,當指名, 否則開 ,以產絲耳 單 時 0 , 馬夫亦 大利 聽其寫價矣 或 通英 耳 0 WE. 0 在酒 尼土 。每 語

浴須二佛郎 , 自入歐洲各國,浴皆另爲價 ,飲茶亦然

,

葱之甚 六日早八時 。自奈波里往羅馬 乘汽車往羅馬 ,五百三十英里,自巴連的詩至奈波里,八百三十七英里 ,沿途羣山秀迤

,葡萄極綠

,

山肥厚似江南

,

Ш

顚

亦青

, 合共一千三百六十七英里,當中土四千里矣。非汽車迅速,安得視若徑庭哉

#### 羅 馬

三時 到羅 馬 , 將到時 ,羣山走下, 漸開 大野 ,蔚爲巨觀 , 遠望之知其爲 大都會,即

三千年石渠 地祠 宏麗甲 擺江, 百,高 將到 大都所無者,蓋此爲千年教皇故地使然。英國倫敦保羅廟 男女淫風甚盛 宿焉,亦甚賤。羅馬今爲意新建國之都城,僅四十餘年,樓閣僅高三四層,皆新 今二千年矣。雖時有斷者,然非常之巨工,已先見一班。入克蘭大客店 。一廳一室,鋪墊甚都,價僅二十佛郎,賤於英德多矣。次者十二佛郎,一 道路以小石爲磚鋪之,甚潔 不能在百數之列也。杜牧詩曰:南朝四百八十寺,多少樓臺烟雨中 袄祠宏麗甲大地。 羅 列道夾樹寬廣 出數丈,皆以石築之,吾決其爲引水石渠,問之果然。蓋羅馬盛 馬矣。遙望巨橋橫野,高若層樓,迤曳數里,斷之續之,上揷雲表, ,而嚴禁妓館 大者凡一百四十餘,吾覽觀三四十祠 ,七山相望,草樹秀綠 , 百戲亦寂寥 ,無奈波里之傾側。 ,雖無英法德之繁塡 ,城中古塔古石表矗天,壞殿 人民衣服亦稍潔,乞丐亦少 ,號最宏麗 , 亦皆宏麗崇嚴 ,而 新整可觀 ,吾遊羅 ,置之羅馬中 ,極宏壯也 時所築,至 危樓 · 拱門數 爲 日兼食 0 他國 徧 臨 , 淨 地 秦

# 號稱宇內第一之彼得廟

日頻誦之。

大袄

字內第一 廟 74 西歷一千五百零六年,成於一千七百八十年,工程凡三百五十年,費金一千五百萬 時 出遊衢道 先遊 彼得廟 , 此 廟 壯 麗 , 歐 人誇爲宇內第 0 創 始於明之中葉 為爲

必爲宇內有名之大建築矣

0

死而 磅 名 度 續 工出自名匠勃拉曼德,是時新學日出 主教因之以傾, 成之, , , , 見沙之之汗陵廟 我未見之, 窮教皇之所入不足,乃賣赦罪紙以成之。路德因得藉口以攻之而興新 名匠拉發羅 其餘內外雕 未知果爲宇內第 爲此廟也 • 巨利瓦 飾 , 壯 , 麗相 皆妙選當時之名手無數以 、羅 , 所關 等 孟諾 亦大矣!其與秦之役民樂阿房而 , 否 而 . 弗拉約 雕刻不及 ,勃乃變羅馬日耳曼之舊式 , 然工程之久大,雕刻之精工 康獨 , 若君士但丁之珊遜袄祠 、安得諾、密克爾 成之, 可謂 巨工矣。 亡國 , 而 , 、安春羅 關 自出新 , 將 係 以吾所 , 心之偉巨 最有 無 教 裁 同 , , 而天 遊印 七人 , 0 巨 勃 其 麗

池 門外曠墀如天安門 上立雕石先哲像,每柱上一像 ,體 勢雄偉 , 上層頂平 ,甚類印度也。 , ,外深廣數百步, 正殿階崇數十級 。,中間 宏敞非常 一華表 ,高十餘丈, 0 , ,殿高三十餘丈,左右各六柱 中門以鐵爲之,作圓 兩廊各百餘柱 體方 , ,作圓拱 左右兩大管爲噴水 公半壁形 , 柱 ,其 大

四尺許 天 或 四 王之像 壇 十二尺 0 最中 , , 拱 圓 其 紅石 階 上雕 磚 丈許 皆 鏤 精絕 亦環立其先哲像,大門五 五 色文石 , 爲教 0 門外横廊 皇 , 砌 拜 花 處 廣數丈 鳥品 , 頂 物各形 、蓋高 , 雄 深崇峻 百三十八尺 , 無同 者 , 亦似 0 正中攢 , 皆作藻 印 度 石 , 入門 [爲圓 井 拱 形, , 畫 形 , 刻各色 右有 高三百 , 如我 法

金花

,

光燦

奪眼

,

藻井形或方或長或楕圓

,

最中圓穹徑百九十五尺

,

高

四

百二十六

74 尺 週 , 開 至頂 窓 四百 , 每窓頂: 五十八尺 皆 畫 , 頂上作金人十六 像 , 其下爲畫五 層 , 以十六格分刻之。 , 方一 圓 長 , 皆刻 中層 金 作 爲 金寶星十 底 以丹 餘

靑

保羅 墓 羅墓 墓 爲 , 以 所 畫 火照之 0 , , 墓前 飾 方亭高 以 寳石 四 這廣數丈 光 |寳石柱 通 , 璀燦照耀 徹 , , , 餘皆 79 是自古羅馬皇尼 大 以金爲 金柱 0 圓 皆作 穹上 之。 頂 曲 上層 羅 形 作 殿移 數丈金塔形 , 環 以 文石砌 週 來 者 石 欄 0 其 路 , , 蔭下作. 、石級下 以 , 金 左右兩路凡十七級 作 方亭 花葉形之燈 兩寳石柱 , 亭下爲彼德保 , 長三尺 , 凡 , 下至 百

彼

德

路 美 飾 巴 寳 , 拿士咽 石 名匠 光麗 地 加 南 無 者 所 倫 0 棺刻花 刻 0 墓門 0 亭後正北 刻 , 首尾 金 , 處 如 起捲書形尺餘 中 , 供 國 奉耶 神 龕 蘇 0 墓前 , , 中作 左 作 石棺 第六 \_ 百六十九代教皇波花路地 教皇布 9 75 百八 拉沙 十九 希 詭 代 像 敎 全阿 甚 精

刻神

像甚

多

,

並

精絕

,

其

神

放 坐

星光

0 亭

上供

奉十字

,

自亭蓋

以至墳

下

切

皆

刻

金

,

墳

堂正

座

一之椅

,

乃彼

得

原

者

0 椅下

以朶雲

盛

之,

刻四

敎

皇

像

,

以手

捧

雲

,

左右

數

餘

像之極 成人經 閱四 品 十人 像 石 第 士 , , , 中 其 大工 手足筋 精 右 作 細 , 微 骸 故 教皇亞 妙 正殿 精 , 刻像 妙入 與 歷 筆 Ш 微 畫 大坐像 , 尤爲妙 同 , 光動如 , 此 , 絕 皆以文石爲之。 畫 生,真刻像之極 爲 0 四 有 名 手 畫寫耶 殿左右皆以文石爲之。 所 作 中 蘇 • = 品也。 故事 間 一人皆爲 神 羅 龕 者 馬 , , 以二 作 以 本 此 摩 以刻像著 一神 色爲 畫 兩旁皆 像 而 Ż 託 死 之, , , 用 此 第 所有 爲 74 五. 羅 人 色 73 1 馬

年死一

乃三畫

能成之,

凡經

十年

,

尤爲絕技神異之品矣。

刻石像

刻

全殿

棺 上造像

古棺 藏棺百數 故無惡氣 皆畫像其 ,教皇棺六十四,各國惟王者乃能藏棺於是。木棺外皆有石槨 , 上, 棺上皆刻死者像 則其傳統甚古矣。其感動 ,或坐或臥 , 此歐洲之通例。突厥波斯亦然 人而留紀念,亦至切易 ,故歐洲各墓 , 凡 。觀埃及 兩三重 地

多有 於殿堂居室內 之, 貴人則殆必有矣 0 夫耶 教尊魂 ,既尊魂矣 故棄形體 ,則尸 火葬 體乃臭穢 之餘 , 何 乃 保 藏

之矛 盾 其死 於野 , 也 深埋地中 , 有衣槨棺衿之美 ,雖聖賢帝王亦從是焉。然墨子猶譏爲厚葬 , 爲使人勿惡之也 ,爲勿使狐狸螻蟻食 ,未有 之也 葬之於室者 , 然猶 且 藏之 , 室

耶

教

,

鄭重若是

0

婆羅門教

重魂

,

而

行

0

儒教

其

重形

體

,

故

0 乃甚於儒教 大之容幾何 耶教生則日聚 0 ,積藏穢氣,凡數百棺,積千百年, 儒教送形而往葬之中野,迎精而反立廟而事之,生則 人而言魂,死則不事魂而藏其形,何其反也?吾嘗閱歐洲鬼神記 其各國帝王木棺亦多如是 重形 , , 其愛尸 死 則 重魂

歐 俗 畏 鬼

歐俗亦畏鬼

,

以耶教

有神無鬼之故,

**煮蒿悽愴之精** 

,乃無所寄,而天堂地獄之果有

,

亦待末日

乃

判

,

然則

無量數之遊魂

, 盈塞

虚空

,

無所

歸宿

,

而

無數臭腐

皮囊

"

記 罪 亭

教皇 木亭 長留 一所統 此清間 內分三間 , 凡十一國人,人各入其國亭,蓋教皇之在黑暗世界 莊 嚴之神 , 以立三人, 殿 , 甚難爲解 蓋所 謂 , 然以爲觀念 認罪亭也 0 凡十 , 則甚 亭 親 切 , 爲十 矣 , 0 殿近 視各 或 牆 國 人 認 君王如諸 處 罪 , 處 皆 有 0 蓋 侯 小

意大利游記

味認 罪 亭之曖

子所謂 故 或 人知也 士女無數 , 板 淫案 而 天主教堂 所 , 自 關 而 ,然語可 為天子 見其 馬丁 甚 , 大哉 惟問憎知之, , 路 在 過 , 聞 覆之 德乃 皆 認罪亭者 而 , ! 中 有 而 內 故有此包含衆國之宏規也 起而 認罪 自 國 不相見 夫佛耶二教, 近 訟 亭 也 乘 僧脅其畏 來僧寺之毁 , 男女亦有其 勢攻之, , , 0 僧可 因是淫案無數 既來認罪 人知 反復誥難其 別立新 本皆清淨 , 佛 也 人 納 教之微 , , 金 每 教 因强私 0 , , 敎 其 由 穢聲彰聞 0 八創認罪 皇則 果 人來認罪 然無妻絕淫 , 0 有謂 雖 如是 之, 頒 由 女畏僧之露已 赦 法 朱子之大明 也 婦女犯 , 罪 人之多惡天 , , , 則 出 則是亭爲 紙 於佛氏 奸罪 與之。 有 事 本非 僧 儒 而 悪而 今堂前 之懺 學 天 主 來 司 主教 認 在 教 , 勉從 亭中 亦 者 者 悔 膜 之所 覆 法 由 , , 僧 溺 爲 焉 本不欲 拜 , ,

關諸 鍵教 改 革 之

有

,

因

而

0

,

,

其

X

情

育

寺多

之由

此

Z

o

各

既非

人情

,

而

欲人人强行之,勢必不能,則破壞決裂

,勢將因其徒而

覆其宗

0

旣

有

然

矣

,

,

,

是 師 在日本 , 故日 高 0 , || || || | 下臨 挾妻而 再 耳 出 , 娶妻食肉而 曼之路德娶一尼姑而 , 小池 上有 楹 行 , , 到處傳教 英女皇美利 外有 百九十六代之教皇烟 立本願宗 木欄 , 棺 人情所便,道遂光大,有旨哉 在是 衆婦女圍繞 , 立新教 雖非教主之旨, , 門 詢 蓮花生到西 角 咽 地棺 僧 室 中 , 而順 立 中 及像懸焉 藏而 設 乎人情 僧衣白褂 金 立紅教 輪 !有旨哉! 0 突厥帝 大二三尺 ,人多從之, 許娶妻示淫 兩肩搭紅 殿右 曾送 , 門 臥 而 綢 劍 内 路 第 蠟 親鸞 濶二 德牧 造 亦 二柱 1 在

兒

,

,

,

,

,

即孔

但

帰

者

手撫兒首,又以香膏拭兒首及頸,於池中酌水浴兒,燃白燭照之,以白布巾覆兒頭 寸,垂至膝下,手捧一經册,口誦喃喃,一婦人捧新生子就僧前,僧且誦且問 , 誦吉語 ,禮畢,行禮中間,僧又易黃綢肩褂。此殿全用五色文石 ,雕鏤精絕 ,莊 ,以

得像 嚴妙麗 拉伯士他,真奇寶也。行徧歐洲,見寶石多矣,甚少其比。有僧七十餘人, 爲之。有古畫十九幅 刻一大金雞 教皇宮矣。入一方殿,再入爲 皇及天主教總供奉處故也。 三室, 自殿簷門外 。其柱自埃及移來,長三尺餘,黃金色,通徹如鏡 ,高杳宏深 書室,一臥室,一食室,皆文石,僧亦太樂矣哉!日已暮矣,遂歸 ,大七八尺,乃金金爲之者。此殿望之似小,而內有八百室 , 則爲遊廊 ,柱礎皆盈丈許,蓋歐洲皆奉天主教,教皇駐於羅馬 , 皆一千四百八十四年者,高妙絕倫 , 甚長 殿左右爲教皇官,宮門在左 一圓殿,昔之三百二十年教皇之雞骨猶存 , 夾廊皆立石像無數 , 雕刻 , ,繞後至右, 中作雲氣繚繞 0 有寶石柱 精絕 , 皆 是日先至左殿 文石 , 上刻全金彼 ,此石名亞 , 皆以文石 故圓 此殿 也 每僧占 。導遊 , 殿上 此為 爲教

寶石柱

## 教皇宮

殿之人

,每時二佛郎

右旁則敎皇正宮,於初九日乃遊之。 宮門在殿旁,長廊數百步 ,高聳斜上, 登樓凡

康 南海先生遊記彙編

色 百 數 , 又有 + 級 斜 門 紋 者 內外有衞兵十數人守之,守兵衣甚怪偉 , 亦 異 觀也 0 樓高四 重 敞 宮四 合,入門內 , 黑絨 衫 , 褲 74 壁懸 , 以 歷 紅 朝 黄 條相 敎 皇 間 像

皆 黑絨爲之,白絨緣邊無頂。穿殿數 以金雜摩色石爲底 ,紅袍正衿 重,皆教皇像也。鋪設壯麗 , 肩 垂 一帶 , 或白 1或黄 ,帽 , 磁器金石之玩 似 中 國 小帽 ,

相望

, 皆

多以

綠

絨

,

第一 大 千數百 爲地 古畫  $\pm$ 兼 球之第 教長 , 高 年古物 五 , 六丈 或可比其 大世家者矣。 , , 多各國皇所 此 畫 爲耶蘇 再登百數十級 行聖公雖 貢獻者 故事 0 , 長老 其瓌偉斑駁 最有名者 , , 而貧 入 0 (賤甚矣 殿 正樓高 , 莫非 0 爲 一至寳 二百五十尺 0 7 惟 四百年 波 , 聚天下之精英 斯皇及突厥帝 所 , 爲耶 建 者 氏 0 74 千年 幾可

壁

以國

世地

家球

師 拉 殯 所 建 , 送者極盛 , 至今九百年矣。 , 以 黄花 石質厚 緞蓋棺 數尺 , 上臥 , 樓盡懸畫 一像 , 有 四女兒持火吹之, , 皆 有名之奇寳。 吹 其 八令光如 畫寫拉 眞 飛 者 爾 0 拉 出

飛第

畫

爾

飛

爾是意大利第一

畫家

, 在明

中葉,當西五

百五年,

至今四百年矣

,

油畫

一即其所

創

0

油

畫之祖 也。 此宮有 四 室, 皆拉 飛 爾畫 ,壁大數丈,一廊拱 數十 , 亦皆拉飛爾畫 , 其 高 數丈

或 有畫 戰 君 , 人 士但丁東帝 物 數 百 , 與意 奥將衣似 大 利 中 戰 國 圖 , 波王黃 有花 1 基咦 袍 無 袖 音傳詩 , 旂 尼畫 臥 兵死 , 大幅 如 生 數丈 0 有 作 室壁畫 波 闌 與 , 拉 奥

遊意 飛 爾 寫 大利偏見之,凡數千百幅,生氣遠出 未 成 而 死 租 遼 瑪路續 成之 , 皆 至精 神妙迫真, 妙著名者 名不虛也。 0 拉 飛 爾 於 他名手爲之, 4 畫 値 數百 雖得 萬

,

成

中 國 文

> 其筆 雖 利 多最 陳 外 品 精 跡 , 萬億 則 妙 , 祇 無 , 羅 巴 其 , |黎有拉飛爾畫,奧德英則 丹青盈目 生氣秀徹 馬之藏拉飛爾之畫,以教皇此宮及博物院二處爲最多最精 ,皆無足觀矣。一爲羅咩 **,** 知吾國之顧 僅 虎頭吳道子何如耳?地 有而絕無矣。自遊羅 利所畫 , 與拉 球畫院 飛爾相近 馬 後編觀各 , 以羅 妙 , 國 0 巴離 畫 出 馬 爲最 意 呢 大

書 名教 路 惟 教 所 シ皇乃 畫 中 上渝 , 類近 能蓄之。 此四 人者 字用篆書寫之, , 室藏各國 其餘古畫精美者 寶書 75 , 康 其櫃皆以金及雜寶石爲之。 , 列壁皆是, 不堪枚擧, 熙朝所著也 0 其各國 寶書各國 皆數百年 內 有 文皆 中 或 前之名畫 備 文

有

數

書

,

訊 語 千年 日嘉 者 頓今路 , 其 書篋 0 衣紅衣如袈裟 面 底 , 盡飾金花及寶石 , 蓋教皇之下第一 , 光怪 陸 高位 離 0 者 是日於宮中遇 0 見我衣 一中國 大僧 長 衣 IE 四 學手 人 , 意 禮

祭日乃入廟行禮 彼得至今,爲三百六十四代之敎主云。其餘大僧趨走甚多,不可數矣 見者必須膜拜 , 蓋彼 知 爲 中 ,我不欲行禮 國上流 ,登壇說法,是日見者,須得特許衣服,人民隨喜者 人也, 殷懃有 ,故大僧 加。 正難 吾訊 極殷熟, 問 教皇 而不復與教皇約 ,本 欲約 見 , 惟 一教皇 見 0 悲 聞 , 泛淚交流 了教皇惟 此 尊貴已 教皇自 大

巧 數 無倫 分 , 如 鉛 每幅雖至小 如 鐵 , 備 分 亦索價千百 五 色, 釘入 畫 歐人最好之,然富家名士室中 中 , 先成 稿 , 乃以石釘 , 居然 亦不 似 筆 書 者 , 精

摩

色

畫

院

嗅足

而

去

,

迷信

如

此

0

宮中

有

摩

色畫院

,摩色者

,

以小石成畫

之名

0

其

石

長

數

意大利 游記

0

,

,

,

·多覯

**巨觀**物第

蓋竭千餘年累世教皇之力爲之。今教皇僅占一隅,其餘皆分爲博物院及公所 教皇宮號稱天下第一壯麗莊嚴之宮,其縱三百餘丈,深二百餘丈,堂室一萬一千, 去不可道里計也。況所奉之彼得殿 皇宮之大, 所遊歐洲十一國王宮,雖法之路易十四,尚不足比其規模之半,何況其餘。若 固甲地球,而土木粗惡 , ,絕無雕刻,又乏重樓。其視敎皇宮之瓌麗 尤爲華妙絕倫乎?故教皇爲大地上一大怪物 ,以吾 ,相 中國

羅馬 而皇宮自亦爲地球上第 在 赤道北四 十一度五十四分, 巨觀也 夏時地不甚熱

公園

勝地

但斜與非洲相對

,

時有撒喀剌沙漠之熱風吹來,則甚熱而

, 多時亦不雪

,距海數十里

, 最爲

人多癘疾矣。其公園

在拜西

一詞高

阜,高四十二邁當,遠望林木蔚然。其上一爲花園

,

爲林囿

,當近園

阜址 像甚多,有騎馬而立者,人馬如生。馬路繞山而上,處處皆有石像,其 處 有廣場數百步,中有噴水池二面,有古牌坊 ,正面山麓有石亭, 地生竹甚娑 四週 刻石

參天 最多僧 相周 翠,夾路花 旋 凡十 焉 道路皆是 餘 而僧爲最多 木青葱,與古像相映。至於阜巓,爲平園 里 士女雜沓 **加** 公園及遊觀之地 ,有觀書者 車馬如雲 ,有默坐,皆長黑衣直衿 , 尤相 多有席草携盒飲食談笑 屬也。下至植 ,半里亭池 物院 略 ,鵞鴨 與 古木 中 兒童曳繩騎輪 或 夾道 麋鹿 僧 同 ,與人 0 濃翠 羅馬

百端遊戲

,

,

,

,

,石柱石碑立馬像無數。深處別爲一所,有噴水池

,溪沼曲折,有亭臨之,

六六

鳧鴈魚蝦,人多垂釣爲樂,綠天幕幕,都人士女,以遊以嬉,蓋歐洲樂民之通俗。

鷩視者,蓋羅馬少華人來遊,來者或多改裝,則不知之。

# 羅馬最巨之鬪獸場

樓之路 士巴順 陣 七日 起 + 圓 此場容八 尺,每柱 0 家農 高本 圖 層同之,大例如此,今僅餘其半,餘皆填爲高地矣。右半上三重亦已傾 周八十室 0 , 牆 十重 遊科魯斯之鬪 士别 夫 ,前牆塞者後路通,前路通者後牆塞,下路通者上路塞,一通一 萬 巴本 大數抱 厚三四丈許 以武 山羅 人 , , 每室高丈五六尺,廣丈許,以石間磚爲之,中間亦復迷離 音馬 今尚有六重 ,宏偉崇壯 不史 功至總督 柱礎皆有花 正作 獸場 非 ,隔二丈許輙開一門,每門一路,上下內外皆繚繞 而立之 0 ,遇尼羅帝 ,巍然十數丈, , 地球史著名者。 場爲羅馬第九帝哑 , ,其地下以作獄,巍構偉然,望之驚 極似五代之武 , 以淫亂見廢,於是愷撒之統絕 在地上有三層 將到,望見崇垣屹嶫 十巴順所樂,當西歷七 人爲帝情狀 ,已陷地下 0 雕 士巴順 , 比今北京城尤峻 人。 今將二千年矣 , 猶略可 , 0 元老院 周通 爲 III. 塞,八十室 , , 故亂 士巴順 每石大數 中 輿 俯 0 其上 英主 迎 如 見 匪

改革

制度

,

更新兵制,

破滅猶太,死者五十萬人,乃課猶太人以重稅

,

以築此劇

康南海先生遊記彙編

場猶 太人之血

曫 俗 斑

東百獅

又親與勇士格,人血迸流

,骨肉狼藉

,

則相視撫掌大笑以爲歡樂,不仁若

場 獸,時選壯士或囚犯與猛虎巨牛相鬥, 0 及尼羅已燒加比林邱上之殿,可謂巨工,亦謂爲猶太人之血揚可 或帝者親自爲之。尼羅帝及高摩道 也 0 羅 馬俗好 斯 ,手

是!而國俗不忘之,豈不異哉!

羅 馬最先之紀功坊

最

古

紀

功

坊

場旁有第度帝紀功牌坊

, 卽

哪

士巴順爲其子第度破滅猶太而

記紀功者

0 平

頂三門

雕

鏤精絕 ,刻文其中。今巴黎拿破崙紀功牌坊及各國牌坊 , 皆仿此制 0

## 歹布路宫

略 傳 尼亞,平定丹牛波河北之底布亞國 壤帝弟子, 遊歹布路宫,爲哈的練帝離宮也。歹布路者。意音也,當卽哈的練。哈的練爲 兩帝皆英主也。 大剌壤帝經營亞細亞,入波斯京 架大橋於來因河以臨日耳 ,幾滅波斯, 曼 0 哈的 練 割亞爾美 復好 文治 大剌

歸還 侵地,務興文明,居雅典數 年 , 講哲學 ,考古物, 欲以希臘之文化 行之羅 馬 0

,

網羅 名士織 一議院 ,名之曰第 一院 0 用法 律家蘇維亞裘利亞那輯羅 馬 通 行法 律 , 其

,

即因此而成者也。其子安敦帝,即首通中國

,

蓋羅馬最盛

原羅

歹

布

路

中雷

書 寢,毛沙列溫、阿布、哈的練三者,至今猶存,扣影見前。蓋皆在西歷一百三十四 之時,而大刺壤哈的練二帝,皆好與巨工以飾文明,今大刺壤之凱旋門及其華表 刻戰功,至今猶存拓影見前。其公園及圖書館,爲今日歐洲之先聲,哈的練帝營陵 ,雕

年後, 尺許 房環繞 道則 武梁祠畫像 迴 環步上十數丈 亦亦 灰沙及泥耳 與漢安帝順帝同時者也。宮在邱上,亦穿山爲之,拓影見前。 , 時有 石 欄 刻花者 中雷以 0 ,入門重牆厚數尺,高六七丈,外磚內泥 緣其 通光 0 高深 再入一門,高丈許 , 此乃當時御路 ,遂若杳冥沈黑甚遠 ,不許人行者。此宮有刻石頗精, ,複道深數十丈,地下苔生, ,乃有一 中雷通光。 ,門外鋪石道 内 馬 不廣 層 車 上蓋亦厚二 連接 至山足 過於我 , 門 , 洞 內

#### 奥古士多宮

也

完好 三鉛管 東西隔絕 橋 再入則爲奧古士多宮, 梁屋宇山水人物花卉 旁 ,大三寸,厚二分,一奧古士多者,一多美順者, , 不約 藏酒室 而 同 , 今尚有瓦缶數 , 亦異事: **覩其后室,壁塗丹黃** , 意隨飄洒疎逸,甚以中國今日浙派 也。 + 地下皆用摩色砌花及他物品 , 尖底有耳,皆二千年物 ,上皆繪畫 , 一丕先那士者 與邦浑富家同。又一室畫 ,亦可謂之米派董派 , , 有 亦難得 作三角 矣 , 鐵皆作青 形 0 牆 者 上有 , 甚

浙派

畫

愷 撒 略 傳

> 綠 0 多美 色 堂室高 順 帝 者 僅 , 二丈或丈許 第度帝之弟 , 深廣 惟 牆 厚 同 之, 三四四 此爲 尺 , 然不 其后 過泥 所 居 、樂之耳 乃最 妙 , 至今頹 者 m 垣 崩 不

,

,

麗

,

加是

瓦 過

,

泥 剝 落

將 萬 按 0 奥古士多8愷撒之姪 又深通希臘 ,其破高盧 又平定埃及亞非利 之哲學 日耳曼諸 , 其 蠻 加 0 ,攻都 從別 薩拉 所 羅書 作 馬奧 斯 戰 史 府 人克 , 告我語 而 八 , 最有 歸 百 除 餘 綳標 名 他音 , 定 做不 0 種 此正 又編定羅 , 今 其 族 愷撒與綳標爲羅馬 武 , 破 功 馬法 文治 敵 兵 典 三百萬 , 羅 9 馬 則 之 爲 , 民政一 殺 不英 史 正語 學 統 百 今作 法 所 萬 統 律 賴 從亞 虜百 瑞爾 時 以 開 大

撒 籌 0 其 餘 地 球內諸 大帝 , 率 多粗· 才, 不 可 與 比倫 也

略 維以才與愷撒舊將恩德尼 奥古士多立爲愷撒嗣 , 如開 多勃 德 斯 • 西賽 子 羅 , 名屋 • 列比鐸 加 大維 底林 0 -革老丢 愷撒爲民主黨勃德斯所殺 並 爲 三執政 • 及愷撒 0 當是時羅 , 皆不 能 馬 脫 士 ,

傳奧 古

1

多

語德 家

之路

,

其

功業

才學

,

博

大無賅

,

無

不絕

倫者

0 歐洲

古今帝王

中

,

雖

前

之亞

力山

法

0

又登

議院

爲雄

辩

家

,

創

圖

書館

,

爲今日

歐洲之先導

,

開

亞

爾

頻

Ш

士伯

大

,

後之拿破崙

,

尚

非

其

比

0

中

國

惟

唐

太宗可

與

伯仲

,

然事

成

功定

,

唐

太宗

較

民主黨

冷亂

,

屋大

大夫皆講

希臘

哲

學

制羅 帝馬 政干 之年 祖專

惟

屋

大

、維剛毅

嚴

冷

不

信

哲學

,

無

所

畏仰

,

而

才

氣機

敏

則

有愷撒

之風

,

故

破

除

民

希臘

哲

[學之範

韋

主

一政體

,

限制地方民權

,

削元老會

,

既平恩德尼列比鐸

,

遂定羅馬千年專

制之帝政

羅

馬

政府

,

以亞細亞亞非利加

諸邦及西布拉斯島

納帕

南

西

斯伊

大利海岸諸島領於元

形當勢時 羅 馬 之

爵以

諱帝 Ŧ

名

爲

0 0

其後

羅馬至今以愷撒及奧古土多爲帝王尊號

,

亦明稱

羅

慕路爲

尊號

者

0

羅

慕路

者 名

在

蓋其

爲人類奏政明朱元章者

, 乃上尊號日

奥古士多

0

羅馬

人素惡王號

,

故易此

, 羅 馬當周 時開 創之首王也。今德意志共主 ,倘 稱愷撒 , 以 古王名爲爵位 之極 ,

中土 義本難 解 , 而 唐時 諡 高 祖 爲 神 幸 , 亦類 其意 也 0

河洲 政 當是時 地 大帝而 便 政 常備之海 , , , 南暨尼羅河 工商 治化 以急報告 統 , 大興焉 易學 陸 羅 之 軍 馬 -四十萬 及撒 國 0 , , 於亞 王 以地理學爲兒童教科書,天下商業物 至少者日行三百里 。凡此皆爲今日歐洲政治之先河 哈剌 , 非洲間 ,分羅! 東自幼發拉 大沙漠 馬 , 爲 爲開 , 當漢 十四 的河 闢 , 雖在 品 成帝 未有之大國 , 西 , 遠鄉 而置 至 時 大 , 解壤 、西洋 警察 西 也。分羅馬 0 歷前二十 內定制 , , , 盜賊 產 北 而 自丹 馬 , 皆 衰息 車 度 t 人力車 牛 之地 運送羅 车 , ·波河 創設衛兵 , , 大開 奥 , 以意 馬 皆通 古士多既爲 , 道 至英吉 , 乃分之於各 路 以 大利全島屬 , 故消 自 , 護 利 而 息靈 行郵 羅 海 ,

立

馬 峽

輔之 老院 土 旣 大 , , 大築壇 而 , 自是定保守境內之義 帝 兼統 廟宮殿及都 之, 又自領 市第 高 宅 盧 , 不 馬 , 復事 故羅 基 頓 馬 征 腓 伐開 尼西 規模 宏 亞 拓 依利根法 偉 疆 土 新 , 焉 有名將亞古列巴名相 達麥狄亞 0 其 比於 ,奔諾尼亞埃及, 中 國 在 秦始 梅 「皇漢 納 國 斯

武 帝之間 乎 , 皆無開 創 成二 事 而 新之。 其創羅馬 一千年之帝政 , 雖 上承亞力山

康 南海先生遊記彙編

大,則 **真歐洲之秦始皇也。宜昔者之稱為大秦乎!其后利維亞亦甚才,今遊其** 遺宮

皇洲 之秦 始 ,想見秦皇漢武之律略,而椒房蘭殿,又如見陳阿嬌衞子夫焉 。梅納斯 其

宮頹殿,丹青器物,至今猶存,尤足動人之觀感,至今其聲靈之赫奕於世界 斯蕭何之比耶!今歐洲以羅馬爲正統 ,學者必學羅馬語言文字,熟讀羅馬史 , , 則竟 而 遺

世 界 中國昔之自謂爲天下也。而今中國旣弱 ,文明政學 , 皆僻於 一隅 , 無關於天下

西人告我曰:羅馬爲世界,以羅馬都爲世界首都

,

似可

笑

, 獝

馬之後繼 者 , 能發揚其光輝於天下 , 此則我中國後人之大恥也乎!

0

以其

中興混

一有

功,

故特立

君

T

廟

前

,

羅

馬

爲

過於我秦皇漢武矣。

士但 Щ 類乎?今耶教行後 廟祀之, 類垣 賈誼 高七八丈,已危廢矣,則君士但丁之廟也 所謂 • 使顧成之廟 切鬼神祭祀盡廢,而遺廟巍構尚有遺牆,而漢高原廟 ,稱爲太宗也。禮於祖 有功而宗有德者則祀之 編郡 何其 威

, 乃毁於匡衡後,久無寸瓦矣。

古橋

此山昔有長橋二里以通前山,當時臣工,亦可想見。山下高殿崔巍八九丈,三大門屹 嶫宏巨者,君士但丁大帝故殿也。今羅馬 人多以銅範 英國 當是時 石琢 , 模其遺型焉 君士但丁帝

之四分 以國 嗣 土太大 ,但周奧古士多之位 ,分爲四國 以馬西密憐治意大利及亞非利加,以伽勒留統丹牛波河境地,克 , 立兩奧古士多兩愷撒 以 分治 , 而 自統之 。君 士但丁周治不

,治不列顛

0

,

羅

馬共主地克里生

羅

馬

其父君士

列顛及高盧

,

國即

但丁之

西

密憐

帝位

,

自是君士但

周 與

伽勒留分治

羅

馬

, 其後

馬西狄嗣

其

父馬

西

密憐

奥

密隣

帝,

逐 父 里生自

領埃 并解

穌

來斯

,

此爲

西歷三百年前

後 也。

既而

地克里生辭帝位而

躬耕

,

又使馬

雄君 略士

王而平定之 奔於帝所,旣又謀殺君士但丁帝,事覺被殺。馬西狄與帝戰敗,溺於泰擺 子 細 古士多之位,馬西密隣之隱,非其志也,復羨帝位,與子爭帝權,分爲二帝,馬 但 亞古跡 丁遂歸治 ,攻破伽勒留 , 移之以爲新羅 羅馬 , 以羅 , ,遂據羅馬京。旣而父子交惡,馬西密憐先以女妻君士但丁 馬 又大破馬 人民政心 馬 西密憐而 ,又公認耶蘇教焉 重 ,乃遷都於今君 滅之。 時屬地 0 士但丁東都 以平定分裂之天下 狄 西亞國王 , 備 自立 極 壯 而 , 而 麗 强 大, 首 西 毁 創 洄

羅 馬之三分 之分 東

同

,然地克里生分裂一國爲四,兆端旣誤

,君士但丁之三子,復三分天下, ,周世宗之定南北矣。其定都創

各領其

東西

制

雄略

亦

宏麗之

希

臘

亞 其

又虜

, 君士

新都

,

此其才在中國

,亦晉武帝之平吳蜀

馬

,

又互相戰伐,至賽奧德西亞乃統一之。一年復分國與二子,於是羅馬永分

西羅

間

一百零七年

,祇有君士但丁統一羅馬十三年耳。

0

蓋自

西歷二百八十八年地克里生分裂四國後

,

至三百九十五年

, 分東

西

馬

,

中

前後數百年,

分裂戰

争

, 羅

,

尚自分 兵甲相

馬罪人! 爲

仍

, 而

羅馬逐永滅

,而歐洲遂墮於封建戰爭千年黑暗之世,至今歐洲各國

裂爭戰無已,誰生厲階,至今爲梗,則 落 而 有 物 合成國家 則 必 爭 , 自國家而合成一統之大國,皆經無量數之血戰 平等則必爭 ,至於國土, 地克里生之至愚分裂四國爲之也。夫人民之性 尤爭之甚者 0 故自種 族 僅乃成之。 而 并 成 部落 故自分 , 自部

意大利游記

,

七三

,

利國 病土

康南海先生遊記彙編

而 求合者,人情之自然 ,亦物理之自然也。孔子倡大一統之說 ,孟子發定於 之論

一之分 合 苦亦 言 藝 中 致 暗之亂禍, , 줆 國遲於歐洲之治强,亦不過讓之先數十年耳 然;西歐之政藝日新 張良借箸而籌,乃斷然不行 蓋目覩爭地以戰 ,故秦始皇時 其 自有之,豈可以數十年之弱, 矣。 今讀 其治安多矣。或謂 五代史五十餘年之亂殺 ,欲立六國後 ,殺人盈野 , 由於競爭所致。是則誠然。然歐人經千年黑暗戰爭之世 人道必以競爭乃能長進 ,中國遂以二千年一統 , 故大倡統一以救之。李斯紹述荀卿之儒學, 李斯與始皇乃斷然去之。漢高祖 而甘受千年之黑暗乎?且使公羊不滅於劉歆 ,尙爲不忍,而忍受千年之黑暗亂爭乎?今 ,吾國方今大變,即可立取歐人之政 , ,民安其生,比之歐洲千年黑 中國之退化危弱 時 ,復欲立六國 ,由於一統 預 聞 ,則

化說

殺

,文明掃地

爭而

求長進乎?且中國亦累經分裂矣,三國一時,十六國一時,五代一

,何有所加進乎?幸爲時不久耳。然禮樂經書

,銷滅甚多,豈得謂競

時

,只

見亂

升平世太平世之說

,至六朝已可大昌

,而大地亦爲我主,又安有必故爲分裂以待競

争而進文明乎?中國號有文明,皆進於漢唐宋一統久安之世,卽今西歐學藝之長進

亦在百年來弭兵息戰之時,而德國疇昔廿餘國並立,數百年工藝不興

之競爭 決

甚

,

今統

一廿餘年

,破法之後

,休兵息民

,獎勵

工商

,鼓舞學校

,

於是德之學藝

,貧弱殊

,但觀歐洲列國分立,政藝驟新,遂

日

新

,

驟勝於英法,德之學士,旣詳言之。一孔之儒

七四

後

微

相

反以

自促其亡,

嗚呼!

何其

愚也!方今霸國義昌,

互相吞滅之世

乃

曲

春秋

入戰

專歸

於競爭

,

豎儒乃不審時勢

,

致欲分中國爲十八國

,

以望競爭之效,

則

與

、俾士麥

前羅 車馬

度之 小其 復 世 西 國之時 百餘年 民 興之無日 , 既篡 力 殺 建 而 并爲 武帝時 成 於 韓趙魏旣分晉 周 , , 齊 若欲分裂也 七國 蓋自漢高封其子弟分王天下以後 主父偃力行之 而 , 統於隋 可不 ,終爲 鑒哉 0 焉 嗚 秦滅 呼 ,乃分王諸侯之子弟以弱小之, 0 ! Ĭ 印 李淵使二子世民建 其爲 度 , 由一 況於曹邾杞檜而 羅馬印度哉 統自裂爲二百餘 , 逐有 !中 成幷建天子旌旗 欲久長乎?春秋數 七國之禍 國惟 國 北 , 魏之世 或 逐永淪 0 朝 賈 誼 之待蒙古諸藩 , 中分天 建策建 滅 , 而爲. 曾分國 口 國不過二 諸 奴

帝分 爲

法

,

皆帝者强幹弱枝之隱權秘

術

,

而未有

自行之者也

0

中國

久經

變故

,

似

此

愚

法

角行

,

而羅

馬

末造乃迭行之以成其亡,此其閱歷之深

,

立法之妙,

皆不

如

中國

,

有

此

盛

德

一統之經說以持之致然耶?然地克里生去帝位而躬耕

以

此

法

,

英法

德之削弱封建

,

亦分封其子弟

, 弱

小其

或

,

封

建多衰

0

故分

封裂地之

侯

亦 而 爲

東

,

而

,

再

者封 秘裂 術地

遠甚 不復

, 豈非

無孔子

克里 生 論

地

國 人 或 , 無施 朝 數千 , 道 世 祖 年 不 不 未有力 虚 可 行 實遠引而非登遐者 , 其 故及身能治 , 凡難 人 , 地克里生 爲法 之事 0 馬 西密憐爲其 , , , 吳梅村淸涼山讃佛詩曰: 不 輕 萬 可傳於後世 乘如敝 (友勉强) 屣 也 , 故 解 , 眞 地 帝 克里生者 天下 而 復出 之好 房屋竟未動 , 也 則致亂亡矣 , 子 , 高 噲 之流 蹈 者夫 天降白玉 也 0 苟 0 或謂 然 非 中 其

意大利游記

棺 」。又曰:「道參無生妙,功謝有爲始。」言此事甚詳。果爾 ,則地克里生近之

矣。然手定大業,既堅既永,以貽將來,豈若地克里生作法不良,邦基永壞哉!故 地克里生者,羅馬之賢主,而種分滅羅馬之基,昌盛歐洲之業者也。功罪可以此斷

之,每撫羅馬一古蹟,則感慨中西,不能去懷也 !

其旁頹垣林立 ,石像無數,爲千餘年前之尼廟,尼廟旁之土塚 , 爲千餘年焚人處,

## 羅馬首王羅慕路之宮

焚人之刑

蓋羅馬有焚人之酷刑也

0

王時與孔子生時相近,二千五百年矣,而遺宮猶存。其古工之樸厚堅緻以遺後人, 0 陷於地下,可俛瞰之,有牆甚厚,有井若階,存焉 。羅爲羅馬開創首王,在周敬

自奥古士多宮復出曠地十數丈,松柏林與石碑石像相映帶,行數武,至羅慕路故宮

而後人之能敬禮英雄保存古物,二者交美者,皆令中國人深愧者也 羅慕路陵前有白石神像甚精,蓋二千二百年之物云。下爲的沙多路士廟

廟

形圓

人息憩處 亦八百年矣 0 。有 可 俯瞰羅馬全城 御路數十武 , ,近者頹垣壞處 出山頂,平圓,今植花 , 遠者高塔巍宮 木,置几 , 夕照暮烟 磴 ,若公園然 細 雨 , 爲游 獨步

蒼茫千古,七山相望,皆可登臨俛覽全城者。遙指前山,草樹蓊鬱,宮殿嵯峨

,

後

,尼羅乃更築新都,土木壯麗,震驚後世,今所存者,卽尼羅新築之宮也

下山 五十四級 ,凡二成,復入故宮,洞窅沈沈,上五級,過小橋,出至門下百數

(邦非利搽愛阜之邦非利宮也。徘徊瞻眺,拾得故宮瓦石數片而歸,皆二千年物也

級,至山址,此爲七日所遊

則

# 尼羅帝宮附論羅馬宮室不如中國秦漢時

其 亞 利 子提庇留為嗣 其 之以爲樂 弑帝,於是尼羅以五十四年卽位,淫暴奢侈,有類於高洋楊廣,旣殺前帝之嫡子勃 尚能深入大不列顛而破之,帝納其姪亞古列比納為后,后欲立其先夫子尼羅 革老丢斯爲近衞兵擁爲帝,凡十四年而殂。革老丢斯闍弱,日耳曼人數來侵 克羅絞殺之。 ?的尼加,及賢相勃拉斯,及其賢師賽尼加,旣又廢殺其后奧克德維亞,奧克德維 山北則尼羅故殿 財 者 , , 或炮烙 革老丢帝之女也 , 此與 提庇留無子 ,或投獅噬之。放火以焚羅馬城六日,已則登梅賽納宮高塔飲酒 , 以西歷十四年卽位,凡二十四年,至西 周幽王之驪山烽火, 也。尼羅 ,又更且弑其母后 ,以其兄子加兪嗣位 者 ,奥古士多之第四 無獨 有偶矣 0 凡智勝已者殺 , 四年, ,蓋羅 傳 也 0 以昏淫爲近衞兵 奥古士多以其后利維亞先夫 馬 歷三十七年死 第 ,逆已者殺 一暴主也 , , 富則 既焚 所弑 乃其 全臣麥 羅 殺而 乃毒 其叔 馬都 而 望 取

山址 ,門外有欄,守者一小室居焉。荒草離離 與 (中國城門同,陷入地者丈餘,今在地上者尙高四五丈,牆厚數尺 ,與頹垣相映,殿高二層 , 廢壞半矣

瓦蓋亦四尺 門作拱形 ,穿數殿,洞門複道,灣折高下,行數十重,深黑幽沓,其食殿甚廣 ,

然 亦甚黑暗 ,以不解開窓,僅藉中霤,及前窓通光故也。經 一廟 , 祀其愛妃歌裡高

帶路者引觀二人之密室 像猶存焉。 有石爲尼羅拜處。 , 有一 又有 長複道密通之。羅馬最尚 廟, 祀其男妃(欲嫌) 男色 尾路 ,至今人之祀 , 亦有像 (欹嫌 人拜之。

男

色蠻

尾路者尚

|相接|

云 0

過其后駁丕亞寢殿

,

此后奪自奧梭之妻者

,最以嬌侈名,

浴以牛

制 **爲之**, 乳 , 爲畜牝牛數千 今猶剝落可捫也。 , 已 而 尼 羅 其前有天井 亦殺之。 , 亦藉中霤以通光, 過其正寢 , 上爲圓拱形,然帝后 中雷甚圓大, 之寢 然終不 皆泥 ·能救

中簡陋

其黑暗 學竹引上,俾客仰視 , 導者須燃火照路,如遊隧道中。有數殿甚高 ,雖頗嘆其穹窿,然甚嗤其黑暗,如在十八重幽冥地獄 ,導者以長竹數丈,置燭 中 其妙

建築妙麗 既幽既溼,日光不到 傾仰甚至,及此遊也, ,風氣不通,有若山洞,有若囚獄,吾昔聞羅馬文明 親至羅馬而徧觀之,乃見其土木之惡劣,僅知 ,尤聞其 用

其 有穴山作屋,僅取中寶以通光,穿室數十重,壁蓋厚數尺,乃極似羅馬古帝宮焉 灰泥與版築而已。 拙蠢若此 不獨無建章 其最甚 之萬戶千門 者不知開 戶牖以導光 , 直深類於古公之陶 , 以王宮之偉壯 復陶穴 , 以尼羅之窮 。今山 西富 奢, 人 , 尚 而

侯明月 謂 館,三十六所,漢書稱成帝之昭陽殿,中庭彤朱,赤壁青瑣,殿上髹漆,砌皆銅沓 歌。其甘泉宮之通天臺,高三十丈,可望長安城,其上林苑連緜四百餘里 萊方丈 井幹叠不 神 武 風 沙泥為壁,蓋厚數尺,複道崇殿,幽黑杳溼,正與羅馬帝宮同,此眞太古野蠻 視 凡此富人,皆我中國人所最嗤笑之,視為太古遺風之僅存 , , 二耳 明臺 黄金塗,白玉階 ·帝之宮比之,建章宮,度爲千門萬戶,其東則鳳闕高二十餘丈, 0 其古民五十三族,猶衣其千年前之衣服焉。吾嘗遊爪哇,觀其竹猹王之遺宮,以 雕玉璞以居楹 大七圍,以銅爲之,上有金銅僊人掌,至唐尚存,李賀尚見之,有金銅僊 水銀爲江海 以我秦漢之宮殿視之,不幾若今荷蘭人之視竹渣王宮乎?今以三輔故事 而 。若漢書 ,瀛洲臺梁,象海中三神山龜魚之屬,其南有玉堂璧門大鳥承露盤 , 百層 井幹樓皆高五十丈,輦道相屬焉 錯落其間 ,黃金爲鳧雁,珍寳之藏,機械之變,棺槨之麗 , 與巴黎之銅樓何異?其北太液池 稱 , 裁金璧以飾璫 秦之驪山陵 ,璧帶往往爲黃金缸,銜藍田璧,明武尋羽飾之,班固 ,金缸銜壁 高高 ,是爲列錢 ,屋不呈材,牆不露形,裛以藻繡 五十餘丈 ,翡翠火齊 。其上有九室 , 周囘 , 中有漸臺 五里 ,流離含英是也 , 形 , 石槨爲遊館 ,目爲古董,如荷蘭人之 或四 , 高二十餘丈 ,宮館之盛,不可勝 角 上有 八角 , 絡以綸 0 , 銅鳳 人膏為燈燭 此不過偶 , 張 西都賦所 高 ,離宮別 , 人解漢 凰 所 中有 衡賦 連 二十丈 、述漢 一之遺 , 立 , 隨

康南海先生遊記彙編

道 丈旗 二十四萬斤 原 至 長楊五柞 。自殿抵 0 而 ,二百里內 阿房宮三百餘里,作者七十萬人,破各國 南山 , ,

秦物漢遠 羅 紫 先 樹以靑松, 楚 ,當西漢末 , 馬 ,宮人不徙 江湖之上, 濱海之觀 不可以道里計矣 亦 ,門以磁石爲之。 東門 何減於羅馬哉?況屋大維之定羅馬 , , 窮年不 羅馬僅有今意大利蕞爾之地 ,宮觀二百七十,甬道複道相連 至河 表南山之頭以爲闕 能編 0 , 卽 西門至涆渭 , 畢至,道廣五十步 論 0 馳 前殿東西五百步,南北五十丈 由此觀之, 道 , 漢賈山傳,秦爲馳道於天下,東窮 ,復爲複道 , 東西 吾國秦皇漢武時 ,而法典之大成,遠在六朝之世 八百里,離宮相望 , 三丈而樹 , , , 帷帳鐘鼓 渡渭至咸陽 在東漢光武以後 ,厚樂其外 ,宮室文明之程 , , 可坐萬人 不移而具 , , 木衣綈 北至九變甘泉 加加 燕齊 , 愷撒 隱以 繡 ,下可建五 , 周馳爲閣 度 , , 土 金椎 綳 南 一被朱 羅馬 過於 標之 極 ,

吳

較馬 遜文

比較 文明普**及**之

地

,則概以羈縻待之,如今西藏囘疆

之人,

既不

-與政權

,

亦不

加教學

,

其與漢世百

之哲學詩歌

雖

有

中興者

,然僅羅馬

一都市民耳,不能徧及意

大利。其餘併吞之属

郡千縣

並設學校

,皆有文學掌故博士弟子,

誦經習禮

,

大學至三萬

人

,

而

邊

人皆

得論秀入官 石像鐵管,摩色文階 尚不 及我漢 執政 世 , 典兵 何況昔 亦有可觀者 , 至今英德法美, 之羅馬乎 ?其文明相 。石渠劇場之偉大,亦自驚人 每 大學學生, 去 , 何 可道 里計 無過萬 也 人者 ,然比之萬里長城 0 惟其 丹壁妙畫 合各國 比之

,寫其宮室

,門立金人十二,

每重

游

祖

,

則又不足道矣。今歐人之文明,皆本於羅馬,大學皆學羅馬之語言文字,不忘其

,宜盛稱之,若以我之文明較之,則渺乎在下矣。而我國人耳食而未嘗親遊者

徒驚今日歐美之盛美,而誤信其所出之羅馬

, 乃亦同而尊仰之, 則大謬矣!

甚矣

美者 吾國人今日之不自立,乃忘已而媚外也, , 以 互證而 此在日本之小島國則然 兩較之,當不至爲 ,豈吾五六千年地球第 人所恐嚇 , 故國 而自退處於野蠻 人不可不讀 一文明古國 也 中 國書 0 日 本著 , 不可不 而 書 若此乎? ; 遊外國 多震 地

,

附論 中國不保存古物不如羅馬 ,

惟

羅

馬亦有可敬者,二千年之頹宮古廟

,至今猶存者無數。

危牆

壞壁

, 都中

相望

嘆美 皆 而 得 都 遊 人累經萬刼 觀 皆知效法 , 生其 、嘆慕 , , 無 爭亂盜賊,經二千年,乃無有毁之者。今都人士皆知愛護 有取其一磚拾其一泥者, ,覩其實蹟 ,拓影而 去,足以爲憑。 而公保守之以爲國榮,令大地過客 而我國阿房之宮, 燒於項 ,皆知

古 數十丈 羽 八於河北 , 大火三月,未央建章之宮,燒於赤眉 , 咸飾 , 齊高氏之營,高二十六丈者 珠寶 , 隋滅陳則毀之;餘皆 , 類是 周武帝則毀之;陳 之亂 0 , 仙掌金人 故吾國絕少 , 後主 爲魏明帝移於鄴 五百 結結 年前 臨 之宮室 春之宮 , B 卽 , 高 如 而

物中

之國略破

史壞

意大利游記

吾粤巨富

,若潘盧伍葉者,其居宅園林

,

皆極精麗

,

幾冠中

國

,吾少時皆嘗遊之

不 堂舊塔 家不振 有 而 雄,不知保 宋偃 談何容易勝之乎?故中國數千年美術精技 豈不更精焉?乃不知爲公衆之寳,而一旦掃除,後人再欲講求,亦不過僅至其 貲,其玲瓏窈窕,花樣新奇,皆幾經匠心,乃創新構,若如日本之日光廟及奈良廟 即若 文,亦固 帝之鐘表,皆不能傳於後 祖沖之之輸船 我國 文史流傳 至今猶存 遊者收貲 近 師之演劇木人,公輸墨翟之天上關鳶 人乃不幸有之,則雖有千萬文明之具,而爲二者之掃除,亦可耗然盡矣 ,忽改爲巷,遂使全粤巨宅,無一存者。夫以諸巨富者之講求土木,不惜 者十八甫伍紫垣宅,一門一窓一欄一楯木,皆別花式 宏敞 然哉 , 存古物之大罪也。然不知崇敬英雄 ,歲入數十萬,而所存美術精品,後人得由此益加改良進步,則其美術 壯麗 亦皆以石 而無實形指覩,西人不能讀我古書也,宜西人之尊稱羅馬 !且我國宮室之不能垂久遠也,更有一焉。吾遊印度,其數千年之古 ,隋煬之圖書館 ,多有存者,蓋皆以石爲之故也。蓋埃及之王陵古塔,雅典之廟 , 人所共知 ,至使歐美今以工藝盛强於地球 ,能開門掩門開帳垂帳之金人,宇文愷 也。 吾國武梁祠 , ,一出旋廢 張衡之地 ,不知保存古物,則 石室像,至今猶存 動儀 ,後人或且不能再傳 , ,諸葛之木牛流 此則 , 無有 我國 眞野蠻 同 之行城 者 ,漢文翁樂石 人不知崇敬英 0 , 而 其法 馬 而 人之行 輕我 前 , 元順 北 。雕 ,若 域 年伍 無 齊

室以祀孔子七十二弟子,南宋猶存,朱子曾遣人訪之,足見石室之能久遠矣。次則

進中 之國由美 術

二百萬 者 相傳 我國 年 灰 皆 石 也 而木構之義不去,不久必付之於一燼 以諸史考之, 合抱,今新購 千年前堂構之義,構者用木架結成之謂也。夫木者易火燒,光緒十五年 今之殿閣皆以木爲柱架結構,然後加磚瓦焉。蓋以木爲主,而磚瓦爲從 京之明陵刻像 存也 磚 爲之 目覩太和門祈年殿之災 ,若北 0 深於儒學者也 吾甚惜天下後世之愚儒 ,同遵愚術,至令中國文明,不得追埃及印度雅典羅馬之後 大失光明,皆木構之義誤之。六經言宮室,雖有制度,并不限以木材 ,亦稍能久,如我粤之花塔光塔,杭州之淨慈塔,金山之雷音塔,並皆支持千 , 若用石築 其於我國今日文明之程度 京西山魏宗賢墓之白石塔,壯麗精妙,完好無恙,亦三百餘年矣。 則我之建章之宮,三雅之地,漢魏六朝之結構 城市殿閣寺廟之被火,不絕於書。然則吾國人 者一柱數萬,當時可想 ,皆五百年,石之足以存久遠明矣。而我國宮室,自古皆用木爲多 ,崢嶸有餘 ,而其祀孔子弟子也,特立石室。善乎!文翁之能變以慮及久遠 ,此二大宮,皆在明初,於今五百年矣 ,不知法文翁也。假令後人能法文翁 , 惜哉其於舊風也!日本變法 , 較乎大地當若何哉?今太和門一門之工程 , ,一星之火,數百年之古殿巍構 必不能以 垂長遠,令我國一 , 唐宋元明之大工 ,雖有保存舊物之心 ,祇從事文學武備 ,眞可憤也 。柱材宏巨 ,宮室至妙 無文明實據,令 , 付之虚 , ,仍未去三 吾在京師 ,而今古 而 。文翁 至今 大過 南北 ,而 無 ,費

歐洲 者亦然 列名於中,而有官監焉。凡一國之古物,大之土木,小之什器,皆有司存部錄之, 掃 監視之,以時示人而啓閉之。郡邑皆有博物院,小物可移者,則移而陳之於院 不事土木,此日本小國,所無可如何耳!吾遊歐洲諸國,雖蕞爾之瑞典,其公館民 者益久也。蘇州之元時獅子林,及明之拙政園,遊者人收百數十錢,因而掃除其園 + 詳盡周悉焉 石豐屋,不可移者,則守護之,過壞者則扶持之,畏風雨之剝蝕者,則屋蓋之,潔 已著之古物 蓋有二者:一曰保存古物,考之各國風俗,皆有保全古物會,士大夫好古者,皆 凡其有關文明足感動人心或增益民智,如所言潘盧伍葉屋園之例 亦此意也。今官雖不理,各省府州縣士大夫,宜處處開一保存古物會,凡志書所 餘萬元 而愼保之。其地皆有影像與傳記以發明之。有遊觀者 壯麗皆與歐洲諸大國爭,為使人勿輕視之也。比利時之刑部署,費千萬 ,皆由競美之意焉。安可以堂堂大國之中華,爲人藐視乎?今吾爲國人文明計 ,園林亦然,各會所亦然,博物院亦然,率收其國幣一金,故美者益美,久 ,因用養工人,飾花木,備廢毁,益能久遠矣。歐洲之富家屋 , ,宜如上法公共部錄,而令人守護之,其志乘未著錄者,使學者查考之 而薄收其費。昔吾遊日本之日光山德川氏廟,入者人收一元,歲入三 ,則引視指告其原委, , 有事者皆宜歸之 ,施捨與衆 ,冠絕 中,巨 莫不

公會,不得擅賣拆毁。若潘仕成宅之一隅,改爲愛育堂,至今猶存,可推也。吾遊

風崇 普敬 及英 哲

之

俯仰不 重遺物 或 遊之地 法 其淺 生物學之達爾 人 0 國之古物蕩然也。夫不知西人者,以爲西人專講應用之學者也,而 , 皆然 而 然自 國 若 租 稍 輙 此 有 博物院 , 室之中 甚昂 名者 置也 而 者不 ,編及小 0 一二名士外 君子 其崇敬英哲 所 居 可 , , 0 ,拿破崙之雨衣敝帳敝枕敝褥冠履外套,一一珍懸之於玻璃中, 能 勝數 此猶 而 之廬 其所遺之金鏢, 文,及諸詩 , 若 慮 民 人猶爭焉 其遠 無 , 也 ,則鮮能知之。 曰蓋世之英雄也。吾遊英國惡士佛大學之博物院 ,乃百倍於我國 虚 令見者流連景慕焉 0 , 雖最鄙 空 少有才能名望事 0 古物雖 , 人文人樂人機器人諸遺宅, , 則 得之則誇以爲榮。 不能轉 下人 其所用之銀鏢 無 其趨時風或好言適用者 用 , 。夫天下固有以無用爲有用 皆能如是 旋 也 業 , 0 , 然則 凡 而 , 名流 則 ,筆管文房四寶 令人發思古之幽情 恭寫其 吾遊蘇 無用之虛空之爲用多矣。凡小人 , 而窮鄉皆能行之 所居 馬夫揚 像 格蘭 乏地 , 珍藏 時 , , 則 鞭 雖 , ,猶珍藏於玻櫥 者矣, 其遺 掃 極 , 自創汽機 , 皆 敝陋 興不朽之大志 除 0 中國 一切 能 物 不知其好古人而 ,其學生之爲詩 虚空至無用也 指 人非不 之瓦特 後 刻石紀 , 而 告我 來欲居 此所 過者皆 中 徒見 其 , 以 好 , , , 觀 創 曾 者 中

意大利游記

所事

於

古物爲

?若

野蠻

乎

,

漁 0

獵

而

食

, 捕

虜殺

X

, 懸

人頭於胸

,

及其室廬

以

誇勇

感鼓

動

,

有

莫

知其

然而

然

者

若農夫乎

,

則

耕

田

而

食

,作井而

飲

,

抱妻子而

嬉

,

奚

掠

婦女而

淫焉

,

奚所事於古物爲?過歐洲之都會

,古董之肆

森列

,

其

餘

國

則

食肆

用

物 肆 耳 0 觀古董之多寡,而文野之別可判矣。入歐人之宅,其廳 必編 掛 古董 異 物以

相 爭耀 亞洲 人亦有名士故家藏古董 者 ,然不懸於外 且若是之家亦甚 渺 31 郡 邕不

證殺

風景之一

易一二見也。

故觀室廬古物之多少,

而其人民文野之高下可判矣。昔張督欲以焦

Ш

爲炮台 矣 焦 , Ш 此 0 미 故保存古物會 謂 是幾若某撫之陳砲 , 能講 吾爭之, 實用 者矣。 謂焦山 , 不可不設 住勝 然守長江 於大堂矣。 , ,豈可爲砲台以殺風景?張謂吾等名士誕虛 而好賢慕古之風 者 張固 , 無鐵艦以 能 好古者 流 攻人 , , 然使英人爲之, , 中 守於江口 國 人猶未至 外 也 , 則 而 宜 至設 必 保 更 , · 卒行之 加 存 砲

石之原本 因不 野 宇 , , 太古原野 以待風 雨 , , 開 皆爲 口言棟 森林 , , 則 在森林之地 木屋可知 , , 今山 必 斬木爲屋 間茅屋 , , 皆伐木爲架, 乃其至便者也 而 0 易日 後 加 茅 上棟下 焉 0

用建

也

0

日

建築

用石

,

中國昔者古物之不

存

, 因

非

石築故

,

蓋

中國

宮室之起

創於原

之意

Ш

壘 焦

於

益可見古俗矣 吾 所過安南暹 羅馬 。英人之新開加 來爪哇諸蠻之屋皆然 , 可見人情之自然也。詩秦風 日 [在我板] 屋

拿大緬甸

,

皆用板屋;日本開化二千年,

至今全國

獝

化 之 皆 用 興 板 屋 0 至今羅 ; 中 國 馬 在 奈波里 商 時 , 蕳 已 能於 築屋猶然 木架中築土爲牆。詩詠古公築之登登,削屢 , 而 我三千年前己行之矣 , 其進化 蓋 馮 亦速矣 馮 , 百堵 0 惟

早建

秦漢

時

樂室皆

用

磚瓦

,

今漢

磚

秦瓦

,

存於世

一者甚

多

,

建築又

進化

矣

0

比之今之意

築

進

大利仍用泥堵 , 進化已突出二千年前 , 惜仍泥堂構之義, 築磚墻必先架木 ,架木既

殿 此 難 伐石 其得 室 也 經 且十十 固 全屋皆磚 或 以久遠而 0 然且 塔廟嵯 , , 眞中國之大憾事 久, 鐵世界之尤爲進化者矣。 , 所 , 可 地 在 以 觀 既親見之 石之難如此 架一 皆雕 成 存 亦極 瞻 印度萬里 明世結一 巍構 久遠 光 峨 , , 毀壞 鍵成花 或下層半用石壁,開化獨先。吾十三世祖涵滄公,吾族以一 故國 小 大 , 極目 也 , , 0 , 而 ,而 其 故石壁不厚,終非長久之計,今歐人多以鐵爲蓋板 屋,至今下半石壁猶存 無 體 0 , 餘民 切伐 中國 然猶比屋用之,刻經寫像 攸 Щ 皆 也。今宮殿皆用堂構法,中原各省官衙民宅,莫不皆然 印度中人之家, , 磚壁隨之,故製磚之進化雖早,而古屋之遺留,反不如羅 關 ,皆遠鑿之於須彌山 石石皆磨滑如鏡 石室也,皆千數百年之物也。故古宮室留存之多, 偏地皆 石築室 屋 , 當求壯 , 印度數千年前之石室 皆宜崇尚 Ш ,皆爲便易 麗 , 處處有一 樂屋 ,何修不可?此豈非我四萬萬同胞所宜 , 且使經營久遠 , 石築以爭光榮 徧 無非全石 甚矣!石之能支久也。惜廣東石壁不全築 石,若星岩之石 , 行全印都邑 , 費亦無多 由罅訶運之於五河,而後分輸於各地 ,斑爛滿國,故印度之文字經書,亦賴 , ,乃至樓板瓦蓋 上蓋皆以石板爲之,吾遊舍衞 , , 不過稍 以 0 ,深入其窮鄉 示將來 此後新構廣場 ,尤爲 轉移 , 所 精美 , 莫非全石爲之 , 有 , , 或爲 民居帝宅崢嶸 則 公所 大工 , 莫印 個 以之刻像寫 口 桁桷 。惟 人傳宗者 增 , 度若矣 宜 皆爲 進 我粤 馬 開 中 , 佛 此 萬 Ш 或

何我 修國 不可可厚

無

量

文明於大地上。

以我國力之厚

意大利游記

一務哉

#### 羅馬古道

細 環之, 家 外,蔓草荒郊 行二十餘里,王道平平,其直如矢,道廣丈許,古石多在道旁,亦多石像,出至郭 **羣書稱哈的練帝之陵猶存** 亦圓 如長安之昭陵陪葬者焉 雨日斜 極 , 上十數丈,與此同 目皆是,甚似北 ,往尋二千年古道,羅馬時所築,名甌丫鴨皮,卽奧古士多創闢者也 ,石墳無數 ,多有刻字,若斧若堂 京郭外也。遙望石墻矗天 0 , 道旁經過如城牆者甚 或即此耶 ,當是由印度傳來也 0 上作女墻三稜 多, 0 形狀不一。多羅馬時之名士賢人 亦多有墳堂, , 有圓城十數丈者, 斷續接雲外 , 又有八丈許高者 松柏森森白楊浩浩 , 即來時所 古王家: , 印度古王 見之石 。凡 也

最矣。

爲巨

最工

存者

此

渠,

由

一百里外引水來城者,爲何帝所築

,

尚待考。

以今所見羅馬巨工存者

,此爲

# 羅馬四百餘寺至精麗者無如保羅廟

歐 慣 歸 保羅廟是也,壯麗尙不及羅馬此等寺廟也,在羅馬則自鄶以下矣。若欲論天下寺廟 途遊散得丫 , 若 無所覩 -泥袄祠 亦復遊不勝遊 , 皆 文石爲之, ,若置之歐北 極壯麗 , 0 則必誇爲地球第二三者矣 然在羅馬 如 此 者 74 百餘 0 寺 若倫敦之 司 空見

八八八

之盡 石 質

> 廟以各 工者也。吾偏遊 印度之黄 必先遊羅馬而後可也。羅馬寺廟,自彼得殿外,莫如保羅廟,此誠地 富 色文石勝 ,終不能比劉向 金廟天文臺 歐洲十餘國,無有 0 彼得廟其 , 緬甸之黃金塔, 在天祿石渠也。然二廟者 來已古,保羅新築,則務以金石輝煌過之,然石崇王愷 能比其 與之體裁不同 一鱗半甲者。彼得廟以雕刻作畫 ,未知君士但丁之珊遜寺何如耳 ,各有勝處 ,若歐洲 球絕倫 勝 寺廟,則 保羅 之精 0

重 十尺,大門左右, 九日遊之。 ,共十六柱,一方一圓,高三丈許,大三尺許,皆以五色文石爲之, 毁長六百尺,高百尺,古廟有名, 爲半圓 龕 ,朝北 和刻神像 , 精絕 焚於道光時 。左右廊深長各列八柱 , 而復新 作之。 而 柱横列二 殿前百八 金 飾花焉

廟可稱觀

止矣

花 柱 中 與與 ·壁間 大殿同其華麗也 嵌寶石 數方 。近墻方柱 ,每方數尺 ,五色七章,無彩不備,盡地球石質之所有,光 ,皆碧綠文石,如玉如晶,皆含山水之形 ,每兩

中間廣庭爲拜地,皆以五色文石砌花,各如其色,方圓盡妙,頂蓋藻井

皆刻

金

0

妙章 華炫 爛 令人嘆絕 有 紅如 柿 , 此眞竭力以寶石炫奇鬥麗 有黃如栗 ,有黑如漆 , 有綠如翡翠,如水如雲,如霞 , 特教皇之力 , 而 無與 爭鋒 者也 如霧 , 天然 廊 Ŀ

廣共 襯樓 八十, 皆五色玻璃 皆以文石刻金花。其殿中方亭六十柱,每一大柱用夾柱,凡十一面 作窓 , 花樣備極光怪 此 玻璃開 亦甚奇貴云 0 殿 前 凡二十柱 ,其 深

意大利游記

保羅 墓

> 柱 曲若 纒 藤 , 單紐雙紐 ,無式不有。庭上有彼得大像 ,其旁有石棺 石碑甚多。亭下

爲 彼得 百 碧雲色, 矣。全殿柱及壁,皆用五色寶石鑲成 有 有。 孟廟之在嶧山 色之石爲之。周圍上下共用金石數百丈,乃於金上作摩色畫,繪耶氏故事,及其弟子像 數 保羅墓 第二代教皇之睛 小室數丈 彼教於耶氏之 , 則 此華嚴妙相 新教幾以爲賣師矣, 出自南非洲 , 與彼得殿下墓同式 ,寶石柱甚多,富 ,欲廢矣 至是真嘆無加矣!自內殿至外廊 , 弟子 以鑽 ,尤爲瓌麗奇寳 (, 甚矣 , 石爲之,亦皆以金色石作底者 而 尊崇敬愛, 人自事神者,不許他人入也。正殿則刻金 神神 , 吾國人之不知敬教也!彼敬教愈甚 何猶尊之若是,必更有異說也。吾國於顏 龕同 0 。神座之綠寶石 壁上及圓穹皆全刻金 中國。保羅舊葬 爲飾其廟若是。 ,出自俄國 ,周繪列代教皇像凡三百六十 處 , 保羅 此廟之精彩華 , 去 ,其金非金也, 八此六里 雖 私淑 , 其亭柱八 而 , 敎 雕 妙 復遷於 有 孟 力之壓愈 亦 石 大功,若 乃以 再 可 , , 作灰 麗極 謂 此 廟

金

無

知 甚

,於是有千年之黑暗世界;吾國敷敎在寬,故不敬敎

, ,

而教無壓力

,

故變

化

最速

0

吾

或

甫

通

,

而

人不

敬吾教國

或 民 自立 性

國於

立

,

歐

西

,

而今已十餘人矣

,

後日益多

,

俗教宗

,

,

加

後

人

性

能

自

也

0

必有其敬禮國敎之室

,不如是則殆比於野蠻人

0

吾過英惡士佛學堂,

其 本國 國乃自立 言語文字歷史風 ,故各國學堂獄醫,

各國遊學其間者,突厥只有一人 皆最寶愛之 雖然速變則: 速變矣 **,** 敬 重之 , 吾患其 而波斯 保存 之, 無人焉 無自立之性

九〇

孔 教之精 備

同

,

0

況孔子之道

,既兼含並包,又爲吾國所產

,尤爲親切,

與

他

國之尊他邦之聖者不

깇

度

莊 生論 孔

故 **應與阿剌伯之敬摩訶末同耳。孔子道無不備** , 以莊生之通放,

, 而 稱孔子曰,古之人 ,其 众備乎, 配天 地 ,本神明 , 於 無所不攻

育萬物 ,原於本數, 係於末

等 , 小 , 以 大精 老子爲眞 粗 , 六通 人 四闢 0 在 第三等 , 其運 無乎不在 ,以墨子爲君子。 , 推以爲神明聖王, 在第 五等皆以爲 而置已爲天人。 耳目口 鼻各明 在第二 一義

歐洲 , 不 能 新 其全 理 多皆 0 今觀 國爭之具 孔子三世之道,至今未能盡其 ,其去孔子大道遠矣 , 升平之世 一二妄人, , 好 況太平世 持 新 說 大同 , 以 炫其 世乎?今 博

孔者之罪 迷於 年 文明 盡倒 時之權利 國 教 , 而 俱 無 妄攻道德 而後快其猖狂縱欲之私 , 乃輙 敢攻及孔子 , 以助其成名之具 以爲媚外之倡 , 必 無論 欲使已 或

排

, 險詐橫生 , 此正大行 春秋之時,且一切據亂之義, 尚合於今時 ,而萬不能求之高

日 , 猶爲 大醫王 , 無 有 能易之者 , 而 病者乃欲先絕醫 , 殆死矣! ·夫故妄 人 者 自以

升歐

平洲

世尚 未

至

遠

0

吾昔者視

歐美過高

,

以爲可漸至大同

,

由今按之,則升平尚未至也。孔子於今

也

。竊觀今者歐美風俗人心

,與

中國正相

若,

其去性善自由

,

皆甚遠

也。

或

争若是

,

,

,

,

其

力未

能

爲 能 知 新 實 則 尚 未能審 時 也 , 而 謬 發非聖之論 , 以 毒後生害 風 俗 , 此 其 罪 不 在洪

水猛 萬 無 可赦 獸 F 者也。今之少年,求新太過,躐等而 0 今若有 人焉 , 言偽而 辨 , 學 非 而 博 馳 , 日 ,亂次以濟 以非聖爲 古 事 , 宜無所不有 必當正兩 觀 之誅 十年

意大利游記

後 必講 保國粹之義,必有英俊之士 ,負荷斯道,大發教宗,以行於天下者 則 視

今日之妄人妄論,如瘴霧偶噎,天日自清,則彼妄人之咒天射日 ,亦何足算哉 !!或

宗教之界說 論說尤奇愚 勝 有謂宗敬必言神道 數 ,是豈 亦佛囘耶乎?信如斯說 。試問今人之識有敎之一字者,從何來?秦漢以前, ,佛耶囘皆言神,故得爲宗敎,孔子不言神道,不爲宗敎 , 佛如耶 未入 中國前 ,然則中國數千年爲 經傳言教者 無教之 , 不可 此 爲教

權 實 者 國耶?豈徒自貶 者皆是醫王, , 有合人神爲敎者 並明權實而雙用之。 , 亦自誣 則有所畏而不爲惡,有所慕而易嚮善。 , 要教之爲義 甚矣!夫敎之爲道多矣 古者民愚,陰冥之中 , 皆在使人去惡而爲善 ,有 以神道爲教 , 事事 而 己。 物物皆以爲鬼神 者 但其用法不 有以人道 同 , 聖 聖

教

用主 告

者因其所明而

忧之,

故太古之教

必多

明

鬼

人循行城隍廟廊之地獄 而 佛耶 回乃因舊說 ,爲天堂地獄以誘民,今讀佛典言地獄者,尚 ,亦多有所動而改過者。歐亞之人,俗皆略同 爲之震栗 , 此耶 回所以 而

世之教據 亂 成教宗而能 , 則陋民不悟。孔子亦言聖人以神道設教 大行 者尤嚴, ,在中世愚俗 或託天以明賞罰 ,其有益於人心風俗,豈淺鮮也!管子曰:不明 ,甚者於古來日月食社稷 , 百衆以畏 , 萬民以服 五祀 。今六經言鬼 亦不廢之 鬼 神 者 神

,

此

之國盛古 代 神 辰南北斗熒惑太白歲星愼星辰星二十八宿風伯雨師四海九臣十四臣諸布諸嚴諸逐之 神道設教之法 也 0 但 春秋以 前 , 民之信奉鬼神者太多。 今以 史記漢書考之, 尚 有參

權中

甚

多

,

肅祭祀

權孔

中堂上之属

,

属百有餘廟。又有五社主壽星兵主陽主陰主四時主蚩尤數十祠

。長安祀天社天水房

,

稱天。 之祖 道 蕩舊 七千祠 荆巫 敎 時 主,立三統三世之法,包含神人,一 又曰:上帝臨汝 所畏 神 變通 在寬 在 故罕語神 鬼 俗如此 是 祠堂下巫先司命施縻之属,九天巫祠九天,如此不可勝數 , , 如詩 皆罷 誤以爲哲學之一家 亦不得已之事也。 , ,再過千年,未能出其範圍 , 則 不尚迷信 可見舊俗 之明明在上,赫赫在下,天難忱斯,不易爲王,天位殷適 棄 割地偏安多矣 0 , 又曰:敬鬼神 晉巫祠五帝雲中君巫社巫祠 功力亦極 , 惟留天地川 ,無貳爾心,此雖耶囘之一神敎, , , 故聽 其傳甚古矣。孔子惡神權之太昌而大掃除之,故於當時 大矣!其仍留 若至人智 人自 , , 乃以梭格拉底比之, 此乃朱子之孔子, 而遠之。若其尊天之丁寗直捷 川社稷五祀數者 由 , 大明 壓制最少 0 朱子不深明本末,乃僅發明論語, 切莫不覆幬,至今莫能外之。其三世之法 山川社 , 則汎掃之亦易事耳 族人炊之属 一稷五祀 , , 非眞孔子也。 此乃孔子至公處 以臨鑒斯民 則 亦豈能過。況孔子實爲改制之敎 者 亦 ,秦巫祠杜主巫保族纍之屬 一朱子之孔子而已。 , 俾諸侯 ,雖不專發一 , 或乃不知孔子實爲儒 以詩書考之, 0 孔子 大夫小民 。觀匡衡所奏罷三萬 , 而 以掃 教之弱 , 五語四 以爲孔子之 蕩舊 神教 , 切 幾於語 但孔子敷 亦因之。 |稱天 近 時 , 神 而 而 一切 , 與 敎 必 俗 有 掃

時代之教主

然治古民用神道

,

漸進則用人道,乃文明之進者。故孔子之爲教主,

已加進

層矣

已則道人之哲西啓 臻二教道論學人紹 此干也教蓋代多案 年我代亦宗有近 耳前國神以教以者

事 非 由 0 極多 級 治 義之義甚多。 別而 較智之民 , 75 漸趨於平 極可笑! , 如國 教主自不能太尊矣 , 其自誇以爲文明而 戰不能弭 由好 刹 而 漸 , 尚 而 於名, 戰 0 吾 時 異 國 觀今歐美之人心風 由好禮 於野蠻 一際之條約則 者 儀 而 不殺降 卽 益 在是 底於文明 俗 0 , , 路 此與宋襄之不重傷 由 姨傷 分争 其 中 而 半仁半義之 非 漸 禮之禮 趨

,

濁

攻 學 侯 女 亂 不 0 權 棄其教主 · 者乃 鼓不 , 惟 世 得 仍各自立 神 , 乎邱 ·成列 必 權 乃正宜以 漸昌 輕 ,不擒 東家邱而 民爲天子 而陷於 也 , 與 春 0 若君 大同 秋治之。又人智已 二毛何異?試讀各國憲法及國 無教 重海 , 謀及 權 所 外之奇方 有 言男有分女有歸之說 , 卿 何 限 其 思 哉 士庶 , 且漸立民主 大藥以 人 漸 , 卿 開 服之, 士從 神 , 則 亦 權 漸近 際法 新近之學科書 庶人 經傳之言限 亦漸 從 失, 0 何 巋 , 謂之大同 者 孔子乃眞適合於今之世 制 不同於春秋, 歸然 君權 , **亦必** 自立 , 其 裁棄六經 貶天子 、義多矣 也 如 0 今 此 制 歐 粗 0 ,

自

而

諸

美

### 博物院之刻石處

0

信 皆 九 不 備 百 虚傳也 午 凡 千 游 數 博 0 其像純爲 物院 毛 一髮骨 此 赤體 肉 院 如 陳 生 列 , 蓋非 皆 百 筋 此 脈 石 則 雕 搖 筋脈 注 像 0 不見 希 皆 一希臘 臘 羅 , 而 羅 馬 精巧不 馬 古 舊 以 物 出 雕 刻 自天神名王賢士哲女 , 亦其時男女之界不 名 大地 今觀之,

於

,

也

0 凡

義有

所偏

重者

, 即有

所短失,

無

口

如

何矣

0

其希臘刻石

,

別爲 甚重

室

, 難作

-裸體故 石色更

嚴之故也。今男女入觀者,捫裟忘形焉。中國刻像不精,以廉恥

奇 古 , 然 有 似 武梁祠 畫 者 , 甚樸 拙 矣 0

地乞之 有 刻一 臥 , 勇惡哀乞, 各盡其 老人 , 手執拂 , 數 十小 情狀。又有上人身下馬身者 見緣其 身 , 各有意態 0 有 , 其 他百 執刀以殺其 事 萬態 妻者 , 刻畫 , 妻跪 如生

, 於刻像乎 , 觀止矣!

歷代帝像, 吾昔見葉蘭臺郎中所摹畫古人像,凡名臣名儒名士閨秀名妓凡千數,而 , 此已爲海內絕作 有以晶爲衣者,其歷代完全,則以俗尚刻雕故也。中國求古人像至難 ,就此一事 ,吾國之文明,又深愧於羅馬多矣,宜歐人之自負而 皆元明之人

之迫 眞 , 凡千萬品 , 皆瓌寶也 0 自法國博物院 稍得其 二外 , 餘國 無 有 稍 比之者

雕刻古器古像者 蓋二千年古大國之遺都 , 舍羅 馬無覩 ,誠非新造之邦所可望也。若美國自礦質 矣。 今丹墨挪威之博物院 , 皆以灰摹刻羅 (外無· 有 馬古物之一 欲觀 大地

象古

大國

之氣

輕

他國

也

0

其餘古刻花卉鳥獸昆蟲魚介瓶盤,

皆精選五色寶石,鱗

羽精妙生動

, 刻

成花者 二,滋爲可笑。 ,各如花色,如生新者。有阿剌伯文石之瓶 **偏遊大地而未至羅** 馬者 , 其猶未見古物之精美者乎?有以雜 ,高尺餘 ,如琥珀 ,內有 雲氣 寶石堆

其 光可鑑,有紫文石大盤,圓徑丈餘,以一石成之,皆千餘年矣。一紅寶石大盤

意大利游記

九六

馬圓梯 矣。一 殿樓閣 甚類 異 覩, 況其 及他遺物 可 於歐洲之古都 金碧藻井 鋪地皆文石 以 , 不 中土, 轉 勝錄焉 **寳石柱,高二丈,徑三尺,上刻彼得像,一千五百年矣,亦瓌寶也。有** ·舟車人物皆備,極通極妙,亦有數千年如埃及物極古拙者,則與武梁祠 動 ,以磚砌成者,有前敎皇租行息近之舊船, 品 , , , 皆作畫 [砌成 其 於今五百年矣 與吾承德殿元時大玉盤大小型式同 物乎?欲觀博物院者,必必歐洲之大都,其偏方下邑,不足觀 紅寶石几,光彩動人 , 0 其 其院之極端斜 , 各花無 新國近立者,不足觀也。吾始到羅 ,着色精妙 0 同 瓌品萬億,應接不暇 角 者 , 皆西一千六百年者 , , 蓋此院本教皇家也 爲教皇之觀星臺焉 ,有灰白青玉 , 疑吾華物也。 ,盤長八尺, , 擇其動目者, 猶存三桅,形同中土,又石柱九 0 馬遊此 卽論 0 , 又多有摩色畫 全院樓閣 此院建築, ,誤以爲全歐皆然,及 高四尺 有數古石牆 偶記一二, , 皆以白石爲之, 已 , , 其頂 爲他國 其環及刻獸 也 養皆爲 一、又必 其餘 雕 | 所罕 古羅 像 刻宮 同 簪

#### 博物院之藏書畫 處

後編遊全歐十一國

,而知無比之者,乃悔遊此之匆促也

博士物界

第

L 有摩色小石畫,精巧如繪 層爲 畫院 , 有希 臘 畫 , 金碧 , 有作山水船廬甚生逸者 甚深 ,然甚 古拙 0 羅 馬 , 皆二千年物矣。希臘畫方板 書 則 甚 多 , 與 中 土 今 日 甚同

甚

類

印度

也

0

有

匈牙利

畫

,

西一千五百年

者

,

亦甚

精工

0

有畫蠶葉

者

,

如

生新

,

亦

織種中 絨 畫

西 畫 一千五百 , 在耶 前 年 四 者 百年者。爲吾戰國時,頗拙 , 則 中國蠶已傳 種於意久矣 , 然亦難得矣。歐 0 其 \_ 古畫 , 在耶 人最貴 紀元前三百 (重織 絨 畫 年 幅 更有 , 大

書 斑 數丈 十六世紀之物 爲 爛 全歐 , , 多織 古藻 第 山 Ш 挹 水樓臺人物 , , 凡 今每幅 , 歐人學畫 吾最愛之。 値 百萬 又有織列國王者及戰圖。今各國王宮皆掛 有 此院 名者 , 而 所 最多莫如 , 必 藏 來羅 , 皆 此院 繪 馬學焉 耶 敎 0 雖爲 故 0 羅 事 馬 織 , 蓋教皇 畫 成 院甚 者 , 多 而 所 , 在 神 此 地 而 氣 此院爲 畫 故 生 動 也 , 率 0 ,

百 餘 萬 至其 物之最矣 上蓋藻井之畫 0 其 對門為藏 ,皆數百年名手作 書 樓 , 夾道之櫥 , 真是觀之不足矣。

,

上下二層

,

並

以白

板飾

金花,如各王宮然

羅

馬

藏古

五

色

皆

西

書

櫥

不

·用玻門

,

不

·如各國

册古

書

之力爲 新 制 , 惟此院 能 0 印度 , 人博物院 皆藏千 數百年古書 , 古書甚多 , , 可以 凡 百餘萬册 略比 , 此外則可俛 , 而 近書不得闌 視 大地矣 入 一部 , 此又我 , 此 惟 中國 教

號稱 文明所深愧 也! 所見拉丁書在西 層前 四五百年者多種 , 其 (紙甚舊

與

今文不同

之大 慙 書 , 然亦 , 以宋 不相 元板爲至 遠 ,其千年下者無 古, 唐前筆 蹟 數 , , 幾於 有草稿 無 數 有 大册 , 而 此院則幾於宋元後不收 ,皆拉丁文,千二百年 者 , 0 我國 面 觀之 藏

古

國

籫 , 回教多間 面 私 慙 , 甚 以畫 械 吾國 , 各國文之教經 人之不能保 存古物 , 褒異古奇 也! 若其釘裝之偉麗 , 誠宇內無二之古册府 , 多用 金花 矣 0 各國 , 飾 帝王 以雜

意大利游記

九八

五尺,自南非洲來者。法皇拿破崙所贈金飾燒靑大鼎 皆 有贈物,俄帝所贈之綠玉大方盤,廣數尺,彩色照人。奧皇所贈紅白彩石,高 ,德帝威廉第一所贈燒青金瓶

,羅羅陳列其間,皆異寶也,中國愧矣!愧矣!

#### 公園中畫院

爾之畫 韻 畫凡千數百幅 其專藏畫之博物院 ,誠 神詣也,宜冠絕歐洲矣 , 而拉飛爾所畫占數室,凡百數十幅 卽在初遊之十里綠天公囿中間 ,爲徘徊不能去, 而四時鐘晌閉門矣。購得拉 ,筆意逸妙 登樓 八十級 , 生動之外 , 螺旋而 上 , 飛爾影 更饒秀 頂樓

關,工商業螇於畫者甚重,亦當派學生到意學之也

畫數幅而行,欲再到亦無暇,吾國畫疏淺,遠不如之,

此事亦當畫法

, 非止

文明所

畫

學之重要

拉

飛

## 加爾西尼宮藏畫處

像 0 登樓 屡數十級 ,先遊石像陳列所 , 有 古石棺刻海 神 , 極 有名 ,觀馬利尼所刻之像 0

千四百年時。第二室,一千三百年應尼士市之畫也。當是時 馬 利尼 雕刻 大家也, 精妙甚矣。乃入畫所 第 一二室,皆羅家梯利畫也 十字軍東征 ,各國聯 , 當西

,

羅 尼士市畫 馬

利

尼

刻

十日

,

遊加爾

西尼宮,意人呼宮爲拜留,今已爲博物院矣

,此宮爲西歷一千六百年者

軍糧 運 , 皆假道於此 市 ,故睚 尼士市富甲全歐,因成獨立。至今猶稱意之第 富麗

地 其 詳別見後書 。此圖吾先遊之,市 中有樓河 , 夾岸樓閣 , 湖河 中有舟 , 皆迫眞

, 如 親遊其 地 焉 0 其一室爲多池之畫 ,寫美人,又寫女抱一子,二畫 皆 神 彩 如 生

乃 ?西一千三百年者。又一千六百年時 , 巫釐羅 亦寫一 女抱子, 奕奕 有 神 , 與 前 畫爭

勝矣 0 又名畫 師 羅 福 倫 者 , 英人也, 在 西 一千年時 , 亦存二 畫 0 其 \_ 作 孝 女 入獄乳

父 , 神 氣 如 生 , 各 國畫院多摹之, 所 以敎孝也 , 如 中 國圖 # 几 一孝之類 0 其 作兵官

雙眸 如電 , 宜其 以畫名世也。其畫幼弟,肉 袒披髮, 肉 色髮絲 , 皆迫生 人 ,秀采可 照

衣黄

衣

,

神釆飛

動

0

又入二室,皆拉飛爾之畫也

0

有

其自畫童子

像

,

明

潤

如

玉

此 如右軍之字,太白之詩, 東坡之詞 , 清水照芙蓉,乃天授非人力也 0 叉入 更入 一室 室

爲拉飛爾本師 卑路知那之畫 , 亦甚佳 ,但稍方板,蓋創始者難爲 功也 0

畫界革

命

爲

馬利罅之畫

,

在西一千年時

,

皆畫神

像爲多,金色莊嚴

,

如

中土

書

神

佛菩

薩

像

第

畫

師

,

眞

了妙筆

也

0

吾每入畫院

,

輙於拉飛爾畫

,爲流

連焉

,

以其生香秀韻

,

有

獨

絕

者

然 板滯 淺弱 , 獨 殿多僧者佳耳 0 蓋拉 飛爾未出 世之前 , 歐 洲之畫 皆 此 類 也 0

所 見

體 八年 各 國 也 畫 院 , 基多利 , 同 時 深華妙 者皆然 膩 拉 飛 爾 , 於是鄭拉開創寫生之功 文董則變爲意筆,以清微波遠勝,而宋 , 與 明之文徵明董其昌同時 , 爲不淺矣 , 皆 爲變 0 元寫真 拉 畫 生 大家 於 之畫 西 0 但 歷 一反失 基拉 千五 則 彼 變 百

意大利游記

畫中 之西比古

較近

爲油

畫

,

加以精

,

100

宋元名家。故以畫論, 拉吉打畫院見之,板極遠不如我。阿剌伯土耳其之畫 未出之前畫家 則 、水眞 我求不真,以此相反 ,則我中國之畫 在四五百年前 有過之無不及也。印度波斯千數百年之畫 ,而我遂退化。若以宋元名家之畫,比之歐人拉飛爾 ,吾中國幾占第一位矣,惜後不長進耳!又入 ,稍過波斯印度,亦不 · 吾在加 能比我

第我四 一國五 為百世年

#### **嗌士卑** 順宮藏 畫處

室,

皆墨水畫數百幅

,

此則與中國

全同

,蓋淡遠之品,固中國

所能也

0

丈 作耕 限也 之畫,亦列於此。然橋乍之畫 室皆丹青, 遊隘士卑順宮 全身伏地,如蒙古僧禮佛然,今無之矣。然畫中所見歐西間數千年古國衣冠器物甚 , 上刻十二 者駈犢 極足增廣見聞 0 此院僅十五年耳 則 數 , 爲巴利時畫;一室皆白描,則爲羅連膩之畫;一室爲近時大名手橋乍 人物迫眞 人醉舞其 ,亦藏畫 , 其王者無不長袍嚴麗 上 0 公院也。意人於大室公院,多以宮稱之,非必以王者之居爲 , 中 凡廿四室,一室爲拉飛爾之畫,一 , 可以機轉之,乃六年前新出 ·國鐵畫 ,亦佳甚矣,幾不讓古人,所畫五十年前禮拜式 , 只 有花卉 , 高 坐莊皇 , 尚 遜 ,則 籌 無不同 也 又 室爲基多利膩之畫 0 有 有 也。 近人畫 以鐵 有鐵鑄之畫 鑄 意奥近時 島 , 大數 ,尚 , 戰

事

,兵双相接

,臥草漬

血如生,蓋此院爲時人爭名表彰之地,其意不爲藏古也,

歐

者

0

絕大

### 邦非利宮藏畫處

洲各國皆有之。

數家 匆匆也。後之來遊者。宜加意焉,出羅馬後,不可復得矣。市中售畫之大肆 耳 益思羅馬也,惟冀他日再遊,不再粗疎耳。 索價皆千百,不及購之,尚甚恨也。後之來遊者,無入寶山而空手焉。蓋羅 千數百年前之異寶,爲全歐之所無,吾日覽之而心醉,後遊各國,不可復得 遊羅士必利遼多(釐耶)邦非利宮,亦藏畫院也。登樓甚曲,花木甚盛,布置甚佳 大地中寫畫刻石絕詣之妙境也。吾徧遊全歐十一國,畫院數十,全歐古畫盡見之, 大幅在頂蓋 境疏幽閟 0 爲購拓影畫數幅 ,亦無不心醉也,雖時人作,然精妙如生,出羅馬後 , , 以鏡倒影於下,視之人馬超妙,蓋已精絕,但不如拉飛爾之生香秀韻 名畫數百不勝數,拉飛爾亦占一室焉。拉飛爾之師曰基多利膩 。羅馬之古畫名畫,精妙超逸,冠絕歐洲,是數院畫也 ,亦不可復得也。當時以 馬者 吾閱 益悔 蓋皆 有

# 尼順那院藏最古之刻石

十一日, 遊尼順那博物院, 此院至古,乃西一千四百年者 0 其珍藏皆鐵石刻像,器

物盡二千年之物,且有數室,藏五千年石像,此院尤爲大地所難得。蓋前之博物院 , 尚古今雜陳,此則專陳數千年之古物,別爲一院,故雖不如前院之大,而尤爲珍

重。其數千年之石像,凡埃及、巴比倫、亞西里亞、叙利亞、之石像器物皆在焉 0

野之一 吳武梁 徴 臘 固多剝落,亦多有完存者。所刻則甚樸拙,略近武梁祠畫像焉。有二千六百年前 精妙遠出 文明獨出 維納士女神像,極妙麗 也。 0 蓋刻像之美惡足驗國度之文野。吾嘗遊爪哇博物院, 希臘之租拿女像,爲租必大妻,狀極秀麗端正,如中土之刻觀音, ,有埃及女神呢呢跕像,則不及希臘女神遠矣,宜希臘之 雕木石像凡千萬

而

希

吾國數千年神像,卽已妙麗,生於其心者,作於其事 皆醜怪不可迫視焉 ,殆及西印度南美及非洲刻像亦然 , 吾國文明已久,故垂裳端冕 ,宜其日以殺人奪貨爲事也

文

祠略

堂近

刻尼羅帝時關 數,有以數尺石刻戰圖數十人,神氣操作,各各不同,而一一如生,亦絕技哉!有 士敗而 自殺又殺其妻像,筋骨皆現,見者驚猶鬼神也。有一石櫃,大

,特精妙不如之耳!想鑄金範范蠡之時,必至精工矣。此院石像

無

,正與希臘同風

尺許 物比之,惟石鼓可列 , 極 雕鏤之工 , 順耳 值數十萬云。 !此惟羅馬乃能致之,亦非歐洲諸國所得 此院地皆雜寶石,砌花無 一不精古 有 , 力 以我中國古

懷拉 飛 爾畫師得絕的八

畫師吾愛拉飛爾,創寫陰陽妙逼真。色外生香繞隱秀,意中飛動更如神

詩

畫拉 飛飯 本 師

> 拉君神釆秀無倫 生依羅馬傍湖濱。江山秀絕霸圖遠,妙畫方能產此

生死婚姻居室處 , **畫圖實景盡遊之。弟妹子妻皆寫像,同垂不朽畫** 神 人。 奇

拉飛爾畫歐人重 , 一畫於今百萬金。我已盡觀千百幅 ,靈光惝恍醉於心

拉飛爾畫多在意 意境以外不可覓。只有巴黎數幅存 ,瓌寳珍于連城璧

拉飛爾 畫非 人力 , 秀韻神光屬化工。 太白詩詞右軍字,天然清水出芙蓉 拉飛爾作紀新

基多連 羅 馬畫工兼石刻 膩本 師 書 ,精微逼肖地球無 , 妙筆於今亦具存。 。最傳秀氣拉飛爾 終是出藍能變化

,

曾見紅閨

合樂圖

,

元

## 巴釐尼宮藏畫處

巴釐尼宮,乃西一千四百年者。今爲畫院,入門見畫天神者,蓋波馬蘭助之畫。又

見畫女樂者,蘭佛蘭高之畫,二者皆六百年矣。

其

基多利 :膩畫教皇,又畫小孩睡狀,筆墨古厚,聞以十四日成者。又畫一小女, 皆秀

.一卑利滑畫兩女相爭,在一千四百年。其一事瞞富畫教皇,在一千三百年。又有

散咩 妙 0 利 基多利 阿話 膩 綿那話 ,爲拉飛爾之師 , 世界只存此 ,開 山已精妙矣 一幅耳。 此又爲拉 , 其本師爲卑路 飛爾祖 知那 師 , 鑿山 尚 開道 有 畫 者 也 ,在

,終讓拉生出一頭地,宜其出藍而大成也。又有一千四百年多咩膩歌那

康南海先生遊記彙編

畫耶 水聲甚 祠矣 子 極鬧,皆最有名者。卡拉花畫一彈琴女,逋士畫山林雲氣 年羅卡爹利畫山林人物,及羅蘭尼士畫樹木山水樓臺人物舟船器用,繁密而迫眞 近人巴賒彌怒畫女子與小孩 0 遊旃 拉 ,甚 氏事 , 飛爾則 一神肖 那祐 大,蓋引山水爲之。 衣冠怪甚 ,如生。又有林文判以絨織教皇像,五日成之。迫遼膩作人物樓臺 連岡 有爲其所愛者作畫 0 其 , , 一千年之亞理巴尼畫 如大鳥 有公園 人形。此院古今名畫凡數百 ,一千四百年之故城尚存。 此岡可望半城,憇馬臨眺 , 神氣尤好,比之一千六百年衣摩拉畫女孩 ,最有名,亦拉生得意筆也。 ,則樸略不及今畫遠甚 噴水池最大,若怒濤之奔下 ,追思羅 皆極佳之名品云 ,皆極秀妙。又一千四百 其高弟沙陀 0 有 馬霸業, 一希臘 慨然有詩: 畫 , , 畫 可爭長也 , 似 婦抱 極濃 武 梁 o

逐若以爲歐人皆然 則 思甚矣

0

各國

兵冠服

皆殊,

皆有

其舊俗

,隨時改之,非學人也。今吾國人所見,皆英德物

道遇羽林軍

,

頭戴白銅壳帽,

挿黄雞毛,

甚雄麗

,考石像已有之,則其

來甚

古矣

殿名王跡

詩

七岡草樹

'綠茫茫,大地山河此最傷。百里石渠連碧漢,千年古道黯斜

陽

0

頹陵壞

,高塔叢祠舊道場。泰擺江中橋上月,英雄照盡幾滄桑

元老院舊址 附 論 議 院 之制 必發 生於西不發生於中

中

葉

,

廢王而·

立總統官二人及護民官法官

,

而

切

政

權

,

皆在元老院

,

推學總

統

護

,甚宏巨

也

0

羅

馬

當漢

羅

馬

時舊

元老院遺址猶存,意人名爲斜羅羅馬那,今存七柱

小元 史 老 院 興 替

院 時

也。

西二百八十三年,地克里生帝

,乃全行帝政,廢元老院

,其

舊有之護民官總

,

而

羅

馬

亦由

分而

漸亡

0

蓋羅

馬帝

近此

三士

選

舉

而

夫

, 時 ,

羅

馬

大亂

,

置君如

弈棋

,當西二百七十五年,

八月無

君

,

切政權

,

猶

在元老

統官皆从而裁之,于是元老院數百年之事權乃盡

老院 代同 爲 院之權望 民官法官皆由之。 大維立元老院上尊號爲 帝 風 , , 至西 皆 , 由 而 , 輕 元 百十二年 切 老院 而 尚 漸 假 其員以羅 賤 0 及西二百年時 元老院之命 , 然尼羅之無道 奥古士多, , 塞維拉帝乃專 馬都人充之,雖以愷撒 , 乃命其部將充元老院議 非元老院公許 , 親 , 元老院 帝權 衞軍跋扈 , 令元老院自認 猶 能宣令而 , , 不得爲帝 大功 專廢弑君者二十 , 廢之。 員 **猶謹奉元老院之命** 無 , , 主權 選官之權 增至千人,於是元老 其後迭迎 五帝 , 然 三十暴君之 , 立諸 亦 與 唐 尚 至屋 在元 末 武

將

7

關 係 君之世 政 來 君 上半 , , 賢 而 (者得 期 元 , 老院 羅 , 馬 世 尚是君民共主者也 爲 無 , 絕則 時 久 、遠之權 不 復迎 不若中國 亂 , 而 君于諸將帥 百 邊 變而 外晏然者 0 羅馬 不改 初葉 中 , , , 得 則 其 , 以居 後當 即有 以民 中坐鎭之也 俗尚因民政之舊 **衞軍賣二十五帝** 加 兪 尼羅之淫暴 0 雕 時 之時 , , 此後 帝 有 竊 位 , 又當 節迎 權 可 之 由

之元 重老大院 意大利游記

攘

大位

亂

離相

繼

,

帝政之安

,

而

論羅馬之美政

,

能久保其

大一

統之國土

二〇五

康南海先生遊記彙編

剌而爲之。然則希臘之議院,可謂爲今大地議院之太祖,羅馬之元老院 大地議院之太宗,所關亦大矣。但羅馬元老院議員只羅馬都人充之,實同於貴族院 則 實元老院爲之。今歐洲各國議院之開,亦由元老院舊事,入人脳中,

政 體

寡人政治

寡人之政治,非全國民心之公體也。意則甚佳

於水,過之遠矣。但推念祖所自出

之 關 係 與

庚進民

,

猶有其旨

爲之也 貴族爭政,君位難久 0 蓋民權之起 ,必由小國寡民 迭代爲君, 則自有貴族之寡人政治出焉 ,或部族酋長之世,君不甚尊,去民不遠

,

0 而

國太小地太僻

者

,

Ш

,而中國亘古乃無議院政體民學之司者,國民非不智也,

,篳路籃縷以啓山林者耳

。我昔堯舜咨

岳

,盤

地形

實

,

而

,體則未備,今憲政靑出於藍

, 冰寒

希臘之比例 嶺錯雜 區蕞爾之地,不足當中國之一省,而己分爲十二國,千年莫能一之, ,其險易守,故易於分國 ,亦必受治于一雄之下。惟歐洲在地中海波羅的海之中, , 而難於統一 ,乃歐洲之特形也。 故遠在希臘 雖彼雅典之文 港島槎枒 ,

民智不開

實歸 比倫叙利亞 明,亦不過比我今數縣 , 採各國之所長 , 皆文明久啓,商市互通,地既不遠 以以 , 文其國 而四面臨海,舟船四達,其時南若埃及腓尼西亞,東若巴 ,民以通商 而富 ,希臘人士,得以游學探險 , 士以游學而 智 ,智民富族既多 ,虛往

莫肯相

F

故

其勢必出於公學賢而衆議之。吾嘗經

活臘矣

,

群島延廻

**峯戀秀聳** 

生其間者,民必秀出,而又集各國之長,有富族智士之多,故梭倫

日有海波相激,

二〇六

,可謂

故得激

,

,

民之界 之比 廢 于 落 說 之 之 部 之一隅 羅 平民 相與 吾 印 王 以富 事 富分五級,各出 , 0 , , , , 雖世也 馬 攘 雖 世 孰肯以 凡 限于羅馬都中之貴族 粤鄉族村邑之間 , 廢而 集議 爲 闢 人四 而 稱戈之卒 , 有貴勢富力, 開于春秋之始 於羅 預會者亦只有贊成可否之權 Ш ,手闢草萊 紳家 君權 林 棄之, , 級立會議之法,行之二百年 , 若都邑中豪族貴家 僅 馬 同 全國 所主 粗 歸 , 皆 崩 且 一 
色 兵隊,共爲百九十四 一無預焉 人乎 亦必俛首讓之, 鑑君權歸一 得 部 , 人 , , 凡 廻旋百數十里 預 落 而 , 故其 議 餘 小 ?此王權所 口不過數千, ,亦若是則已 , 未 人拱 族小鄉小邑 。若夫日耳 、成國 不 爲治亦同部落 手聽 能荷 家一人之弊 ,久居其  $\pm$ 如順 命焉 戈 以永廢之原因 , , 旁無 者 未有 耳 曼 隊以出 蓋以三十族開基,羅慕路之王五世,僅治羅 無發言之權 , , 者 0 地 有 此民立議院之必開于希臘者 德縣大良城之龍羅二族是也 0 , 不得 君王 雖其後平民與貴族爭權 其鄉族城 大國 , , , , 世柄 不若衆族衆 諸族分權而 當吾漢晉 征 家獨世爲搢 他部 預 ,日與近鄰意大利中諸蠻競爭 ,部落既多 其政 也。其議 。焚火射矢以集衆 會 , 邑大者 0 然所謂 所 , , 尚爲森: 神者 議 勢力已定 治 人分執之適 會也 者 , , 富家貴 平民 群族 無名義以 公學 , 林之野 則 ,諸 者 頭 相 , , (紳甚 平民終勝 其 族 ,地 0 目 鬥 侯 , , 相統 亦羅 羅 後 貴 集於邱 將 番 充 鄉 兵 多 族 形爲之也 軍 必 來徙居之人 馬之元老會 , 、者預焉 開 開 及 馬 本 , 陵林 · 自 平 其 創之始 , 編兵之 都 則 邑之權 會謀之 , 其爲 中之 亦以 衆紳 有不 馬城 0

比我

例國

村

原王

因權

永

落羅

馬

起

平

例日

耳

曼

,

康 南海先生遊記

非

國

會

0

部

落

械

或神 前 , H] 者 舞蹈 , 不 可 者擊器 以 **多亂之**, 其 大不 願者 , 投戈於 地 , 此 屢 集會 只可

鬥 會

,

謂 之部落 今人以 械 後世文明 鬥 會 ,蒙之以國 其定年開二次 會二字, 有 新 誤謬甚矣!蓋日耳曼當彼時 月滿 月 , 利于學兵 則 野 番 代 日以 僅 殺鄰爲 爲 + 番 事

部落雜沓 政 體不 , 然各部 無論有 Ï 無王 , 卽 有王者 , 亦如 今土番之頭目 , 再 進

舊成 制國 大 , , 要皆 凡 成 非有 + 餘 大部落 大國王者之體制 , 又與 羅 馬 也 0 日 至西歷四百年 通 , 則 始 有 君 主 時 , , 漸 部落戰 成會 長之世 爭 , 互 相 , 至法 吞併 蘭克國 , 積 久 漸 興

隨後日

滅會耳

議曼

則

一個長耳

不

過供戰役之所學

0

其後

或因

職事

屢勝

,

學爲

終軍

,

或

由

將軍

而

進

爲

大

僻 , 處 採 用 各鄉械 羅 馬 制 鬥 度 , , 亦必 立有 鳴鑼 君王 大聚 , 粗 鄉 具 文明 人而 公議之 , 乃始 為國 其 出 , 鬥 則 者 此 類 , 皆 集議已息滅 得預 會 而 矣 公學 0 一統領之 今吾粤

與 土司, 亦 , 射矢擧火爲號 筦粮之人 千年戰爭 , 前 皆自小部落併吞爲大部落 鋒接 , 傳集各洞 應之人 , , 而 若苗猺黎 公議 其 行行各種 事, , 미 擧 以宋史土司傳考之。 其督戰分戰之人。 , 分 據 Ш 洞 各立 至於雲 日耳曼史開 南 至 貴州 有 戦 創 各

傳史 時 , 軍 , 事 75 如一 會議 轍 , 人 , 人 即今爪 直 預 哇蘇門答臘各土酋之爭併 , 今各野番皆通行之。 凡 此 , 亦皆各部有會焉 等政體 , 皆 曲 Ш 海 0 此 崎 峒 等部落互爭 Ш 嶺

轍我日

落

,

部

落分

據

統

甚

難

故各占險

要

,

地

方數

十里十

餘

里

不等

人民

自千

數百

至

數萬人多相識

,

亦甚平等

,

日以爭戰爲業

0 故武

土直接而預議兵事

至於國

土稍

大

土耳

司曼

數百里, 7建之時 人民多至百數十 萬 , 卽 有 君主執: 權 , 無 復有 此等會議之事 0 至於

盟議中 會與世 之春國 比秋際 較時會

中

封

, 日

耳曼帝僅以

虚名擁位

,

其時國

會皆

豪族

,如諸侯大僧之有

領

地

列

席 世

焉

0

所議

爲

和戦

教宗嗣

王及國

際大事,學既不常,此等會議

,

猶之春秋時

列

國

諸

固吾國

行

侯

議 制

之法 泡國 影會

會

,

選

大學及各郡縣學

人爲之,則有今會議之意

,

然行之三百年而

中

絕

矣

0

惟

英

以

國

因延議 於會 英制 之度 原獨

民 小 國 寡

奇

,

,

而

,

而

大

業克 之林 眞威 相爾 事

地 僻 海

萬

,

如

威

廉

第

一之世

,

0

,

名

大會 , 或遣 0 大夫來會, 則 凡 非大一 統之世 ,衆國並立 , 必有 此等會議 ,

之二千年矣 惟法 國 當西 一千三百二 年顯理布第 四時 爲抗教王故,乃 藉 民 力 而 開

王時 條頓 久之且全奪王權 種與挪 , 逐定大憲章 曼 人同漂泊於不列顛 , 日益光大 成爲立憲最堅之政 , 以至今日 , 傳 其 (舊俗而) 體 , 而 推 世行之。至西 行於天下 大地立憲政 0 英固 體皆法之, 一千二百六十五 世有王 此爲 而 威 會 一年約 地最 不 廢

十七年,而 特之事 是時 亦絕 英全國人口不過五百萬,區 無 而 僅 宣有之事 0 蓋考英當威 品 廉 小 由荷蘭入主英國之時 國寡民 , 故克林威爾之革命 , 當 我 朝 康 亦不

過如 人 春 秋 時列國之廢逐其 君, 晉厲宋殤之弑 , 魯昭衞輙之出,若是者不可 勝 數 0 衞 #

又四 立 晉 百 乃 年 出 計 於 其時 衆 , 英國 貴族柄 僅 英倫 政 , 蓋 隅 視爲常 , 當西 , 蘇格蘭 一千二百六十 阿爾蘭之混 五年 一不久, , 人民必不過 上溯 約 一百

翰

過如今演黔土司之酋長耳 不過百餘 萬耳 0 蓋民數甚 立國 於宋 少 世 , 則 亦不 君不 過 尊大 人 數萬 , 地解 或數十 海隅之一 萬 島

意大利游記

雖

有王

不

隅

二〇九

則 羅 馬 及 東 方之制度 , 亦不 廣播 , 故能 傳 其舊 一俗而 不 至 滅絕 0 及 文明 大啓

Ē 堅 , 而 又有 希 臘 羅 馬 議 會 舊事以會合之, 則 或 會益 堅 , 故日耳 曼之分國 雖 則 多

,

大陸

全 體 之 關 之 立 國 而 , 故 則 獨 會 多 早 者 能 為羅 小 傳 , 其 國 則 寡 以 舊 馬 俗者 民 地 大國 中 , 之政 而 海 不 王 形 勢使然 權 制 屬 不 所 他 舜 束 或 縛, 而 , 屬英倫 而 以其海港汊沍 君權久定 後民 會乃 則 ,國 能 以邊海之小島寡民故也。 發 紛 會奚从發達焉?然歐洲數 全焉 歧 , 易于 0 若 據險 印 度則 而 七千 分 立 若 里 或 在 + 7 平 陸 歐洲 故 年時之有 也

係地形歐

海

中勢洲

國亞比波 不文 相明 之阿倫斯 比刺亞埃 容與 等之義 古已 部 **豪民** 落 爲 0 若波 廣土衆民之王國 , , 則 益 無可言 必 斯 君權甚 則 自 周 0 爾 凡 時 此 已 , , 古舊 而 至 爲 阿 民 權國 文明之國 刺 統之大國 伯 會 起立更後 , 皆 , , 則 無從 帝體 必廣 , 不 尤嚴 孕育矣 土衆民 獨染于舊 , 埃 0 況 及巴 , 而 我 制 中 後 比 , 國之一 能 亦 倫 其教 產 亞西 H 統 文明 理 里 B 亞 , 非 B , 一當黃 旣 更 合群平 有 自

中 或 形 勢 堯舜之時

蓋

古號

九

州爲

中

國

者

,

在

大江以北

,

太行

以

南

,

曠

野

數千

里

皆

帝

廣

無

險

可

守

,

故爲

統帝

國之早之遠

,

在萬國

之先,

不

11-

成

國

體

立

莙

權

而

H 地

既爲 平陸 民古

權代

例伯西及印

諸里巴度

 ${\sf E}$ 

數千

年

,

在

佛

時

雕

分立

多

阈

,

而

皆

有

Ŧ

,

人民繁

重

,

君

權

極

季

,

或

體

久

成

非

同

文明

0

分

改土 數千 , 周 之明堂 歸 里之大 流 , 況 國 , 皆 在三 衆民 貴族議 代 , 以 則 君 院 前 也 乎 權 ? 0 IV. 故有 奪 故堯咨四 , 無 諸 侯 可 易 岳以學舜 大夫合議 者 0 但 之制 其 , 而 時 顓 土司 0 頊帝嚳 凡黄帝之合宮 舊 或 T , 皆出 萬 , 至 家而 唐

虞

之

總章

非

黔

未

盡

議我

院古

代

貴

族

國

希中 臘國 不 不 能 能 有 有

海

凡

有

小

國

,

無

不

· 併 吞

,

無从容蕞爾之希臘

, 得有

文明而

自爲政

0

羅

馬

都

人

,

類

漢以後

,萬里

山河,純賴帝制

,而君權之鞏固

,

已自神農黃帝來矣。亞洲皆

一大陸廣

,

有

類於日耳曼之選舉侯,而桀紂旣放殺

,則千八百之侯,公學天子,及厲王被放

周公共和

,若春秋之大夫,交政於列國

,

執權於邦內,皆貴族之俗也。蓋不待秦

羅中 馬國

若湯亳

周

岐

,

雖

起于百里

,

而

承先侯業,獨以靈武之君定天下

,

此類

於亞歷·

Ш

大之

統

歐

亞

,

摩訶末之開萬里囘疆

,

,

益以鞏固君權而己,尤非羅

馬之同類

矣

0

故

中國

於豐沛 , 而 漢 高 五年成業 , 即已淹有百郡 , 大異于羅馬之以千年之力次第平 蠻 者

之勢, 其 馬 , 及西 故俗延一綫于絕海之小島, , 經分裂滅亡之後 南部之氏羌蠻夷 無從生產希臘羅 , 馬之議院者 ,乃正相類 無有 而又遠播希臘羅馬之文明以强其國 能統一之者,故諸國競爭, , 凡極 實地形爲之也。若日耳曼之部落 小之部落,何嘗不會議乎?而 相持千年, , 得以 而 , 則 內平七國 英 在 西 人乃得以 歐洲之羅 域之胡

英中 倫國 不 能 有 外與歐陸諸

國相

持

,

及遠滅印度

,

國逐驟强

,

而國

會之制

,遂爲

大地之師焉

0 若

中

, 採

逾千 英國 或 文明之制 旣 哉 萬 日 古 ?假令羅馬 安南 於中國 統 暹 , 即不 羅 矣 緬甸 而 , 若 容四方小 之藩國 統至今 日本高麗安南是 夷之苟延壽 ,則英倫三島 已甚多矣 也 , 何從于二百年前 命 0 然是三國 , , 亦中國之瓊臺耳 其 少能自立之國 者 , 開 尚容 化皆 , 滇 辺 則已 二千年 黔耳 五百 廣 萬 1 , 衆民 爲羅馬之 人民皆久 人文明之

,

,

史之 北兩海 郡縣 立憲 亞洲之文明立國已久,則以大國衆民 政體乎?統全大地論之, , 奉 山嶺叢雜,港汊繁多,羅馬昔者僅闢地中海之海邊 羅 馬之政法 , 何從而有國會?何從而與王爭?何從而漸進漸 他地野番之部落, ,君權久尊而堅定,無從誕生國 會議蓋多, 但無從得文明以 ,未啓歐北之地, 會 精而成今日之 0 惟 立國 歐洲南

大歐

異亞

點歷

過歐十倍

,而蒙古能一

之,

而

歐洲

至歐

北 落軍 之類 勢實 憑據 美國 大地 民責,不論 既啓 反無英雄定于 **豈不便易乎?何必怵他人之我先哉?物無兩** 最先强 議之舊俗 限之也 南 , , 時 北 其反動力則 ,則無有 時存焉 兩 時 海多島港而 , 歐美得其播種之先,故次强 不 地形勢, , 能統 能爲 伏流千年 , 0 卽 刺觸於法 無英國 故至今小國林立 中國先民責也。今大地旣必行此政體矣,英得伏流之先 一之者。以亞洲之大, 而執一理以責人,妄也。及今移植 分立國爲之耶?故曰地形使然也。 , 而發于三島,又以三島之國會 , , 此根不滅 而大播於歐 ,而意大利日耳曼中自由之市 , 必有大生廣生者矣。況有怪英者,延條 , 。兹七柱也 遂爲地球獨一 大,有其利者 ,其先河也乎?或以爲 非 舊 無 而用之,人下種 俗 中國人智之不及 , 一之新政體 必有 , 伏流 其害 , 萬里 若 匪 0 , 豊非 呢士 中 而 , 我食之 中國先 而 國 故在 漢堡 頓部 而 歐洲 起于 萬 里 地

數千年

,

已享

一統之樂利

,

歐洲列國

分立

,

經黑暗

中世

,

Ŧ

年

- 戦争

,

慘

禍

酷

矣

, 75

得產此議院以先强,則有其害者亦有其利,然中國苟移植之,則亦讓歐人先穫百年

## 羅馬古蹟

**址國**戰時遺 遊(之援)廟,祀神女者,在西曆前四百年,則當孟子時矣。

遊克嬌利士廟,爲西曆前四十年之物,當漢元帝時矣。高大三丈許,

廟形圓

外廊

有十餘柱繞之。

**覩古戲院,名的丫多羅** 

最大之宮室 花,凸凹甚大,所費多矣。正寢室作半穹形,以金摩色作畫,砌地亦以雜寶石爲之 。處處不同,高臺十層,若論大宮室乎,當爲羅馬之冠最。惟以羅馬王宮,絕無此

遊散咩利廟,在西曆前二百年,當漢高時矣。以石築之,其頂蓋皆作藻井,並刻金

宏麗之作,頗不類,疑後人增修潤色之也

愷撒圖書 館 遊加必多路博物院,僅餘柱礎數百而已,他皆毁矣,此卽愷撒所創之圖書館 大維重修而 增其式廓者也。 俛仰流連,思愷撒父子文治武功不置,此蓋我國漢世之 ,而屋

道經盧布路士墓 天祿石渠也 。柱礎猶存 ,蓋羅馬名臣也 ,不其幸乎?

此地頹垣相望,古蹟極多,石礎纍纍,廣數十畝,其下皆羅馬前王及將相名士墳墓

有 石級展轉而下,深通數里外,然蠟而下。吾下數十步, 陰氣襲 人,時新經病後

遊邦堆塌古廟 ,不敢行 ,乃退出 ,在西曆前七十年,當漢昭帝時矣。高 0 購碎瓦數十而歸 ,有柵門,置守者,人收二佛郎,乃許入 一百五十尺,廣一 百尺,上下 也

皆圓,以純石爲之,樸無雕飾 ,中霤缺丈許以通天光,而 無窗, 眞古物也。 以有

骸 蓋 者 飾 ,可存數千年,亦良法矣。其左壁奉意前王之棺 , 以 一畫師與一名王幷列 , 意人之尊藝術亦至矣 , 右壁奉畫師拉飛爾之棺 , 宜其畫學之冠大地也 0 中土 并 有

拉

飛 爾

遺

**霤可信,亦與王宮同制** 

,

其藻井三層,淨面無飾

,察其壁蓋

,亦非眞石

, 乃

以灰結

列師

與

名 Ŧ 慙之矣!爲口占絕 句

邦堆塕廟二

千年,畫者名王棺並肩。嘆甚意人尊藝術

,

此風

中土甚慙焉

!

耶

雉堞

詩

出郭, 作丫字形,高出牆之半,巍峩天表,爲何帝所作未考,或古陵門, 見一古墓,門上似城樓,爲銳三角形,高數丈 門上有樓 ,高七八丈, 或古城門

當泰擺河旁,有崇樓閎偉壯巨如石城。上有大殿,尤壯麗。蓋西曆一千五百年,卡 的羅帝所築之陵也

羅 作羅馬畫及拓影者 馬 故 事 , 烈 丈夫爲亂兵亂鎗轟斃 , 必 作此陵 ,蓋古物之偉大而最當廣道 ,其妻在此樓前投江死 者 0 ,尙見此樓形影于劇場 吾後在瑞典 親劇 ,

演

夜月江波中也。

古陵

羅馬最古之宮室陵廟,略具遊于此

十五歲作之畫,其諸室皆藏名畫者。有一室皆作羅馬前王像,有以琥珀爲衣者,亦 又遊波盧伽射 士**園**,其地據邊畫岡,夾道花木幽翳,亦七山之一也。入門有匪 利呢

精麗矣 ,吾國乃無歷代帝王像也

晚再遊 某詩人立石像 大公園 , 則士女如雲,旌旗繚繞于林木間 此爲揭幕之吉日,故來遊觀。冤冠行禮者甚衆 ,警察兵騎馬而巡警于園內 ,以數萬計 , 甚 乃爲

意人之尊藝術也,宜其藝術之盛矣。此亦吾國所慙矣!

公園十里拜西訶,士女如雲警吏呵。萬衆冤冠旗影繞,詩人立像敬恭 遊羅馬拜西訶公園觀詩人立像揭幕士女如雲旌旗繚繞警察呵途口占一絕

導下,壙中石級百餘,展轉 小室僧居焉。售雕刻羅馬古人及教中先賢各石像,欲遊古壙者,人收一佛郎 十二日,遊愷撒屋旁之古墳。驅車郭外二十里許,墳上爲柵門,其內雜花夾道 而下,其廣一二丈,石棺左右列,墓門有石拱,有畫甚 ,燃蠟 ,有

古, 、蓋白匪 蘇 爾火山移來者

之棺 傳 列棺 爲羅馬民政時第一名將 皆有刻碑 , 如吾國誌銘神道 ,手平迦太基國者也。迦名將漢尼巴亂羅馬 也 。見西比亞之棺及嘻非利加那士之棺 十七 年 焉 0 所 西比亞 向 無

亞比

西

略

亞

比

西

敵 , 全意皆爲所破 ,羅馬人畏之如虎,至西比亞乃擒之,而逾山滅其國 ,乃爲總統

于今二千年猶存,羅馬人之保存古物,敬恭英雄,亦至矣哉!又見總統西標士棺 官,又有文學,蓋愷撒以前,第一文武才也。蓋天之勛,埋于七尺,爲之感歎!然

于今二千二百年矣,皆有碑刻,及其二兄一弟墓

火葬之龕 終不敢盡。乃復出遊哥窿巴利伊阿古墳,有租釐尸士諸帝焚尸處,其焚尸室方形 此壙羅馬將相名士甚多,通十餘里,不可叙錄。深入後,陰氣襲襲,以新病後畏之,

穴地下數丈,凡爲八百龕,每龕廣尺餘,深尺許,置於四壁,高下層叠 櫃然,每龕圓穴二,大數寸,穴面有蓋,穴卽藏焚餘之骨者也。每壁八行, 如如 每行九 店肆之

龕,皆羅馬皇親之龕也。其上室以各墓碑砌成,蓋一千五百餘年于今矣。

。每壁横引十二行,每行九龕

,而中有大方柱,上小下大,脚有四

又一室,制同前

門,前後各八龕,四方各九龕,合共一千穴,此藏大臣將軍之焚骨者。其室上有窓

,以鐵柱爲之,可開以通天光

焚尸及存棺

相名士,乃得全尸不焚耶?以庸人無不朽之業則焚之,或爲此理耶?

據此則羅馬當時有焚尸之俗,與印度同。然其他古壙古棺甚多,豈皆有名之帝王將

屋撒所生之 日荒烟 游愷撒所生之屋,石室層樓甚小,似吾粤鄉間之屋,紅石爲牆。是地古木茂草,斜 年之遺物,滿地皆然。石碑石像,刻畫刻字,堆積岡頭,或以甃花,或以躡磴,亦 ,淒滄滿目,益思愷撒生時 ,產此英物 ,此地尤難得者 0 斷石碎瓦 ,皆數千

中羅敦初 國馬帝通 之古之中 始物遺國

入像安

0

遜其

古矣,爲購羅

馬瓦石數十物及安敦像,寄還中國

,

約費七八磅

,

而寄費亦

,

當自我始

,

視此

何

如而

以與中國交通之始帝也。然羅馬古物之入中國

等

也

0

特購安敦像者,

有老嫗陳列之于愷撒室前而出售者,古刻可愛,甚不知長安昭陵前

異羅 俗馬 之

不敢深

入隧道

,

不往矣

之感 此 也 亦可自誇矣 亦 , 以 ,尤爲難得 異俗也 出羅 。且此諸石 馬 0 去 0 , 此十 無 以寄費過多 古物故 · 餘 里 ,皆購自愷撒之室,愷撒爲歐洲第一才,令人益增霸圖文思 也 , 前 0 , 羅馬 Ш 一二無刻花之石,棄之于客店,今則仍恨所購之少 亦爲古壙 人售物 , , 隧道深遠 索價定卽售之,若滅之 , 以天晚日斜 , 又新病愈 則 彼

復添

### 遊王宮

十三日。

訪外務大臣布理爾

,

則已避暑他往,意王亦往瑞士避暑矣。歐人官吏之多

暇如此 壯 圭 式華 , 門 有衞 表 , ,上立意開國王伊曼奴核第 故能養其神明以從容作事也,遂遊意王宮。王宮門外有曠地二十丈許,立 兵 , 雞羽冠 , 持槍守門 入門環方廊百 騎馬像 , 並有噴水池,宮一層 步 , 有衞 士數人 ,然石築頗 佩 劔 巡視 崇 ,

體 制

中爲廣 入殿 庭 每門皆有衞兵守之。殿四面 磚砌 地 , 似 中 或 , 而樓四 有書 環之。樓分二成 , 圖羅馬戰事 , , 有先王之像及刀劍旗 先登廿四級 , 後 卅 六 幟甲胄 級 , 乃

意大利游記

華

磁之見重 皆拉飛 王之殿 几榻亦殿各異 後殿每牆一長几夾二小几 是東期朔者 每殿異色,黃藍白綠相間 贈,穿殿數 , 存焉。殿爲第五教皇所樂,蓋已久矣。再入一殿,寶座以金樹枝爲之,乃南非洲王所 彼仍以爲華磁也。其重之至矣,惜吾國不知講求致精耳!一畫是巴拉夫者 其寢殿埀帷 ,穿殿· 重 ,皆名畫也。穿殿七重,至一大殿,長七八丈,廣二丈許, 十四 , 其 綠褥 ,其牆皆以雜色文石爲之。屋蓋及壁間畫 , 一殿上下皆拉飛爾畫 電燈作蠟 陳設各異 ,穿舞殿食殿爲 · 其大瓷瓶尺餘 ,室或大或小,寢殿凡二, ,旁陳几桌數四 ,蓋拉飛爾爲畫師第 一鏡殿 ,皆中國物也, 0 有一日本式室,陳設皆日本 ,四周皆鏡爲之。自此入爲 , 浴室凡二,餘爲穿殿書室 無 皆拉飛爾筆 一他國者 , 故王宮皆其寫 0 , 有寶蓋 間 所陳設 有 紅館各國 ,一畫 物 日本瓷

座

几

爾全畫殿

飾

金。

桌多用漆,燈皆用蠟

,

無電燈,陳設有各國王所贈之瓶,不外燒青寶石

0

歐洲各國皇宮體式皆類此

,其床亦與常人同耳,

或有帳

,或無帳

, 而

用屏皆白色

銅

生也

也

我 諸 其宮官指二尺大瓶 云 丈,高二三層不等,形皆正方,如廊之四周然 種 中國 。若其磁之盂瓶 0 亦可 所掛之畫,皆其十六紀之絨織畫,織成山川人物樓閣者。每幅丈餘,值百萬 知所從 事矣 ,室室皆有之,皆中國物也。多藍花,亦有紅花者, ,問我中國值千元否,蓋歐 0 歐洲王宮 ,式多類此 。中爲空庭,無寸花一木,且碎石不 人重之甚矣!後所遊各國王宮皆然 皆在市廛 一中闢 巨室 , 體 亦非上品 制 方廣十

整

。其樓爲穿室數十,可以周通,更無他廊別室,方板無味極矣。向怪中國

,眞可怪也!若其制度陿小,如

一富室

,蓋王僅夫婦

一大內殿

廷

無花木,今歐人王宮亦同

,

其

宏壯

無論矣

0

,

較居 及閎

其狹中 原之西 因比王

或

0

度壯麗

大座 非今爲國會所抑致然。 ,

座百數 ,爲室數百,

及中土富家之巨室,況督撫司道之崇衙乎?中土富家之巨宅,深十餘進

人,子女數人,僕役百數人,故無取于宏大,除其樓居稍高壯,鋪設稍麗外

廣十

,尚不

大官之衙

,

歐洲國土本小,其王不過如吾督撫之比,故其古今宮殿皆如 西人之曾到北京者,皆于我前詫其宏大焉 。若外

,亦未極閎 比之吾國帝居禁城之閎壯, ,若除此外,則中國帝室皇居之壯大,實爲大地第一 若法路易十四之宮 相去尚十百倍。突厥波斯之宮殿 ,誇爲世界第一者 雕 鏤 ,吾未之見 精 0 蓋萬里大 ,即

,

固

,

然僅

此

此

,二千年一統致然。自建章未央千門萬戶,由來久矣。此其雄規 , 實關 文明,不

得以專制少之。然歐人之王居陿小,雖其小國寡民爲之,而于近民之義,爲有當矣

## 議院大學

遊議院 大利合國後所樂也。下議院須納稅十九佛郞乃得被選, , 皆白石爲之,甚 壯麗 0 上下院分室同宅,式皆圓 上下議員皆無俸 , 有 嘉富洱像 , 在 惟 焉 乘國 蓋意 中

意大利游記

是,縱橫大地,感慨流連,比之昔遊舍衞,則尤深矣。

瓌殿崇樓倚夕陽,敎宗霸業兩張皇。東窮舍衞西羅馬

,大地山河最黯傷

詩

界,故文化亦優也。舉國藏書樓一千八百三十一所,報舘九百零二,學校分四級, 之民,不識字者尚百之八十也,舊國之變甚難哉!北意識字者過半,蓋北意與奧法 遊大學、三層石樂,規模頗壯,時放暑假,無在學者。意國大學凡廿一所,然意南 舟車不須費焉 。上議員除王族及勛望大臣外,須納稅三千佛郎者乃得被選。

自小學中學專門學大學,略與各國同。所過學校甚多,門壁皆新,不暇徧遊矣

0

## 邦非爾宮

羅馬全城,樓塔參差,斜對夕陽,光景如新,二千年來霸圖宗教之爭,英哲接踵於 遊邦非爾宮,在阜上,沿途屈曲上,林木修翳,花草鋪芬,翠竹森森 暑于是,不得入宫,惟見樓塔十餘座在木杪而已。其牆壁花樣新奇,有圓形方形捲 尾形者,途中見載棺大車,四柱黑色,如大長箱,飾以金,在噴水池前少坐,俛望 其中古木森鬱,澗水清幽,亭舘清瑟,在羅馬京中,至爲清勝矣。是日、王子避 ,與宮舘相聯

## 古跡雜述

度並峙爲四{並 羅馬古物與 並

怪事也!

闌 無數,地中及四旁刻人馬獅像,鐵管引水,自人馬獅口中噴出,坌溢大池,環以石 略見其式 一時爲 。其刻人物皆精妙絕倫 74 , 誠 亦足想羅馬舊日之宏規焉 非吾國 可望 。最奇者,數經亂離 ,處處皆有,式式不同 0 大概論之,羅馬之古物,與埃及雅典印度 ,其人民之能保存古物如此 ,皆千數百年古物,今拓影十數 , 誠 田田

羅馬古跡至多,不可枚擧。其紀功之牌坊華表,瓌偉高峻,樹立大道中,崇十餘丈

,不可勝數也。有牌坊刻人物樓閣舟車,凡廿五層

,精甚

0

其噴水池

刻鏤精美者

## 古物五章

手自搓 皆周漢以 古物存可令國增文明,古物存可知民敬賢英,古物存能令民心感興。吁嗟 後漢世稱風俗美,賊畏名賢鬼讀書 頹垣斷礎二千年 印埃雅典多遺蹟 埃及陵塔何嵯峨 雅羅之能存古物兮, , 惟有長城奈若何! 前物 , , 英雄遺跡嘯 , , 衢道相望自巋然 瓌搆雄奇盡石工。 印度殿塔歲月多 中國乃掃蕩而 以歌 0 。羅馬人能存古物,此風粹美更何如 囘顧華土無可摩,文明證據空山河。我心怦怦 。最異頻經兵燹亂 0 盡平,甚哉吾民負文化之名! 行編地球看古物 雅典古廟可婆裟 , ,保存古物至今傳 , 尚看羅 馬四 三雄 羅馬壞殿遺渠侵雲過 一印埃 。是

羅

行

同

刧

賊

奢

靡

其

服 征

食

, 而

羅

馬人乃豪富役使而

無稅

焉

,

此其行同刧賊

,

亦

與

匈

奴蒙古

無

異

0

馬以掠敵人財貨之故,

積金如山

,

故爭相豪奢,

室皆費巨萬

,

桌之價

與

掠

X

既日

以

一伐滅

人國爲事

,

故掠敵人以爲奴隸

,

而貨賣役使之

,

掠敵財

而

壯

麗

其

都

府

之原 無

耳

足開 道國 司

都城之財同 0 其開 國之原,蓋無足道 ,一月異室 ,冬夏異處 ,實爲中國五千年之所無,蓋夷狄之行也, ,以孔雀鶴鷺爲食品,此亦與金元開國之貴 去文明遠

矣 0

惟

旣

滅

希臘

後

,

雅典之文學

政法美術

,

漸

輸

入之,故法律

文藝

漸

有

可

觀

0

而

希

臘

希因馬

臘 一文

明之 之 之 影 惟羅 七年 場 六國宮室 本集埃及巴比倫亞西里亞建築彫刻之長者 十至 園 六四 馬 有 年百 一統之運, , 歷世久長 皆極天下之壯麗 , 沐猴 而 歷六百年, 冠 , 由 夷 , 狄 亦 自漢武帝時至南宋廢帝元徽四 而 以敵財爲之 進于 中 國 , , , 此 亦 羅 如 何足與我數千年 馬 拓跋金元之改用 人亦師之 , 故王宮公室 年 前 世 產叉明 後國亡 華 風 , 比哉 如 神 , 百自 秦 廟 、政之仿 三西 ? 浴 十歷 堂技

原羅響滅原羅 統因馬 之二文

枝之計 今 歐 洲 所 , 控制通易之方,今得而數之,其將相藩鎭 用 亦多沿羅 馬 律 是 也 0 羅 馬 人 以 所 統地太多之故 大官 , 皆用羅馬人爲之, , 故其 政法務爲 《强幹 雖多貪

羅 馬 特 别 政

聽

其

自

由

,

所滅之國

,

粗收

權

利

,

而

以閎

大之律網羅之,

亦

自有

精

妙之律

法

出

焉

0

富

,已甚都治,況千年之舊國哉?得失之鑑觀旣多,統馭之閱

,

有

歐亞

,文明自盛

,

乃理之自然也。

此

猶

起家傭

奴

,

積世貴

三前

歷自出

,

故

所

得之地

蓋專以戰爭爲業,有同匈奴蒙古之俗焉,其得成大國,亦以此也

俗匈

羅馬市中畫店古董店最多,金石之像器及羅馬古碑古盤古柱,刻字無字,完全斷缺 年希臘羅 , 無 不有 馬之器物 , 連棟相望, , 瓌式異制 過之垂涎,恨力薄不能多購之。雖明知眞贋雜陳 , 置之堂室,亦足興觀矣。僅得金石像十數具 , 然數千 亦慰

# 羅馬沿革得失

情

聊勝

無耳

野人

番り

奴蒙古之 落千之 年 落云耳 將,乃能推廣于地中海沿岸,兼吞衆邦,遂成一統之大國 僅得此 羅馬開創,在周平王之二十一年,五十 然 必 地 是團體政治 尚武之故 , 辽 , 以漸擴 其 開疆 圆圆 與我國經三代之盛,逈乎異矣。經秦漢二百年 。經二百四十一年,廢王而改爲共和政體,則當孔子時矣。蓋部落之俗,本 開土立功爲榮 ,至周赧王三十七年 小國耳。蓋是時自希臘數島外 充而征服諸蠻 ,而非君主政治也。特其時意大利未有文明大國,而羅馬人得据衝要之 , 故重 ,蓋變貴族政後 , 凱旋之禮 八西十前年二 + 百 撫有 年百羅慕路王之人口,不過數千,蓋野番部七百 , 而 , , 歐陸未闢 亦以擄掠爲事 立總督官二人, 南 意 , 蓋立 , , 西比亞馬黎蘇拉網標愷撒諸 皆同野番 國 。數百年來 , 一五百年 年一易之,其 乃眞野番 , 此如今闢 , 日 故 無歲不征 事開 俗 八在位 彻 闢 南美洲 0 而 , 亦 沿

仍立

爲國

小五

國百

Ŧī.

通道路,速郵傳,立銀行四大政,與其法律大行於歐洲

康 南海先生遊記彙編 二三四

之商品4 平地 横 息迅 滑如鏡 或 爲吏士工商萬業所聚 達埃及,延袤萬餘里,石材堅固,至今尚存,此其大業,可比吾萬里長城,亦可驚 皆與京師通 矣。無事則 五也。今者重都府, 可敵國 大地遠之故,思控御之,乃最講開通道路之法 **遂傳流至今,以增歐洲文明之壯觀,與各國之進化矣。今歐洲各國** 務極壯麗 m 而 ,亦所不恤 速 更有借貸銀行 羅 以便民行。其最長者,西自直布羅陀海峽,東達波斯灣、幼發拉河之路 者無數,蓋皆蕭何隆上都觀萬國之義,二也。然因是之故,都府又物之遺蹟 咸集,復有商船百二十艘,以運輸於內外,羅馬之都,百八十萬市民 ,其厚三尺,上下二層 馬帝奧古士多推廣行之,定其規則,限其時刻,支以公費,故廣土萬 74 也 , 通商便易 0 其造中間道法 以隆萬國之觀瞻,而彈壓天下,各國入貢之品旣多,庫藏 蓋如蒙古之私其色目人,英人之本種統治印度焉 0 既臨蒞衆國 , 以便貧民之興業焉 ,有廢帝亡朝而無遷都, ,有事則調兵神速,三也。泰西驛傳之法,起自波斯王賽拉 ,廣大潔淨,每石廣數丈, , 必握財權 上層合灰石爲之,下層細沙作之,兩旁石道 0 , 則全國財政 乃創立國家銀行 如人之有腦,實本於羅馬焉。羅 ,凡得 大興 或 大小不同 , , , 以租 必造大道焉 流通 • 操 賦所入存於 , 曲相 縱 也。都府宮館 ,城都壯麗 , 山積 銜接 無不 , 令 馬以其 ,爲盛 銀行 各属 里,消 , ,其富 如 高 74 而 意 南 地 海 於 平 中

强之一大原因焉

。我國地土廣大,逾於羅馬

,而不知大治道路以速通之,以金銀貯

國

中 愧羅 馬

庫,而 設 統 馭大國之道,則愧於羅馬矣 ,以唐太宗宋藝祖明太祖及燕王棣之雄武碩畫,才臣如鯽 不知立國家銀行以操縱財權焉,于以文明不興, 。而數千年無一作者,道路間 盜亂難平, 有開 ,而思不及此,豈不異 闢 ,而 財貨絀滯 銀行未識創 甚 非

詩

閎通石道

萬里遠

,稅貯銀行子息多;二政便于統大國

,

我於羅

馬愧

如

何

# 羅馬善政以通道銀行爲美矣

哉

!

Ш 我國數千年 ,各省藩庫 皆以租稅貯府庫 ,亦略百萬 ,江寗則多至五百萬矣 ,而不知設立銀行 , 其 餘 府 縣 0 昔戶部之銀 , 皆十餘萬數萬不等 , 常數千 萬 , 堆 積如 , 則

之蔽 認等作惡,以醫官之大禍無耻 既不知取息,尤不便流通 ,而終日仰屋呼貧,乃至鬻官開賭。 ,則視若當然,此眞愚狂不可解者矣!若謂此非 夫以利息之正義

古義

, 今且勿引偽周禮國服有息之義,且試問古者納總納秷, 而今日折色納銀納錢 , 亦

古

俗

經

義

中

國

理財之義 亦知之矣 何嘗是經 義乎 0 , 固 戶 部及各督撫 中 ?昔羅馬 西同 俗哉 人亦以取息爲悪, , 亦多議及銀行矣 0 今各國之富强, 柏拉圖亞利士多德皆不取之, , 全藉銀行爲 而紛紛 向 外招股 轉輸 , , 吾國 而 不 人處此 知 蓋古人不解 卽 用 大變 所 收之

稅 爲之,此又知二五而不知十, 其愚不可及者也。凡一 國各有 風俗所滯之蔽處

意大利游記

海 先生遊記

其 間 未 達 其 難 通之 , 及其 豁然 , 乃覺昔 者之蔽爲 大可 笑 也! 吾 或 爲 府 庫 財三

比羅

較馬

與

所 蔽 亦甚矣

秦 Z 羅 勒 其 也 斯 南 馬 0 其 坦 滅 立 迦 或 取 太基 黑 類 如併 海之奔 於秦 韓魏 , 如 , 多 其 0 秦之滅楚。 始統 其滅巴 , 如 滅 爾的 意 燕 其 大利 0 其敵 如 開 滅 西 , 如秦霸 波斯 班牙高点 趙 是四 , 盧 西 如 戎其近取 結 或 , 如滅 齊 者 0 , 蜀 皆 其 希臘 取 幼發拉 0 埃及 其 取亞美尼亞亞西里亞巴 · 類於秦之先取 泰格里 , 如 滅 兩 東 泂 周 域之强國 0 西 皆 周 以

之與 比漢 較魏 六 朝

百

年

之戰

爭

,

而

後

成功於

旦

,

各國

皆有

精兵

文化

亦與

戰

國

同

0

惟

其

立國

統

數

捆 **Ti.** 

種

內

亂

,

不

過

如

羅

馬歷朝之變

,

與

外族

無關

0

羅

馬

日

受日耳

曼之擾

,

亦

與

匈

奴之南

,

0

,

皆

與

秦類

,

故謬

稱

爲

大秦

,

誠

有

故

也

0

而

漢之承

秦

,

土

地

政

治

無

異

,

其

漢

魏

晉宋人

,

外不形以之育受同發屬十啓 族同與作官憑中化難異六 無故遼亂職藉國於者種國 關日金其而中之中復然雖 也與元情因國教國已其多 侵相 北分

孫淵之遼,實爲四 士但丁復統一之,與晉武帝之復爲統 類 其文治哲學法律政治之美 國 與 羅 馬地克里生帝馬西憐君· 與 無殊 漢魏晉宋 , 日耳曼諸 土坦 無異 周 部之南侵 及我 卡比鐸之分國爲 國 魏蜀吳時 , 東羅 馬之偏 代 74 無 益以 異 安 0 君 公

與晉末五胡之亂華 德法 而 東羅 馬 尚 , 存 南朝之偏安, , 與 (我之北 分齊周 亦無 不類 而 梁 陳 0 尚 拓 存,亦 跋魏之强大, 無 不 類。 惟 類于沙 隋 唐 立曼之霸 湿 華 夏

英 雄 如 周 武 帝 隋 高 祖 唐 太宗 者 , 逐 使 歐洲之不 幸 , 爲千 车 争 戰 之黑 暗

不 幸 世界

,

而

亦幸

而因

競爭以產今日之文明

,

得開

闢

大地

0

我國

幸而

一統千年

,

得以久

而

歐

土

無

幸

與

地

勢

之 禹貢以五服分地治之親疏 哉?故我覩地中海而歎潾潾之大波也

朝五代之分裂,亦不過六七百年,我國數千年,以合爲正,以分爲變,彼土數千年 而 我國地形,以 安,不幸則以無競爭而退化,至有地球主人翁之資格而反致危弱也。求所由然 以分爲正,以合爲變,此則其大同而相反之故,而一切政俗因之,嗚呼!豈非地形 分峙 ,殆無可如何者耶!故馬基頓羅馬之一統,實年不過六七百 山環合,歐西地形,以海廻旋,山環則必結合而定一 , ,而戰國三國六 海廻則必 一畸零 則

國以與 國之分 政 狄,亦理之自然也 得不然者耶 權 所謂藩屬視爲諸夏也。其于日耳曼諸部,則夷狄之,薙芟焉已耳。以其有內國外 ,其後漸推權于意大利民而止,其於新定之邦,號曰布爾賓 他國相對待 ,故日事征伐 ! 苟未至大同 0 ,又有諸夏以與夷狄相等差,故內其國而外諸夏 羅馬以意大利爲己國 ,以闢土爲事,故能致强大。我國自漢後,以禹域爲內國 , ,春秋以已國諸夏夷狄分三等,後世忘之,豈知人治之不 則無五服三世之分者,勢將漸弱 ,而後次第平列, 故最愛羅馬之民 ,蓋三代至秦 , 則僅羈縻賦貢焉 ,內諸夏而 , 皆 以執 ,此 外夷 有已

馬 外皆夷狄,無諸夏之一義矣。夷狄則部落散漫 !自奧古士多之後,亦有閉關專內治之意,與光武略同 于是專事內治 , 而 不事征 討 ,此我國之所以不增大 粗羈縻之,無足與較 ,而羅 但其後諸帝不守之耳 馬則增進無 , 亦無 已歟! 可畏忌 然羅

,

#### 遊加 巴羅拉

方之歷 飛爾產 戴 物之 陽 地 名士。 火山所沈,今遂成湖,此亦歷陽湖矣。湖大二十里,臨山明媚, 羅馬外有千年前之王宮,地名加巴羅拉。有暱 0 但甚樸矣。其鄉名朗癡膩, 男女百數 距羅 馬五十英里, , 皆奔走來聚觀, **漁車** 蓋未嘗見華人故也。衣多襤褸 人民一萬五千,蓋拉飛爾所生處也 一時可到。 窮鄉老屋 個湖, 昔本大埠, ,道路泥濘, , 婦女尚多以首 ]。湖山 宮臨湖 西曆前四百年 汚穢與華土荒村同 秀極 ,風景至佳 ,宜產 戴

俗以

**?**入一

野店

,

樓三層

,梯亦用土磚爲之,食麤惡甚,不能下口

0

惟葡萄酒可飲

, 價 不高

,

亦與

(華同

0

窮鄉尚

如此

,

惟瑞典荷蘭

,

能比意

大利耳

,

豈非湖山秀美致然耶

與印度同

,

孟子所謂負戴于道路者也。

惟婦女顏色,

紅潤

如

玉

,

明秀冠歐洲

身材

物

首

拉湖西

其拉 家族爾 自

圖 列畦 拉飛爾所生 行樂者也 爲我開焉 亦甚賤 在羅馬北 ,亦自楚楚,以候王宮二時乃開,故徘徊于此,時鄉官敬遠客,園本常關 ,店地雜惡,吾乃假公園爲食地。公園雖不大,築亭堆石,架橋開澗 0 遊拉飛爾故居及其夫婦婚姻之室, 處 日母 **漁車四時** , 今爲袄祠 妻一弟數妹 ,曾過之,其地最出名畫家,有古畫院十餘,皆至佳之寶物 矣。 宅以石築二層 , 雞犬皆仙 , , 中懸一 經畫筆 故 久存 畫大丈餘,拉飛爾自圖 0 , 遂成不朽矣。 或日拉 飛爾生於佛羅 對面之宅,爲 練士埠 其全家 種花 特特

所,人皆爭之,然足見意人之重藝術至矣。

也。吾僅在滊車停處見之,未及下車視畫院矣。今尙憾之。拉飛爾生地,究未知何

## 佛羅鍊士市

歷史之 佛羅 有銀行商麥嘉錫者,爲市會主,以才明遂執政權,其子繼之,獎文學,勵工 三十,有一所容三千人者,學校二百。金製寶石製染品漆器樂器錦襴干香花石礆香 商業學校及商業教科書,其善彫刻作畫者,賞以功牌而特榮之,故學藝大盛 鍊士市 ,當意 大利市府盛行時,本爲小共和國 ,以貴族執政。當明宣德八年, 一藝,創 。醫院

文佛 明羅

爲錢。在彼一千二百三十二年,創于此市,暱呢土繼之,德法乃漸効之,今行於大 地矣。各國帝王,多與借債,因而握國權焉。今行金貨賞專技講商業,三事大行,

油皆其名物。而最有權者,大銀行八十餘所,支店無數,徧于全歐,卽

歐洲之以金

金幣之始原

皆創于此市,不能忘所自出也。市中車場廣大,高塔巍峩。古畫十餘院,皆千數百 古刻石尤多,學畫及彫刻者,歐美士人技師,皆來學于是,今尤爲意國大

年名畫

,

埠焉

0

## **咂呢士市**

最自 大立 者市 最 古

游

,

**閎**麗 爲 歐 冠

> 匪 呢 土市 此爲 意國 自立市之最古而 最 大者也。 在歐洲 爲 最有名之佳 麗

海 以文石築之,柱礎牆壁 濱荒 島 , 而開河河 渠以 通舟楫 , 皆五 色寶石 , 曲 曲 交通 , 築工既精 , 有 花 艇以 , 其閎麗眞爲歐人之冠 往來焉 0 兩 埠 皆巍 樓 0 蓋意 華 屋 人 , 建 並

園 匈奴之難 0 亦造 ,走居此 此市 街道 河渠舟楫店 ,及唐 肆 舞女 , 以供 人遊 焉 0 此 市 創 羅 馬亡時 , 羅 馬 人避

,

,

,

數

之滿的

加羅

爲最

0

宮室飲食歌

舞遊樂衣服

玩

好

,

窮奇

極樂

,

皆爲歐洲

第

0

倫

敦公

物美術之品爲

多 0

,

蓋意之豪商

富

人所集焉

0

今

·歐洲稱美麗繁華之都市者,以

此

市

及法

艦四 而 講 造船航海之業。至明初 十護之, 島 以通商貨於全歐各國 中宗時 , 西 爲西曆六百九十七年 + 四 , 一世紀 十字軍起 時 , 有商 , 藉其艦 船 以 三十, 一隊力 製 山鹽致富 , 水手二萬 逐得 無數特 73 五千 買

其 印 後利 度至 瑪 中國 實艾儒略等來遊 , 其子 馬可 , 仕元 , 中 ·西交通 爲平章 政事 , 實 皆 匪 著 書言 呢 士人 中國 開 之 事 以 0 其 通 後 西 與 歐 葡 者 萄 , 牙 自 馬 人 爭 叮 東西 始

之利

,

不

勝

,

商

權

稍失,

及意大利一

統

,

逐并爲意國

,

然猶爲極富之商市焉

0

其以

子馬 波 父

可

戲

園

精

妙

華侈

,

望之如

金樓

玉堂

0

歌

人

舞妓

,

在桂棹蘭漿中

,

曳而

過

,

音樂悠

揚

,

觀

者

|夾道

其

市

中

瓌貨

Щ

積

,

大

工廠

相望

,

皆精

I

製金刻寶

石 搖

,

及樂器

文具

服

築術

,

本自

過全歐人

,

而

此市

以豪富甲全意

,

故第宅店肆之閎麗尤絕也

0

公舘客店

歷唯 史尼 + 市 之

羅

,

商

力占於黑海及波羅

的海

,

有地二

一萬方

里

, 人

+

疽

萬

0 有

山

樂波羅

者

,

遠巡

波

斯

權

又有

軍

海港

,

地

0

地本

立國

,凡四百餘年,

最久長矣。希臘迦太基腓尼西亞

,皆以商立國

,

而

共

和之

制 商

,

增文明交通之業

, 若哪

呢士市者

1,豈不

重哉?意大利據地中海之中心

, 開

當羅

馬

政 體 之 關 係

戰商 弱國

必

弱

於

五

十佛郎

,

以

羅

馬邦牌所得之瓦石古器寄港

0

,于麥畦中

,

果樹甚齊

,

橋道

極

整

0

,費

既遊

而

奇

□□湖,山水明媚

,

素月漸上

商 國 與 共

講

和

既亡後 飛馬市創之,皮摺市遮樂亞市繼之, 自由 , ,日耳曼人南下,爭歐洲霸權 必無君主而講共和, 故雅 典開 匪 , 其先 意人無所勝, 呢士市乃爲最盛 ,而意大利繼之,此亦地 因 其 ,以商 地利 立國 而開商業之國 者, 中海港島 必 無專制 , 自阿 分歧

既歎 舟 商 政 車 國必弱於戰國 體風 便利 , 頗驚國 俗之變 , 故能發生此異樣之商國 體政 異 、體之異 , , 無 固 無如 一不自地中海誕生乎?然雅典滅於馬基頓 , 此 何者哉!將去羅 亦農戰之中國 , 而必 菲 中國 馬 人所未嘗夢見者矣。 , 先寄行李於倫敦 大陸萬里 統者所能孕育也 蓋歐人思想 , , 每重 迦 太基滅於羅馬 二百磅 之新

男女刈麥甚多。 十三日,二時 , 山頭多民屋,然皆古式。四時經□ 去羅 馬 0 岡巒綿亘, 皆種葡萄

## 去羅馬 北行汽車道中

奇大如落日,

得詩一章:

詩

岡 0 戀四 夕來明月大, 綿 日 ,果樹剪平齊 逐我滊車西 0 Щ 顯抗樓閣 , 郊外盡菩提 0 野女紅 兼白 , 田田 高及低

意大利游記

市 歷 史 廠林立 華麗精美,冠于全意。人民五十萬,其繁華有小巴黎之稱焉。八十年前 北歐各國互市,既鄰北歐諸國 自羅馬滊車北行十八時,六百三十啓羅邁當,至美蘭市。街道整潔,市場閎大,工 萬, 昔亦自爲國 ,而意大利絲市皆在是。其地當意境極北,自此北通瑞士,東通奧國 ,咸豐十年 意國 ,故文明風尙,染治爲多。其學堂公舘劇場妓舘 一統 ,乃歸併焉 。意有大市二, 南有奈波里 , 人口 , 僅十 以與 ,

絲

市

北 意 美

蘭

1 巴

異南 心之相

蘭之整潔富麗尤勝者,

以海港勝。

北有美蘭

,以孔道勝。人口並

五六十萬,

熱鬧工作

,

,

而

美

意敝舊

,北意華麗而南意樸鄙,北意人絹秀而南意人粗黃

,北意有日耳曼風

俗

, 而 整而

南

,兩兩較之,北意富而南意貧,北意文學而南意愚塞,北意新

則以近北歐有所講求比較激厲濡染故也。

意國地形 皆過於羅

, 馬

南北

狹

南意全羅馬舊俗,

長,如長屐然

早六時到 , 即乘車 ·徧遊街衢, 見一袄祠,名馬利亞拿先甜 , 此市第一 大廟也 一。高七

此其大別也。美蘭尤北意之代表矣

八丈,

廣

百丈

,頂有尖柱數百

,正中高塔又十丈,高峻突兀

,上挿雲霄

牆

角垂石

窗皆五色,玻璃極偉艷 刻旒 形 立人 像數百 。蓋意大利爲教皇領地,其民迷信最深,故寺廟最麗 , 極刻鏤之美矣 0 殿內柱皆六稜 , 大可 十抱 , 藻井 刻 金花 ,雖美

所過於

王市

宮易

其市易之所皆石築,夾道閣上,立石像百數,崇衙數層 蘭 此 廟 ,求之北歐各國,已不可得,此乃意大利之特色也

于全意矣。街路以小石砌成磚形,

中爲車道

,夾道植

槐,以爲人行,其整潔幽茂

林木幽茂

,噴水池磴道丘島甚多,勝

,

結構瓌偉,過於王宮遠甚

故夫歐人之重公所也。公園二,大者七里,

呵 刺 伯 書

三,其一金石器像爲多,

其二畫院也

,

皆千數百年古畫著名者。

而 皆 關

阿

剌伯之畫尤多

囘敎宮室衣服之沿革皆見焉

0

其國王朝會教宗大集戰事之圖

,

典故

,

而拉飛

亦冠於全意。入一古廟

,牆邊列古石刻文字

人像無數,多一二千年物也

0

遊

博

物院

爾及羅馬諸名畫師之畫

,亦充塞焉

0

出此埠後,

再求之不可得矣

博富

施之

,

亦藏金石像物,一

古畫一石櫥,已值數百

萬云

0

惟此院結

樓上地板

物家院布

構精麗 其一院爲故富家布施者

眞 が機構 也

文如其色。

窗皆五色玻璃,極偉艷,

曲室洞房,圓梯文屧,幽深精雅

,屋不甚大

皆以文木砌各色花形,文如其色。上下壁衣及頂蓋,皆以文木爲之,並作各色花形

,全歐少見,下層以五色文石爲之,皆作各種花形,文如其色。

加

兵

房

里 波 像

的

的將 遊其 兵房 軍 像 , 策 因 馬雲中 故城爲之 ,

74

角有圓

壘

,

高數丈

砲 眼 如蜂

房

兵房

正前

立

加

里波

歸田 廬 有范蠡留侯鄴侯之高蹈,真人傑矣哉 想見天人之概 0 加將軍爲創意 三傑之一人,功成不受爵,長

意大利游記

揖

拿破

侖像

崙滅意時 兵房後有 立爲倫罷王兼意王也。美蘭自古爲倫罷國 大牌坊 ,立拿破崙像 , 坐六馬車 ,四角各立人騎馬像 ,拿破崙於此戴王鐵冠 , 體制閎偉 , 蓋拿破 ,然拿

破崙與意人以自由,亦有功于意人者歟!牌坊外卽公園

磨在 我國矣。惟多閒行之樣 此埠爲意大利著名絲市 , 而 阿爾 在 可磨埠 頻 山脚 0 汽 , 臨哥撈加那湖 車北 行 , ,訪大絲店視之,五色雜陳,綢縀畢備 與日本同 , 隔半時許 水綠漣漪 ,索價甚昂, ,絲廠如 ,風景秀美,宜于產絲也。 林 每尺索十餘佛郎 , 烟筒挿雲 , 以有事不暇 ,花樣無數, 。其織廠則不在此 自此 入觀 入瑞士 博異于 o 印

## 意大利沿革

意

大利自羅馬解紐

境 。

系 道塞 十萬衆以蹈踐之, ,而 帖阿他力與峩特亡之,其國境北自丹牛波河 此如劉淵石勒之亡晉。慘禍 同焉。 其後意大利隸於日耳曼大將阿 , 西底西班牙境,衣皮帶劔

,日耳曼大將阿拉烈,以重兵屠羅馬,匈牙利之祖曷提拉

,擁七

起大原利 歷 史 亦能用 而 能用羅 中國 馬 文化 文化 者也 ,言語雜揉,于是意大利語出焉 0 時東羅馬 偏安 , 獝 南朝矣 , 0 此爲符堅慕容垂爭長中原之世 何其似耶 **!**及西五百二十年

之與 比中 較國 之意

語

羅馬英主茹斯底年興

, 降峩

東

,卽制定法律者也。乃平定迦太基及非洲,覆汪德羅國

特狄

,恢復意大利

,此猶劉裕之平秦齊復河南矣。越四十年,帝殂,日耳曼之倫巴

之始皇撫意土

之中分國,亦相類矣。于是教皇乞兵於法王比賓,而破倫巴多,法人以拉威那京與 多人,寇意 乃擒倫巴多王而代王之與敎皇並治羅馬焉 教皇,于是教皇爲有土之君矣。然意地亦有屬東羅馬者,至比賓之子沙立曼大王 ,至西歷八百年,倫巴多覆拉威那,此與北魏南朝之競爭又相同。而陳霸先蕭察 大利,與東羅馬戰爭二百年,其卒也,倫巴多人與拉威那之吏,中分意 ,時西八百年矣。此又與隋文帝之一統相

黑暗時代

教皇始弱

然猶得行其令於意大利中

,

此千年間

,

耶教最盛

,兼君師而一之,然

大利,

帝,故日耳曼帝與教皇

市,

亦並出而自立,此與唐亡而五代之瓜分同

。當西十一紀時,日耳曼帝阿多取意

倫巴多

沙立曼殂

,三子分國,魯設得意大利,不能統

分裂互起

,而哪

呢士佛羅鍊士諸

何其怪哉

類

數百年爭亂

,亦頗同時,華夏交爭,事勢遷流,若合符節,

無可例似者 之,故教皇之權力,能使各國君王惟命是聽,否則廢之,是則以教王爲共主,中土所 。而教皇又與東帝幷掌教權 , 中分爲二,至西十五紀時 路德新教既興

者,卽意之北境美蘭也,蓋自西六紀至此,分意境而立國,五百年矣。然地不容二

界世爭權,而以亂政兵爭,民不知學,師儒使節,皆僧爲

兼倫巴多王號及羅馬帝號,此與宋同時,亦與宋之復一統中國同矣。

西 人號爲黑暗時代者也。比我唐宋之文明,乃正相反矣

意大利游記

西十一 意 大利北部隸于日耳曼後 紀時 諾曼人取奈波里 , 數百年爭亂如麻 , 沙蘭 生人奪西西里, , 而 南部則統於教皇 而日耳曼帝 , 顯理第六並 不 與其難 滅 , 之。 然當

楼 文明之 及西十三世紀時 ,學術技藝幷集焉 , 弗勒得力帝 。是時 **暱呢士佛羅鍊士,並爲文美,至于十六紀時,意之學術技** , 常都奈波里,而 不還日耳曼,于是奈波里文物甚盛

一中

策之 抗法 至西千五百十五年,法兵再下美蘭焉。此與春秋列國之爭鄭同 國王沙爾第八 利 藝建築圖畫 今日均勢之局 教皇又聯各國以拒之,路易又結暉呢士以襲美蘭 瑪竇南懷仁 逾二年 ,為歐洲冠。意大利自羅馬亡後 , 湯若望艾儒略之來遊 , , 自此出矣。然新舊教之爭盛 法王路易十二,再下美蘭, 南取美蘭佛羅鍊士以入羅 , 與 一中國 馬 與西班牙分奈波里 ,發於此時 于是教皇聯日耳曼西班牙及匪 最先交通者矣。 ,於斯稍盛 , 教皇又聯英日西諸 , , 其有類南宋之臨安耶 而 當千四百九十四年 西班牙王甲列 , 後世無得 , 又聯各國 王以 而 (兼帝) 襲 擬 焉 拒 匪 呢 !若 日 法 呢 士以 0 , +法 而

曼以救意大利 , 與法大戰而敗 ,大擾羅馬 , 甚于阿特拉 濫均

**傷勢**政

都封 市建 之與 關由 係自

封建盛行

, 故意

大利自由

都市

,

亦得保全其間

0

以延綿千載

,

或不能

自

立

而

隸

屬

意

大利千年以來,爭亂無窮,

中分爲數小國

,而以教皇爲正統

。蓋當時

歐洲各國

於强國

如

日耳曼法

國

西班牙

,

而

自

治之國

體尚

存

焉

0

或則.

仍爲

封侯

0

其

北

部之國

五・日薩諦尼亞、

**哪呢士、倫巴多** 、摩丹拿 • 巴爾馬

0

其南部之國

, 也

日羅馬

塔士

加里、奈波里。三百年來,倫巴多匪呢士隸爲澳國地,餘各小邦,皆制于澳

(o當拿

略新 史意

爾培主民政而自立

,北部各邦從之,皆背澳矣

。逾年,法人以兵戍羅馬

,復敎皇位

。道光

,維也納

大利之 十八年 王,今其紀坊牌坊在美蘭,吾嘗見之,又使其將王奈波里焉。及拿破崙敗 破崙盛時,勝澳,得意大利之北部,以乾隆六十年,于美蘭戴倫巴多王冠,而爲意 會 議 歸 舊地 ,法革命再起 , 意諸 小國復歸于澳,而意人多憤其壓制,欲合爲一國以拒澳 ,倫巴多哐呢士起而抗澳 , 羅馬民悪教皇而放之,薩諦尼王阿

多士加納國拉西阿那國各小邦,皆歸薩諦尼。惟奈波里西西里未定,咸豐十年,加 開國會 里波的起義兵徇滅之,而歸之於薩諦尼王,于是咸豐十一年,我生之四歲,意 年,加富洱爲相,結英法以戰澳,破之,得倫巴多地。于是暱呢士國巴爾馬國摩丹拿國 各邦畏之,不敢動。惟薩諦尼王伊曼奴核第二,先立憲政,人心皆歸之。 推曼奴核爲意大利王,而意國統一之業成。惟羅馬尙屬教皇 • 唯 呢 成豐三 士尚屬 大利

嘉 富洱之功

之意大利國

,

皆賢相嘉富洱之力也。以爭亂如此,故貧弱,二千年來之變,其民酷

,意王收教皇之權

逐入都羅馬

,

逐爲今

我

生之十三歲矣,普法之爭,法兵去羅馬

,同治五年,我生之九歲,普澳之戰,意人助普而勝,得暱呢士。及同治九年,

澳

矣耗哉· !

意大利游記

## 意大利國民政治

意大利地方面積十一萬有六百四十六英方里,人口三千二百四十五萬,上溯百年前 , 不過一千七百萬,今已倍之矣。其國士僅比雲南直隸之一省,而分十九六州 , 則

行政 品 域

面

積人口

四千餘,此不及吾粵一大鄉矣。蓋數百方里四十萬人民以下者,若是之類,居二十 州不過吾兩縣之比。其至小之州,若利扒爾拿,僅一百三十三方里,人民十二萬

小者一千五百四十九,大者一百六十二,上控法衙二十,然則每州約有小法衙四五 州,皆不過吾國一縣耳。而設牧守之長官焉,則分治之密可見。而判官法衙之區

十,大法衙三,而三州有一上控法衙焉。推此以言,中國之治一縣,略宜有小法衙

我 走 治 **校** 

密

與

運

二十餘,大法衙一 ,而一府宜有一上控院,乃爲不疎也。

聞得利不過百分之二。貨物亦少,則以國貧故也。當道光十九年時,意之滊道,不

意國鐵路,長八千八百英里,費一億八百四十萬磅,其中六千四百里,皆國有

也,

過十三英里,自一統後,同光時乃大進,然不過歲增二百二十英里,亦有限耳。郵

局信箱七千七百零七,亦多矣哉

意人民于歐洲爲貧,故能耐勞苦,而南方尤著矣。

農業

開闢未盡 其荒地林藪,尚占全國三分之一。然較六十年前,葡萄五穀林木之地

其耕地仍多用人工

,不甚

用機器

境

故故

往美無多,然國人之往南洋者,每日千數,統計六七百萬矣

於意,二十年前,僅二萬噸,十年前,則增至五六萬噸,耕值之新法尙少,賦 開闢已增一半矣,則農民之勤,功亦大矣。蘇彝士河旣通,南亞之米價甚賤 ,七十年 ,輸入 稅過

統食 計品 比死 較死 亡 間 重 分之十五, 十二日之食,蓋全國耕地,僅五千三百萬愛坎,只足養二千七百萬之人口 , ,農無資本,故田地難于改良。平計每畝之入,僅十三斗,而人口日增 亦增至倍數,故二十年前,穀入僅當國民八日之食,今則墾闢雖倍,然尙欠四

,其

餘

百

除輸 農產物值 之死,百分之四者,爲滋養不足,血枯而死,蓋比之英民,死者多百分之三十八, 出二萬噸外,每人每年僅得肉二十七磅,不足以養生,故醫生德林樹 , 法國每人平算得五十九磅,意人僅得三十磅,其全國產肉三干九萬噸 非國力所能養矣。故其食穀品,法蘭西人每年一噸,意人僅得半噸 ,謂意人 , 其

夭弱 養,故必須遷徙,故連年遷往南美者百一十萬人,美國則二十八萬六千人,其他各 服食之不足死,死數幾多半百,民以貧而夭弱,亦可畏哉!以故意人在本國,不足爲

由國貧而機器不開 ,少大工廠養之致然。不知大勢者,視歐人皆豪富逸樂若神 仙

地六十二萬,共二百餘萬人焉。吾聞在紐約之意人,窮苦汚穢之狀,甚於我國,皆

移住民歲計

以

貧 而

計之確 則 大誤矣!我國荒地尤多未闢 數 而歲歲滋養不足血枯而死及遷徙於外國者,宜尤多矣 ,機器尤多未開 · 人民尤多而貧,肉 0 食尤少 徒以禁工不能入 , 雖 無統

,略當意之三倍

與

八中國

康

比較 皆閩廣人也。 雖吾民數千餘倍於意,然以閩廣二省旅行,則三倍焉 則 亦相 伯仲

矣。蓋民多則必溢于外,乃事勢之不得已者。今吾國旅民徧 大地 , 隨日 月出 入,他

日必收其大益,使吾人種無地不殖,是在因勢利導,善保護而推廣之耳。意之地荒

人多, 亦 與 中 與中國同;貧乏少用機器,與中國同;古國多舊俗,與中國同;遷徙殖民 國 同 ;工商未盛 , 亦與中國同;故意之變法 ,我國 亦可採擇焉。 惟意以 增

妄之甚者也!雖然

法意

戒大 利

爲 我

擴

海軍

重增賦稅

,

銀行困乏,人民愁苦

,則我不可不鑒也!是故見歐人而

震

之,愚

,海陸之軍不修,則

人將予取予求

,

而惟

命焉

0 非張[

國

威

無

以

而逐有三門灣之窺伺請求

0

嗚呼!以十餘倍於意

,

意何勝於我

,而敢請三門灣

,

亦可笑矣!雖然

至

亦人 何之由輕 哉我 者 保國境

之中國 , , 而我不請其奈波里之海灣 夫以意貧弱,尚甚于我,

,人之輕我者, 亦何由哉?

光緒二十年,已增五倍餘,爲五百五十二萬噸,此則過於我國者矣,吾國所宜最急 意國二十年來,機器之進步,亦大矣。同治十年時,其蒸滊力一百三十二萬噸

務也

地主 意田 有 百六十一 田 主自耕 萬 者 人, , 有田主及工人均分者 凡地五千八百二十萬英畝 有佃 人之地 , 每 人平均得地三十六畝 而納租 稅 者 亦 與 中國 蓋 大農 同

故機器亦少歟?每畝平均價值,耕地十一磅,不耕地五磅,總值三億七千七百萬

大農 少

少

礦業

磅 ,林地一千萬英畝,出林木九百萬噸,以五百萬噸供薪炭,四百萬噸供木材,歲

價三百五十萬磅,所產值每畝值英七詩令,漁業七萬人,漁船二萬三千,歲入漁值 七十萬磅,礦工六萬七千人,硫黃山六百十所,惟全國無一煤礦,歲用煤四百萬噸

,全藉外國輸入,其損害國力甚大,其與我國煤層無限,山西一省,可比英倫 宜

意人福公司之力爭此利也。我國人不知意之貧與我等,但望見歐人,一律畏而 豈不愚哉?意礦有鐵銅鉛銻金銀水銀,農產則小麥米粟玉蜀黍綿烟草葡萄酒橄欖 待之

油牛馬豚麻 卵果,爲大宗矣 0

意之特產 用文石,而意之能用文石者,則以地多出文石故也。吾旣見歐之宮廟公室 意土產特出于歐洲者有二, 日文石。歐人宮室最麗 ,承羅馬之風,牆壁柱礎 卽 無文 ,好

之可寶貴益甚矣。所游博物院,剖解文石,五色並備,寶光奪目。羅馬所產黃雲石 石者,亦必畫成文石之形,以文石價昂甚,王宮亦力多不逮,多用假文石, 而 文石

文石

精麗 者,尤爲奇特,宜歐人之尤重之也。吾國宮室之不堅固埀久,以不用石築故;不能 以不用文石故;此亦吾國文明之大憾也。今太和殿中和殿保和殿及太和門階

石及闌 美矣 。肇 純 慶之七岩 用西山白石 ,皆文石也。若以爲室材,豈不極文美哉?雲南寶石尤多 ,明陵亦然 ,皆開自明世,石質雖不及羅馬之寶石 , 然 大理 亦 文

意大利游記

最著矣。今意區區之國

,文石歲輸於外者,一千七百四十五萬四千三百一十佛郎

吾國 一富源 其用工人六萬七千。吾遊爪哇宮衙及富人室,率用白雲石鋪地,乃荷蘭之俗也。而

石材聞多出于意。吾國山岳含珍,文石之材無限,若開採而運之他國,其富源豈可

二、絲

量哉? 一曰絲。意之蠶桑,旣最先與中國通,久傳於意土,今則桑麻鋪棻,徧於原野矣。

國矣。聞皆運于法國爲多,以法之婦女甚侈,好衣絲也。吾國蠶法不精,絲市日下 可磨埠為織絲廠地,機凡一百五十萬,歲出絲織料四千噸,值九百萬磅,倍于吾祖

之布焉

工業

9

所宜鑒觀人之良法,而改良以求進焉

織絨廠在近二十年大進,歲得六百萬磅,然不足本國之用,歲輸入一百二十萬磅之

織布廠工人八萬二千,歲出值一千三百萬磅,然不足本國之用,尚須輸入九十萬磅

絨料乃足,羊毛多自中國運往者。

二四六三五三佛郎,輸入一七〇〇二三五六六五佛郎,歲虧約四萬萬佛郎矣,則工 意人海岸甚長,本善于市舶,今汽舶四百零九,帆船五千餘,輸出之貨值一三三八

工藝不振

全國屋價四萬萬四千磅 藝不開之故耶!蓋全國製造所,不過六千三百萬磅耳 屋租二千六百四十萬磅田地值十一萬萬八千萬磅

值二萬萬二千三百萬磅,家畜及家財略稱是。

比與

今以英德法考之,英織毛廠歲出六千二百萬磅,德法並四千餘萬磅

,英棉織廠歲出

九千二百萬磅,皆將十數倍於意。蒸汽力尤足以驗國內工藝之多少,今意僅得

九五 之一,英德十之一,法六之一,奥三之一,故各國製造業之以百萬噸計 四 四萬萬八千萬噸,英十倍之,德六倍之,法四倍,俄奧倍之。其運貨物 英則四三八,德則三四五,法則二九八,俄奧猶倍之,通商以百萬磅計 五之一,故每人之入息,美三十片士,英二十四片士,法二十片士,德十六片士 ,英得三二〇,德則二七七,法則二四六,其他富商房屋貨物

,

皆得各

大國三

者

意得 九五

者

, 意得 ,

得美二十

五十

國 貧 民 困

嘉 富 洱 遺 憾 則

長

,

0

,

國貧民困,在歐洲與西班牙等矣。雖經伊曼奴核加富洱賢君相之撫綏 奥十一片士,意僅十片士,皆滅英法之半焉。故其食用皆比各國滅半或滅三倍 抑無如何 , 或加富洱壽之不長,故不能與俾士麥于成功治定後競于工商之業耶 ,而

不能驟

稅則

意常

兵

備

意之國

同 ,

而有專賣鹽稅烟草稅入市稅富籤稅

,

此其所獨

也。而

:烟草稅

稅

, 與各國 亦 大矣哉

倍於地 稅

,

民貧而

賦 重 ,

則以治海陸軍之故

也

備兵二十六萬八千,後備兵八十八萬七千三百四十五人

海軍二萬三千六百二十九人,

六千七百二十

,

鐵甲巡洋艦九,防護艦十四,水雷艇十七,破敵艦九 戰艦 等四

二四三

水雷艇

,

等者十一,

二等三,

三等

79

朽舊

,

國民軍二百

+

一萬

意大利游記

者

9

等者百零一 ,三等者七十一,海底水雷一,只此海軍,費帑無數,當競爭之世,

豈得已哉?

政

府歲出入 意之歲入,當其一八三〇年八百三十萬磅,至一八六〇年三千八百磅,一八七五年

途之 間至今,所入過半矣。八十年間所入十倍,惟軍費七百八十萬磅,及其他經營學校 官道出入相比,歲虧八百萬磅,故公債累加,今尙五萬萬零五百磅,過于歲入十倍 四千三百八十萬磅,一八九五年六千七百二十萬磅,地方稅二千七百萬磅,三十年 , 其國富力三十一萬萬六千,各國公債,以國富力十之一為極,今意過之幾倍。而

意之銀行,有國立民立二者,惟用鈔過多,至不能行,金價大漲而貨日賤,其政府 海陸軍費,有增無減,支持於後,亦甚危哉!

危財 政前

銀行

萬磅,合民銀行所發,四千五百一十萬磅,共六千四百八十萬磅,較英國多十分之 所發之鈔,當一八七一年,二千五百二十萬磅,一八九四年,少滅之爲一千九百七十

五。蓋貧國開創之始,不能不藉鈔法以與百事,實勢之無如何也。我國唐宋,已大

意爲新創國 用交子會子,今當國爭之世,收權於政府以便興作,尤不得已者哉 紅海之喀河爾峽至的眉來峽間,得地面積八萬八千五百英里,人口有四十五萬,然國 百事落人後,未開殖民地。惟近年歐人瓜分非洲 ,意亦分

7一杯羹

貧如此,經營甚難。

殖民地

二四四四

亦分設於奈波里

羅馬

人

口五十萬

,

然工廠甚少,大工廠多在奈波里

,

船廠砲廠皆在焉。英之麥邊廠

### 意大利之俗

化 程 襤褸 意人既貧 卽 言不合, 其 , 民多未被教者 流居美國者 , 响 動至拔刀相向 立學開 其貧困汚穢賤惡, 化 0 其流居德奥法者甚多, 皆遲于北歐各國 , 故德奥法人多以野蠻目之 且有甚于中國人 0 宮室古朴 氣質粗鄙 , , 旣一 且亦畏避之也 , 彼美之工黨不攻之者, 動 望逈異 輙 殿書 北 , 或酒 歐 0 其 , 知盜 後相 鄉 曲 七夥 | 衣服 爭

統計意國 以彼國能自立 , 工藝商業皆不盛。其統一在同治元年,先于德及日本十年,皆憲政國也。 · 在今歐洲大國中 , 而又同爲白種故耳。 ,爲最貧國 未遊其地 0 自西十六世紀後 , 而 律重視歐人, ,學人之發揚名世者亦少 則甚 愚妄 昔皆貧

度人

民開

,

,

0

實

也

極 , 艱難 則爲政易行于德國 豈與意國與諸强聯疆接壤風教相同比哉?其爲難易 , 日本起自東洋,與歐洲語言文字風俗皆隔絕 , 相去千萬 , 譯 書遊 而 意之不 學 ,

國不意

德以

困

,今德之盛强,幾冠**薄海** 

,而日本亦超躍爲第一等國矣。夫以國體論

,

意

無聯邦

教之壓制愚弱已久致然耶?抑以地小民寡不如德日耶 ?則歐洲中若

意大利游記

能驟臻富强者

,

比利時荷蘭丹瑞尤小矣,其與西班牙之貧弱,皆別有故。方今天主敎國皆微,法人

建築, 脱欲犯邊,彼何能籌海軍之費,更何以持久,其有請索,可力拒之。其畫術及雕刻 勢亦日下,其內情甚深遠,非旅人匆匆所能深知也。惟其國勢如此,彼自顧不暇 則可遺入學之,以增美術之文明焉。其工價亦賤,則其船廠或亦可資購艦之

**豈不然哉?** 

。美之彫刻國手庫洛克博鴉枯羅阿爾,皆學於羅馬及佛羅鍊士,而轉移全美

用也

意自爲語言 , 亦稍非羅馬之舊矣。其內地通英語者甚少,上等艙尚不可得遇也。惟

德法語似稍多通者,豈以舊曾混 一故耶?

意之工藝不開

尤朴鄙,衣服敝惡,人肥矮,稍黃,蓋真山谷之民也。其與縱橫大地之英人相去甚 。除製文石寫畫刻像外,無特別精工之物。音樂昔甚有名,今亦讓之德矣。南意人

,在羅馬購影相鏡及千里鏡皆甚昂,蓋皆自英德法來者,其他可推矣

意 遠 人貧 每日工得一佛郎足用矣。意人身之長短與華人同 然貌頗豐腴 紅

似湖

於意 洲人 ,雖教皇所爲,亦其地秀美致然也。法人小說,欲于百年後以意國爲地球公園 則 ,故人才甚盛 以地爲之耶 ,而美術尤著 。意之山水,甚似江南,秀美靜穆,三面濱海 , 蓋生有自來也。 當歐洲十六世紀時 長 數千 學術莫盛 里 風

#### 羅馬之教 附論 耶 教 出 於 佛

君, 主教遂成偏安,今則教皇遂幾近滅亡之時矣。然長衣緇徒,盈塞市里, 次也。若意大利者千年以來,實可謂爲僧國也。今意人乘德法之戰,削教皇 年 意國 羅 百 , · 若非馬丁路德教興 -首都 此實革命之尤大者。于今教皇,遂如東周君之僅擁虛位 七十六年,于是入中世黑暗之時 馬皇帝 而統一 白羅 ,雖君士但丁, 馬帝君士但丁許 歐洲, 意大利境 爲大地上絕新之局 ,則至今教皇 ,或爲自由都 亦其子孫耳。若囘之麥加,印之舍衞 行耶 蘇教 , 市 後百年, , 丽 尚爲歐洲共主也 。當時教皇之權 , 分立爲諸 耶教 而 大盛 西羅 小國 , 至稱 馬滅 0 , , 故羅馬之都,實爲歐洲二千 能召日耳曼帝顯理跪 亂 教皇,至西 , 阿道塞統意大利 ,蓋自路 離 ,其爲都敎地, 相繼 , 德新 八百年 而 寺廟相望 教皇 教出 實 。雪三日 一之大權 尚 敎 爲 以 而天 ,僧 在其 西四 師

首歐之大

都洲局地

上絕

新

二千

僧 國

最大之革命

寺及 僧 之數

官

1尊崇

餘風未殄

,

神道設教之盛

,

尚絕異于他域焉

其 兵二年焉 七十萬六千五百六十人,尼寺八百七十六 國有 大教區 此意之抑教新例也。 分爲三十七,小敎區二萬零四 羅馬名寺甚多,有古來巡禮參拜者 , 尼 百六 一萬 十五 四千 , 寺 五萬五 百八十四 千二百六十三,僧 , 有耶 X 蘇 然 及古德 僧 亦 充

意大利游記

詩

遺室者。吾有詩曰·

緇徒市里道相望,遺室參經古道場;羅馬名藍四百寺,幾多塔殿對斜陽

馬城外加特古墨墳,爲葬歷代高僧處,各國多迎取供奉之。然亦有爲骨以充供養

者 0

羅

政府 之

組僧

織國

出, 教皇之下,有法老七十人,以備顧問而充會議 其制與古羅馬之元老院同 。七十人中,教正六人,訓導五十人,試 , 且選 學 教 皇 而教皇亦自法老中學 補十

者可上訴教皇。其舉教皇也,法老書名票面而投匭中,乃誓之,票過三分有二者得

大教正統之,小教區有小教區正統之,皆有會議

,並有賞罰之權

四 , 不服

人 0

選

擧

法

其大教區有

選,否則再投,教皇定則燒其餘票。

多吻之者。僧入席離席,必畫十字于胸以致敬

教皇本山無募金,各分寺募之而來獻,信徒見僧,握手接吻,又吻神像,彼得寺尤

體,上帝萬能 言懺悔 ,言贖罪 皆印度外道之所有。但耶改爲末日審判 ,言地獄天堂 ,直指本心**,**無 一不與佛同 ,則魂積空虛 。其言一神創造 の終無 ,三位 入地

陀含果,尚未到羅漢地位。考印度九十六道之盛,遠在希臘開創之先

獄登天堂之一日,不如說輪廻者之易聳動矣。其言養魂甚粗淺

,

在佛教

中

僅

|登斯

,則七賢中畢

標 義 之同 點佛

耶

相 同之

吾于二十五年前讀

佛書與耶氏書,竊審耶敎全出于佛,其言靈魂,言愛人,言異術

儀

式

之同

交 固 他拉之言靈魂戒殺生, 已有 所 自 0 蓋希臘之與印度 , 僅隔 波斯 , 舟 車 ·商賈 大 通

則 , 耶 或木 必多有入波斯希臘 文學教化 教亦無一 像金像畫像 , 亦必互相 不 同于佛教焉 , 三也 而 輸 行于巴勒斯坦猶太之間 轉 0 左右設白蠟燭多對燒香 。不娶妻 , 波斯已侵印度 , 也。 ,至亞力山 出家不仕宦 ,此尤淺而易徵者矣 , 74 也 大,半吞印度,印之高僧 0 一也。 案上陳花瓶 堂上供像以 。且以外儀 , 五 世 敬禮 人士 0 神

前 中 九 設壇 三也 或 也 長官 0 几 肩 0 案布 掛數 朝 矣 夕禮 , 席 珠 + 或手 拜 也 , 六 諷 0 弄之 也 誦 神 0 前 , 供 + 晝夜點常明燈 ,乃至人民多然 酒食 09 也。 , 七 有食齋日斷 也。 , 僧 + , 衣袈裟 女子頸皆掛之 肉 也 , 0 鳴 十五 , 亦 鐘磬 有 也 斜 , 0 , 與蒙 條 <u>+</u> 僧 居寺 , 滿 八 也 也 俗 中 0 0 修 神 百 習 前 , 掌跪 而 跪 + 誦 4 施之 拜 六也 經

主 盛 也 行 女尼 。路德之娶妻改像法,猶日本親鸞之改眞宗, , 實非教 十七也 主正義 出游着法 ,考其內心外禮 服 十八 也 , 無 剃髮之一 不同 部 西藏蓮華生之娶妻改紅教 , 其爲出於印之敎 十九 也 有僧 正法統 ,無可疑易 之,二十 , 雕 人情 , 英

0

,

0

,

0

廣推 之行 故所 傳道 如 皆 佛 同 矣 , , 尤可爲 其傳道者曾以十三代投獅 0 他 日 必 據 以 焉 此 0 佛兼 見攻 愛衆 , 然其境詣 生 矣 , 而 , 雕淺 耶 耐勞苦不畏死而 氏 以鳥獸 , 而 推 行更 爲天之生以 行之, 廣 大者 而又不爲深山枯寂閉 供 , 則 人 以 食 切于 其道 愛 人而 狹 小

意大利游記

二一以耶

獨教

英正新

人義教

非

教

之言

之學士,

多證

其然

0

惡士佛

大學教習

麥古士米拉

,

作宗教

起

元論

,

以新

約證

之佛

典

勇于

华

, 不

二五〇

絕人之行,日為濟人之事,强聒不舍,有此二者,此其雖淺易而彌大行歟?夫道在

養魂,行在醫濟,身神並有以養,而又以大仁大勇推之,其蔑不濟矣。雖近者哲學

大盛 ,哥白尼奈端重學日出,達爾文物體進化之說日興,其于一神創造上帝萬能之

理,或多有不信者。然方今愚夫多而哲士少,尚當神道設教之時 ,設無畏警,則

教之善 藉人力,其於遷善改過者必不勇,蓋觀于朱子爲無鬼論而可證矣。耶教以天爲父, 令人人有四海兄弟之愛心,此其于歐美及非亞之間,其補益于人心不尠 ,但施之中

耶

**不宜中國之** 或 又有佛教補之,民情不順,豈能强施,因救人而兵爭,至於殺人盈城野,未能救之 ,則一切之說,皆我舊敎之所有。孔敎言天至詳,言遷善改過魂明 , 無不備矣

而先害之,此則不可解者矣!

耶

墨比 較 墨子傳道於鉅子以爲後,至死百餘人而爭之,可謂重大矣,鉅子,卽教皇也。墨子

尊天明鬼,尚同兼愛,無一不與耶同,使墨子而成教主,中國亦有教皇出矣 、 の 但 墨

子有妻而多鬼,此則不同,其道太觳。夫不言魂而尚苦行,此必不可行者也 l。莊子

以爲去於王遠,豈不宜哉?夫古之爲教主者,多有異術以聳人心,觀佛之服

大迦葉

術不可偏 然皆有道而 及諸梵志,皆以異術,耶蘇亦然。墨子乃哲學者,王陽明亦直指本心 無術 ,于吉之流 ,有術無道 ,惟張道陵尊天尚仁 ,又有符咒之術 ,頗與耶 ,道術 同

,殆與耶同。其張角三十六方同日起,幾成敎皇矣,而一敗不振。而晉名臣謝

廢道

安郗鑒等,尚奉其道,盧循

亦然

, 必

有可觀者。若寇謙之所挾大矣

,然又有術無道

推諸子所以致敗

,

則以中國孔子之道,無所不備,雖以佛教之精深

,

尚難

大行

以中 不國 盛之故

人之成聖與否,亦有天幸歟?然道家之後,任道傳教者不勇,雖亦剽竊佛說,儀式亦 此諸子之所以難大盛也。孔子與佛,皆哲學至精極博,道至圓滿 ,則不待是。耶蘇與張道陵所生同時,惟張道陵不幸不生於歐洲 沉餘子哉?其中虛者,外得侵之,其中實者,外物不入,中國本自有至精美之敎 , ,故其道不光也 而耶蘇與張道陵

#### 舊說羅 馬之辨證

類,或終不能比基督也

大秦國 羅 馬自安敦帝始與 一名犂鞬,以在海西,亦云海西國。地方數千里,有四百餘城 八中國通 , 今據後漢書西域傳條考而證辨之如左:

按羅 馬無大秦之名,譯音亦無近似者。觀傳中所言羅馬國 事多誇誕

,

此必通商及

秦以曉中 來使之人 國 ,以中國之秦滅六國,地大威尊, , 而 加一大字以誇炫其盛强 ,展轉傳譯 而羅馬之滅併各國類之,因亦自比於 ,史官遂誤錄之 。犂鞬 之名

更出傅會,蓋自安息指地中海而言。時羅馬居極西 故稱海 西國 , 乃譯者

三字

亦出

[誤傳

,

或譯羅馬

人之一

地及其奉使

人之名未可知

,

重譯之誤蓋

多矣

0

海西

國

指地形而喻人,非指國名也。譯人誤譯之耳。然本文言以在海西,則甚明白矣。

小國役屬者數十。

羅馬雖滅埃及腓尼基亞爾美尼亞叙里亞奔多巴的爾及高盧西班牙日耳曼,然皆以

以統之。遠之如安南高麗緬甸暹羅諸國 羅馬之特制實情 ,所謂布爾賓者近之。如我國朝之待蒙古囘藏諸王,設大臣將軍 ,聽其貢職,若羅馬本部,僅意大利,渺

爲藩屬,或仍其王號,受其職貢,日耳曼及裏海之部落尤多。役屬小國數十,乃

以石爲城郭,列置郵亭,皆堊壁之。 乎其小耳,實非如我國以禹域爲本部之大也

今羅馬石城,尚有存者。當時環七山,卽以爲國境,後以爲城郭。郵亭始於波斯 屋大維推行之。堊墍之當真,今羅馬室多塗朱黃也

有松柏諸木百草,人俗力田作,多種樹蠶桑。

羅馬古以農立國者,至今禾麥徧野,勤于耕耘,松柏草木亦繁多,樹木徧山原矣

應大盛於歐洲久矣,此當有誤 惟蠶桑之業,出於近時數百年, 或云馬哥自中國携還者,若漢時有之,則絲業

皆髠頭而衣文繡,乘輜軿白蓋小車 今所見羅馬帝王將相像皆髠頭,則傳聞至確,今歐人皆髡,乃復羅馬之舊也。然 出入擊鼓建旌旗幡幟

所見蠟人院歐人,八十年前,皆有辮髮,則辮者日耳曼之俗,與匈奴同 西, 如曷拉拉之擁兵五十萬入羅馬然,因而易其舊俗耶。髮無關于體膚,留而事 ,或匈奴入

之,廢日增事,無謂甚矣。秦漢以髠爲罪,而羅馬先爲今日之法 ,則羅馬勝 也

蓋,前有板而後空,立而執轡,今云白蓋,或別一制歟?劇場帝王將相之出入, 所見畫及劇,其作羅馬故事者,帝王將相皆衣繡長垂,乘車二輪,甚小如橋 無無

亦有 旗幡

所居城邑周圜百餘里 此指羅馬城包七山爲之者。王宮則自奧古士多及尼羅及卡的來嘅士巴順各帝皆有 之。故云相去各十里,今遊之,亦不盡然 ,城中有王宮,相去各十里

宮室皆以水精爲柱,食器亦然

過此大劇場耳,非諸宮室皆然。 名人肖像飾之。各國博物院猶有羅馬之玻璃食器,當時傳以爲水精也。然亦不 士巴順之鬥獸劇場,今歐史稱其以玻璃爲柱。又鍍金柱三百六十枝,以三千餘

置三十六將,皆會議國 事

之數 卽元老院之議員也。奧古土多時 ,然會議國事則甚確矣 已有議員千人,後雖頻更變,亦不止三十六人

意大利游記

其王無有常人 ,皆簡立賢者 ,國中灾異及風雨不時,輙廢而更立,受放者甘黜不怨。

羅 馬 雖羅慕路爲王,實起自諸村之酋長,後更民政 ,改行帝政,亦擁愷撒奧古士多之號,不稱王,此稱王者 ,只有總統而無王 , 姑譯意以明其權 ,即屋大維

撒之先民政諸統領而數之,或軍隊所擁立之二十四帝而並數之,其云灾異廢黜 云耳。 無常人而立賢 ,則自尼羅之後,迎立匪士巴順及湼爾華大拉壤也。 或幷愷 者

惟地克里生自退讓耳。 所云不怨 , 或指此歟 !

,

則漢世冤三公之故事

,

以之附會,羅

馬安得有此?其廢者二十餘帝

,皆被弑

其人民皆長大平正 今觀羅 人之刻石像及畫像 , 有類 中國 ,眞所謂長 , 故謂之大 大平正 秦

馬

高 加 索人 種 已端正長直,而地中海人及歐人,莫不晳白 ,顏如渥 丹。 匈牙利人

, 且極秀美

,與今意

大利

人同

0 蓋

而膚 變澤隨

地

味

濱海 本出 匈奴,今亦與歐紅白壯麗同矣。英人居印度者,面變黑藍 ,獨擅其秀美也。歐人之遷居美洲者,顏色亦淡白矣 ,歐人眞得地靈 ,故知歐洲在寒帶 者也

人 者 樓頗 吾詠 可居 歐游詩曰:『淫滯歐洲五月餘 0 風 化 !何曾異 中土,物 華差可勝方 ,編游十國走飛車;腥魚乾臠難爲飽 輿;海在 地 中 人色白 天驕二 一事果何 華 ·屋巍

凡外國諸珍異皆出焉

如

?

蓋我于

歐

人無

事

遜之,惟人色之白,眞無如何

,

此大秦亦附會

也

惟我

遜 耳歐

之我 早國

罪者金百二十斤,其時錢亦並用

,而銀亦用焉。漢書謂黃金一斤值錢

萬

一流

革皮珍珠也。而羅馬人出資本畜奴隸,以爲商業,行之東西各國 珀 ,毛魯場島之織物 ,印度之香料絲絹寳石,西班牙之羊毛金類革皮,英國之鐵 0

,珍異咸集於羅馬,爲大市,若西西里埃及之五穀,波羅的海之琥

羅馬併吞各國

以金銀爲錢 ,銀錢十當金錢一 0

羅馬之以金銀爲幣固甚早,然我國漢時

,

更大用金,見之史漢者不可勝數

如漢

文帝賜陳平周勃金五千斤,梁孝王死 捕漢大將金五千斤,列將金三千斤,裨將金二千金,二千石金千斤,漢律 ,遺金四萬斤 , 趙陀贈陸賈裝千金,吳楚反 **,**銀 贖死

者 重 八兩值錢千,則一金值銀五矣。其後佛像之飾太多,金日少,則廢金爲幣, [謂我國尚在銅國之時期 ,則我周漢時如何,不考古而妄自攻貶 ,何其愚妄也 或

?

鄰國使到其界首者,乘驛詣王都,至則給以金錢,其主常欲通使於漢 與安息天竺交市于海中,利有十倍,其人質直,市無二價 ,穀食常賤 , ,而安息欲以 國用富饒

漢繪綵與之交市,故遮關不得 自達

斯, 安息 羅馬樂石道自埃及達幼發拉的河 ,卽波斯也。當漢時,西方只有羅馬波斯印度數 ,又有商艘百二十往來于印度 大國 既有駱駝 , 之隊商以通波 凡玻璃紙磁

,

二五六

交通之障 安息為東西

織染金銀工彫刻品 哉!其穀食賴埃及西西里,故賤。其國用賴掠于各國之金銀寶貨與屬地之貢,故 商人爭利壟斷,當是實情。觀甘英不能往 ,皆通商之品也。我國絲品,爲地球獨有,安息人遮之不得達漢 ,可見安息之商,礙我國之文明不少

羅馬市民無稅。所謂富饒也。廩鄰使或是好大喜功之實情 0

至桓帝延燾九年,大秦王安敦遣使自日南徼外獻象牙犀角瑇瑁,始以 通焉。 其所

表貢並無珍異,疑傳者過焉。

0 拓路修港 安敦爲羅馬中葉第一賢主,在位自西一百三十八年至一百六十一年,凡二十三年 ,創設女學及恤貧院,好哲學,爲羅馬極盛之時 ,後帝以安敦爲尊號

非羅馬所出,亦有可疑,或以埃及阿剌伯之品為貢耶?

從安息陸道繞海北行,出海西,至大秦。

百餘人齎兵器,輙爲所食云 人庶連屬,十里一亭,三十里一置,終無盜賊寇警,而道多猛虎獅子,害行旅,不 北行出海西者,卽越亞細亞土而至地中海,乃西行也。地理無少誤 0

亭置連屬無賊,似指意大利內地,或自埃及至幼發拉的河之石道乎?經沙漠故多

安敦像

吾以其首通中國

,特購其像而歸,此爲中西交通第

事。

然所貢品乃南洋之物

其土多海西珍奇異物焉 南行渡河,又西南至于羅 自安息西行三千四百餘里 九百六十里。安息西界極矣,自此南乘海 ,至阿蠻國。從阿蠻西行三千六百里,至斯賓國 ,乃通 。從斯賓 大秦。

西里亞土者,惟此二國無可疑者。且云渡河九百六十里卽至海,當是渡幼發拉的 阿蠻國似巴爾的,斯賓國當是亞美尼亞,以地形考之,當時羅馬與波斯中距在亞

,屋宇皆以珊瑚爲梲栭,玻璃爲牆壁,水精爲柱礎,其王有五宮,其宮相去各十里 ,一名犂鞬,在西海之西,其地東西南北各數千里有城邑,其城周廻百餘里

每旦于一宮聽事,終而復始,若國有災異,輙更立賢人 ,而文字習胡,亦有白蓋小車旌旗之屬 ,及郵驛制置 ,故其舊王被放者,亦不 , 如中州

人而胡服

,略採于後漢書,非他有所聞也。

,輙廩以金錢,途經大海,海水鹹苦不可食,商客往來 漢時都護班超遺掾甘英使其國 **,入海,船** 人日 ,海 中有思慕之物 ,皆齎三歲粮 ,

二五七

,

武帝太康中

其王遣使貢

獻。

經三歲粮乃能渡海,此當就印度通商而言。若自亞細亞至羅馬,安得有是?或船 人之欺甘英也。如下云云,皆船人欺甘英語。當是與安息渡關之意同。甘英愚怯

於大地,智識不增於全球,遂以一切讓于歐人,皆英輩之罪也。晉武帝太康元年 也。其與哥侖布墨領岌頓曲之流,相反何其遠哉?中國人而有此,至今國土不闢 ,辜負班超鑿空之盛意,至今中西亘數千年不通文明,不得交易,則甘英之大罪

甘

英之罪

破波斯之改拉斯 嘗破波斯。太康五年死,或云被弒,子加利那立,亦被弒,通貢于我者 當西二百八十年,其羅 馬王為布羅巴,太康三年被弒,改拉斯立

,勤儉

公主也

,當是

# 羅馬與中國之比較羅馬不如中國者五

于西土,今歐人艷稱之,然以之與我漢世相較,有遠不逮者,今略舉之,得五焉: 年,乃暫推其權與拉丁人,而亦僅限于羅馬 日治化之廣狹 羅馬之政權,只三十族之羅馬人有之,後貴族平民之爭,累三百 一城之內耳,其後乃暫推其權于意 大利人

廣政 (被 普及之

,

蓋終羅馬之朝,皆以意大利境爲內國,其餘高盧西班牙不列顚西西里島迦太基等

羅

馬雖承埃及巴比倫亞西里亞腓尼基巴勒斯坦希臘諸文明國之滙流,以一統大國名

謂

之布

爾賓

,

以

藩

屬

地

,

遣

都

護

之

伊

黎蒙

西

藏

東

之將

軍

統

領

冢

臣

然

0

故

皆

縱

恣 爲

貪暴虐

民

,

而

民

得 治

目

行

其 如

舊 我

俗

,

則

實 古

與

、未開

化

等 省

0

若

埃

及 都

亞西

里

後

羈 麼 藩 屬

亞亞 禮 能 自 日 耳 遠 領 俗 美尼 及于 之所 曼 意 各蠻 大 利 意 亞 盛 行 諸 大 部 , 利 則 及各 國 , 其 之 昌 , 封 書 輕 藩 則 域 戲 屬 重 以 焉 樂 虚 A , 漸 之所 知 名 0 夫意 矣 習 職 開 羅 貢 0 發 且 馬 大 , 利 其 法 如 , 之方域 繁 將 律 高 華 風 麗 相 盛 俗 安 吏 主 南 大 , , 之會 乏所 當 漸 之 比耳 今 有 # 集 自 政 僅 出 權 , , 益不 能 實 , , 文 而 只 比 地克里 足數 我 有 人學士之所 直 羅 隸 馬 0 一生帝 至西 雲 城 南 發生 分國 之內 三百 之 省 時 年

女盛可次革之案 教 知免觀制漢 育 級漢奴漢尚初 之 炒 堂 皆 掠 , 教 爲 故羅 他 , 以 16 內 或 文學 國 馬 之人以 , 故犍爲之僻遠 極 化 人民 盛 行于 爲 時 平等 奴 , 交趾 學 隸 者 , , 不 號 實 , 司 其 限 稱六 未 〈文學尚 馬 平 奴 相 隸 七 等 如 萬 , , 能著 揚 不 郡 , 得 雄 國 亦 比于人 起于 書 皆 不 過 有 , 蜀 而 學校 羅 陳 數 馬 隴 城 元 , 楊 西 皆 各 中 尤為 郡邑未 乎, 人 立文學掌故 土耳 以 六 郡良家名將 經 立 0 術 學 我 起于 校 漢 , 縣 時 , 南 鄉 全 以 或 所 海 皆 禹 H 未 有 城 , 蒼梧 有 三老 百

殆之爲詔未奴啓廣文

紹中民累盡隸超狹學

當

羅

馬

時

尚

雜

蠻

族

未

開

14

者

無數

,

則

正

雲

南

之

比耳

0

而

意

大

利

之民

,

率

皆

羅

馬

虜

,

而

科

舉

郡

,

,

並不

政

事

,

尚

門 于 数千 全國 人者不 之鄉 野 口 , 勝 若 計 蔡興 , 宗 皆 方步 鄭 兀 矩領 之著 錄 , 誦 弟 法 子 經 萬 學 X , 若河 曹 曾 樓望 南汝穎齋 弟 子 魯之間 並 著 錄 九 彬 Ŧ 彬 X 極 文明 其

楚

之間

無

論

矣

0

特設科

舉

,

郡

或

皆

歲

學

孝

廉茂

7

,

或

訪

間

賢

良

有道

74

行

,

故

學

術

徧 江

,

而

土

以

,

,

意 大利游記

禮樂之世矣。其京師太學弟子三萬,品覈公卿,裁量執政,公卿倒屣,黨派盛大,

言哲學詩歌文史,輙號爲文明,豈不極遠而可笑哉!蓋我漢時之內國 則以今歐美之盛,尙有遜之,何有于羅馬乎?學風之盛如此,其與羅 ,過于羅馬之 馬區區數十人

意大利內國十倍

,則其文明之化,亦過於羅馬十倍,我少奴隸,而羅馬純用

奴隸

我有學校科學 , 也。 競走場七,石浴池十六,以建築之壯麗聞,而漢時未央建章甘泉昭陽上林之壯麗 若漢世兩京之盛 ,羅馬無學校科學,則卽一意大利之內國文化,尙不能及漢時三輔之 ,則班固張衡之賦 ,已見一斑。羅馬大祠四百二十, 劇場  $\overline{\mathcal{H}}$ 

大漢,豈區區羅馬所能望其肩背哉!

實過之。王侯第宅服食之奢,游陝商工聚集之盛,游學長安之衆,以五千萬人之

事則棄耒而征伐從死,幸不死而歸,則田荒而家人飢寒,借貸于貴族,限期迫速 土以後,貴族平民之爭數百年,其爲奴之伯利便族,爲貴族欺壓,婚姻不通 二日平等自由之多少 羅馬開國千三百餘年,上世勿論,外域勿論,其自成羅馬國 ,有兵

不及償則爲奴 得少予權利而通婚姻 ,法律不得及 ,設護民官 ,兩族相爭,亂靡有定,立國九百年,於前三百年,乃 ,然此乃同城之拉丁人得之,其意大利人仍數百年

爲奴, 乃漸與拉丁人少分權利,然終羅馬之朝,意大利半島之奴隸百餘萬,仍受主人凌制 而不得享權利也。至蘇拉馬黎約之爭訌,意人當前八十年 ,羅馬 將一 統時

法律不同 ,其他藩屬人民,則如英之待印度人,我之待蒙古西藏人,更無權利之

十萬 人人自由 可言!至季世乃稍予以權利 人之內 , 既無世爵,人人得徒步而至卿相執政權。羅馬 ,我漢擴之百郡萬里五千萬人之遠 , 而羅馬之紐亦解矣。若我漢世內國人民 ,此其平等自由之相去何 人所有權利 ,限於一城數 ,人人平等 如矣

縹愷撒三頭政治之爭,

不可勝紀。

及蘇拉馬黎約之爭,閉城

大殺

,羅 馬

城

, 死

者十五萬

,

其

後

申拉蘇

綳

屋大維恩多尼列比鐸三執政之爭,

攻亂彌年

,

羅

馬之民

, 死 族

4

民

之

三曰亂殺之多寡

羅

馬立國

無紀

,

其始民政時代

,則豪族與平民之爭

,

世

有

內亂

Ξ 頭 政 治 之

百爭 年 內 亂

者不可勝數

,號爲百年之內亂焉。

卽號稱羅馬盛世時代,

自愷撒被弑

,

至提庇留帝

,加兪帝爲近衞所弑,革老丢斯帝爲其后所毒弑

,尼羅爲元老院

亂武 人政 治 Z

三十

暴君

以賢獲存

,

內亂 一考終

0

蓋

所弑 年, , 並互殺 則開國諸帝,自奧古士多外

爲其臣麥克羅所絞

而 多米山即遭弑矣 ,則是爲大亂矣 。及高摩達斯被毒 。中間惟暱士巴順第度大刺壤哈的練安敦奧古里流 ,無一能自保者。於是駕拔奧蘇威的路擧兵爭位 ,于是軍隊擁立之帝二十五

, 而 , 大亂 外寇交至 亦頻數 ,境土大削 , 即亞力山大稍 能中興 , 而亦被弑 ,於是入三十暴君 之代

,僅四

頻 自裔德西多外 仍 , 無 発者 0 此後惟地克里生以高讓君士但丁 ,瓦連帝爲波斯廣爲 奴, 甚至內亂至于八月 以 統獲 安 , 無 目此 君焉

保全首領者。且帝位不定,或兄弟相爭,或數將幷立,日在大亂之中

。統

世之 窗 意大利游記 末君 無

末

觀羅 馬 一統之業八百年中,當國有位號之人以百數,能保全者不及十主。而爭亂分

與中國比較 爭亂, 事。唐自武后一亂中宗被毒外,數十世亦晏然。宋除南渡明除建文外,皆數十世無 離以數十計,其女后之亂政弑君,亦復無數,比之我之十六國五季,尚不如之。若 我漢世只呂后小亂,王莽大亂,質帝被毒外,數十代,幷皆平安,京師晏然,中外無 其與羅馬一京之世載亂離,相去遠矣。每讀晉書及五代史,哀其時君臣 人民

位,莫不相類。惟其淫亂之俗,則不及我國遠甚。蓋其奧古士多已立其后先夫之子 四日倫理之治亂 羅馬以家族爲治 ,與中國同。其族長有權,其父子相繼,女不嗣

羅馬人乃視為朝夕餐飯之事,豈不哀哉

之慘殺酷戮,爲之掩卷,此乃中國數千年絕無僅有之世代,而中國人所怵心者。而

即開國諸帝已若此 后先夫之子,而第度之賢,亦以其女妻其弟多米山,其他廢后殺子弑母不可殫數 已而提庇留死,則兄孫繼之。又以叔繼姪,而革老丢斯,又以姪女爲后,又立其 ,其他不必數矣 。中國漢唐,亦有廢后弑子之事,然亦少矣。父

五日 具 子相繼 , 則 文明之自產與借貸 鳥獸之亂甚矣 ,亂崩能戢 ,若叔姪爲夫婦 。雖爲一家一人之私德,然其波及關係于一國者 羅馬起於小蠻夷 ,則亘古未聞。觀邦渒家人屋壁之圖畫,多寫淫 · 日以 爭殺爲 事 ,立國千年 ,不亦鉅乎? 僅得意 大利

之半島,雖有議會,絕無文明。及西歷前一百四十六年,當漢武世,平定希臘,乃

周之盛,儒墨諸子,皆本國所發生,百郡人士,生來已習,濡浴已深,無煩假借, 自產,乃借貸于希臘而稍用之,此與北魏遼金元之入中國相同。豈與漢世上承夏商 以希臘之文學技藝,行之國中,然僅及羅馬一城而止,未及于意大利也。其後有之 ,漸推廣于全國,則甚微矣。故羅馬實爲武功之國,不得爲文學之國,文明本非其

其與羅馬之一城人民假貸希臘者,豈不遠哉?

乃推而行 齊驅矣 有此五章 自私之,而與民同者乃反少焉 歐人先我百數十年耳,不足計也。 博物院戲場浴場公園女學生恤貧院,皆與其城中之一族人共之,而今者歐人師之, 馬以其本出于土番小部,故爲團體民政,是故雖限于貴族,自私一城,而其圖書館 野蠻之本者也。非今歐人之比,亦非我中國之比也。但其產育之美,有足異者。羅 之美也 一一校之。然總而斷羅馬人之政俗,實爲北魏遼金元之比例而已。雖號文明 編與 者之懸絕,則羅 。何足與我較文明哉?其法律號稱美備,爲今歐人之祖,他日當以與 且其國會私于貴族,徒召亂爭,公所宏麗,出于刼掠他人者,是皆非治法 人民 。而我國雖號文明,所有宏麗之觀,皆帝王自私之,否則士夫一家 馬雖有國會之公議,公館之同民,道路之長巨,皆不足與我 ,此則反不如羅馬之治俗私狹而能誕育耶!然此亦讓 ,未脫 (我漢律

# 論五海三洲之文明源土

之重 境大 本元形 境土。今地球 , 大地文明之古 其變化繁多,薈萃雜沓,關係歐亞而交通之,實爲大地數千年來最重大最怪異之 變 , 除新 大通, ,自中國印度以外 大陸 外 地形之要衝已大遷變,視之雖不能如昔之重大,然尋考舊跡 ,我國之視西土,亦無有更重之者。 ,以今突厥之境,爲文明發生之始,亦爲爭戰之聚 我自日本緬暹南洋

土最大

怪地

異最

有本國 大可感 希臘 及歐美十餘國 而 動驚駭者。埃及希臘 望之, 公使行文彼國 據所閱歷及舊史所傳 , 足跡皆徧 , 得其護照而後可入,故難之。 所未至者惟突厥波斯之境 ,近歲分出爲二國 ,溯今歐洲盛强所自生, 0 然統學大端 每望嘆陀 ,未得親察視之, 以與我國 , **猶可蒙以突厥** ,然經埃及阿 相 比較 以入彼境 剌伯 則 有 及 N

印

度

焉 0

洲 海 之 之 之中 埃及以尼羅河 中海黑海之峽 巴比倫之都 , 連絡於歐羅 此 流而先發文明,巴比倫亞西里亞以憑幼發拉的河底格里河而繼 , 則臨波斯灣海 巴亞細亞亞非 一片土,南北數千里間 口 利 , 亞力山 加 三洲 之脈 大之市, , 界域于地中海黑海裏海紅海波斯海 , Ш 海交錯而聳蕩 則臨地 中海 , 君士但 , 島嶼 丁, 繡錯以分時 則 開 文化 臨 五 海 地

脈連樞界

絡 域

= Ŧi.

水道通貫而便易

,又有沙漠縱午而交橫

,

無所不備,實爲大地獨

一無二之怪地也。

必

尼

倫 故其 與 、亞細 產孕怪奇 里亞文字並方尖形 , 亦無所不 有 ,其與埃及文字逈異 , 與我國文明之早發則 同 , 而情 形 亦多逈異 者也 0 巴比

,

巴比倫與亞西

里

亞

,

地

近

俗同

細 利巴 亞比 文倫

埃及 文明

闢

地至

於

幼發拉的河

,

而

究未統

之,

其後亞西

里亞

人

大强

,併吞

諸國

,

割

及埃及

明亞 經 隸于阿拉 必若引證 雖迭相爲王 波斯併吞以 伯 , 游牧 則炎帝之與黃帝 ,實爲 前 人四 , 未有合一之者。 一國 百年 ,與埃及之文明兩源發生 , 而當商 ,及共工爭霸,蚩尤作亂 下埃及之分爲數小 世實爲最盛 , 拉墨 , 并在: 塞王之武功 國 ,頗 而衰 唐虞以前 有 所同 , 則 在夏時 , 0 , 震於 我國 但埃及巴比 小亞細 似難 ,上埃及雖 比例 倫未 亞

都 , 殷末 建築之偉大 周 初 , 千年之頃 , 技藝之精 , 美 兩 , 或 頗有 因互爲吞併而 同 者 0 其 教則 有交通 同 源 , 故巴比倫城尼尼微 , 以爲文化混 合 亦 城啓羅 未嘗不可 城三

原文

之明

2 異原二

,

但終不類

我

國之一統

,

在黃帝堯舜前

耳

0

我國

唐

都平陽

, 虞都

蒲

坂

,

夏都安邑

,

,

皆

在山

西

,商

起亳邑

,

在

河南

,

猶 巴比倫 亞西里亞之嬗代 , 而 非埃及巴比倫之分域也 周起邠歧豐鎬在陝西 。惟三苗之地 并臨河而 居 , 左洞 雖 僅千 庭 里, , 右彭 此

不 蠡 可 , 考 憑 據江 , 然必 南 在 , L 炎 黄 已爲 之前 大國 千年 自蚩尤與黃帝爲敵 以上,又有刑法 ,至舜禹未能定之**,** 政治 , 與 華夏劃 分江 其國統 泂 而 久遠 居 , 頗 , 雖 似

有採 羅 河 、擇灌輸 之與 幼 發拉 , 則以爲中國二文明源 的 泂 焉 0 但三苗之盛 , 亦無不 , 必不 如 미 埃及耳 0 但後觀吳楚尚復斷髮文身 0 然三苗既 有 治 法 , 我 籃 華 縷 夏

海先生遊記彙編

篳路 , Ш 越 五 溪之苗蠻 , 朴鄙如此 ,雖亡滅之後 ,必多退化 , 然亦何至如是 ,則三

不足 比

必非

高

度

,

無可上

比埃及

,亦只可以涿鹿安邑殷亳歧豐互發文明相

比可

三埃三 波及苗 斯 文 明 苗之文化;

孔子

時

突起

驟强

三十年間

,

始

而滅

馬太滅亞西里亞

,

進滅埃及

,

臣服

腓

尼基巴

耳 0 波 斯附 屬馬 太 , 爲六百二十五附庸小國之一, 此與微盧彭濮等耳。當春 秋之末

勒斯 印 以 度 武 事 坦 , 而 西侵希臘, 兼以文藝 以 大兵臨 凡二百年 希臘 , 與羅 , 馬 幾併吞之 同 , 則其文明之業 , 故能日 ,此爲五海三洲間 1闢百里 , 必 , 有灌輸 然既合併諸文明國 一統之最先者 而 互進者矣 0 之 0 居魯士 波斯之立國 統 , 又東 大流 商

一西 期

連兵至

一百餘

萬

,

海艦至數百艘

,此雖後之隋煬帖木兒拿破崙

,

無以過之,

此爲西方

大國

。其雁·

合埃及巴比倫腓尼基巴勒斯坦波斯

統方 大第

第一期開闢之一統 流 ,雖以素稱文明之希臘,然亞力山大帝,傾心于亡國之化

從 必 爲 波 有 大 斯 故

矣

0

英

入印度,全用英俗

,

契丹女真蒙古之入中國,

全用華風

0

亞力山大之

,而舍已從之者

五文明國之泉源

俗

也

,

何

以異契丹蒙古哉?特羅

馬

人與波斯世仇

,

争

戰累千年

而

波

斯又曾

馬

基頓

王

統西 期

一大國

希 臘 文明 尤 亞力 分爲十二,雅典以商立國而成民政

29

爲希 藉藉于人口 Щ 臘 所 大滅波斯 滅 , 故 , 此爲西方第二期之一 盛傳希臘 , 而 進及印度 之文明 ,都于尼比倫 , 而 統 不甚稱 大國 波斯 0 , 而 夫希臘之突出于 雜揉波希之文化 ,爲此 故 耳 0 歐洲 當戰 以其 威 也 時 爲歐 Ш ,

,

斯巴達以兵立國而成

大同

, 政體

離奇

,

,學藝妙

岳

聳

峙 也

人

於

地

爲

奇

特

缺我流南 點國所北 地瀦東 形 西 之 79

細

以

此 腓

而

言

,

誰

能

比於此

五海三洲之片土耶?今埃及巴比倫亞西

發

,

波斯

之君政

郵

**計傳道路** 

兵律

,

希臘

之民政哲理

彫刻畫樂

, 皆爲

特

,

又滙

合埃及

比倫

尼

基

巴

勒

斯坦諸

文明

之源泉

,

而更成

大流

0

夫

滙

流

多則

水

大 出

滙

流

小則

水

石

刻技

術文學書册之遺傳無數

,

我觀于歐洲十餘國之博物院

,

已飽

之矣

0

以

级我古物

里亞

希臘

之宮室

之流 我 大 , 陸則 國 皆 夷蠻 則 傳寡少比之 突出 只 之俗 中 波斯 原 獨 , 猶 有 , , 在野 文明 西 實有愧色 大 海 蠻 , 此外北 島則 , 于 0 我文明毫 突生希臘 夫此土 之何 奴 厩 無 有埃及巴比倫之南北 , , 所助 西 有 [之羗胡 無窮之推廣 0 三吳開 , 南之閩粤交演 於泰伯 9 實爲地勢之奇特致 源泉 , 朝 , 已大怪矣 鮮 , 東之朝 開 于箕

, 至于 唐世 , 採用華 風 , 亦 非 助我 者也。 又彼通印度 , 在于 ,周世 , 我

或

數十

爭

競

亦多年

,

Ш

岳分峙

,

頗

同

希臘

, 然無

腓

尼基為

之媒導

,

則 爲

亦長

此

通

印

度

, 乃

在

或

至古

然只

推

廣

中

原之文明

,

未能

有分毫之創

立

0

日本

在

大海

中

,

三神

Ш

寸

子

闢

鮮

遼

東

然

0

若

,

而

東

文明 印度 六朝 以 通 自 舟 , 作自 夫以 船 , 又有 生 印 , 度之文明 駱駝 無分毫之外 以 通隊 , 輸於我者 助 商 , , 于是 而 此 , 在千年之後 無不 五海 通雅 三洲之片土 , 亦異 ,輸於彼者 ,乃無 矣哉 ! 夫希臘 ,在千年之前 之不滙輸 之突助 , 既有江 文明 , 故我 海 已 與

**E**.

羅馬

中海 之中心 而 歐 洲 東 數 南 萬 里之大 , 統希臘迦太基亞美尼亞奔多巴的爾埃及之舊國 陸 時 尚 等于美澳之未 開 闢 也 又有 偏 西 一之羅 , 西 北 馬 闢 西班 忽 出

二六八

撼 班牙 而一之,西併西班牙,東吞印度 有 不異哉?且君士但丁之建都也,盛大壯麗,亘千餘年,合大地都會之盛美久長 東西推廣 其 里之瀚海焉。東南界海 之坂 此其奇特 兼印度波斯羅馬中國之文明而盡有之,蓋大地古今之文明至阿剌伯而盡集其大成 有阿剌伯以爲之母也。美洲之新文明,又爲旁出之孫枝,近又倒流于印 惟歐羅巴之文明 小島,皆必不能誕育文明者也。夫以羅馬之盛,亦不過開闢荒蕪,與成吉斯同耳 之西班牙葡萄牙尋海之新事業出焉 而 比之者,即 於我國,雖爲歐洲之新法,非復埃及巴比倫之舊化,然濫觴有出 于文明事業 開 ,風哭鬼難之地,尚不能達裏海而踰須彌 高盧日耳曼不列顛之荒地 阿 ,且出 剌伯文明之業,恢恢乎二萬里之大國 , 皆在近鄰 今尚有突厥都會囘敎之首善焉。而摩訶末之創業于麥加也 ,無所加于希臘以前 五海三洲片土人之意外,而况吾國也 ,則羅馬之子,希臘 ,浩浩無窮。羅馬之外,又有日耳曼之新文明出焉 ,浩杳無際,夫一則沙漠崇山苦寒之大陸,一則大洋浩杳之 ,泱泱大風,又滙無量數之文明源泉而成 ,南控北非,北盡裏海 ,此其子孫曼衍 ,況中國四封之小蠻夷哉?然五海三洲之片土 之孫 ,而五海三洲之片土,爲祖 , ,北開鮮卑黠戛斯薛延陀 跨 大海 ,不可紀極 0 大陸 吾國西啓西域 , 中據君士但丁, 而成新治教 ,則更不 ,種 所自出 , 之大 經頭 核 大湖 度日本 可言盡矣 ,更有近世 ,合并君師 則 交通 有 國 因 須 痛 大海 中國 ,豊 而 而 度萬 身熱 0 無無 蓋 波 復 0 ,

明六 日 耳

曼文

若片 大中度阿 何土之前 成國波刺 文斯 伯 明羅集 途 之馬印 以組 ?波斯灣乎?紅海乎?此吾國人所宜注目也 耶 者必遲收,環行而復始,其道較遠,然他日各國盡變,彼突厥波斯不變乎?亦滅耳 教所困滯,突波二國,比之萬國,最爲閉塞守舊之地 生聚最久長最怪異之地矣。今者大化環海 人民甚秀白,鼻最高長 0 氾濫全地球 ;,抑不然耶?必復其始,殆有難測。高加索之人種,固有名于大地 則此五海三洲之片土,當歐亞之中線,必復爲文明所走集,其將爲大地之公都會 織新政教 也。 ,則又自十字軍以輸于阿剌伯者。 其後突厥波斯分爲二國二教 ,彼襟帶五海三洲之片土,吾未能至而神往之,裏海黑海乎 ,循環欲周 ,則波瀾蓋盛於斯土。今歐洲之文明 然則此五海三洲之片土,爲文明之 ,豈有地靈之盡耶?抑亦先發 , 而此五海三洲之片土,爲囘

,君士但丁之

目我 或 人宜 注

# 第二編 法蘭西遊記目錄

## (一)法蘭西游記

巴黎遠不及柏林之廣潔與紐約之瓌麗…住處僅有二衢…道用木塡…路政之 塔中之戲院酒樓…與漢時神明臺相類…塔上作鬧市…詩…數千年前古物… 天下大觀…各國之塔皆不如巴黎鐵塔之奇偉…鐵塔之起原…鐵塔之內容… …埃及希臘羅馬之古物可與意國爭長…細觀一月乃為梗概…埃及文…希臘 以此院爲最…法國博物院瓌麗之原因…欲觀博物院者不可不游爐華博物院 自由平等親愛三神…攎華博物院…院乃故王宮…莊麗類禁城…萬國博物院 治化汚下…法人侈佚非興國之民…人多狂論…法人輕喜易怒…巴黎鐵塔爲 宏偉及鐵塔之高聳無可驚美…巴黎人多狡詐…法國學內技藝遠不如英德… 全都公園之數…巴黎之繁麗在于淫坊妓館…妓婦之數…巴黎除其博物院之 關係…巴黎之馬車電車…路易十四愚民之術…婦人用品獨冠歐美…鐵塔…

文…希臘紙…埃及古器之精工…大寶石瓶…尼羅宮之縮型…波斯突厥之壁

璽…明堂制爲歐美宮室之先河…詩…懋勤殿碧玉璽…詩…仁宗皇子綿恩手 平第一關鍵…詩…恪順伯博物院…畫院自意國外以法爲最…基遼膩博物院 像…路易十六及爹亞與法國之關係…路易十六墳…千古大鑒…數千年來昇 寫佛經…覓尸多那國之衣服…乾那花利博物院…亦傷心地…內府珍器充斥 白玉方璽…八徵耄念之寶靑白玉方璽…保合太和碧玉璽…猶日孜孜綠 太上皇帝歸政玉印…太上皇帝歸政仍訓政玉印…得遂初心玉印…乾隆御筆 …自强不息白玉璽…聽平視察碧玉璽…烟火長春漢玉印…圓明春山綠白玉 路…詩…奴利故王宮…那打爐泵古廟…杯倫園廣凡三千萬邁當…園中之景 院…立法之所宜…其道太觳非國爭之世所宜…拿破侖將死蠟像…英雄之末 拿翁一生奇功皆在冒險…古墳…石室藏棺…墳制猶是我國三代族墳之法… …御書墨寶…齋戒龍牌…妃嬪寳牒…埃及古畫筆意頗類元人…藏書…爹亞 …亞細亞文字…欹規味博物院…傷心處…中國內府珍物及玉璽皆置于此… 爲百年後一大關係事…詩…摩蘇園…國家戲院能容萬人天下第一…法國戲 ··園中之賽馬場··美歐公園窮宏極麗··何者爲我何者非我··瀛球··瀛球當 拿破侖紀功坊…拿破侖陵墓…一世之雄而今安在…法人之好功名心…蠟人 …拿破倫之黃輿…歐婦之尙小足…法磁以賒華爲最…法部署前之石華表: 玉璽

終推因審果…微賒喇舊京…歐土樓閣崇麗乃近百年間之俗…機器之效力… 然…隳胎之原因…一薄于父子…美總統麥堅尼死後家產二十六萬僅以千圓 妓…法人多隳胎故户口日少…各國人口皆進而法乃日衰…隳胎之風美國亦 之畫…羅蘭夫人夫婦像…大革命時山岳黨殺人之畫…各戰圖…地球第一大 與母…一婦女自立…美國隳胎之禁罰銀六千圓…立法之難…變法當原始要 劇最有名…奧皇子寗舍帝位而戀巴黎…巴黎妓女十五萬…貴家富女多出爲 抑貴族…路易十四之隱謀…微賒喇宮與世界之關係…詩…賒華磁廠…搜集 伯仲…暴其民甚則身弑國亡…當時鬻爵貴爵僅值五十金…路易十四削封建 論治效…路易十四宮費五萬萬佛郞…外觀…內容…革命時迫路易十六簽名 我國軍服之可愧…吾國軍服廢弛之原因…歐人之崇拜英雄…巴黎開闢之次 國競爭之術…滿梯乜地利祆祠…烟弗列武庫…十六世紀封建世各國鐵甲… 各國古今數千年之磁…法磁冠絕大地…磁泥由中國運來…以吾國磁泥與萬 畫在意國甌呢士…威賒利宮…王宮之奢侈…惟漢武隋煬唐玄宗明武宗可相

## (二)法國之形勢

第…巴黎開闢次第六線圖

利息…蒸滊力…人口…農業…機器…礦產…運費…畜牧…金工…革工…食 片…法農業不如英…法國地主之數…自由之動機民約之起原…享自由之福 强…法國不進之原因…法與英德之比較…法國革命後之國虛民敝…國富… 公侯…公債之利…法與英德之比較…內訌八十年,法非英德之比…德之驟 製紙及印刷…衣製……炭礦…鐵礦…鐵路…銀行…製造所…巴黎之富家… 由政蠻國小…歐美人之勢利…法之麻綿…新世界者鐵世界也…革…陶器… 已二千餘年…不可妄服毒藥…法之林木…法之織絲…中國飲食衣服他日必 法國之蒸滊力…法國之農業…法人之沈湎…吾國沈湎之舊俗…酒毒烈于鴉 法國形勢…法國人口…各國人口皆驟進獨法不爾…人口不進之原因…中國 風行萬國…辮髮可翦服必不可改…易服式與經濟界之關係…俄日之變服乃 人口繁盛之故…歐美人口之可危…抑女問題…法人死亡多于英人十之五…

## (三)法國創興沿革

品…商貨…製造品…鐵路…船舶…國債

盧封荷比都巴黎奉耶教…客羅四字之分立…次子格魯打之兼幷…格魯打之 古稱高盧…部落時代:愷撒之攻法…米羅維朝開法之初祖…客羅維之定高 器之傳自中國…腓立第三…腓立第四…三族會議之起原…路易第十…腓立 剌伯之文明…歐洲哲學之起原…歐土文明之初步…十字軍之效果…文明利 八…路易第九…新舊教之始爭…三舉十字軍…歐洲第一令主…繫埃及獄贖 累年搆兵…第四次十字軍…指南針之入法…巴黎爲歐洲大都之始…路易第 …英之建國…葡萄牙之建國…教皇之倡十字軍…歐洲兵之殘忍…十字軍第 朝…加頒的之擁立…諸侯之驕橫…羅伯之嗣位…顯理之嗣位…非力之嗣位 …魯篤富之王法…王權之式微…諸侯爭權…海外王…君臣爭亂…前加頒 之王法…諾曼之入寇…孫權額魯之被逐…歐德之王法…查理羅撒布之王法 立…法之分裂…查理沙伯之王法…封建之世…封建之遺害…路易孫羅額魯 西歐之一統國…全歐之形勢…沙曼立之文字…沙曼立之卽帝位…路易之繼 …默爾專權…權奸之亡國…甲盧萬朝…教皇權力之起原…沙曼立之武功… …諸藩僭號…客羅特維第二之復王權…克魯特之繼立…查理第三與希德烈 分王四子…骨肉相殘…格魯第二世之一統…達哥巴之繼立…西的波之繼立 七百萬…再舉十字軍…十字軍爲歐亞之交第一大事…歐人之迷信神權…阿 |次十字軍…創開議會…腓立第二…築石道于巴黎…第三次十字軍…英法 役…阿剌伯微積分之傳入歐土…腓立之繼立…路易第六…路易第七…第 的

法…英王王法…查理第七…女傑噂地厄…巴黎之恢復…法之中興…路易十 第十…三日革命…路易腓立號曰民王…四海兄弟會…第二革命…拿破侖第 義…法國革命實由事勢相迫…路易十五…路易十六…拿破侖之稱帝…拿破 之局…法國革命之原因…中國事勢之與法異…英之革命不根于學理而因于 國王權獨盛之原因…高廟實結大地一統皇帝之局…路易乃結歐洲列國霸主 治…在位七十二年…路易十四似漢武…路易十四王權尊大之原因…當時法 功…路易十四大王…路易十四不能稱帝之原因…朕卽國家…路易十四之文 寒留似張居正…黎寒留與姚廣孝皆以僧爲名相…路易十四…路易十四之武 朝之事無足輕輕…路易十三…開羈歐之業…黎寒留名相…三十年戰爭…黎 大盛…三十年教爭…教禍之慘…顯理第三…波旁朝…顯理第四…歐人於移 第五…查理羅比…歐洲開化之先驅…腓立第六…英法百年戰爭…約翰…法 命之敗亡…拿破命之民法…歐洲起布衣爲帝愷撒後一人…路易十八…罅禮 事勢…革命共和獨出於法之故…削侯權却生民變…春秋三世之義…時之爲 …法之始强…佛朗詩亞第一…編民兵…佛朗詩亞第二…查理第九…新教之 …瓜蔓抄…英主之世出…查理第八…擧兵入羅馬稱羅馬東帝…路易十二 |共和政體之始…查理第五…始創巴黎藏書樓…查理第六…腓立之借英傾

之封建實同部落…明初中國之文明視法何如…憲法十變政黨七派…法文在 三…拿破侖第三之狡詐…被擒于普死者七十餘萬…國內無主巴黎大亂…法

(四)法國大革命記

歐幾爲正文…英法交通之始

拉飛咽欲以君主立憲定國…及倫的黨…羅蘭夫婦及伯書…山岳黨…羅伯卑 巴黎市會擁盜國權驅除異己…米拉伯齎恨以死…破壞猶縱火…再開議院… 官吏多不識字…恐怖時代…民權不得當之害…拉飛咽不兒于死…自由毒… 法大亂在開議院時制未善… 大亂之…法國大亂之原因…參議參政之人外不能讀法令…三十人有一官吏 助美自立之拉飛咽誤以美國平等之治治法國致

…聯軍大疫…革黨之不亡法乃天幸…路易之專恃外援…路易之失計…路易 爾及段敦馬喇…馬喇變法之政見…列國聯軍之干涉…立新政府與聯軍開戰

之上斷頭臺…王政絕民權始…山岳黨制全勝…及倫的黨之因循…山岳黨盡

事勢所必至…爭奪相殺之患…流血數百萬終歸專制…預于革命者無一人兒 國…流血百廿九萬…革命慘禍及倫的黨所不及料…騎虎難下…革命之慘禍 捕及倫的黨人下獄…及倫的黨名士之慘死…恐怖時代…及倫的黨之熱心救

制君主…相爭必至相殺…共事之難…倡革者身必死…革命之慘狀…貴族富 死…及倫的黨倡革命之罪…法國大革命不至亡國之原因…山岳黨之慘酷… 是…革命之原因…封建…法地僅如四川一省…貴族十萬…貴族之尊驕汰侈 爲國賊…三十五億萬圓之空票…革命委員會…一月正費一億二千萬圓…將 萬王侯命實則革人民命…革命黨之壓制…政府之强買…强用紙幣…視商人 墳之慘劇…遇人卽殺見物卽焚…法人民二千六百萬去其四十分之一…名爲 殺及婦嬰…革命宣禮式…革命結婚刑…嫌疑刑律…得死罪者七十萬人…發 囚巴黎者日五千人…屠者三百人爲一團…政府爲盜…毁全城市值七百萬… 千餘人…老幼男女皆被囚殺…擊殺議員六員…掘墳發陵…大索官商民家… 豪無辜之慘死…十萬貴族之逃亡…商工之逃亡…燬全國寺院…無辜死者三 護國兵…山岳黨之誅鋤…流血數百萬成就一專制民主---革命之結果歸于專 …國安委員會…羅伯卑爾之險狠…羅伯卑爾之被殺…恐怖殘黨…少年軍與 革命之究竟…我國倡革命之非…我國革命非盡殺四萬萬人不止…以仁賢之 人倡革命則亡國愈速…吾國事勢非法比…山岳黨之內訌…山岳黨裂爲三黨 …徵發之慘酷…勒捐…生計界之恐慌…商界之困促…所謂自由 一戰馬而無財…以嚴令定紙幣與現銀之價…民窮財盡…發行米票制限 [如是如

害…孔子之非封建…我國歷朝之稅法…兩稅法…一條鞭法…我國之薄稅… 刑…饑民…有子不擧畏無以養…荒涼之慘狀…百人不得一人識字…封建之 稅…鹽稅…以重金購稅權…領主藩侯之專橫…部民嫁女必與領主陪宿…酷 之平等…我國之大革命蓋在秦世…迷信神權者宮廟必壯麗…全歐之封建… 之比較…我國之刑法…酷刑非法律所許…我國之自由…法國刑法與我國之 狂…美法之相反…法國革命之效…法人所流血以求之自由其最重要者我早 數十年間…我國之强易于反掌…以法國擬中國之不倫…言革命者爲喪心病 我國之美俗…我國進化之程度…我國之不愧爲文明上國…歐洲之進化在近 比較…僧侶之貪暴…貴族之專擅…王宮之侈泰…革命之義吾所固有…我國 …生殺征稅之權…役民不發工金…兒兵之征人頭之稅…終身充兵籍…所得 自由當歸功孔子…法國失敗之原因…法國革命之起點…法國開議會之始本 有之…我國平等自由已二千年…出版之自由…信仰之自由…我國之得平等 各國稅率與我比較…我國薄稅之故…我國時勢與法之異…法國稅率與我國 原已差…變易政體之難…法國與中國通商之始…成吉思汗之偉業

# 第二編 法國西遊記

約之遠不 有 瓌潔及 林州 其一自拿破侖紀功坊至杯的巴論公囿十餘里,道廣近廿丈,中爲馬車 市,莫不如此,且不及柏林之廣潔,更不及紐約之瓌麗遠甚。其最佳處僅有二衢 見清潔,比倫敦之湫隘則略過之,徧遊全城,亦不過與奧大利之灣相類耳。 往聞巴黎繁麗冠天下,頃親履之,乃無所覩,宮室未見瓌詭,道路未見奇麗 郭人民無恙 滊車入船中而渡岸上。睨燈火樓閣 光緒三十一年七月二十二夜,自德之克虜伯砲廠往法國 皆普國用兵之地, 自此易法國車 ,而主者易人,三十年前讀普法戰紀至此 惜深宵高臥,不克一一親見之。二十三早六時 , 車場閎大甚,關東驗行李訖而 ,閃煜輝煌 , 經大城市 行 ,見之愴懷割據。 0 0 此州 八時 無數。 爲普勝法時 , 滊 + 車 , 時 到巴黎矣 行 , 左道爲人行 自此入法境 頻 所 到 ,河水未 奥斯鹿 歐洲城 割 渡河

, 城

法蘭西游記

木外左右,又爲馬車道

,馬車道內近人家處,鋪石丈許

,

爲人行道

,

又植花木蔭之

右道爲人馬行。此外左右二丈許,

雜植 花 木處

, 碧蔭綠草

,

與紅

花白

几

相


映 0

花

衢佳麗與柏巴 紐林黎

處

僅



樹以青松;唐京道廣百步,夾以綠槐,中爲沙堤,亦不足以與于茲。他日吾國 少其 爲三條道,或樹外再用馬路二條 樹,樹外左右以煉化石爲人行道,仍蔭以樹 則我國古者至精美之路,如秦之馳道,隱以金椎 政不修,久爲人輕笑。方當萬國競爭 巴黎,道路之政 又車行路,近人家處為人行路 林至大之衢名嗹者,僅中列花樹 。今美國諸大城市勝處,皆用此法,惟夾馬道以 而已,乃復競華麗,較廣大,關精潔 ,皆不如巴黎也 ,既壯國體 。今美墨各新闢道 , 且 ,僅六條 關 , 則爲 衞 林,旁馬行路 , 以相誇尚 生。 , 五條。 非 ,花林又 吾國路 止平治 ,皆仿 , 柏 則

路 政之關係

林中加以漢堡之花

,時堆太湖之石

,或爲噴水之池,

一里必有短亭,二里必有

長亭

,

而

,

如一公園然。人行夾道,用美國大煉化石,加以羅馬之摩色異下園林路之砌小石

法

,必當比德美法之道

,盡收其勝

,而增美釋囘,乃可以勝。竊意以此道爲式

以油,潔淨光滑,其廣潔妙麗

,

誠足誇炫諸國矣

0

全道凡花樹二行,道路七行,道用木填,塗之

戲並陳

, ,

傍晚時則車

馬

如織,蓋巴黎馬車六萬

,

電車二萬

,夕陽漸

F

多會於是

士女如雲

, 風馳

雷

驟

,而電車疾速,

馬車少不及避

,輒撞

翻

,綠鬢紅裳

,衣香人影

, 自泥城橋至愚園

西園等

處

, 頗

相

男 第

之第宅

皆世

爵富

商

,

頗 桐如

有

遠

林

, 亦有

1 肚麗者

,

然不及紐約之十一矣。

近嵐

處

則

爲花樣

,妙選嘉木

,

如

柳者

i 蔭 之

,

則吾國道路

,

可以

冠絕天下矣!巴黎此道旁

但遜其濶大耳

!他時更樂豐鎬

,

別營新京

,

以吾國力之大,人民之多,苟刻意講

求

,憶惜在上海大馬路大同譯書局倚闌而望

民路 之易 術十 四 愚

乃特盛聲色之觀

,

遠有

之美

,

歌舞之樂

,

俾十

-萬諸侯

, 樂而·

忘反

,

皆沈醉于

è

封

建

必可過之也

十約法之有繁麗盛名 ,乃自路易十四以來 , 世爲 歐雄 0 而 路易十四 , 欲以隱銷

非復能以雄武抗叛 奔走于 前後 , 而不欲還其荒山之宮壘以鍊兵治民 ,而路易十四不折一矢,得以統 ,所謂 一王國,因 此間樂不思蜀 益以矜誇諸歐, 0 柔肌 成為 脆

之新妙,凡一 四以收諸侯 , 則誠 切精工,誠爲獨冠歐美,然此徒爲行樂之具,而非强國之謀,路易十 妙術也。 今沿其故俗,欲以與天下爭, 則適相反矣。人艷稱之,

冠婦

歐 美 用 品 歐

獨


俗。至今游其市肆,女子衣裳之新麗,冠佩之精妙

,几榻之詭異,香澤之芬芳,花色

風 骨

法人亦以自多 , 則大謬 矣 1

自埃 及華表至百丈鐵塔處 ,樓館夾臨先河 ,爲故賽會地 0 賽會故宇宮舘十數所猶在 妓館 在巴數 全都公園之數 妓厅 发誓 龙葵 龙葵 龙葵 龙鹭



於橋 下爲公園 過武庫拿破崙陵塔而至鐵塔, 不如紐約之權娛 過之,若列星照耀 夕電燈萬億 亦爲公園 上侵雲表 皆瓌偉詭異 , 殆如漢承露臺之金銅 , 冠 , , 士女掎裳游坐其間 花木交蔭 超宇內 , 雜懸道路 長橋横 , 挨論馬車林 , 蕩炫心目 , ,樓塔四脚相 而戲園 河 , 林木 , 仙 金人金鳳十對 鐵塔高 人掌 木燈火連亘 # 游場多列其旁 然電 埃及華表左右 馬車千百 距 , 瓌麗 燈之繁 九百餘尺 百數十丈 極 , 夾竚 餘里 麗 矣 馳 , 至 ,

妓麗 見其百戲之園 耶!自紀功坊至爐華故宮 館 , ,鏡臺繡闥 全都公園,大者十五 ,其淫樂竟 ,萬獸之圖 , 日徹夜 小者十, , , 則大戲院酒樓大肆咸在,道皆夾樹,士女游者晝夜不息 不如德甚 ,已餦牌之妓凡十五萬 戲班十五 0 或謂巴 , 巴 黎之以 黎所稱號繁麗者 繁麗聞 , 未領牌者不可勝數 於大地 者 盡在此矣。 , 在 其淫 o 若其 坊妓 以吾

國之勝

而

奇偉過之,然皆毁去,

則宮館

は機觀橋

,

尚不如印度之加拉吉打

焉

C

新藟賽會場

採法

道之瓌猶存者

,此地仍可稱焉

,此亦非妄有名者

二八四

,

而

極不平等

,

與美國

異

9

其

世家名士

,

翻翻自喜

,

持

或

之論

,

而

執

國之

興法

國 人 治

化

汚

下

爵宮吏之貪橫

,

治化汚下,遜于各國,不少受益

,徒遭慘戮

坐觀

聽英美之日盛

9

而

詐巴 聳及物巴 無鐵院黎 黎 可塔之除 X 驚之宏其 多 美高偉博 狡

大謬

,

而

相思之太殷,意者告我之人,有若鄕曲之夫,驟至

城市

9

伽

駭

其

日日

爲墟

事

窮

極

其

勝

,

若渺

無

所覩

聞

而可生于我心觸于吾懷者,厭極

而

去,

乃歎夙

昔所

聞之

女衣詭

麗

,

百

色

鮮

新

, 爲

歐

士

冠

9

雖紐

約猶

仿效之,

果若

此

,

則

,

此

則

若

吾

國之上海

耶

,

非旅

人

所能深

識也

0

以吾居游巴黎之市十餘日

,

日

在 誠

車 刊

中 稱

,

無

所

不

游

德藝法 遠國 不學 如問 英技

器

,

晚

矣

,

學

問

9

皆遠不

如

徳英

,

彼 ,

最

勝

者

,

製

女服

女冠之日日

變

,

香

開

機

水之獨有

新製

,

首 技

飾 藝

油

粉

色衣講

求精美

此 所

則

英美且不

能解

9

其

!

侔色揣

稱之工

然

者耶 之多 顧 無 9 而 口 ! , 語言較篤實,亦少勝於法焉。吾自 **驚美焉** ·要而: 變法後之富 論之, 0 巴 ]黎市人 巴黎博物院之宏偉繁夥 , 不數十 9 年 行步徐緩 9 必 過 巴 9 俗多 黎 上海至蘇 , , 一狡詐 無 鐵塔之高壯 可 羨 百 9 無 餘 不若 里 可 宏大 愛焉 中 倫 敦 , 若 0 人行之捷 9 法 營 實甲天下 自 新 道光 都 市 疾 五 , 年 除 目力之回 以吾人民 式 始 此

故事 吾何 取焉 ,覩其流血之遺跡,八十三年中,傷心慘目,隨在多有。 0 未遠游者多震於巴黎之盛名 豊知 其 無 甚可 觀若此耶 而 今議院黨派之繁多 若夫覽其革命之 , 世

,

富 振 作無 絲絲 織之美,擁女之樂, 由 。士人挾其哲學空論,清談高蹈 而 不 願 遠 遊 窮 夜歌 , 而 不 舞 肯屈身以考 ,情經 多 佚 工藝。 非 興 或 人民樂其 者 世 0 葡萄 法 人雖立 酒 之


**法蘭西游記** 

人多狂論

怒法

人輕喜易

政 相持不下 至今變亂略定,終不得堅美妥貼之治 , 超然不與平民齊,挾其夙昔之雄風 無能實行久遠者,故多背繩越軌,不適時勢 ,故多發狂之論 ,徒以無數人血 , , 今英德各國有所借 ,人性之宜,經百年之數變 行事不貼貼 ,而又黨多 鑒而 善



取之,則法國乎,爲人則太多,自爲則非也,其奈俗化已成 人質性 ! 德英皆沈鷙,不輕喜怒 夫輕喜易怒者,野人之性也。法人猶未離之耶 輕喜易怒,語不合意 無有能匡正何 ,故强能久,二族之性 從君萬曲 梁塵 ! 聞法 飛

可以觀其治

矣

地 陵前之鐵橋 肚麗者也。長橋數四 燈林立,車馬 自埃及華表至鐵塔中間數里臨先河處 忌連宮,以玻爲瓦 , 加 必地宮前臨草池 , 樓舘橋道,皆至華麗 奇麗甲天下焉。其廣數丈 0 其第 如雲 ,賽珍遺舘 ,四角崇穹,中爲圓穹 三橋爲亞力山大橋 , 周以花木 皆偉觀 ,華表前敞場千步 ,電燈繁多,夾橋 ,今猶存有二處 後臨先河 , 直通 尤當孔 皆故賽會 拿破 ,一爲 皆最 ,電 ,

兩邊,其兩橋頭之四角,皆有華表,上立金人一,金馬一 ,面爲金鳳,大丈餘,光

采照耀 十餘年常新,想糜金無算焉

#### 登鐵塔

四望 天下之大觀偉製 ,可攬勝概。吾少從先祖述之公登五層樓 ,莫若巴黎之鐵塔矣,當首登之以望巴黎焉。吾游觀必先擇高處以 ,於連州登畫不如樓,昔游江 南 登

雨



望江門巡城而至黃鶴樓 西山之碧雲寺後魏氏白塔 苑內之白塔,城外之天寗寺塔 吾所登之塔,若吾粤梁時之花塔 吾登獨秀山 ,遊西湖先登吳山,遊武昌吾登 ,鎭江金山之雷峯塔,北京則 所至各國皆是。以 ,遊桂林 ,而手 西

物 其王宮之木塔,遊錫蘭登其古寺之千年舊塔,遊印度所登塔尤多,而舍衞城中鷺嶺 9 而 上海若龍華寺塔 ,則不足數。 若游日本江戶 ,登其淺草之凌雲塔 **,**至 緬 甸 登

塔不各 之如國 奇巴之 偉黎塔 鐵皆 其數塔焉 頂塔 頂之塔 四十餘層 , , 尤高峻 英水晶宮之塔 , 及 , 而宏規大起, 佛 ,高數百尺 矣 祗 樹 0 給 歐 孤獨 若美則華盛頓之方塔 美高塔尤夥 ,並有名於宇內。若印度之阿育大王築八萬四千塔 傑搆千尺,未有若巴黎鐵塔之博大恢奇者。 遠 前七百年前之回 , 其 在 德則 議院 王所築塔, 波士頓之紀功塔。若是者皆宏工 前之紀功塔, 而 加拉 吉打 若瑞 典之思間 公園中之英人紀 蓋有 意作 , 吾 手 捫 愼

巨

搆

公園

之內 起 容 原 年 冠絕宇內 亦數百尺 此 , 蓋見敗於德後 鐵枝凡分三層搆 , , 每脚 眞 미 奇大 謂 觀止 , 成 民 , **兰**四 力 而 , 其下 甫復 蔑以 加者也 隅 層 , 四 大 , 賽 脚斜撑於地 每隅以四柱 會 0 鐵塔築於光緒十五年, 作 :此塔 上矗 , , 以 而 嵌 著民物之豐享光 , 成四 空玲 大室 瓏 , 高三 當西 , 方廣十 一百尺 復也 一千八 餘 , 百 丈 四 全 脚 塔 八 奇 內 相 體 + 九 距 ,

鐡

塔

鐵

塔

之

雲表 機房辦事 高者亦不過爾爾 , 每至一 , 巍 層而 峨 房及上下機亭 無際 歇,又待人而上下焉。每小時上下 , 0 蓋已在三百尺之上 然置于此塔,乃在其至下耳。 , 成 座 落 , 由其塔之四脚下 , 中國 樓塔 四隅皆有 已無有其高度者 一次 挿 , 地 自七時開機亭 處 上下機亭 , 望塔之最下層 0 即大地 , 可 ,至夕十 引機 各塔 而

已如

**,**至

漸

升

子占地賣物者甚多, 下層中樓分上下二成 游人如蟻 皆有 廻廊 0 其戲院在餐館 IF. 中 中 戲院酒樓茶 , 憑闌把酒 , 可望遠 其酒 樓五

樓中 之戲 院

止

。夕七

時後

,

上中層皆不復升矣。

此下

層 每面

,

柱二十

,

員

拱

,

每柱

距

丈

餘

,

時

,

低

數尺

此

層

館

毬 八

房

樂

室

無

數

,

女

雜

肆

矣

0

大柱外夾以兩小柱

,

又一柱

作旋梯

,

人可步行

, 至頂

,此中

央柱自二層

起

法蘭西游記

,

,

塔

臺與 相漢 類時 神

明

天際雲

中

,

玲

瓏

樓閣

,

幾疑蜃樓海·

市焉

,其得未曾有之瓌製巨工矣

0

周

步廻

廊

,

俯

層

置

其

中

尚

渺

然卑小,

則但其一層之內容與其繁鬧

, 已如

鬧

市

,

自遠望之,

如

瞰巴黎

,全城三百萬

人家樓塔宮殿

,

高高數層者

,

皆在脚底

;

車

馳

馬

螺

,

皆

如寸許

以至於願,塔中央有 架約二丈, 距丈餘 自下層 臺井幹樓 柱皆直上 周 杯 以 論 至中 公園池島邱垤,若指於掌;其 廻 , 中 廊 , , 直 24 高 有 層 , 周用四大柱 五十丈 上二十 十字交柱 皆賃於婦女 9 亦復四 一大柱 一架, , 隅 IE , 與 此層去地五 各有四柱 , , 凡爲四十餘丈,將至上層 合凡十二柱,其中皆有十字鐵板 和比 陳設售物 ,置上下機於柱中 , 而井幹之製 9. 百尺 共十六柱 俯視城郭 0 中 有 , 俯 酒 ,有 樓 人民 視 , , 斜挿 亦與 城 , 廣 郭 ,已覺渺然 小層置機 此塔製 + 前 人民 ,塔漸狹 餘丈 上。又二百尺 , 器 相類 如 , , ·四方四· 斜交貫之, 垤 ,蓋已高 , , 有 改作六柱爲 如 也 房 蟻 0 自此 大柱 矣 , , 至中 如天 但 0 漢 不設酒 每十字斜 層以 , 上矣 六角 廥 時 餘 柱 四 神 上 樓 明 各 面 0

市 繁帶 塔 也 再 0 乃登塔 皆狹僅盈丈 上 , 遠 大柱 Ш 堆 Ë 垤 層 , 上有 , 高 安有三十丈之上作鬧市 杯 九百尺 寶相 論 遠 |青線 , 高二三十尺,以 , 如掌 廣百尺 , 巴黎 9 八角式 全城 九十丈之上陳雜肆賣酒者乎?杜工部登 驗 風 , , 如 廻 0 廊四 縮 此 型之泥 層 俛 望 視 , 頂 木 雲 室矣 氣 作 平臺 , 憑 0 計 虚 , 有 大 御 地 風 八角亭 古今之 , 魯河

二八九

登 鐵塔詩

> 慈恩塔 , 至詡爲高標跨蒼穹,七星在北戶,若登此塔,不知更能以何 語形容之。天

冠大地,覺所聞遠不逮所見也,惟此塔而已。近夕輙登,凡登塔前後三次 下事往往所見不逮所聞 ,昔早聞此塔而見拓影,絕未驚奇,今親登之,乃驚其奇偉

浩浩凌 鐵塔頂 天風 與羅文昌周國賢飲酒於下層酒樓高三百尺處憑闌四顧巴黎放歌

,高標卓碧落。邈邈虛空中,華嚴現樓閣

0

神仙

蕊珠

殿

,人

間

誤

貶

託

0 回頭 憑紫闌 ,忽爾生玄覺。俯視下界人 , 城市何莫莫 0 河水繁若帶 遠山 綠 角

高高跨

蒼穹

,

仍揷塵中脚

0

霓裳羽衣舞

,

夜夜月裏樂

0

玉女紫霞

杯

,

飲

成

大

藥

0 閭 閣 何撲地 , 殿塔數歷落 0 岡陵抗園館 , 有若蟻垤作 0 間 此 何都 市

或

。千

年大都會

,

繁華此窟宅。人戶三百萬,

烟樹交迷錯

0

時

有

英雄

X

,

揚

旗

震

巴黎

稱霸

天幕 上層閣 0 下指紀功坊 0 寰瀛我踏徧 ,石馬欲騰躍。卻憐八十年 名塔登無數。只許繞膝下 ,革命頻血薄 , 阿育見應作 。去去上青霄 。摩天九百尺 更 , 登

横 構 巍 岳 誰 岳 0 呼吸通帝座 ,碧霞仰斑駁。深碧池中海 ,渴攬同 一勺。 湯湯太平洋

海 拏攫 0 我手 携地球 , 問天天驚愕 !

千年前 古 物院 鐵塔前 殿塔柱礎殘石或整室,自印度埃及波斯突厥希臘羅馬古物莫不備,皆數千年之珍物 0 據岡 度 橋 營構 , 有 員 , 殿 前 斜坡皆植花 , 萬戶 員 周 木 , 上下左右 , 莊嚴偉 一麗甚矣 , 聳二小塔 。下爲學堂 ,乃故 賽會地 , 上置 古物 正堂 , 皆各國 今爲博

物數

院乃


故

王 物

華

博

神平 等 親



遊攎華博物院

宮 院 **爐**華博物院 洲各國王宮,皆遠無其比。蓋各王宮皆一小方院在市中 此院以故王宮爲之。宮皆石築, 雖 層 ,然體制瓊偉 惟此宮居巴黎之中,橫排 , 雕刻甚 精 , 歐

費力無數 雕 刻奇詭,宏巨嵯峨,全屋移 ,蓋非拿破崙不能得比,歐土 來

極朴拙 巴西人尸,以手抱足而繩纒之, 各博物院皆有,而莫此院之多矣。有 有 掘地馬拉刻石 , 馬達 其 加 斯 畫

衣,墨西哥文及像尤多。蓋法曾得墨 加物甚多。 摩洛哥物亦多。其王衣白

故移來也

過一石像 , 圓崇屹屹 ,上立女像天神

手持花枝 ,下坐三神 蓋自由 平等

色也 同胞三神也 法人今躁進躐等而 ,以示教焉 , 此則法之特 召亂禍

日大同世必行之。

0

,

他

,


此國 院博 爲物 精 京 莊 嚴 百 横 則 高 丈 古 臨 數 , 先河 非 IF. 丈 吾 , 中 深 或 可 , 入三四 前 所 容 有 無 有 少障 樓之大 , 十丈 不 待 , 雖方 言矣 馬 , 車 而 往 0 IF. 兩 即此宮 宏偉 旁朝 統天下 來 萬國之博 , 拱之 IF. , 推之 不 面 , 若吾禁城 敞 物院 而 , 若吾午門 地 季 , 法國 數 嚴若 , 以 百丈 君 法 此 , 之制 國 權 而 , , 若 宜 之 莊 爲 巖 尊 最 其 吾天安門外 0 谷民 亦 前 , , 類之。 法 亦 後 變哉 左 國 H ti 推 右 若 博 想 , 門 其 而 , 旣 雕 外 闕

斷之

非

爲 觀

公



瓖法

麗國

原物

以萬

埃

及

或

0

其

名畫名石

刻

,

埃及希

臘

羅

馬之古物

之

物

瓌

寳

異

器

,

不

可

勝

原

,

繁

頣

夥

頣

,

過

攎者欲

華不觀

博可博

物不物

國之瓌 今世 久爲 此宮爲 第二拿破 則 歛 界上 各國 游 無 霸 威 最 攎 **寶異物以集於其** 9 崙 華 故 , , 0 文學 無 瓌 故 欲 夫天下之好 , 寶 與 則 觀 宮之天下 爭 自 異 旣 博 鋒 物 物 極 無第二之博物 院者 盛 , , (國之一 第 必 而 奇 , 實之于 異者 待復有 而 , 博 不 又 院 有 物院 可 , 法 不 拿 院 此 拿 , 游 或 破 矣 院 破 或 巴 能 崙 爲 崙 0 最 物院 黎 故 歐 74 勝 , 之。 又歛 此 洲 征 , 亦不 院 旣 不 法 , 旣 以 各 無 在 庭

與馬 **原意國** 爭 長可 太多矣 堆積駢比

月 乃

爲細 便觀 柳一

希 臘 臘 文 紙

希

,

,

希

古 器

精埃 工及

之

時相近者,制作亦近矣。 臘紙似布

文亦似印度之山士詰烈文,有作者

不能得其梗概也。埃及文似吾鐘鼎,希臘文似吾古文,乃至筆意頓挫

,雖極精美,在他處爲希世之珍,在此院亦了不覺,若欲按圖

細觀

,非一月

, 旣

, 何

其酷肖

,直與意國爭長,而遠非他國所能得其一二也。珍異填湊,應接不暇

埃及古器凡數室 人形 亦多刻文字 其玉石器精工滑澤 , 故體裁易別 , 其石瓦器 已如今日 有如 一中國 但太久多變綠 神牌者 , 亦 可推 其石 進 化之理

, .

,

色。

器上多刻

,

似

緬

甸 文

其羅馬時之畫亦甚多 , 蓋出於邦渒也。 雖比今稍拙 , 然着色甚厚 , 蓋羅 馬 人極明秀

故發達甚早也

大寶石瓶

有大寶石瓶二,高五六尺許,一淡紅,一灰色,光可照人,纏以金繩,以二小兒作耳 0 盤盂如此甚多,寶色精光 ,並刻鳥獸花果,皆迫眞,不暇一一記之。若欲考工

型尼 羅宮 一之縮 拿破崙旣滅羅馬

,

移其寶器來巴黎

,雖二千年之大石與甎,亦皆移入,以其故石作

非博見此物

,豈能致精而入古乎!

尼羅宮之縮型於院中 . , 亦可 謂 異構 矣

及虎 ,怪偉甚

法蘭西游記

壁波

斯

突

厥

之 波斯突厥之壁 ,凡數壁焉 , 以 五色甎 叢叠爲之。彩色斑爛 , 古雅奪目 , 亦立壁於是,刻花刻人

二九三

亞 細 亞 文 字

西 豆文字 , 末 處多尖 , 疑 刀刻也 0 頗 類 吳時一 天 發 神 讖 碑

中 國 物 甚 少 , 畫 凡 十幀 , 皆下品 , 惟 傳雯指畫及陳 洪 綬

遊 欹規味博物院

關

帝

羅

漢像

,

然羅

漢像着色尚

深

,有吳道

土墨

刻觀

音

,

畫

,

尚

爲

雅 其

品

0

餘皆

觀

音

筆意

刻像

亦 佳

0

其三大士像秦曹所

畫者

0

欹 規 味 博物 院 , 此院 千 七 百 年 路 易 + 旭 所 開 , 來 游 此 乎 , 則 傷 心 處矣 Î 郜鼎入于

壓府 皆珍 0 太上皇帝 嗚 呼 大呂移 ! 觀 歸 內 政 府 仍 玉 訓 印 政 晶 玉 中 印 印 無 內 數 盒 府 , 其 , 凡 屬 三印 於臣 珍物 下者不 0 其一 在 此 文曰 可勝 無 數 得遂初心 錄 而 , 今 玉 璽甚 但 摘 葢 御 多 重 高宗授位睿 則 錄 於下· 庚子之禍

置物中傷

於及國心

此玉內處

院欹

規

味

博

物

廟

,

於齊臺

,

威

圖

器

,

,

,

世

之印 或 , 爲篡廢之奸謀 也 , 此物之在此 0 吾 覩 此 傷痛 , 爲 以此之故 歸 此 政 仍訓 故也 政之夕, , ,數千年珍寶 中國 |幾亡黃種幾滅絕 在當日爲 , 乃至祖· 創制 宗之傳授玉 為 古今未有之盛 此 故 也 璽 0 吁· ! 事 , 皆 , 不

意今

白 皇

取

後

流

於

太 歸 F 皇 政帝

印政太

仍上

訓皇

政帝

玉歸

政太

玉上

印皇

帝

歸

敵

法

長鼉 7

玉

碧

玉

1 文

印得

遂

初

心

玉

得

遂

初

心

文 楕 圓 半 紐

歸 太 政 H 仍 皇 訓 帝 政

鼉 長 # 紐

三印共 盒皆碧玉

> 二九 四

**壓寶八** 青徵白耄

玉念 方之

御 乾 筆 隆

一龍爭珠紐

白玉方璽高黄二寸

篆文

雕鏤極精

嗚呼

高廟

雄才大略

,

每日必作四千言

,

想下

此印

鞭笞

一世,君權之尊

,專制之威,于是爲極

, 並

世 時

皆蓋此璽文 , 而未得見,又豈意今日摩挲之,豈止金銅仙 人解漢之歌而

統帝者之局。豈意不及百年,此璽流落于此

。昔在北京覩

已耶!

御書 無同

無數

| 季

,

遂以結中國

之 八 耋 念 徵

青白玉方璽

高廣二寸 篆文

福壽至隆,結大地大帝之局,此後地球合一,亦必無 高廟有詩曰: 八旬天子古六帝,四代曾孫予一人。

此尊崇。 此時 中國閉關熙熙 , 自樂自大,豈知 爾時

法

豈可以目前定之哉?故君子不自滿假,居安思危 革命大起,華 而大變在 , 盛頓 日用此寳時 忽興 , 耶 華忒之機器大行 0 禍 處常思變也 福 無端 , 消息 , 大 (地大通 盈虚

法蘭西游記

與時偕行

,

,

此二璽玉皆最美,他璽不及,非盛時安得有此耶?觚哉觚哉!

白圓 玉烟 玉明 印火 玉自 璽強 玉保 璽合 玉聽 玉猾 ■ 平 1 日 **郵**春山 不息 長 視 太和 孜 察碧 春 孜 綠 漢 白 綠 碧 烟 不 太 自 保 火長春 强 和 息 合 長二寸 漢玉印 白玉璽璽 **方二寸** 鼉 篆 碧玉璽 篆 鼉 方二寸半 壺蘆樣 篆 紐 文 文 紐 文 聽 視 春 員 孜 猶 察 平 孜 日 Щ 明 龍雲紐 碧玉璽 篆 方廣寸半 綠白玉璽 篆文 方一寸半 綠玉璽 虎 文 紐

二九六

宮苑深深老柳臥

,荷花開盡無人過。葦橋渡入福海中,白石臺殿倚白松

。白

「頭宮

創,當時南

懷仁湯若望之流所日侍處也。

聖祖

疏通知遠

,早創此式,以廣**魯於天下** 

圓明園

,雖蔓草斷礫,荒涼滿目

,而壽山福海

,豈非安其危而利其災耶?苟不若此

,國安得亡?覩璽凄然!記十年前曾遊

,尚有無數殿亭,有白頭宮監守之。竟

圓明園燬於庚申之役,是役法國與焉,此璽或庚申流落。嗟乎!京邑兩失,淋鈴再聽,而

日

僅能遊其一角,有白石樓一座三層

, 玲瓏門戶, 刻劃花卉

,並是歐式,蓋聖祖

所

孔子之為明堂制也。上圓下方三十六牖 ,七十二戶,皆爲今歐美之先河 ,惜後世

不善讀書,誤守屋卑汚方之舊,而今爲歐人所輕也。

# 巴黎覩圓明春山玉璽思舊游感賦

十億 繁花好顏色。 式,聖祖手作著象曆。 監獨守護,淒然僵柏起長風。蔓草荒烟堆瓦礫,玲瓏白閣獨奕奕。門戶萬戶盡 0 歐 土文明 羅利遠遣圖 未開 憶昔霓旌幸苑時 16 9 惟 理琛 我威靈照入極 ,荷蘭貢入量天尺 , 疇 0 人南湯來侍值 百年之間 。當時 新世 威 0 壽 變 廉 始 Ш , 汽船 春日 入英 I饒物 鐵 , 軌 人民不 華 通 重 , · 及五 輦路 譯 歐 0

法蘭西游記

惜哉閉

關守長夜

,竟爾絕海召强敵。阿房

一炬光亘天,熱河三年淚沾臆

o

小臣步屧

傷懷

抱

,手

撫銅駝歎荆棘。豈意京邑兩邱墟

,玉璺落此無人識

0 雨

夜淋鈴幾度聞

#### 懋 勤 殿

也。

咸

<sup>慢</sup>之時

,

,當時

,

尚

爲

請

篆 方 寸 文 半 碧玉璽長

上

銳意變法

,

欲召新

政諸臣

人懋勤

殿

行走

,

以

備

顧

重箋恨十錯。五鳳樓頭 追思故苑滿春雲。春宮鶯囀春花落 胡馬來,秦晉西行日色薄。素衣敝 ,玉泉飛落閒池閣 0 晋陽已敗 盡 豆 粥 無 獵 , 歸來歌 圍 , 燕子 舞又

黄屋 龍 旗繞 朝暉 , 八校無譁萬 馬 蹄 0

重作

。逋臣

萬里游巴黎

,摩挲遺璽心凄

凄

。尚

想承平春苑道,

千官擁從豹

尾

座

殿 在 乾 清宮側 , 上日讀書閱 奏疏于是 0 戊戌七 月

用何秋濤郭嵩燾入直 問議大政。 蓋用 號稱二鳳齊飛 聖祖 用 高江村徐東 故李苾園 海 入 書以 南書房之例

朝聖訓 議以此殿爲樞密之內議院 與譚復生檢閱故事 而後發詔 ,議選海內名士咸集於是,吾弟幼博亦被薦預 ,將大渙汗,改元維新 , 事未定而 難作 焉 0 0 E 吾既遠 一發十

亡異國 憶昨 維 , 新 而此殿玉印 變法 時,延英選士贊黃扉。明堂大啓咨羣議 , 亦流落絕域 , 覩此凄痛 得 詩 0

, 草澤

旁求助

萬

機

0 豈料

羣龍

成 血 戰 , 當年二 鳳 話齊飛 0 凄凉! 巴 首懋勤殿 , 玉璽遷 流 或 事非

0

磁

,

鐵

如

意不

可

數

蚁

其如意甚 有綿恩所寫佛經甚精 有翡翠全枝者 , 綿恩仁宗皇子也。 極美 者極 清雅 封定郡王 其 , 銅 好 事 , 頗 有名 0 見覓尸 多那

詩

多

,

之覓 衣尸

服多

那

國

女服

長衣全白而

束濶

帶繳繞

,

極

似印

度

0

食盤甚大,二尺許

9

亦

似

印

度

0

食

時

以布

法

原是

更

蔽鬚 髮鬚 並薙 , 亦 良苦矣。 , 絲 不挂 鬚 髮皆. , 73 爲清 無用 淨 物 也 而 害 0 人事 此 國近 , 淫海 何 不 薙之, , 乃 有印 而勞以 度熱帶服 布障之耶 大奇 ! 佛 ,

之。

#### 院那 花 利 博 乾 那

斥內

府

珍

器

充

亦 物乾

傷

心

地

又游 乾那花: 利 博物

意磁如 妙 大五六 其 陳列 0 五色玉盤 , 如意 皆 滿 花 華 數架 利 寸 博物 亦百數 妙 0 玉池玉屏 , , 院 白 極 有 凡 玉大瓶 , 玉 百 , 以 刻綺 此 餘 紅 院 玉磬玉羅漢 品 玉 春園記十 , , 高尺許 銅鐵 鑲 Ŧ 皆 碧玉及白玉者佳 八百 人間 如意尤多, 簡 七十 玉 未見之瓌 , 香橡皆精 , 九 白 面 底皆 年 玉 開 Ш 暂 刻龍 絕 , 0 , , 有 精 亦 亦高尺許 , 傷 光射 亦 純白玉者,至清華矣。其 精絕 多有 心 其刻漆堆藍雕 溢 地 也 0 刻字者。玉瓶 , , 刻籀 所 0 院 刻峯 白玉羊大三寸許 爲 精 一絕樓 員 金之屛盤 I 式 , 凡十 閣 有 , 內 碧 人物 , 他 品 府 盂 水 大 整 珍 精 9 小不 品 尤華 塊 甚 百 器 如 ,

甚 多 , 皆 非常之寶 也

意

,

亦

清

妙

,

其

不

可

數

0

杯

妃齋御

嬪戒書

寶龍墨

牒牌寶

齋 其 戒 御 龍 製 牌 磁 有 字 , 者甚 封 妃 嬪 多 簪 , 牒 有 御 書 , 其 印 他 iù 晶 石 屋 石 墨 漆 瓶 籫 盤 六 幅 , 人物 , 金紙 無 數 即 iL , 皆 石 中 屋 圖 或 積年 幅 積 , 世 亦 一之精 刻 龍 華 ,

日 流 出 , H 痛 甚 哉

法蘭西游記

意埃 頗及 類古 元畫 人筆

有

藏 書

,

爹 亞

像

之爹路 關亞易 係與十 法六 國及

路 易 + 六

于 古 大 驗

墳

暴其民甚

,

則

身弑國亡」,

此放桀殺紂之亳社太白旗也。

流厲于彘周

公共和

,

我

平數 第千 一年 關來 鍵升

> 其紙 而藏 君 似明絹 士但丁古石數四,文似希臘埃及,物亦多, 中國日本埃及書甚多 , 有紙繪之,大畫方四尺,其衣摺鈎勒 最難得者, , 頗類吾元人筆意 埃及古畫也

0

其中

奇耶 人好女,吾於爹亞 法之名王名臣像, 0 又有路易十六像 亦然 多列其中, , , 在斷 卽 華 見和普國之爹亞像 盛 頭 臺 頓 亦不過端秀耳 以垂戒也 0 百年來 0 , 清秀帶髮,太史公稱張良貌如婦 蓋盛德之人, ,皆自路易十六而 文明 和 順 大變 , 不 生 尚 魁

自 爹亞而 民主制定 ,是二人者 ,法之原始要終者也 , 所 關 亦 大矣

革命之及倫的黨諸名士見殺者 吾游 街衢 , 過路易十六之墳, 方廣數丈 ,並葬于此 , 式如 0 民具 神 爾瞻 龕 , 其 ,亦千古之大鑒矣! 從官兵九百餘 人從死 孟子 者 百: , 與

大地數千年來,爲升平之第一 古 有此 故事 , 特法之變 , 流血尤多, 關鍵 , 則其波瀾 震驚歐土, 浩漫 波及東洋 ,殆世界近事未有大於是者也 , 罷棄君權 , 改行 憲政

惟路易十六自開 議院 , 究非暴君 , 乃遭滔天之大禍 , 而爲專制君主之永鑒 ,斯爲不

幸 也!

遊乾那花利博物院見斷 頭臺路易與爹亞像歸過路易墳感賦

院 恪 順 伯 博 物

策勛 暗易民 治未 佻願 皋何高 蟻身 志 斷 頗誤 莒殺庶其春秋文 東洋大燒焚 費 頭臺上見路易, , 人羣 、蹶難 非時妄行馬□駕。 盡 臻 。天生人權各有分 蹈 人 中 主代以君 , 血 荒淫隳胎 間 假 , 亂舞傞傞日 野未文。 便宜拿破崙 借 頃來道經路易墳 0 盡改憲法君不神,天下爲公選賢親 0 可憐百 ,湯武順天非弒君。聖有大道含混淪 , 和德場中識爹亞。專制鑒人聳毛髮,共和永定想叱咤 八十年中亂紛紜 絕 震蕩歐土民權伸 人倫 狂泉同飲衆小兒,疾行狂奔口慢罵 ,國爲公器難私吞。豈其暴民肆一人,道術旣裂但 三十萬人, 可射。尊崇道理去階級 , 起自布衣拏金輪 0 人種 0 兩龕供奉君后魂 漸少隱憂頻 流血 0 , 危哉汝國幾瓜分,今雖立憲不可循。世 不得其食空耕耘。 成河果何因?美人如花血紅茵,帝后 0 思混全歐續大秦, , 黨派繁多政斤斤 ,並行公產誠佳話。大同之道乃吾 ,從官九百可痛酸。 。大地政體胥變舊 ,不偏 昧 。慓悍敢死 昧我思別 義圓 第三繼 0 施之國 且 民具爾瞻鑒在 , 萬年 有 起 固 均 可愛 云 爭 詭 。法人之 0 邊見 抑 無功勛 爵 惠 卿 升平法 土螻 波 臣 貪横 民 , 偏 及 較 0 0

般,此是毫社太白旗之殿軍。

# 遊恪順伯博物院

物 恪順 伯 二百五十年 博物院 , 前物。 千六百八十五年所 寫生如眞 , 秀色逸韻 開 也 0 院門高塔門 ,過於各院 石皆作 0 大地畫院 臣 磚 形 , 自意國 此院畫 外 ,以 爲多

以院 法自 爲意 最國

院基 遼 膩 博 物

基遼膩博物院 , 此院藏法人舊

服器爲多,最宜於考古 遊基遼膩博物院

物院雖多,

而各有主也

。見舊

法博

鑾輿甚多, 不復重錄 體制大率與奧德同 0 其拿破崙之黃 連

之黃 君主他物 ,以金飾幹 **猶其遺制** ,蓋十五紀之制也 , 與中 , ,所陳法女鞋無數 而花布及畫緯之,各大國帝主輿 國異 , 0 而最同者莫若乘輿矣。見四百年前大臣之服 亦頗 偉麗 ,皆尚 , 尖高 藻火輝煌 ,然 輪 則 , 固 , 韓致光詩 皆用金黄 虞時十二章之物哉 所謂雲 ,體製全同中土 裏蟾鈎落 , 皆以金繡 ! ·其戴 用 鳳 火形 窠 假髮 歐 西

破

崙

足歐 婦 之尚 1

來矣。觀羅馬刻石

如中

何其相苦乃爾!今雖稍平,然亦多斜高者,終不能盡改,蓋以女爲弄,而小足爲

上漸成裹足之奇耳。然法之女鞋,多高至寸許,甚或高至二三寸者

,足跡已斜下而尖,至今歐美男女,亦尚尖靴

,

此風未改

但不

,行步艱難

李白詩

所謂

兩足白

如霜,

不着鴉頭襪

,鴉頭蟾鈎,皆形容其尖

中

西

同風

有自

101 101

法爲最

,

而此院又其至矣

0 有

摹羅

馬邦堆滃古廟甚迫

甚致然耶 見波斯大碟,多用灰色,亦有用藍花,與中 至多, 美觀者,乃文明國之公耶。既有此公好 皆傳自中國也 0 其刻牙則佳矣 必有致其極者 則 在 明 土同 世

其木刻亦然,

,則裹足之俗,或亦好文過

想唐時與波斯·

人尤尚焉

0

此哑安磁甚多

爲法 最磁 以 賒

> 法今製磁 荷蘭磁多花菜鳥形 怪麗 莫如荷 與我相通 以賒華爲著 , 而 久矣 法亦 ,其式亦同 有 0 , 其壁磚 而哪 佳 處 中 五色 土 , 蓋荷 ,法

值二馬克,四寸者半馬克 雅。其價八九寸大壺值四馬克,六七寸者 德人磁色似古鐘鼎,只藍白相間,古拙而

吾遊賒華 佛郎 法大碟值五佛郎 , 極大者十 問 其價 佛郎 則 中 昂甚 碟値 , 蓋 盤 矣 佛 値 郞 八

佛郎

, 然 小

者

#

法部署前有 石華表 高五十邁當 ,刻文字

南海 先生遊記彙 編

康 三〇四

石法 華部 表署 前 之

分廿三層

,

雕

鏤

甚

精

, **摹**羅

馬古式

,

蓋拿破崙征埃及悼陣亡兵士而

作

也

0

拿

翁

此

行

功拿 皆翁 在 冒生 險奇

以此始 者 , 亦 以此終

妄進妄退

,

幸天大霧

,不擒于鼐爾孫天幸矣

,

蓋拿翁

一生之奇功

,

皆在冒

險

,

君

古

墳

遊古墳

祭於太烝之意也 此古墳爲 一千八百 0 四 瓌 偉 + 宏麗 年 所 開 , 皆以 , 凡 石築 法 之帝 9. 如  $\pm$ 於如堂 總 統 卿 , 士 無 名 所 不 X 備 咸 葬 0 小室 焉 0 支許 蓋 裒功之典 , 陳 列

夾

,

之者 道 前 總 • 如 統 0 福 吾國貢院之文場 惟美之紐柯連墳 兒拿破崙第二咸 , 0 在焉 室 石室偉麗 中 設 0 以吾 石座 , 所見 夾道數里 , 供 像 , 歐美· 及花 , 人人之墳 大有巴黎此 , 其 功 德不甚著 , 法 此地 風 0 爲 者 蓋 最矣 故爲 , 則 無 法 全歐 室 地 矣 , 無 而 0 法 及 紐

石室藏

中 柯 連 士大夫,且有墳堂 地平濕 ,不足以藏棺 ,以規模宏大言之,彼不如我 , 故皆以石室藏之。吾國人最講墳塋 ,以 瓌麗言之,我尚 , 富家皆以 不 如彼 石築 11 , 此 0

似 若合宏大壯麗言之,則莫若印度之王陵矣。墳室之上 中 土 , 但 彼聽人爲之,不 以辨貴賤之等級耳。 故富家子女,受父母之遺 , 或有樹石華表高數 丈者 產 多有

**猶是三代族墳之法** 盡 以經營 墳室者 , , 故瓌麗 郭璞之葬 奇壯 術 , , 此亦 未 創 H 人子自然之心 焉 , 設若有 人創出 , 無中 西之別也 , 彼之迷惑 0 彼今 , 殆 墳 亦

之國墳 法三制 代猶 族是 墳我

而尤甚焉 0 蓋以彼俗好奇 , 而塋墳壯麗可 推也

0

與

吾

制

,

亦

或

同

鐵 塔

,

圓穹金紫,

高十

數丈,

巍焕嵯峨者,拿破崙之陵

殿耶


0 門

外

列

樹

臨先河 而對



拿破崙紀功坊

,

漢武也 名 圓如城門,羅馬式也。當杯論園之大道 坊以白石爲之,高大十餘丈,頂平,門 之主,未有不與時會爲抑揚,蓋猶秦皇 焉。法人固好惡無常 其從子拿破崙第三, 恨其殺戮子弟而惡之 下而瞻仰之。法人昔以拿破崙之敗 巴黎馬車六萬,電車貳萬 , 而國體又適凌夷 而爲之立紀功之坊 ,于是迎其歸 ,既以外人驚 ,而從來雄略好戰 ,日出 櫬及 其 也 入其 威


### 拿破崙陵墓

0

甚閎壯 如 利之彼得保羅殿。左右柱亭藏 池 中 , 陵在武 供紅碧文石槨 庫 旁, 曲 ,以捲書形紅文石座高七八尺承之,下室階地 祇 祠 石槨,滑澤純 內可 相通 0 黑 陵殿以文石爲之,壯 可 鑒 ,則拿帝之將也 麗 莊嚴 0 周 殿爲闌 , , 皆寶石刻紅 其 式 似意大 , 下

法蘭西游記

今 安 在 雄 而



綠花 之雄 柱十餘, 多,亦敝壞矣 !武庫中藏拿破崙衣物軍帳甚 埋于七尺之棺,爲之感慨欷歔 馬奔騰滅國虜王之時,固一世 然無光,追思當日喑嗚咤 各國之旗數十,敝壞凝塵 ,而今安在?蓋天之勛 ,隧道從後入, **編挿拿破崙戰勝平定** ,而法人之崇敬 周 原館文石 叱 , 萬

営修漢武帝之祠,重立金銅仙人之掌而記其功,以衞青霍去病張騫班超之徒配享之 人子為怨。舊恨旣忘,國榮可念,此亦法人之好功名心所致歟!推此而言, ,以作我國人闢地尙武之精神焉。姑爲是言,若在法人,則必有實行者矣。 吾國 尚

英雄如此。當法人迎櫬之時,萬人歌泣,夾道懽迎

,不以拿帝殺其父兄寡人妻而

孤


名法

心人之好

## 蠟人院

#### 遊蠟人院

此蠟· 像,號稱傾國之美者,死於革命之難。此像所作,其臍猶能鼓動,法人號稱極美者 人院 樓 上下十 數室 ,意態如生 ,置活人於中,不動不能別 也 0 有法國美人某



而

墨翟

,

悦目卽爲姝。天下無正聲,悅耳卽爲娛。」

莊子

恐慄

其何以號爲至美也。白香山詩:「天下無正色

。不解拿破崙之后亦以美名,其像亦在,皆不解

只有各從所好 如此 之情哉?只能曰道不遠人而已。是故見白人有不盡可愛者矣。 則 未有不憎者,斯亦未簣之屨也。所謂: 即衆 人公議立法垂制 ,如賈讓之游隄 亦只 ,必當寬以居之,聽水之有泛濫,而不至崩決也。自 〈得如此 不爲簣 逐臭之夫,甚矣,人之好尚不一而絕殊也。雖然 者孰知正處 猿猴然乎哉 盡而求近盡。孟子曰:「不知足而爲屨,我知其 有非樂之論 鳥見之高飛 曰:「王嬙驪妃,人之所愛也。魚兒見之深入 ,爲物理論者,于其不同而略大同之,于其不同 人 情之中 。」凡聖者因人情而立法,豈能盡得人人 ,無有人人而同悅之理也。若欲適得其宜 ? 夫韶武鄭衞 ! 水處則濕疾偏死 ,數者孰知正色。 ,蘭芷香澤,人之所好也,而海濱有 只得如此 0 ,人之所樂也 凡聖者立法垂制 而見黑人之鐵面 人木處則惴惴 ,魚鰌然乎哉

銀牙

切

法蘭西游記 三〇七

得之欲

,如歐

人之衣屨

,

時制緊切量身之切線 ,

,

而

無使

( 鄭汎焉

,

而

後親切有

味

0

康南海先生遊記彙編

宜國其 爭道 之太 所非

宋後學者之過嚴也

,束縛馳驟其心

而奪其自然之性

,掃棄四支之歌樂舞蹈

而失

,非國

今吾國之立制也

,

重爲任而責不勝

遠爲期而責不至也,是敎民之詐欺而後已

也 矣

破 崙 死

雄之末 路

英

世所宜哉

其條暢之天,其道太觳,去于民心,民苦不堪,非益生之宜,民種不茂

榻 樓下一室, 纊 垂 絕 奄奄英雄 , 其子 見拿破崙將死 末路 愁眉 側 , 我心惻之! 坐而 侍疾 蠟 像 , 雄心 臥 一桌二几 帳 屈于 中 , 短

之無常 難再 緣 哽咽者已。苟非知道 盡 則 斷腸奈何, 絕 , 本縱浪於大化 塵 而 去 , 假以 斯亦拔山蓋世之雄所凄楚 ,能不不痛心!知來去 黄金鋪 , 喜懽 則 地 乘願 , 終有 加 來 崩

之山河;

殘喘離魂

,

將爲蓐食於螻蟻

0

奮

飛

,

海波淼瀰

追懷夙昔

,金戈鐵

馬

,

已 爲

昨

Ė

遠志抑于近慮

幽于荒島

,

斜對

夕陽

之時

,

成住壞空

,

何戀何愛?藉非爲救世度

决

眾

廟那 打 攎 泵古

奴 利 故王

詩

見拿破崙臥帳殗殜則爲之惻惻 痛心也

觀拿破崙紀功坊巍嵯峨參天萬馬欲躍旋視其陵文石爲櫬旌旗繞之己觀蠟

八而來者,雖有英傑,西山

日薄 , 漏

一鐘鳴,能不悲乎!

滑鐵廬中龍血黃 ,囚龍絕島太蒼涼。 萬里戰雲收大海 百年霸業對斜陽

殜日 扶歸櫬 ,奈何低唱月微茫

## 過奴利故王宮

觀闕嵯峨表石坊

0

0

旌

旗

黯

淡

最痛總

帷

奴利故王宮,斷 牆猶在

疑高廬舊物

# 遊那打攎泵古廊

那打攎泵古廟 , 西十 紀之物 羅

聳峭古極甚

此園極大,廣凡三千萬邁當 自拿破崙紀功坊 驅車 大道至杯 , 開數 倫 條之 束

廣路 以走 馬 林木蓊鬱 9 車 馬 駢 輳 而

入園後不見其多,蓋廣大疏 通故也 0 未

法蘭西游記

當凡三 千

邁廣 萬

人園 門 , 有 數院 落以 賣茶酒 , 皆在 林 木深 處 , IE 門有石坊 , 上立人 、坐四 馬 , 鳧 車 雁 像 無數 , =

·之景 門甚 坐臥 待客 眼 , , 呷 或 , 喋湖 # 植 與 處 , 秋千 綠 紅 , , 峭 遠 草 花 麓 中 崖着屋 相 樹底 中 , , 爲 或 游 極 映 長島 夾 客棹 , , 、綠枝 Œ 少女游 無 , 當來 蘆葦繞之 窮·吾亦飲 小舟穿錯其間 , 而 , 復 或 後 嬉,島上則 斷之 ,都 石 「激湍 , 酒 八士女 中間 , 島中, 通之以橋 波 , 雜樹 島首 有大茶屋甚 , ,携壺絜榼 · 倚橋 或 線陰 籐 尾 垂 盡 視白鳧之唼喋 , 礙路 處皆有亭 環島爲溪湖 , 華麗 苔如 掎 , 時 錢 襚 , 聯裳 方五 厚 外爲敞亭 , 首 , , 彷彿 處斜 不 月 以小舟渡之 , 藉草 知日之將 , 海 坡 Ш , 棠覆 中 綠架白幔 島 , 種 邊

,

沿

島

爲

徑

地

,

猩 邊

紅

,

鋪

毡

樹

底 照 樹

植

花

,

兩

,

松遮

京

中

場 或 中 之賽 馬 氣如 則 爲 賽 秋 馬 塲 Ш 阜 ,

又有

石洞之山

堆

右爲

洞

,衣以草泥,

激以飛波

,

倒

**沐激** 

流

,

有

如

瀑

0

泉

聲

濺

玉

,

冷

,

A

世

湖

後

上長松鐵

磴

,

夾

以

曲

闌

,

待游

客盤

桓

,

于

是

出

此

,

則 布

深

林

大原

出

林

,

,

,

,

0

繞

湖

近

,

目

宏美

極歐

麗公

東

窮

清勝 人稱 巴黎公園之博 0 故湖 溪島嶼泉石 倚 Ш 草 大深美 綠 丘陵池 廣 , 雖 袤十餘 有不 館 橋 亭 逮 里 , , 莫不 或 亦庶幾 有 具 大 焉 備 事 0 0 歐 歐 操 兵集衆 美略 人于 公園 同 0 則于 雖 , 皆 小 歸宏極 是學 邦 如 丹荷 行 麗 焉 比 , 亦 往 匈 聞 鬭

不能並 不遺餘 皆 並 論 力 駕 齊驅 各擅 然吾概 , 幾難甲 勝 場 而 論之,皆得園林邱壑之美者矣 0 苟非 Ż 0 至此 藉天然之湖 邦既 覺 其 Ш 如瑞 秀美 士者 , 遊 0 彼 , 吾生愛風竹 邦又覺 乃 能 獨 其 出 清 冠 時 , 勝 1 0 扂 雖 此 必林泉, 大 外 地 邦 制 無 大 宜 自 小

,

則

我反未

一見而被沒矣。然大地各國之園林至勝

,

我乃得窮奇盡勝

,

而

搜討享受之

居公爵仙

挖住之園

0

天雖極困

施我

,

而故縱我以山海園林之樂。及築素園

於花

埭 敦

,

坐

對

須

0

甸

,

居

楊

氏之園

0

入

爪

,

0

倫

園皆假 + 墅, 相望 月 書家園 備 繞繁花 , ᇑ 游 及 極 0 及移 半 级 西 居 澹 從先祖述之公讀書 如樓 Ш 湖 焉 勝 謝氏 檳 徧 0 0 及出 住諸 在京師南海 榔 ,七松軒之中 别 嶼 彌 墅 南 祠寺 , 居英督署 洋 , ·岩林幽 游 , , · 自出 居邱 館 緬 連州教官署,即跨擁二園 ,有林塘之勝 ,則居汗漫舫 氏之南 勝 亡居域多利文島之寥天室,則雪山 , 老樹 , 天 風海 疏花 華園 濤 0 。吾粤城則花埭大通寺之煙雨樓伍 , , 廻 暨居丹將敦島之燈樓 老木巨石 , 益 廊 極山 敞 哇 地 。及還吾鄉西樵之北銀塘鄉 林 , ,供我逍遙。 居李氏之食瓜樓 之樂 登山 頂假 0 暨 照 寓英督臬輔 , 居 游桂 海 海波 印 波淼茫 度 林居風 , 大 游 日 吉嶺 游 氏 政三別

洞

七

福

蔭

,讀

一島

Ш

原

何 檳榔嶼暨美國羅省哈佛之公園,蓋歲月枕藉於是;而法之杯倫囿 , 然則 何者爲我 ,而何者非我哉?于各國各園之中,吾享受至多者 亦幾日 ,印度大吉嶺及 游焉

,

蹤跡較 # 亡 日 熟 近 杯 , 情 論 致彌 有 有 深。 游 戲園 吾昔名大吉園曰我園 , 唱戲 飲酒 , 且 放海球 , 此杯論囿亦奚異我 焉 0 遠 周 以 綠 闌 囿 , 亭館 哉 花 木

飛

樓

以架軋 綠 色 城 , 綠 , 中 能 空而周闌廣六七尺,可座數人 養目 , 觀 此 誠 宜 0 球大 五六丈 , , 內 吾與周國賢登 實空 氣 , 檕 焉 繩 無 0 漸 數 漸 , 以 凌空 懸 籐 , 筐 或 |賢頗 , 筐

法蘭西游記

峯 繙

0

巍樓峻宇如蟻穴

,

車

馳馬躍似蟻旋

0

Ŧ

尺鐵塔宇內

高第

,

下覽若

挿

尖

係年滊 事後球 一當 大為 關百

可跨人而携行李

亦自此而

推之,

,要爲百

前

矣

聞

法 物

人有製

飛 公

0



長

蓋受空氣之故

9

又俯望山

JII

,

亦增

也

0

此

事非

小

,

他日

制

作日

精

,

日

往

來天

必

此物

,

今飛船已盛行於美,又覺汽

矣 用

0

至于天空交戰

,

益爲

神

蓋自

超超 乎我今白 日 上青天 9 杳 杏 乎 俯 視 地 Ш 與 III 0 身 輕 浩蕩 雲 霧 脚 底 奇 特 聳

禁不

復設

9

無

可登矣。

是日登球至二千尺

然御風

而行

,天朗氣清

可以四

望

俯

瞰

9

紅

機線野

如畫

, Ш

嶺如陵

,

車

馬

如

蟻

,

眞不復思人世,

蓋羽

化登仙矣

0

神

也

0

後數

日

, 司


壁女來登

,

則

球已墜地傷

風



繞風烟 游惝 原 麼牌坊拿破崙·青邱綠壑大如 筆端。大道蕩蕩轉羊腸 0 恍 0

再入地獄救 **晉聲有樹樂自發,其論微妙入神顚。其俗大同無爭鬭,其世太平人聖賢** 外焉 突厥何 蒼又自憐 0 顏 籐筐八尺懸球下 ,哀爾多 。諸天世界多樂土,一 色好 圏豚 0 斯民 問 0 難醉腥膻 杏 我 或者已渡東亞 何 積食既善見宣。 0 特來世間尋煩惱 能 上虚空 , 圓周有闌空其中。 0 諸天億級曾歷盡 星一界何殷繁。禮樂文章皆特別,七寶絢爛生妙 海 ,汽球之製天無功 , 但有喜樂不哀怒 臨睨禹域爲潸然。 ,不願天上作 長繩絙地貫筐內 , 無欣 0 神仙 汽 無厭隨所便。不忍之心發難 , 長壽無量億萬千。 球圜 或者以我惡濁世 0 廻風飄我天上船 復自虛空降塵土 圓 一十餘丈 德英羅 亦 人民城郭數歷 知是 馬俱冪冪 , 中 , 忽視 何 突出諸天之 實 0 世 輕 0 渺 , 廻望蒼 地球 氣能御 神漢飲 渺 蓮 滅

衆

掌,乃是卅里裒倫大公園 巴黎天下大都會,百萬戶 界何 埃及 青 歷 Ш 霄 0

,么

繩放球 起漸漸上蒼穹

編

長繩

,

割 隨 風 蕩 飄 飄 碧落 游 無窮 吾 [復登者] 球 隳 地 , 諸 客骨 折 iù 忡 忡 0 吾女

0

司 壁後 來 游 , 球不 復用 天 難 通 0 我幸 得 時 升天 , 天上舊夢 獲 迷 濛

#### 遊摩 蘇

唌

蘇

藁

摩蘇 吾以 遠 園 未之往 , 大四 + 0 其 英 畝 餘 小園 , 綠草 0 聊 紅 備 花 居 , 民之游 小 有 邱 阜 朓 , , 不 風景 足 數 致 佳 也 0 0 巴 黎 中 尚 有 遠 稍 大者

#### 遊 國 家 戲園

下能 或

第容 家

一萬 戲

有法

名國

戲

劇 人 院 最 天 容萬 故 「家戲 後 來居 人 東 號 上 , 也 稍 近 天下 攎 0 法 華 國 第 博 戲 物 劇 院 0 最有 然吾 0 石 觀紐 築二 名 披 約 層 華 新 , 競 作 瓦 麗 公 頂 戲 有 , 則 院 女像 固 其所 宏大 , 簇 尚 擁 , 過之, 然以 多 像 聲 甚 歌 蓋 精 之悲 紐 , 崇壯 約 壯 有 意 宏 沈 大 雄 爭 奇 , , 陳 口 ,

巴舍 由 則 百 一戲之園 以 0 德國 以 吾聞 爲上 今奥皇子 黨 旦三 , 法則 納法 , 靡 亭臺林· 靡 而 女優爲妻 已 木 , 但 , 尚 電 不 燈 , 萬千 奥王禁之 如匈之表德卑 並 , 陳 謂 百 果爾帝 土 戲 也 , 士女雜 0 位不 然巴黎之盛 沓 能 傳 , 達 爾 名 日 , 乃 皇 , 蓋 散 7 乃 亦 0 吾 徙 有

妓 女 女 多 + 之位 居法爲 法人 其 不 , 自 領 民 而 由 牌 流 0 既甚 者 昔 緑 於巴 荷 , 闌王 尚 黎 故 不 子 婦女多不樂產子 知 , 其 則 戀 數 巴黎之所以 法妓 , 豊非 ,  $\pm$ 夫 公歸 令 F 有胎則 之異 X 流 將 傳位 聞 連 示 隳之,以故戶口 乎 ? 返 9 者 亦 而 亦 貴 9 家富 蓋 歸 也 有 女 在 0 日 矣 各 少 亦 或 0 王子 蓋 多 聞 巴 自 有 黎 同 出 妓 寧 治 而 舍 九 爲 + 帝 妓 年. 五 者 萬

戶人 爲家 萬黎 口多妓富 日隳 小 0

,

,

故法 出貴五巴

黎帝奥

位皇

而子

戀蜜

Ξ 74

衰進各 而國 國際 亦胎 法人乃口 然之 風 美 日皆

德法戰時

法人已逾三千萬,而法亦復

際

之

原

因

薄

于

父子

法美以文明自由聞

,

乃先有之,

且

盛

行焉 0

此其故何哉?一薄于父子也。

夫婦人誕

際胎者 昧之世矣。故婦人不願有子,乃天下之 增至六千二百餘萬,英增至四千餘萬 則復愚, 大變,洪水猛獸,未有甚於此者也。而 下萬事, 多藉此謀利 華醫生在美,多告我曰,美國婦 而法乃日衰,若仍此不變,法可自絕滅 三千餘萬 不待人滅絕之也。美國之俗亦然。 ,十居其八,吾不忍爲之 皆賴 人類滅絕,則大地復爲狉榛草 ,就此二三年間,德之人口 雖國 人類爲之,若人類減少 有重罰不恤也 人多請 0 夫天 他人 吾

姙生產 **父子,二十後別爲自立** 苟非終身所藉 ,至苦事也 , 倚望其子者 0 小者不便縱欲 , 娶妻自由 , 則 必不肯忍欲耐苦 , 雖歲時省親 大者且有性命之憂,至于保抱提携 , 僅同作客 拚性命而爲之。今歐美人之于 ,其父困絕而不必養 其 (事尤難

其母 病 而不之事。在印度與一英警官鄰室,長夏周旋,茶會如雲,未嘗一 見英警官之

屈指 無。 吾詩日 然,一爲商 吾車夫,年六十,老矣,吾問其有子女否?答曰,二子一女,女嫁法律士,一子亦 也。然在中土,安有職官而令病母獨居於七里外,七日乃一視之者乎?又一美國人爲 母也。嘗告我曰,吾母居七里外,今多病 汝國女多隳胎,若然,吾爲汝亦欲隳胎矣。車夫乃大笑曰 乃無分毫之報,安之乎?應曰,彼湏養妻子,安能及我?且人家多然 統麥堅尼論之,麥以孝聞者,然其身死,家產二十六萬,僅以千圓與母 吾亦循俗,早知其見累,知其無所報也。他事如此者尙多,今不暇徵。但以美總 吾不責望之。吾乃反語詰之曰,子女無用,不報至此,然則汝竭力養之何爲?聞 計日 吾日 , 汝子若婿 人須六千。 然則汝尚湏備 ,吾詰曰常見汝乎?曰皆在遠二百里外,不見年餘矣。<br />
二年亦嘗一來省 ,有金錢孝養汝乎?曰·無。又詰曰,彼來省有所留獻饋乎?曰 吾曰:汝養二子一女,費幾二萬 敷日之盛饌矣。 日 ,吾每來復日必一省之,彼蓋以其孝告我 , 然 。吾日 , , 汝養一子, 而今汝老作 ,誠如君言。但人皆養子 , 學費金質 非 車夫, 彼獨不肖也 ,以麥之賢 ·汝子女 幾何 ?

以二尼美 千十死總

**獨如** 

此

,然則爲婦女者何所望於子,安所肯捨性命忍嗜欲耐勞苦而生之撫之,無甯

預絕其

萌以省事耶?我國人民甲大地者,蓋由

重父母而崇孝養之故

,

故婦人皆望有

子,乃至有懷假胎乞他種而求之者,輕重相反,故求棄亦相反也。一婦女自立也,凡

女自 立 天下之忍苦耐勞而待人者,必其不能自立,不得已而出之者也。苟能自立 , 則 自由

, 何事忍苦耐勞而待無所謂之人哉?今婦女之於子也,產之至苦也,撫之至勞

富貴而我尊榮焉。甘耐無窮之勞苦,而思有以易之。今我自能養,我自能富貴尊榮 也,育之至艱也,不知若何艱苦,然後得子之成立,則待我之老而子養焉,待子之

無事于求人待人,然則何爲竭十餘年之力,忍苦耐勞 ,而生子養子哉?無甯預絕

其萌 而先隳之。故法美之婦,以自立故,皆不願生子,其仁慈者亦謂已生一子亦足

矣 獨立,然婦女獨立,則 ,餘則隳之矣。其爲學校敎習者,且多不願嫁人。夫天之生人,各予人權 人不願生子,而人類將絕 ,豈不大可畏哉!美之禁隳胎也 ,使之

圓禁美 罰國

罰銀六千圓

銀鷺六胎

立法

之

難

失乎彼,抑女則非平等之心,獨立則絕種之患,談何容易,得其宜乎?今之學者

,囚三年,然不足以禁之。法之禁例,吾未知。

然立法之難

,得乎此則

豈知得失萬端,盈虛相倚,觀水流沙轉,而預知崩決之必至,苟非虛心以察萬理 一班中外古今事勢,但聞歐人之俗,「一切而從之,謬以彼爲文明而師之,豈一切而從之,謬以彼爲文明而師之,豈

因原 原其始而要其終,推其因而審其果者,而欲以淺躁一孔之見,妄爲變法,其流害何

可言 乎? 果要變終法推當

百戲 園甚多 , 以亞拉羅士園爲至繁麗 0 園中有戲館茶室跳舞秋千 ,門前騎木馬戲,電燈照**耀** , 並 陳 百戲 廻廊

法蘭西游記

幽榭

花

木繚曲,高塔詭奇,士女雜沓

,

竟夜不絕,然

微 賒 喇 舊 京

之乃土 百閣 近百年驟長之俗,非歐土昔日能然。雖以法久爲歐霸

與丹墨老屋同。 高丈許,多覆以茅尺許 與今北方屋同。乃知歐土樓閣崇麗

邑不過卑陋若此 , 則吾中國之卑陋,亦不足異也。蓋機器未行之世,人民生計之程

,而路易十四稱雄歐土

其京

乃

器過人力者略三十倍,人民生計之程度亦三十倍 度有所限 ,欲爲壯麗而不可得也。故新世人民之生計享用 可以此推之, , 皆機器爲之超擢。今機 甚矣!物質關 於人

論治 效

世之重要也

0 蓋

人體皆是物質

,故養之亦用物質

Ù

德爲斂體

物質爲漲

體

斂者

器之效力

不能比倫敦之兒士葛也

若較

紐約之權娛埃倫

,益相去遠矣

不如此 尚有近埃及華表處二所,益

遊微賒喇舊京路易十四宮 ,近京


者不過二層,餘無樓,斜瓦下垂 距巴黎汽車行一時許 人民稀少, 屋甚卑陋 老屋高

,

高聳

萬四

郎費路



益昌

,機器益盛,此其效也,而奸詐盜僞之作

此宮路易十三築于一千六百二十四年。路易十四

亦日甚矣。是故聖者之導民,蓋難之也

皆擁女看劇

,華衣盛飾

,而物質之學益明

百產

入,以五十元租屋而盛飾之,人民日放工之餘

處三十戶,左右略低 層 耳 形 0 , 樓後作大噴池 似我午門。 而中又爲高塔焉 塔及屋 外,有路易十四銅像,躍馬如生。宮崇三層 道植樹 郞 以石塊如磚大,砌之甚不平, 長數十丈,正面又分中左右宮門,中門突出 更大之,圍牆凡三十五啓羅邁當,費至五萬 ,法人誇爲地球第一。 宮後作突形 無際 ,甚古朴, 池四周 0 正面横廿七戶,左右各卅七戶 , 宮門外圍以鐵闌 立銅像人物像甚多 甚莊嚴 道廣廿丈,以兵房夾宮門 近宮處有駐兵 , 樓石築 似吾國 敞 地數百丈 , 費 純白 甚 。大門內 一營 , 巨 色 凡廣 萬 而 , , , , 大 中 横 皆 有 極 頂

法蘭西游記

精。

左右植花木,降三成而至平地。又有大噴池

上下五層

中有立女像


,

五層之

立像甚多

旁室僅

千六百尺,宮前作



四周 岩洞 並 道 池,亘數里許,以樹夾之。園分四時,其夏園 作 皆如一。大噴池正對殿後百丈外,夾道中作一長 爲噴池,周立石像,如此凡數十焉 , 花外環樹,樹皆剪齊作方形,極望十餘里 噴涌,周環立石像無數。繁花石磴,上下環繞 噴水池八十,自殿上俯視甚瓌異 皆臨池水 ,石像無數。此外林木參天,中皆開 一横大噴池 ,立銅石獸頭 其雕刻皆以一石爲之。又有別館廻廊 ,兩旁列像 ,池中鑄人馬在水中數四 ,口噴水,如霧如浪,數十枝 , 長池 盡處 ,極目綠天 。園凡千英畝 , 又開 敞 , 地 圓 敞 周夾 圓亭 地 , , 樹 中 有

寶座上有 殿中廻室四周,與各國略同。其舞殿宴殿寢殿,長二十餘丈。藻井皆畫以雲氣 門用厚玻 華蓋 , 左右列白石像無數。其正殿朝處,刻金床,高三四尺 , 前 有棹 9 外有 銅闌 , 其 几下多交脚 ,若中國胡床式 0 , 四周 其 坐處倚 多飾 , 盤金 處 金 0

覆岡陵無際

經革命毁後,今尚有大觀焉

几榻皆用織畫

·山川人物樓臺

,最爲精美,此路易十四原物

,

他國博物院得其一几

畫岳大 黨革 殺命 人時 之山

婦羅 之易革 像蘭 夫 六時 人 簽迫 夫 名路

P

一爲瓌寶矣。穿殿十餘

,

最難得者

, 在其

,其十六紀之織畫,精妙

絕倫

徧

于牆

,

及法

0

有羅

令人

壁畫

立于旁,至今觀之,尙想見革黨屠伯專制慘酷之狀,眞令人惶悚 旁立 命時 畫 書記唱 Ш 岳黨殺· 名 , 卽 人故 牽 事 出 獄 , 是時日殺五百人 殺之。有二將 壁, 蘭兩 生 與查理第七顯道第四 傾倒 簽名之圖 之大禮大事圖 皆投 有 路 o 蓋自法之前王妃后與鄰國之戰圖 夫婦 登樓則石 與意大利戰圖 易十五尚 ! 而焚香碎玉,芝艾同焚 燼 昌 , 兩黨相爭之圖 騎 像 , 百雜髮 閱之至慘痛 馬 像無數 , , , 羅蘭 皆在焉。革命時迫路易十六 中坐爲老者, , ,大將迦士的科死之狀 第 卽 夫人 ,有革命時喔勒布演 ,大臣皆披假髮 八像 T 度也 ! , , 秀美如蘭 皆在於此 有 , 及其 卽 路易十四 0 , 羅 Щ 無賢愚 岳黨魁 大臣 而 蘭

肩

衣

各像

十五 才士

之鑒也!

甚端

秀

,

技

土馬

辣

圖

,

有 大革

爲

前

車

夫

X

貌

說

如

其 畫路易十四卽位圖 臨議院圖 會西班牙王非獵第四圖渡來因河圖 , 拿破崙會俄

意第 圖 國一 唯大 尸走馬如生。 昌 逾丈,如吾紫光閣矣。法人噫鳳畫法英戰俄圖, 主亞力山大圖 云 三卽位圖 0 其王子篤多瑪以五百人大破阿刺 維也 ,暹官謝罪于拿破崙第三圖,如見古王會,備極 納 此圖 與阿 ,一殿懸路易十六閱兵圖 長九丈 刺 伯戰 圖 ,爲地球圖畫第二大者,若地球第 , 拿破崙自俄出走圖 伯 , ,一千八百五十六年公使大會圖 阿刺伯 色狀佳絕 主衣黃袍 , 大雪滿地 **「莊嚴。其戰圖尤多,皆大** 。其路易非立 , 似中國 一大畫 , 臥 枕于 , , 在 轍亂 意國 與阿 ,拿破崙第 一卒之手 旗 刺伯 匪 靡 呢 ,

呢畫地

士在球

氣象慘慘!

拿破崙助意戰奧奏凱還宮門圖

, 其

一畫

一千八百三十二年

-法與

八荷蘭戰

+

伏

各

戰

也。穿 絕倫 圖 圖。 , 周環 戰 極 ,擒阿 其 畫 麗 , 畫亦多且絕倫,故法人以爲一公衆勝地,後有大事,皆懸圖于是 無數 拿破崙第三戰 五 一殿爲路易十四大婚祭天處 色玻璃柱 刺伯大將而釋之其母致謝圖 樓 F ,不可勝錄也。其前十年法總統噶爾諾被弒送殯圖亦在焉 字殿 凡數 , 皆文石 意圖戰俄圖 7 重 , , 極躟麗矣。有見各國使臣殿 其最舊一殿,爲彼一千六百二十四年者。其后妃殿 ,戰 ,爲其一千六百九十九年 普圖 ,戈戟森森 又與俄戰于黑海之卡來 閱圖 ,戰地慘慘,如逼真也 ,其各毀室皆 ,文石爲地 0 百門 0 蓋此宮閎麗 , , ,以示後 書 所穿各殿 戰 飾穹蓋 摩洛 飾金

上下皆文石

,地下砌花

威

賒

王宮之奢

仲武煬 侈 人,王族家從二千餘人,共萬六千人,歲費二千萬。宮女飲食歲支八百萬,若不時 威賒利宮苑囿二十九,高臺四,給事宮殿四千人,瑞士護兵憲兵守門衞兵九千五百 其奢汰如此 幸百四十九云。王所私入歲二萬萬,王妃一指環值三百萬,近侍歲俸一千三百 室從游。一日接從人之費,湏十萬,王十四年中除獵外,凡巡遊二百三十四, 宮十二,歲費百餘萬,修繕歲費八十餘萬。王每畋獵行幸,自貴族侍從宮人牧圉 之役百三十一,獮羊兎之役二百六十有六,獮禽之役二十有五,每役三日 得八九千,自一七五五年至一七六九年,凡十四年中, 禁民出入,王與貴族,歲時畋獵 六百人, 魚鳥費四十萬 之賞,中飽所得,則宮官俸入百數十,實得數千,女官繁多,皆無職事,以爲榮飾 , 御厨歲費百四十六萬,膳夫二百九十五人,膳長歲入三萬四千, 民 何以 堪 **廐御歲費三百萬,其俳優牧**犬圉御 0 若孫皓 以中國 ,宮馬四千 大朝 高洋陳叔寶偏安小朝,則立亡矣。法正其比 , ,若漢武帝隋煬 輿輅二百二十,鑾衞壯麗鹵簿千五百人 , 兎豕麋鹿無算 帝唐玄宗明武宗可相伯 ,皆宅宮旁,環近畿百二十里爲 ,歲費四十八萬, 獵豕之役百四十有四 仲 , 孟子所謂暴其民 虞官私售羊兎可 但酒費四百萬 , ,醫技供 蕞爾法國 0 奉者千 別 獵場 而行 若此 萬 射 有 盡 離

身暴弑其 國民亡甚 則

甚

,則身弒國亡,豈不然哉?

可玄漢

相宗武

伯明隋

法蘭西游記

### 遊微除喇宮

貴族 鬻爵 微賒喇宮 是大將軍告身 理第九顯理第 列爲貴族 裘之舊國 無可游娛,不若微賒喇京邑之繁麗 僅存四萬戶,凡十二萬人,惟諸侯以國邑荒 日爲削 由 , 當西 封建抑滅貴族之策,至大革命之時 八萬戶至十萬戶 , , , 裂地封諸將爲列侯 更有閎偉特異者, 班牙繼統之爭 如六朝之華腴焉。 三至路易十四歲鬻爵五百餘 , 値 醉 , , 爛羊 路易十四 , 貴爵僅 及王室用兵 法承佛蘭克客維特 頭 其後曾任大官 關 値 內 ,一以縱 , 收攬 侯 五 矣 Ŧ 大權 金 , , 諸侯 于是 頻頻 及查 燕游 僻 , 眞 ,

故當時十萬諸 , 皆出 以 宴 劇 入後宮 游 獵 侯 , , 以從游幸 清 , 皆不 談 諧 戲獵 謔 居其國土 , , 角 供談笑爲榮 , 技歌 有聲色狗馬之樂 , 而環衞宮禁 舞 為事 0 其權要重官 0 才者擅丹青筝琶之技 ,一以供奉宮禁 , 皆有邸第于 ,皆貴族任之, 微賒 , 町 喇 媚 宮旁 攘 然 激 女

娛客

,

長夜爲權

0

昔梁世貴族子弟

,

隱囊塵尾

, 清談

謝事

,

以望空爲高

,以任職爲

皆不

預職

事

與

以其夫人

權寵之榮,

金爵當 僅時

値 鬻 五 爵 十貴

世微

界賒 之喇

關宮

係與

隱路 謀易 + 四 之

未易

凝之也

0

若封建之隱權

巨收

,

而

小民之疾

苦

閎

未解

,

彼所憂者在收貴族

,

若夫民變之禍

,

則

古

未之見

,彼心目所不

及矣

0

事變之來

,多

出

所

備

之外

者

難自

古

英雄

,

不

能

防之。

唐

太宗

手

定天

K

,

大殺

姓

适

者

,

甯

知

剿絕

李

氏

者

,

乃

在

宮女

幹弱支之隱謀 法是時乃正似之。 其 , 以隱 且 , 收 以 い 驕 侈 不 拾 銷其據土抗令之雄心 封建 而 足 以十二萬貴 , 爲 , 關內侯之 竊 及 之侯封 府 博 路 或 封 法之古者亦 異 族環列 土 庫 易十四之隱謀者歟 過廣 晉之八王 虚爵 , , , 是 則 雖吾 , 禁衞 無 日 中國古今未 , , 特 尾大不掉 如 月 異 是 盛飾宮苑侈 統之中國 稱 一舉 宮廷 , 唐之三 兵 , 間 微 而 , 又與 滅十 有之。 İ 論 , , 而 鎭 驟 故 春 , 秋之諸 極 帝 畋獵聲色游娛 萬之侯國 此宮之供 日 , 國之貴 蓋皆 意者路易十 無道之秦始隋 耳 者 曼諸 頻 無 戰 侯 奉 矣 富 帝 術 也 , 侍 以 而 0 , 0 觀 应 實 善之 以 從 但 無 , 以 縱 漢 日 煬 未 如 , , 之 耳 大 爲 奢 瓌 有 , 何 ,

曼 集

雖

七

鄙

,

盛容


飾

侯于

闕

歟 ! 此固 未 能爲路易十 四 責 也 0 苟 非 路 易 盡收 列

關係之大,皆未能比焉。瑶臺不遠,隋宮近鎖,令人感嘆欷歔,可咋可駭也 亡在是,全地萬國之民權立憲,多激起于是。追思當日阿房未央上林西苑之華盛 侯于一京,則民黨百變 ,何能一舉而熸之,是亦路易之功也。但游是宮,而法之興



# 遊微賒喇路易十四故宮

上苑旁。舞鸞猶鏡殿,畫象徧椒房。拂拭金人阿房三百里,髣髴見秦皇。跡是瑤臺後,花繁

淚,英雄事可傷。

走諸侯。歌舞收雄據,貂蟬艷貴游。隱銷封建追思繁盛日,宴劇壓迷樓。三千備宮女,十萬

**患,英主自深謀。** 

廣,憲法大橫庚。結維城。封建從銷弭,民權乃發生。夜呼聞涉結維城。封建從銷弭,民權乃發生。夜呼聞涉歐士千年亂,封侯肇不甯。兵戈雖滿野,磐石

### 游賖華磁廠

賒華磁廠,爲法國製磁第 一廠。距巴黎滊車亦 一

時許

,沿途夾先河行

,

綠草豐縟

9

人家樓閣甚多

,門橫大橋

,停車處卽磁廠也


0

門

甚壯麗

,

磁今搜 數集千各 年國 之古



多,約千數百件,然陳舊不變 之磁,自埃及羅馬至今歐各國 即其博物院高三層極壯偉 ,亦可恥。 無不備。吾華磁尤多,列至四室,多明製 各國之磁 必不能更求新奇以軼過前 若不備各國古今之磁以窮極其色澤圖畫之異 , 不復詳述。 色異花,光怪炫目 樓下置法國新製之磁,樓上置各國今古數千年 取花葉至嫩之色爲之;又多取象於天色 但開 , 樓下爲此廠自製之磁, 比各國博物院尚有過之。 廠 , 其所考據之宏博,已可驚矣 ,其色多淺黃淡碧,淡白淡藍 人而 冠絕各國 陳之四 所見已多 ,紅藍花爲 也 一,晚天 廳 樓上 , ,

則

0

新

前後徧遊德英瑞典丹墨荷美, 觀 各國製磁廠

金花襯白者

0

又多作冰紋式

,

亦

多畫菩提花

0

吾

,

意

有金繩繞之,

此則

極

偉麗

,

其作

人物甚

精

亦

有

風雲大變之狀色,其器多突,大瓶數尺者

,

亦

多

復見之。其佳者有黑底襯白花

,如雲霧,又多取

露抹,昔人所稱雨過天靑之色,不可復得者,今

三二七

之最精工,而非各國所及也,如比之古者,益過之遠矣。引觀其製磁所 多黄,德多碧,荷多綠,英美多白,然少變化,其侔色揣稱 , 無有及法者。 法亦與各 信乎法磁



極清 妙 矣 見德瑞諸游記,其要處在擴 成水引管, 0 此名國 , 惟聞 他器類是 ,累次愈多,至極白極柔 專工之通例 其着色精妙 出之于範 , 此法比德瑞 0 , 處不示人 即成杯 其 他 爲 泥

,

有銅桶置泥澄之,

泥來 華 各國古今比較 約古今進化之序 磁 今吾國人亦漸製磁爭利 肆 而吾國自有 , 皆舊式 , 但 , 覺古器色不艷,花太多 由瓦至 其泥而不知精製之,亦可恥矣!吾游徧巴黎 ,問之肆主,云不銷流 磁 ,而非有大改良整頓 , 色由黯至明 , ,蓋色不新,花不妙 花 即近年盛行之式 ,豈能與法爭乎?吾意今欲以吾磁泥 由繁濃至輕淡 , , 次序秩 亦覺其塵 , , 宜無人過問 人皆不甚購華磁 然 舊不 , 不 可紊也 堪 也 0 0

大

以

運磁 來泥

中國

極滑

0

無少渣滓,然後成器,

而加色加花耳。聞其泥購自我國者,彼數萬里運我

而

:備鑒其得失;一派人入法德日英各磁廠學其

,

盡購萬國古今之磁

祇 滿 祠梯 也 地 利



今,仿歐美之什器,二者兼備

而日求精工

,

則

萬國

0

磁

然後爲二種之磁,一仿古,師吾國之古式;

磁以資法式

,附記于是

,以待後之人焉

, 吾之游 多留 意於 此

, 既徧

購各國

。巴黎市長最有權

,乃不如各國者

想創

前三層遠不如奥丹市

長署

#### 梯 乜地利

穹隆崇 滿梯 之勢 1 ,蓋印度制也 地 , 利祆 上有亭 丽 , , 下列百戶 在巴黎之廊 。登此可俯瞰巴黎全城 , 岡 左右二塔, 頂登淚球與 前樓作三尖形 ,雲裏雙闕,春樹 鐵塔 皆可望之, ,左右二小塔 萬家焉 自氣車 下 , 其 可 陟 簇擁崇雄 0 員

三二九

0

法蘭西游記


畑

弗

列

武

甲像世各國鐵



# 遊烟弗列武庫

御 用 之比 百年 武 文獻不足 吾國 層 在 前 李存孝之鐵甲, 亦蒙鐵 矣。入門右室 焉 院敞地數十丈, 庫 甲 全屋皆是 , 物 横長數十丈 繡 唐宋詩人之稱全甲無算 在拿破崙陵塔後, , 0 龍 卽 鎗有 0 雖不如 面 武具進化之跡 , 眞中國之大恥也! 正室有各國 銅片蔽足 具 連 , 排如笙 有 , 皆其著者 (徳之壯 僅 跨 , , 有其 露目 體制宏壯 陳列古砲,林木整整 馬 者 , ,二玉如意夾之。 圓 與 十六紀封建世 麗 , , 馬 拱 千六百七十年所築 非 日本之鐵甲像 , П , 此進化之跡 以 亦 然法故霸國 如弓,有長丈許者,皆 武 ,各國古今仗甲胄皆 , 衣鐵甲 若狄青之銅面 通光與 服 , 置 一各國 一之各國 氣 , 咸豐十年 , 亦 將 , , 亦爲 院 成衣 必 在 士之首 其 鐵 不 具 焉 甲 櫻四 也 兵 精 像 第 服 能 粗 ,

服 之 比校中 吾國 免 法英 0 御用甲 惜古物 聯 , 非 軍 -胄及將· 止慚色 入京得之者也 不 存 無 土之服 亦覺異觀 以考 0 存 據 惟 焉 , 兵 此則 , 0 蓋不倫不類 士衣寬袖 掛 , , 眞 背 非尚 心 博袴 武之國也 , 直

0

觀吾國

戲劇

,

武

士

可我

愧國

軍

弛吾 之國 原軍 因備



服緊身多鈕,而窄袖窄褲,甚類 歐人兵服,未審何時易今制 本朝綠營無用,已二百年,故兵 袍,因而不改 熱 ,若投之萬國競爭之世,則 居常服爲之。湖南地近南方,至 伍久不聞戰事,其入伍也,以家 ,故多寬袍博袴 ,以此內戰則無礙

,曾左草草招

爲

戦國時 之盛 宏規 數百年無兵可也。夫苟如歐洲之羣小競爭,安得不治兵?安得不日膏塗原野?觀吾 笑具矣。蓋吾國一統久矣,養兵僅爲警察,只以捕內盜,原非以敵外侮 殊異 行其典禮,旨哉!樓上有同治十二年金陵局所鑄之砲十一具,法人庚子年所擄者 皆悉主臣,聽吾鞭笞,無敢抗行者,故可罷兵息民,僅存巡警,此眞一統天下之 動 , ,魏有蒼頭,秦有武騎,齊有武士可見矣。惟爲一統,天下一家,環我小夷 而 ,但今者滊船大通,萬國溝合,吾已夷爲列國 而非歐人諸小競爭所能望我治平也。然則兵衣寬博,乃益見吾一統久安不競 **猶用昔者** 一統之體,以待强敵 , 則大謬矣。 ,非復 故道莫大於審時 一統 ,多夏既更,裘葛 ,故謂 觀其會通以 通國

英雄之崇拜 拿之黑木几,拿破崙之佩刀用槍咸在,皆以玻橱藏之,歐人之敬恭英雄以興觀感若 又有吾國破長丈許者,吾之兵服若此,此砲固宜在此也。有劍玉首金匣龍所鑲寶石 ,大套三,馬衣一,行營鐵床碧絲帳薄褥褥甚敞,冠服與今略同。又有囚于聖咦利 ,刻太阿劍三字,云一千七百年所得者,不知吾物抑安南物也。拿破崙遺衣物甚多

制類中土,抑安南物耶?三層樓有軍陣 此也。有金甲白銀盔金飾,上有牛髦珠頂 玉牌,有安南王封法人多油尼為翊國公勅書 他軍用器物 多,但不如德之武庫製縮型,尤便覽者 及安南官服甚多 ,皆不如德之備也 0 有威 武將軍 圖 , 其

## 巴黎開闢之次第

島中黑線 難經商在此,凡三百年,爲該撒所破 高盧始在先河之中一島 曰十六十七紀,當國朝之初 西十四紀半,渣理第五開闢 。一一四十二紀當宋時漸闢爲 ,開闢最先,當時避 , 增至第四虚 至 第 ,是爲 虚線 三虚 線

法人口三千八百四十萬

,當百年前

,法人口二千七百萬,英僅千五百萬

百據

一西年系

法地二十四萬四千一百英里,與德相等,而略小于奧,亦大于吾四川四萬餘英里

今巴黎二十之一,何雄麗之云?故時民居多丈許茅屋,學者耳食巴黎之盛,切勿以 線。四十八紀末。增築虚地利城,爲第五線。因十九紀中,闢至曲線,爲今圖 笑如此! 今日之法,比例百餘年之法也。柏林六十年前,僅七萬人,今愈三百萬,新世進化 古無可比 ,當我宋明,尙如彈丸。卽路易十四雄霸,在吾國初,第四線之蕞爾 0 吾亦驚嘆西歐百年來之治,但當知彼百年前,不如吾中國遠甚耳,可 不及 。以巴

# 二 法國形勢

波, 略當吾兩省地。而地勢居歐西,其南北西三面襟海,東鄰日耳曼,西越海與英 而人秀發,其西南爲牛斯比山,東南爲阿爾頻山 也。故法與之南爭羅馬,北爭諸侯,亘古若北朝周齊之角立焉。以地濱海 西班牙,千年競峙而互爭。其地雖僅得日耳曼之半,然日耳曼以封建日削 故人磊落而英多,法實有焉 ,抑發揚之狂度太過,法人之梟,使我高蹈 ,其山高峻而嵯峨,海水泙渫而 , ,無能爲 故壤腴 也 ,南與 揚

法蘭西游記

年慶

也今則英人四千餘萬,遠過于法矣。德在道光中,亦遠不若法,今且六千餘萬六今則英人四千餘萬,遠過于法矣。德在道光中,亦遠不若法,今且六千餘萬

原人爾驟各 進國 因口 獨人 不 進 之

法口 不皆 過法以倍 胎爲事。 政府設法獎厲育子者,然卒不能救 0 各國人口皆驟進 ,惟法不進。 聞法婦女,皆尚自 , 此非細故也。 由 蓋大地之不致狉榛者 , 不樂有子,

哺之 姙 立紹 惟人民繁庶而開 育撫養之勞苦之甚也。 自孕姙至誕育 成 而 產 提之携之, 而復還于全球狉榛之世 , 則 痛苦呻吟 , 撫養至苦矣。 闢之。而人之生也,皆賴婦女,婦女不願生子,則數十年間,人類 夜則 如割 輾 故孔子立法尚孝,教子報之。 側號啼 ,或有害及生命者 當其姓 ,是雖洪水猛獸之禍,不烈于此矣。夫婦女之生子 , 則 撫摩按抱 也 , 行動 飲食臥起皆不便 9 , 幸而母子無 時 而竟夕不 故詩曰欲報之德 寐 恙 ,男女之道又絕 , , 當餐不 則 撫嬰劬勞 , 昊天罔 食 , 以其生 乳之 極也 ,至

殖中 之故 故人 繁 生子之望,人無隳胎之俗,故中國人民繁多,

以中國之厚于父母

,故女母樂于生子,

而望倚養于終身

,

報之于耄老

,是故女有

過于萬國

,

蓋

有

由也。今歐美之俗

勞之苦而爲之, 養父母,孝者歲時朝謁其母 人人自立 亦不可 久。 ,父母不能有其子,劬勞而撫子,子長而嫁娶 今美國際胎之俗 無所望 , 無所欲 , 有同賓客。既無得子之報, , 有 , 同于法 無所報 ,婦人居常之論 而爲之者 , 非 , 則 別父母而遠居 人情之所能 , 皆 何 示 爲冒死亡之險 願 有 子 也 ,積財 矣 0 强而 0 德英婦 竭劬 而 行之 不

歐美之人口,不其危乎?嗟夫!道有陰陽 女之好淫樂 而 自立 , 今雖未至于法之地位 ,即事有利害, , 然獨立之風旣 婚女亦天生也,不貽婦女 扇 , 亦 必 不 能 久矣 然則

故以隳

印

以獨 身,誰肯劬勞受苦而育分身之子,苟未至于大同 立 則 抑女過甚而不仁,然荷盡聽婦女以獨立 ,則 ,則 調 停 息息行 兩得 樂,以 , 此 亦升 顧 平世 其 有 至難 生之

大題耶!吾深思而未能善之。抑女旣甚,仁人憫之,天與

之多

五於英人十·

亦自由

太甚

而

則人道之滅絕 可憂也。 吾于法美婦女之趨勢有懼焉!

獨立之勢日盛

,大化浩浩

,

洶洶轉移

,

而人不知也,亦安能逆之哉?若順

風

而

人權之理旣明

,

則婦女之

法五十年間 0 法之產人最少 , 徙居 外國 , 而死亡多于英國十之五 者一百五十萬 , 各國· ,平均人壽 人之入居于法者僅八十萬 ,亦短于英人十八目焉 則 比意人爲 或

,

淫佚過度致然耶!然法人雖少于英,而勞工多于英七十餘萬,則

以

理財

滊 國之强弱 致富之術不 ,視蒸汽力,法國之蒸汽四百六十萬匹馬力,內中鐵路九十三萬匹,汽船 如 英耶!民旣困乏, 則衞生易損 , 而壽命有害耶!二者必有一于

八十四萬匹,比之德國七百六十五萬匹,去之遠矣。若英則千三百萬匹,益遠出法

上。然法百凡比校 事事不如德,此則法人太自由之效歟

法國之農

業

法以

葡萄爲大利

, 其園

地四百二十萬益格

。穀

類

三千六百六十萬

益格

他

地二千六

百二十萬 益格 0 林地二千七十萬益格 0 牧地二千三百萬益格 0 六十年 來 所 闢 荒及

以牧 百萬 地 磅 爲 今値 耕 凡 五千萬磅。 增千三百萬益格 然葡萄園却減于昔一百萬益格 矣 0 法葡萄 酒 , 著名久矣 , 每益格 0 在 拿破 , 崙 英畝也 時 , 値 一千九 每畝

法蘭西游記

可得

酒二

百

加

**侖,然尚不足本國用** 

,歲自外入者

,與普戰前十年

,

四千八百

萬

加侖

者僅

沈 湎 之

法 國 人之沈

湎 不飲, 不鮮 酒之風 :「羣飲 飲酒 五百六萬加侖 後十年 小過 酒家請日 所 , 經 夜臥于道而 ,六萬萬六千三百萬加侖 , , 汝勿佚 小市 何至懲以殺刑 ,平均歲輸入一萬萬八千萬加侖,法人之好酒極矣。吾游巴黎 , 大衢 吾巴黎無不飲酒者,乃爲飲之,則法人之沈湎可見矣 0 講于市 盡執拘以歸于周 , 賣酒店相望 , 蓋當時國 , 歸 甌其 ,竟日作工 , 近十年則二十二萬萬八千萬加侖 妻而 俗沈湎之極 ,予其殺」。此與道光年間重懲鴉片之刑 爭殺開鎗致死者 , 所入盡付酒家 , 故欲以此嚴警之。 , 比比也 , 而導 0 淫 閱 吾觀歐 , 報者 而 演殺 0 書酒 輸出 美 同 日見之 ,入店

片酒 毒 烈 於 鴉

鴉片之毒

,弱

人體質

,

其害爲吾國千年所無,然其毒自外來,去之不難,不如酒之甚

,觀其亂狀,與我孰爲文明哉?近世

矣。不知者開

口媚歐美人爲文明,試入賣酒爐

爲

鄰

,

若

此

敗 風

,

惟吾國無之。歐美皆然

,但法人爲尤甚耳

0

蓋吾國

酒

俗爲

過去世

與

酒

人醉

0

夫

平均 千四 相殺 也。 之農夫七百二十二萬,而法農產值四萬萬一千六百萬,英二萬萬三千萬,計法每人 即以烟店之害 出 百 , 萬蒲 產 故以烟酒相比 , 可 雪 値 , 而 九十二詩令, 輸入四 , ,酒之禍于公同之俗尤烈也。 楊横陳 萬萬八千萬 少于英四詩令耳 ,亦豈有譁爭鬬殺之害乎?天下人道之大患,莫甚于 ,即肉類不足 0 然英之農夫二百 法食品皆仰輸于外國 , 每歲輸 入五萬噸 五十二 也 萬 0 , 法每 穀輸 七千 益格 田七 , 法

値

五

十八磅

,英每人得九十一磅

,

則法農業雖有名,

然實際尚不

如

英也

法自革命之後

,貴族之地

,散之平民,今地主已有三百五十萬矣

0

其有十二

英畝以

,

人平均五十六英

上之地主

•

百六十三萬八千人。凡有地九千一百二十五萬英畝

數法 地

民自 約由 之之 起動 原機 將二萬 之倡 萬

人

皆

無立

錐者矣

0

不平如是,怨毒已

深

,

奴 地

佃不甘

,

偪

而

怒起

,

此

彌

勒

約

翰自

由

導

,

騷

民約之起原

,

而

貴族屠戮之慘因

,路易斷

頭之緣本也

0

加

以

舊

教愚民之法

,

壓

制 盧

種

種

,

皆爲積怒之原因

,

而

種民變之禍胎

也

0

試問

中

國之乎?中

陸之地

,

英德

奥法四

大國

,

將二萬萬之人民

,

而

有

農主

, 只

、此四

十餘

萬

人

其餘

貴族三十萬

人

,

英萬九千人,法未革命之前

,

田

屬于貴族十

萬

人

0

夫以i

歐

洲

萬

里

原

八十九

萬

畝

,

平均人三千三英畝

0

合觀奧國之田

地,

屬于貴族二萬

人

,

普

田

地

屬于

畝

0 英國

尚

仍貴族之後,

餘風未殄

,

大地主一萬九千二百七十五人

, 有

地

 $\mathcal{I}$ 

1

t

得自 病醫 國之爲小地主 日耳曼矣。 方 由 之福 , 而 孔子之道, 並 ,已二千餘 欲效法而 , 聽人民自有 年 以自然爲教 服 之。 , 田 而 昔有 地。 今之妄 蓋自戰國以至于今,乃在羅 貴 , 絕 人有 人 , 無 不察 症 壓 制 而 割之 本末 , 又豈若天主教乎?故中 , , 以歐 血 流 殷 人一日之强 席 馬 , 未 命 幾不 出現之前 , 國 乃 保 欲併 之人 , 有 , 不止 貧子 其 ,

葯不 미 妄 服 毒

二自中

千由國

餘之人

年福得

已享

法蘭西游記

今吾

國

妄

X

媚外者

,

自以爲取

法于法

德

,

發狂

呼號

,

日以革

命

自

由 難

攻 合

教

爲

事

,

不

幾

美好

無

病

,

慕貴

人之學

動

,

73

亦 引刀

自 割

,

貌

爲

呻

吟

B

而

剖傷

卒

以

自

斃

類美好貧子,引刀自割,貌爲呻吟,卒以創傷自斃哉?豈止見笑于歐美之識者,無

法之林木 法之林木,培植日增病,不其傷乎!

法之林木,培植日增,今有四百五十萬英畝,值千四百萬磅,每畝林值十三詩令也

三倍,每人可得五十六磅 漁者八萬五千人,歲得魚十五萬噸,值四百八十萬磅,每噸三十二磅,昂于英者 0

法之織絨甚有名,織廠二千餘,機四萬六千,紡綞三百三十萬,用羊毛二十萬七千

噸,值四千五百萬磅。哀摩市百年前未有此物,今則織廠三百餘,織工三萬,可見 其進矣,人匀計十九詩令

法之織絨

織絲里昻爲盛,自彼十五紀時,已製絲。蓋自明末葡萄牙得澳門後,中國蠶桑之法 傳于歐土,而法地頗宜,故法人先爲之也。及拿破崙末年,有織工加克脫 ,創以

法之織絲

機器織之,里昻遂大盛。法織絲廠千百七十,機十萬七千,而里昻居四萬四千,歲

值千六百萬磅。輸出十之三,其輸入者,歲百七十磅,亦相當也。然每人平均,僅 詩令耳。絲于法國爲盛,婦女亦好服之,然實萌芽耳。歐美男子,絕不衣絲也

變矣。吾見歐美人于吾國絲服,皆豔羨之,但畏其貴而不敢服耳。如食品者 絲爲中國天產獨擅之物。他日必當冠帶衣覆天下,中國若强而獎導之,歐美 人必漸 中國

飲饌之店,己大行于美國芝加高,三年之間,驟開二百餘肆,美人爭嗜之,他日各

必日進

,

國

人之嗜吾國之絲猶是也。里昻之養蠶甚大,有法以去其病,吾國若善治蠶桑,

中國飲食衣服之美,實冠萬國,他日必風行萬國。凡美者人情之所愛,絲

,衣服

或者

,

本

不可可 改剪

服 服之美 非我比 不察 膻腥 之制 未除 , , 又最適宜, 慕歐美 , 自在優勝劣敗之例 且絲爲我天產至美之物也,若吾國舍其天產 , 他日當令歐美人改而從我也 人之强 寒暑皆備 ,見俄日之改服 不能以歐人一日之强而見屈也 , 披服簡便, 前 0 故吾國 過于歐美之服遠矣 亦欲從之, 人辮髮可剪 而從人 豈知日本國 0 0 , 歐服 則 而服 吾國地兼三帶 小 或 必不 尚披禽獸之毛 , 俄昔野蠻 四 五萬萬 可 改

濟易 界服之式 關與 係經

皆服

氈

一級之服

,

一人四襲

,

襲至賤者二十金,

並革履氈帽

,

人必百金而

後

可

,

是

,

,

我舍數萬萬金之絲無所用

,

而

湏購絨革之服料于外,以人百金計之,

是費四五萬萬

兆,而 昔者閱 尤若反掌,但于物質中之汽機艦砲 自敝乎?夫以中國地大人多,駕乎萬國 相 外貢四五萬萬兆 戒不敢存貨矣 歴甚 納貢于外,過于八國聯軍之賠款尚百倍也。內絲無所消, 淺 , 亦妄有意于是,今游歷既久 ,況真變法乎。爲國强否在政治如何 ,而國何可任之。頃聞京師有改服之謠 加意 ,甚易易耳 , 何不志在使 , 乃知變服之萬不可 , 人師我 何爲 ,豈在服制也?以吾國 無恥媚外 , 而蘇杭絲業 , 何事舍已從人耶?吾 而產絲之民皆困絕 行 , , 有 傾民之所有以 歐美士女數 ,紛紛而 强 倒

法蘭西游記

人,

亦告我日

,

君他日變法

,百凡皆可

,惟中國之服至美,

萬不可變

0

蓋萬國皆不

產絲 , 而 絲 爲 中國獨有之天產 ,上考禹貢蠶桑絲篚,已在四千年前 , 故服物之五色

最爲妙麗,此天以最厚吾中國者,甯可棄天貺乎?棄天貺者不祥

棄土產者

小乃俄 由日 政之蠻變 國服 事自喬入谷,以媚外苟存乎?俄日之變服

如飄

風暴雨之不能終朝耳

自斃

,

服氈絨者退化

,隨人改者無恥

,願吾國識者深思之!歐美百年之橫于大地

,

厚

生質之聰敏

,

無在非具爲地球主人翁之資,歐美人雖强盛

,何足畏乎?以吾國闢地之廣大,殖種之繁庶

, 教化

之深

驅

耳 ,

,

横

覽大地

,

吾何有焉?皇皇神州

,

,

乃其政蠻國小之不得已

,印度豈不

變服

惟吾國乃能保存吾固

有

,

以化大地

而 何 ,

不過百年

,

資吾先

利歐 美

日本服

,但使內政修明,物資精美,破艦大橫庚庚

,則中國絲服

,

自爲大地所

師之,若徒改服乎,

則印度人與黑人之改服,何見親之有

,吾奴吾奴耳

0

當競爭之

人之勢 耳,砲聲隆隆 , 益爲 奴耳 , 于自立何有?將欲以此爲親 , 則歐美畏媚之,近各國王宮,多爲日本裝殿 , 吾面 |既黄 , 雖欲親 , 而 而安能親 美人暑 時 , 日本小島 , 亦 多爲

笑之, 或 世,只有使人敬畏 丙 , 益賤下之, 則堂堂數千年文明之中國 何 , 無使人憐憫,且印人黑人緬人爪哇人馬孻人之改服 憐之有!若暫游歐美 , 撫有天產吾絲 入, 易服· 白適 文章之美,而自棄之,以俛從深林 , 偶取其便 , 無不 可 , 也 歐美人目 若在

麻綿 後起 法織麻綿甚古矣。始于西七百八十八九年織綿,閱廿三年機已七萬,製綿絲 日耳曼之氈服 則鄙 人八年于外 , 閱歷深思 期期見其不可矣

萬一千

法之

千萬磅

人計十詩令,然比于英僅十之五耳

鐵

世新 界世 也界者

> 織麻在法大革命之年,西 十千 八年已值五百萬磅 ,閱廿四年至拿破崙末年,織工十三

萬九千人,值九百七十萬磅。此外女工三十五萬人,值四百萬磅

新世界者, 鐵世界也。視製鐵之多寡,可覩其國之盛衰焉。法往者禁英國鐵之輸入

故鐵器甚少,全國僅銷八萬七千噸 ,至拿破崙第三始開鐵禁,于是冶鐵驟盛 0

六百廠 ,鐵工十二萬矣。其製金品值四千九百萬磅,然僅當英三分之一

故革用甚廣,其值四千五百萬磅。其用革九萬噸

,外革入者三之一。

陶器以賒華最著,精于天下矣。創于西千七百五十六年。歲值百三十萬磅,法雖以

工藝名,然乾隆時未有製玻。今則製玻廠八十五所,製品值八十萬磅

印 刷 製紙及印刷 紙二十萬噸 , ,當拿破崙時,僅一萬五千噸,出報值百六萬磅,今則工廠五百三十 但巴黎已值三百萬磅,歲出新書七千種 ,印刷值千六百萬磅

衣製

製

紅紙及

陶

器

革

法人善製履

,

也。 法衣製爲歐美所艷稱, 全法歲 値五千二百萬磅 女服之麗,蓋自路易十四時以奢麗著歐土 , 而巴黎占四之三,遊巴黎之雜貨肆 , ,今雖紐約 五色十光,女工 猶 師之

千餘 • 誠詭異之觀矣

法國屋及家值二十九萬萬四千萬磅,以七釐息計 ,應有八千八百萬磅

法蘭西游記

康南海先生遊記彙編

炭礦

三四二

法國炭礦最有名,歲出二千五百萬噸,比道光十年已十五倍,除費外每噸值廿五詩

令,每夫得二百八十噸,然法礦夫之巧,不如英,法五礦夫所入,乃比英四人也。

法鐵礦五十八,然昔以禁外物故,鐵價大漲,貴于英三倍,故工業不進。當拿破崙

晚年,製鐵僅十萬噸,至戰普時,製鐵百十八萬噸。今則二百十萬噸,仰外輸者十

銅則無所產,全仰外輸。全法礦產,值一千六百萬磅。工人十八萬

之一。

法開 百五十英里,費三萬萬六千三百萬磅 鐵路, 始于道光八年。西一八至咸豐三年,拿破崙第三卽位時,有鐵路二千四 ,其進甚遲,戰普之後,乃始大增。今則二萬

鐵礦

鐵礦

四千九百英里,樂費每英里一萬六千五百磅

銀行

法之銀行,開創最早,在嘉慶三年,〇三年本三百六十萬磅,至今則有金七千一百五 十磅,銀五千百二十萬磅,鈔一萬萬三千六百萬磅,融通力三萬五千六百萬磅。各

國國立銀行皆歸國,惟法則民立。然法現金銀多于英三倍,而融通力亦少于英三倍

此于商事未善,更當細考其故焉。

· 金 ) (銀)

鈔)

合計萬碳計

人平均磅

四〇

八七

四

製 造所

法製造所十三萬

英 法

五 八

四

四〇

四六七

一千,值一萬萬二千七百萬,而機器不計,計產額得三分之一,則

五〇

=;0

三、七

合製造廠與機器,值一萬萬九千二百磅也。

己黎人歲入五百磅以上者三萬人。百磅以上者十八萬人。法全國富家三十五萬五千 磅。勞工七百三十萬一千,歲有利息五千一百四十九萬磅,人均計產五百九十四磅 十六萬,人均計產一千六百磅。而利息二千四百萬,僅半于富家,人均計一百九十 ,有利息四千四百萬磅,人約均計息一千二百四十磅,產九千七百磅。中資一百二

,息七十一磅,皆不能比英人遠甚。

母財之始,多賴公債。美之公債紙,凡銀行皆當分擔之,其條理甚繁,今不暇及。 國之大難大工,無不可舉,故公債莫利焉。然 一國苟為人主所自私,未為民之公產 之額,與意同爲險事矣。然國爲國民公有之國,則債亦公有之債,民分擔其苦,亦 萬七千萬磅,五十年前少于英,今則英于國富僅百之七,法則百之十四,逾于十一 德之後,募公債三萬萬九千一百萬磅,築燈臺道路電線者,費二萬萬,鐵路六千萬 法之公債多極矣,然自還德債以外,幸皆以爲公共事業,故益增國富而無礙。自戰 公有其利。但立憲之後,使人民知國家,爲人民之公產,則人民自皆樂擔任之。故 則民孰肯以私財任國事乎?故利害與民共之,而後民可用也。考歐土小國 匀計法國每人五十三詩令,加地方公債一萬萬八千萬磅,連從前之債,共十三萬 ,經營

## 法與英德比較

法蘭西游記

英乃海島小國 遠非其比。 及英之機器先出

,

,

·于是大

比法 較與 英 德 之

內 訌 八 + 年

比法 非 英 德 之

德 驟 張

之

,

至

,

,

,

法當百年以前 , 爲歐洲之霸,

收海 外各殖 民地 , 凡印度加拿大亞丁皆奪於法人之手,法百年來,乃空倡 自 由 革命

是英人百年來之盛業 內 訌 垂八十年 , 即拿破崙窮兵黷武 , 無事不遠勝于法, ,徒耀霸名,而于法人國民之實利 或且數倍之十倍之,豈惟英勝 無關 法 哉 也 ! · 蕞爾 0 于

之普 **視彼强霸之法,尤隔天淵** , 糾日耳曼之小侯 , 以與法爭, 西千八百七十六年 當時日耳曼破碎空虛 美國 費城之賽會 , I 商不 振 德國 , 除克虜 無 所 有 伯

相鄰 砲外 無 而 物足稱者 廣大同爲二十萬英里 0 及休養教訓二十年 ,其政俗千年相接 , 而 已 無 , 其 事不遠勝法 相 忌 相 師 而 思憤. 夫德之與 起亦 Œ 法 同 其 而 地

戒, 德合散漫之小羣二十餘年, 不 知憤哉?而何以比德頓縮若此!是故比英言之, 遽能 呼躍大進 , 而 事 事遠出法上, 則法革命之禍 此 豊法 人接鄰之不 , 與英安樂之 知

原法

因國

不

進

之

可作證 福 , 宜其絕殊;比德言之,則 0 夫英爲立憲國 , 而 非 民主 法人自由散漫之失,與德國以主權國權督率之得,**又** , 德更兼君權 而主 服從 , 然較之于法 , 其效之得

失若此· 吾今特列 ! 今吾國 法與 人多好 英德政治之比 述 法國 較 革命 , 以見得失之實 自由之說 , 不 - 以爲謬 , 吾國 人 , 行陷淖 亦 可 以 而 知所擇 艶 稱 矣 , 而 0 嗟 欲 師 呼

之法 比法國國 較與

英

德

之

虚革

民命

敝後

心凄!

法人之臬

,

使我高蹈

,

我無所鑒

,

惟法蘭西革命自由

,

塵上血迷

,

民敝國

虚

,

令我

利息

兆。

九千六百九十兆磅,德之國富八千六十兆磅,英則一萬一千八百六兆

法之利息,一千一百九十九兆,英則一千四百二十三兆,卽德亦 一千二 百八十四

人口

蒸澡力

法之蒸汽力,四百九十一萬五千馬力,德則七百六十五萬匹馬力,已將倍法 英則

一千二百九十七萬匹馬力,則三倍法矣。

矣。以都會計,法人九百二十萬,英則二千六十萬,固倍之,卽德亦千五百六十萬

法每方英里人口一百八十八人,英每方里三百三十人,幾倍之,卽德亦二百五十人

人,亦過半焉。

農業

以農計,法人七百二十二萬,德人則九百三十五萬。若英之農少者,英之益盛也。

然以人匀計,則英農產所入殆倍于法。

以機器計 法鐵路則三百六十萬匹馬力,德則四百五十五萬,英則四百八十 萬 ,法

以製造計,法人四百七十二萬,德人九百二十三萬,英人九百三萬皆倍之。

機器

汽船 倍于法矣。 则四十九萬馬力,德則八十九萬五千五百馬力,英且五百九十七萬馬力 法鋸解則八百二十五萬馬力,英德皆二千二百萬馬**力** ,幾三倍于法焉 ,直十

以礦計之,法值千六百萬磅,德值三千四百萬磅,蓋倍于法。英值七千八百萬磅

礦產

法蘭西游記

則五六倍于法矣。

運費

畜牧

以運費計之,法貨值三千二百萬磅,德則五千二百萬,英則四千六百萬焉。法船歲

值五萬萬磅,德船歲九百萬磅,已倍法。英船則五千四百萬磅,是十倍于法焉

以牧較之,英地少不論。但以法德同地大比之,法馬三百十萬匹,德則三百八十萬

法羊百五十萬頭,德三百 一十萬頭。法牧價值二百三十二兆,德值三百三兆

,法牛千二百九十萬頭,德則千七百六十萬頭。法豕六百十萬,德千二百十萬頭

以金工較之,法值四千七百萬磅,德值一萬萬五百萬磅,已倍于法。英則一萬萬四

千二百萬,三倍于法焉

以革工較之,法四千五百萬磅,德六千六百萬磅,英五千九百磅皆過焉

以食品較之,法一百十三兆磅,德一百三十五兆磅,英一百二十七兆磅

食品

革工

金工

衣則法德相等,同爲六十九兆。英則八十四兆,惟法以酒勝耳

以綿布論之,法則二千二百四十萬磅,德則三千五百四十萬磅,英則九千二百十萬磅 ,蓋四倍于法矣。織麻織絨,德法相若,惟不如英,惟法以絲勝耳

以商貨出品論之,四年,法貨一百二十三兆磅,德一百四十八兆磅,英貨則二百七

士四 **兆磅,倍于法焉** 

就其本國商務較之,法製造貨五百九十六磅,德六百九十兆磅,英則八百七十六磅

製 造品 商貨

以鐵路里程較之,法則二萬四千九百七十里,德則二萬七千八百五十里,英地半于

法,而亦二萬九百里。法運貨九十七兆噸,德則二百四十二兆噸,將兩倍于法矣。 英且三百二十五兆噸,則三倍于法焉。乘客法則三百三十七兆,德則乘客五百二十

三倍于法,此其蕃盛尤甚焉。鐵路所收入之費,法僅五十五兆磅,德則七十 一兆,過于法遠矣。至英則九百十二兆乘客,則三倍于法矣。夫以地半于法,而客

兆磅

,英則八十四兆磅,幾倍于法焉

船舶

萬噸,則十倍于法矣。其運力法則二百三十六萬噸,德則四百二十六萬噸,倍于法 以船之噸數較之,法八十九萬噸,德則一百五十五萬噸,幾倍之。英且八百九十六

矣。英則二千六百八十七噸

或

債

以國債較之,法則千二百二十兆磅,德德皆六百兆磅,僅半之。法之公債,千三百

七十兆磅,英則八百五十九兆磅,德則一百一十七兆磅

以生人較之,法每千人五年中,生二百二十五人,英則三百零七人,德則三百七十

六十六兆磅,德七十一兆磅,英九十二磅。以乳品計之,法四十四兆磅,德六十二 以食品較之,法之肉類費六十二兆磅,德費七十二兆磅,英費九十一兆磅 ,法飲品

三四七

法蘭西游記

兆磅 ,英五十五兆磅

以國內用品較之,法用物九十一兆磅,德則九十二兆磅,英則百二十二兆磅,多法

三份之一焉

# 法國創興沿革

爲衣食 法古稱高盧 ,其先亞利安自裏海徙焉。又別有比利時與伊伯耳 。當太古時 ,老林蟠木鳥獸充斥, 氣候嚴寒,塞爾達野人居之,以 皆高盧種也

古稱 部 落

時 高

代 盧

落世

,

爭雄周

末,嘗蹂意大利幾併之。戰國時

,嘗南侵羅馬

,焚掠七月,

勢日

盛

,

0

是時爲部

西前五十一年 此 如班昭之開西域 ,設屯置吏 ,愷撒伐之,圍攻九年,深入其阻 ,司馬錯之取西蜀,趙光國之定氏羗,諸葛亮之定滇蠻矣 ,擒誅降服凡三百萬,乃 盡定高盧 。乃

,墾田植穀,漸爲開化,及羅馬末造大亂,有峨特族南牧,,

撒之攻法

俄維 蘇思 據以立國 0

分州十七

米羅 維朝

開 盧 佛蘭克祖客羅 , 越八年卒 問 0

法 米 羅 初 維

三四八

祖朝 羅特美魯威嗣 ,助羅馬大敗匈奴五十六萬衆,威名赫然,羅馬封其子希特烈爲法蘭 子客羅 以西四百二十年,自來因河南渡 多嗣 , 闢土創制 , 封諸侯 , 爲開 , 驅羅馬戌卒 別創之君 越二十年卒 破峨 特 侵 子客

立達之格

巴統第

二世

殘

哥

之

繼

立西

的

波

之

繼

子之分 齊高 四子,亦分地爲王,愷利巴王巴黎,早卒,昆弟互爭,已復居巴黎, 子賒利拔 以西五百十 敎 羅 五 魯亞爲相 各以寵妃富貌爭權 格魯第二世 全定高 以 征服比利時之部 法遂强大。已而次子格魯打兼併四王,遂如今之疆域。 馬 , , 胎 受洗禮 帝 即討平之,仍釋令王其 維 帝建元三年,西四百八十一年也。 , 朝 忌之 時 大 盧 西 禍 , , , 實開 王巴黎 四百五十六年 德化大行 也 , , 年殂 傍先河 遣將西 , 蓋定高盧 0 乃 法之第一朝者也。 野 定于 蠻 , , , , 骨 以 葬於聖僧寺。 亞克勒士屯 封其弟剛的巴 11 塞一 , 肉相殘 関歴 封荷 納譯 于西六百二十八年, 西班牙敗卒 • 河作 也。 米羅維分王諸子 故地 比都巴黎奉 創建巴黎爲 , 越二十四年卒 立法不良致此 , 垂四十年。 兵防之 , 作法 今歐 此爲比利 客羅特維時 ,國 刊語 當希特烈初王法時 都 的剛 俗賢貴葬于廟中 耶教四大事 ,王自將兵五千,克而執之,遂移兵大破 人推士的司繼位 步的 0 巴 0 朝諸侯而 東西法王相攻殺者二代,至六百十三年 以破阿 時荷蘭立國之始。客羅維才武 0 , 客羅 已而 乃取法羅 於白艮,旣乃飯而自立。客羅維年十 , 羅 卒 特 刺伯 馬 , 維嗣 亡,乃 稱帝 皆客羅維創之, , 子達哥巴嗣 馬之地克里生 , , , 哥一 格魯自稱 從其后言神助 與四王合攻日耳曼外別 自是始也。 , , 爲國 自立 羅譯 越十年殂 同禦匈奴而逐之, 味作 英武 國 人所廢,一 地 , 0 君士但丁 四子分立, 在位三十年 自爲王 雄 超 上大王,亦 0 略 用 長子西的波 , 逐首奉 權滿 製 , 年復立 後世 , 几工人 時 兩帝 峨 , 然 東 南 稱 耶 有 長 特 部

之次之客教都

四

子

兼子分羅

併格立維

魯

打

巴慮羅

黎封維

奉荷之

耶比定

諸

藩

號

康 南海先生遊記彙編

嗣 , 有 賢名 , 然嗣位 一時幼 , 衞將 軍 蘭 靼 以 兵 護 禁 衞 , 託孤柄 政, 名曰 [默爾 0 其子克

利摩世 維第二, 執政 以白艮王入靖難 , 乘西的波殂 ,除默爾 ,謀以其子篡位 ,復王權 ,諸藩皆僭號 ,六年而卒。 , 國 克魯特嗣 大亂 0 西的波弟客羅 , 時爲西六百

克二客 魯之羅 特復特

之王維

繼權第

默希查立克

Ξ

德理

烈第

權

奸之亡

或

闇

,

三數年

**輙廢或殺** 

,

無有壽過三十

者

,

時

人號曰懶王

0

自

查理第三後

客羅

特

維

伯兵三十萬

,

威

震三洲

,

乃平東佛蘭

克而

混

之

, 學國

知默

爾不

·知有

 $\pm$ 

且

擁

立

童

大破

阳

刺

0

其

弟

五

特

與 十六年也。 查理第三與 母后臨朝, 弟希德烈迭爲帝, 用僧爲大臣 是時政歸 ,貴族攻之,避爲尼 默爾 , 則 徳太爾 , , 克魯特在位四年死 以才武 握國 政

十一年 第三, 西七百五十 以女謁權 o 希德烈第二, 其後百年 奸亡, 年 , 中 爲默爾披賓幽于細都寺 , 外同 則 達俄巴第三, 政 一轍矣 、歸權臣 , 西 寡人守府 耳比 而廢之,朝亡,王二十世 西第三、 , 與 田陳篡齊曹操篡漢同 查理第四 • 西耳 ,立國 · 德里 0 凡君主之國 凡六王 凡二百七

## 甲盧 萬朝

甲

廬

萬

朝

披賓為德太耳子,父子以才武

柄國

,

如

操

丕

焉

0

74

征

不

庭

,

日

耀

其

武

,

欲

篡

未

敢

厚給

壓

制

起教

原皇

權

力 之 僧地 請于 教皇世與帝王爭權 教皇 自是教 而 皇權 教皇 一助之 日 盛 致有新舊之爭,三十年之爭。 , , 親爲 凌王 者 加冕 僧 , 地 後遂爲例 日 富 , 比 0 披賓 封 君 與子 日耳曼 , 歐洲 沙 千年 立曼 人民三千萬 黑 , 暗 乃 尊 , 爲 敎 死者千八 僧 阜 所 ,

,

,

三五〇

百萬

,

他國不在是

數

, 皆

披賓之爲之也。子沙立曼承披賓三分有二之大業

巴,救

教皇

,

而王意大利

,內平薩

遜

,

南

破西

班牙之囘部

,

東破

匈

奴

,

諸

國 ,

稱

外破

倫

全 歐 之形 勢

繼,民不聊生

,三百五十年

,

乃重覩一統之治焉

。以全歐形勢論

,

東羅

馬

如

西 亂

蜀

東

,

如曹魏拓跋

m

勢尚過之

,

**遂爲西歐之一統** 

國。

白東羅

馬及西班牙半島外

, 皆隸

版圖

0

蓋自羅馬亡

後

,

争相

治沙 曼 立 之

歐洲

帝沙 位曼 立 之

路 易 之 繼

王查 法 法理 之 沙 分 伯 之

卽

餘 開 ,

寸.

文 羈縻 , 如

晉之由 地 勢畸 正統 , 吾 始 闢 新 零 而 偏安 博 疆 • 西藏 實難統 物院於巴黎 沙立曼起北部 云爾 , 0 羅 人民土地之開 , 城廓宮室道路皆閎 馬時 北 而 歐未 統西歐全部 化 闢 , , 尚 內治只及意大利 不能比沙立

曼也

0

帝又好文學

,

宏

耳 魏

, ,

高

盧 地

西

班

僅屬

位四十七年 庠校 會 議國 事 , 壽七十 , 有秦皇漢 一歲。次子路易嗣 武之宏規焉 0 沙立曼以西八百一年即 , 既裂地分王三子, 麗 , 遣使察吏恤民 後生幼子 帝位 , , + 乃 , 四 復 創 年 殂 取 行選士千 諸

子地

, 在

蘭西德意志意大利爲三國 而王之。于日耳曼諸子不服,稱兵抗命,路易大敗, ,三子分王之,西八百四十年死 出奔失位 0 查理沙伯遂王法蘭 。既乃大 會 議 裂 西 法

與 日耳曼意大利永裂之禍 ,遂至今,其論見奧遊記

法國

裂

地之始王,

實自查理沙伯始

也

0

分立爲國

,

亦

應

自西

八百

四

十年

始

,

爲孔

降生一 千三百九十 一年 , 唐文宗開 成 五年也 , 至今立國 一千六十有 六年 矣

當沙立曼盛時 ,諾曼人爲海盜 ,已盛强 頻擾邊 ,即今瑞典丹墨人也 其 香 拉 德

,

法蘭西游記

0

奴

王

福弱

,

大侯

諸侯

建 建 之世 之 遺 害 僭叛 ,王伐 上啓于客羅特維 己乃僭王號,民請自擧守長 駛 , .而敗,奔比利時 自稱爲海王 , 近因成于查理沙伯,遂為國中千年爭亂之始,小民千年壓制之始 , 西九紀上半期 , 並 既乃復位 乘亂割 ,子加羅曼又叛 ,法大受其患 據,蓋法甫立國,而 ,且入據里昂 , 諸將强請世襲皆列爲 封建之勢成矣。其遠因 ,

封

封

亦爲大革命爭平等自由之導焉,所關亦大矣

法羅 額 西八百七十七年, 查理沙伯殂 ,路易第二第三及加魯曼繼立 , 皆 兩三年夭沒 是時

法 之 寇 統于 家照爾芝亦自立爲王 自是諾曼分法地爲國 帝 , 時 西 八百 , , 八十五年也 學兵攻歐德 法 人以爲辱而逐帝 0 適諾曼大學寇巴黎 , 敗走英 , 以巴黎侯歐德大破諾曼 ,而歐德再破諾曼, ,帝畏之, 以西 割挪德列 , 八百九十八年 學爲王 郡 行 , 查理 成

之王 撒 布 撒布爲王,又以割地嫁女與諾曼 **歿。法合于日耳曼不一年卽別立,故不足道也** ,故諸侯怒之,別奉歐德弟勞白爲王。戰累年 0 歐德歿,國人立路易第二子查埋羅 ,  $\pm$ 

之査 王理

法羅

被孫

逐羅

額

魯

之王

諾

曼

之入

魯路

之易

王孫

日耳曼帝爲路易孫羅額魯

,

併意大利,乃迎日耳曼帝兼王法

于是意法日耳曼復合

之式 微 死 富爲王。 0 諸 侯爭 諸侯橫恣 權 , 或 ,王權 無主者七年 益微 , , 於時巴黎斯侯大武額擅權迎立路易查理撒 西九百二十九年 , 威滿土侯幽廢魯篤富于白侖城 布 子路 易 而

諸 爭 權

第四

於英

,號爲海外王

,

王抑武額權

,而欲併武額之姻諾曼地

,

武額乃囚王

·僅給

王

權

篤

富

執勞白殺之,其子希何發憤報仇

,

盡國兵以戰

,擒王而囚廢之,立不爾給農侯魯篤

君臣 一爭亂

里昂 無 與 ( 徳 戦 邑, 朝亡 而敗 君臣爭亂,西九百五十年 , 西九百八十六年卒。子路易第五嗣 大武額子加頒多爲諸侯擁立,遂易姓矣,傳世凡十二,歷年二百三 ,王始與大臣結盟罷兵 ,王僅食 邑, ,四年逐 權益微, 殂。子路的立 逾年死

前加頒

節朝

十六

嗣

,

0

立加 前 雅 加 的 之 擁

耳曼同風

, 其

視王不尊,公侯强者,若諾曼,若翦爾艮,若亞幾坦

之,敗幽于阿連斯塔

,

此如王莽篡而劉崇討矣

0

但

加頒多自諸侯選升爲王

,

亦

與

日

理

起

兵討 年五

,

歷

• 若哥

也納

• 若

侯之驕 横

伯 之 嗣 位

羅

諸

理之 嗣 位

顯

頒 的 朝

十,至九百八十七年 加頒的之父大武額,爲巴黎斯侯,自西九百三十六年,父子柄政 , 武額加頒多爲諸侯擁立 ,路易第五之弟羅萊內侯查 , 廢立數 君

創業, 加斯哥納五公,若發蘭德、若賞巴尼 而已無如强侯何?在位九年殂。嗣王羅伯,篤信耶教 、若安如三侯,皆驕橫如王者。 , 每逢耶穌蒙難日 加 頒 的 雕 英明 , 臥

地上,至復生日,設無遮大會三百案,食貧者,嘗供饌千人,施捨貧者,爲洗足敎法

黨於王 王聽子顯 七代後乃婚,教皇以王妻族妹, 回 理 , 以與 握政 、顯理 , 乃立赤白幟以叛 兵爭 , 或 王割 勒王離婚 地於諾曼求助 ,王遂卒於西千三十一 ,王弗從 , ,得保位 ,羣臣皆去,王不得已 年 , 西 , 顯 千六 理 嗣 十年卒 , 諸 慢不悅 一,出妻

非 力之 嗣 位

非

力

嗣

0

是時諾曼日强

,

南取意大利

,

據西西里島

,

而幽教

皇

0

北則諾曼侯威廉以

法蘭西游記

三五三

三五 24

帥

師

救

皆

自

或 字教 英 軍之倡 之 萄 牙之 建 或 建 + 國 敗 法諸侯分出者也 之,大勝 六十 ,千九十七 , 於是教王倡十字軍東征 萬兵滅英而王之,遂傳至今。 0 班王割今葡萄地封之, 年 。於時侯國凡八十餘,戰爭益紛 各國大軍七十 ,法人伯 萬分道進, 且 西班牙爲囘攻 妻以女 祿先省耶墓被辱 多 法大發列侯兵, 建葡萄牙國 , , 求教 教士制止 , 率卒 , 法遣不爾給侯 而王弟武額及魯達弗 八萬及魯達林 戰日以稍息之, , 傳至今 , 故英葡 顯 軍先 理

敎

權

益

行

而

洲 兵 之 残

進圍

安提阿城

,

老幼數萬皆屠之。

逾年

七月

逐入耶

路撒

,兵飢

困

,瞰

人尸

與

額弗黎侯統之。

兵入君士但丁

,

諸將驕

横

,

與東羅帝

交悪

,

告絕

, 破囘

軍

÷

五萬

忍歐

字 軍 第

極焉

0

吾國

唐

,

此爲十字軍第

一役。

於是公議立新國

子

墓

,

封

額

第

黎王之

,

額

弗

黎

,

酷矣

!但因是役阿

刺

伯

微積

,

算學

宋時文明已甚

,

而

歐洲用兵屠食人若此

,

此

眞

與蒙

古

無

異

,

H

見其

舊 野

**炙**諜者食之,

**猶太人避入其廟** 

,

焚之,

婦嬰皆

盡 ,

入市

, 嬰穉

皆屠 冷城

,

東

方

極

誚

其

腓 之刺 傳伯 入微 歐積

立 之 繼 位

婦幼

之未興 路易第六 分傳入歐土, 遁 匿 也 0 以英 商買  $\Xi$ 腓 法人先得之,歐 立闇 武 絕

路

易

第

七

兵

,

**殂於千一百三十七年。** 

子路易第七嗣

,

悪教士

· 驕 横

,

敎

士鼓賞巴尼侯叛

,

王討

嗣

, 始平

盗賊

, , 不聊

毁

城

保

,

抑

封

建

, 釋

奴

婢

,

排

豪强

,

大

破

日

耳

曼

跡

,

耗哉法民

厥

生

,

無治

若此

0

卒於西

千

百

八

年

子

弱

, 轄

地

僅

三縣

,

諸侯割

據

,

築堡蓄兵

,

力爭

出

則

焚掠

鄉

邑

人算數字,自是用阿刺伯文,足見歐人自此前

讓王公之號,是役法人功爲多,然歐人死亡八十五萬 俗實爲狄行焉

土分阿

次 + 字

之,

屠民三千,

既乃悔之,復起第二次十字軍以懺罪

·于西千一百四十六年

,

創

開巴

力門

,

會議東

征

,與

日耳曼帝聯軍攻巴勒

斯坦

,

暴師三年,

大敗

而

歸

0

又與英累戰

腓 創軍第 立 開 第 議 = 會

築 石 道 於 円.

英武

,

盡討

叛侯

而服之,

兩破英

,入倫敦郭,始于巴黎築石道,是時

耶

路撒

冷國

建

無功

,

乃修

好

,

法王始蒞英都焉

。千百八十年

,禪位于其子腓立第二而

卒

0

腓立尤

軍第 叁 次 + 字

國八十八

年

,

巴

X

薩拉丁創國于

埃及

,伐之而亡。千百八十七年

,

法英德起

第

三次

法 累 年

四 次 +

字

南

都黎 洲

易 第 八

路

數騎

遁

歸

,

爲

澳侯

所

執

,

英王弟約翰許割諾

曼

地

,

法王助之

,

立

葯翰

,

B

而

背

十字軍

,

屯重

兵于耶

路撒

冷,

十六月

,

聯軍相忌

無

功 ,

强訂

拜墓

之盟

而

還

0

英

王以

搆 腓立乃伐諾曼

而

盡取

其

地

,

自是英法累年搆兵。

千二百四年

,

教皇意諾

森欲

張

教 約

而

稱帝

,

諸將

各

據

地

自

,

學第四次十字軍。法令發蘭德侯巴多尹將兵,焚君士但丁

針 之入

,

意不欲東

,

及强行,

皆爲突厥敗而略賣之。德意志匈牙利

兵皆

無

功

,

然指

南

針

自 主

法指

中

國至

阿剌

伯

者,

由是入于法

,而航海學自是興焉

。後德英以大兵來伐

, 破之

,

幾

之爲 始歐

大巴

0

然

按

其

地

晑

,

蕞爾十

數里

,

不及今巴黎十之一,不足道

也

0

腓立

**殖**于

千二百 歐

二十三年

,

子路

易第

八

嗣

0

先爲

英諸

侯

,

迎立爲倫敦王

,

民

不悅

,

遁

歸

,

73

盡

取

英

**法蘭西游記** 

地在

法者

0

是時天主教橫甚

,法人有創亞毗延士派起攻之,

以去偶

像粗

悪苦身力行

三五

Ŧ

國日

誇之

强

, ,

乃

拓

築巴黎

,

壁厚七步

,

架樓五百

,

通門十三,遂爲歐洲

大都

之始

史

擄德帝

又大學海艦千餘艘伐英

,又伐日耳曼

,武功日盛

,

版圖

漸

拓

,

王能撫

民

軍第兵英

三五六

其產 父子 , ,在位三年。王卒于是役,子路易第九嗣 , 奉教皇命攻之,屠戮異 從者日多, 亞毗侯紫羅塞侯 、教者數萬,道皆赤,令各郡邑奉異教者皆殺之 ,信而保護之。自千二百八年 0 歐洲新舊教爭殺之禍 ,腓立至路易第八 ,以是爲始 而 沒

舊 教 之 始

,

許寃獄

訴

于京都

,開國

會以抑諸侯

0

寵 臣殺

童

,

0 ,

王弟强買民產

,

還之

路易

第九

,

幼被賢母貌蘭沙教

,

有賢名,敬神

愛民

,

問疾苦 立
干獄

,

邮

貧困

,

令民

學

法官

凡十八年

0

比之德國約翰赫斯爲路德之先聲,

前于路德,且二百年焉

路

易

第

九

舉 洲 + 第 字 軍 令

以亂英

,王曰

,以

權詐亂人,天不福

也。

令其君臣

相讓,

有虞芮質成

之風

0

雖三學

無功

,

盛德爲歐洲令主第一。王尤篤于教

,盡譯猶太書,

獨學十字軍

先以

入埃及

遭尼

,

仍居巴勒斯

,未行,後以千二百四十八年,以千八百艘軍艦

0

與

英

和

互還侵

地

0

英飯臣

以地來

,郤之。

英王與

其臣

訟

請

判于王

,

諸

臣

欲藉

埃 及 萬 獄 贖

十字軍

字 軍

羅河大水,疫並行,軍沒王擒,繫于埃及獄三年,以黃金七百萬贖還 千二百四十四年擧兵

為軍帥 修 城練 兵 , 再舉十字軍 ,聞 國 內 亂 而歸 , 伐囘敎之突尼斯 0 既王弟查理以繞勇取意國奈波里西西里爲之王,乃 ,大敗,王子喪焉 , 哭之而 殂 ,時 1

萬 終皆法人以之,王耶路撒冷者亦法人,以爭一 H 謂歐亞之交第 一大事矣。其後埃及來伐,都邑皆潰 教祖墓地 , , 慘傷至此 殺 虜又六萬 , 酷矣哀哉 , 蓋十字 ! 然 軍始

大亞十 事之字 交軍 第爲

百七十年也

0

此爲最後之十字軍矣。

十字軍用兵

凡

九次

,

綿

百

五十年

,

死

人二百餘

以爲

坦

,

權人 之 迷 信

歐人千

年

抑

壓

于

,

民不

知學

,

諸侯

徒事

争殺

,

文化不啓

,

實

同

野

蠻

,

惟

其

愚

甚

明阿 伯 之 文

故勇

争最

烈

,

信

神 敎

權

最

篤

,

與蒙

人迷信

佛

教

尊

事

達

賴

班

禪 歐

,

亦

哲 學

起歐

原洲

0

中

之

絲

帛

脈

学棉

蔗

梅

桑

, 皆

假道

呵

刺

伯

而

入歐

0

其

時

意大

利

之

哪

尼

士

•

以

字 軍 之

傳文果十

自明 之

效

國器

(之精

**,**横

掩

大

地

,

孰

知其

原因

,

則

+

字軍之累敗啓之。天下之得

失進

退

中利

以製造物質

土各國

,

博物院

, 皆于

十二三紀後乃有

精

巧之物

,

미

以

觀

歐

人進

化之序

0

而

今者

歐

X

功

十字 漸 啓

軍

所

過 國

,

得

商

賈

大

利

,

乃

鑄

金錢

開

行

,

今逐

盛

行

歐

士

,

而

國

以

0

九

次

無

而

東

方文明

,

皆

賴十

字軍多次以輸

入 銀

,

歐

土

文明

曙

光

,

實

自是

啓

明 富

0

4 故

徧

觀

歐

之 皆 有

感

益

索格

底

柏

提多亞

里士多

圖

之哲

|學書

,

亦

自是得

譯

本

以

復

還

歐

而

哲

學

乃

印 , 乃大 度交 轉 通 輸 , 其學 收 集其 術物巧以

起

或

華 實 , 天文 入于歐,玻 地 輿物質算學 璃亦自是入。築室法 ,

亦 得 而 效

法 Z

0

畫

理

詞

詩

皆分設科于 學校 甚 盛 0 十字

與 皇

中

,

軍

屢

人于此 Œ 相 , 等 誠 與 0 吾蒙 呵 刺 古俗化 伯 白摩 相 訶 末 比 後 耳 0 , 文 其 明 尊 大啓 耶 教 服 , 久 教

三五七

法蘭西游記

腓

立

第

=

或

X

之忘

祖

而

徒

媚

外

,

亦

H 國

知所

反

矣

0

西

千二百

七十

年

,

易

第

九

旣

卒

,

肼

立

第

嗣

立于

突尼

斯

,

有

威名

,

索軍費

而

歸

,

伐西

1班牙

,

欲取

其

屬 路

地

0

其

叔

父

西

西

以强

0

若

其

導

師 他

,

實

H

中

,

歐

人得 之阿

之

青

出于

藍

,

而

本

原

所

自

終不

沒

也

0

吾

以

明

16

及

其

制 鳴

度

,

皆

中

或

傳

刺

伯

,

由

十字

軍

以入

歐

土

,

而

新

#

以 山

出

歐

X

固

難言哉

!

自

凝 鎖 以

表

時

,

指

南

針

以航

海

,

大砲

火藥以强

兵

,

印

書以

廣學

, 丹

汞

	<b>英</b> 法百年戰	腓立第六		先歐 驅 開 化之		査 理 羅 比		腓 立第 五	路 起		起原會議之	三庆宣奏之		腓立第 四	
百三十八年,英師入比利時,逾二年,法以四百艦兵四萬邀英軍,幾盡喪,竭力治海	争立,法人卻之,英王乃自稱法王,而刺腓立不遂,于是開英法百年戰事。一千三	腓立第三孫瓦羅西侯腓立第六爲國人迎嗣大統,英王義德華第三爲腓立第四外孫,	于諾曼,中于十字軍,殆於戰英,而後此愈劇矣。	,亦歐洲開化之先驅者也。列國並立,必至競爭,乃事勢之不得已,加頒的朝,始	第三第四第五,尤英明相繼削侯勢,抑教力,開國會,予民權自由,法之漸强以此	八年,無子,是爲前加頒的朝,是朝賢君六七作,而自路易第七第八第九第十腓立	長以治州縣,正度量,頻開國會,三百二十二年殂。弟查理比立,卒于千三百二十	蜱納金自贖,逾年卒。國人不許立女,乃立其弟腓立第五,許民納財爲貴族,置守	諸侯,三族會議,卽以是始也。卒于三百十四年,路易第十嗣。始許民自由,許奴	七世,凡七十年。王乃大削諸侯,去世官,挾民權以助己,開國會以悅民,因以制	列第五為教皇,而削教皇置于各國之廟軍,英德從之,教權遂削,教皇入居于法凡	勝,卒自立國王,稅僧寺,敎皇威之,王以兵擒敎皇而大擊辱之,致憤死,王立克	納侯迎爲英王,有內亂,腓立攻之,教皇和焉。取英之里昻郡,乃討法蘭德侯,不	二百八十五年,子腓立第四以美稱,西西里之戰,久乃解,是時法諸侯多自立,哥	查理,以虐其民致叛,法人萬餘皆被殄,移師往,連兵二十年,而腓立先卒,于千

約息兵

0

十八年,已而病狂

,

內亂益作

,

約翰遣人剌路易

,

黨禍益甚

,

互相刺殺

政 藏 平內亂 驍勇甚 年殂 利西 軍 淫香 萬人 地。以兵助西班牙王兄弟之争,後此班常助法以拒英焉。後又累戰,至千三百八十 練 王子爲質 基大商瑪色爾謀廢王統 通非洲以廣互市 民不 此 其 , , 與 富民練兵節用以思報仇,舉克士蘭爲將,乘英王之老大,破英海軍 , 0 再喪師 子查理第六嗣 0 , 查埋好文學 英人輕之,五年中 王乃委而去之南部 法大軍盡覆 拿破崙第三立而爹亞改爲共和相 , 服 , 而遁 割 英大僧魯惹兒巴,始自中國傳至阿剌伯之大砲,長驅巴黎 , 法南境 各 哥也約,復歸英,腓立以諾曼等侯梗鹽政,殺之。英王藉是稱兵 樹黨爭 , 法王畏英,自往質 , 可謂 , ,王從五騎逃,英進陷法海 , . 9 年幼 始創巴黎藏書樓 自羅亞爾河至牛嶺歸英,又納黃金一萬 , 日 中 , 以國 事 興之英主矣 , , 大學入寇 大戰 阿連侯路易白艮侯腓立伯爾里侯約翰以宗親 內亂,王赫然能平發蘭德及克德耳侯國,欲 會爲共 三年 ,四年 和 ,逾年卒,是爲千三百五十年 , , , 置自鳴鐘于公所 焚城市五百,王大敗 比我燕昭王甚類 似 ,法之民主政體 , 0 卒于英。 然無主之國 加勒斯 監國王子查理第五立 , 0 ,亂必大生,奈波里王乃入 ,實始于千三百五十六年矣 , 其學克士蘭 永設國 法疫大行 , 俘于 八千萬 會 英 ,乃贖王 , , , , 子約翰立 死者二千五 大敗法軍于格 伐英未 精 , , 亦類 練 而 攝 , 復前王失 , 海 政 教 ,英武才 、黑王子 歸 長 樂毅 軍 能 , 爭權 羅 , , , , 以 以 73 拓 伯 耶

書始

樓創

巴黎

査

理第六

査

理第

五

體法

之國姓

和

約

翰

傾腓 法立 査 女傑貞 英王王法 理第 之借英 德 七 之刺路易也,令人刺之,奪其壤。約翰子腓立怒,乞師于英,導之滅法,巴黎人亦 襲法,死亡十二萬,喪貴族八千人,王族七人,遂取諾曼,王子查理第七,怒約翰 九,仗劍謁王 舉兵入,中道殂,子顯理第六稱英法二國王,西千四百二十八年,以英兵長驅 是時法南部未服 惡阿連黨而降于英,請英王世世兼王法,英王乃入巴黎,朝法羣臣而誓之,聽其 阿連侯與白艮侯各摟諸侯以相伐,連兵累年,阿連乃與英合而內伐。英王乃以偏師 , 廢法王查理第六 皆望風降。 查理第七遁保阿連城,圍七月,幾陷,有奇女貞德 ,稱奉天帝命救法。王封以將印,大破法軍,圍遂解,進復侵地 ,奉王子查理第七即位于波亞叠 ,逾二年死。英王以其弟留守法而還英,時西千四百二十年也 ,而攻巴黎 ,英王弟戰死,英王大 , 起于農牧 ,年十 ,迎 入法

政

巴黎之恢復 而焚之于里昂,法人懼,內黨漸和,合兵拒英,越八年,復巴黎,爲弩兵萬人當前 立查理第七加冕焉。數月爲鎭將所妒致敗,爲比利時人虜,以萬六千佛郎鬻于英囚

敵

類田單 亂三十四年,乃復國 ;而貞德以 一少年農家女,杖策救全法 0 腓立之借英傾法以復父仇 ,立新王,大地未之見也。 ,甚類伍胥 ;貞德之起兵復國 吾國 之木 ,甚

大破英。有一卒始製鎗焉,乃大勝,至西千四百五十三年,恢復全境,于是法亡

蘭秦良 貞德者,真奇傑矣哉!查理第七復國祚于已絕,鎭强藩于橫叛 玉 ,去之遠矣。 吾在蠟人院見其像 ,一妙女也。 歐 人無老幼智愚 ,置常備軍以禦侮 無不

,

國整武

,

成中興之業

,

亦燕昭王之比耶。

殷憂足以啓聖,多難可以興邦

,人才皆起

經經

路易十一

耶 于亂世 今吾國多難殷憂 , 則 庶幾見之。 , 德慧皆練于險難 , 查理第七,卒于千四百六十一年,子路易十一 至矣,豈非奇傑挺起之時耶?其無之耶 ,華法至遠 ,何其類哉!夫事理既同者 , 則 何 嗣 地不 , 則 , 或謂 產才?其有之 人理不能 毒 弑 外 其 父

耳曼帝 其 者 定 止 (地嫁) , 0 , 悍侯 王 路易十 權漸 日耳曼太子馬西密靈,法王不 不 侮 - 許乃止 其幼而 , , 置覆審局以待侯國民之上控;創三大學 實英武 0 攻之,幽王于寺塔 既乃引英入犯以自固 ,惡諸侯之橫 許其地出 , , 盟而復之,白艮侯沙勒實爲 大誅削之, , 已而 外 爲其部將所弒 , 凡奪併十六侯之地 馬利攻王 ,醫律皆置專門學;招良工 , 王師敗 , 其 之長 女馬 , 于是國 幸馬 利襲侯 , 請王于 利 內大 死乃 ,以 白

瓜 蔓 抄

于哪尼士

佛羅

練士,

始教民以蠶織;通道而創郵政局,皆至今行之。雖嚴于

行法

,漢高明太已然,不足專爲路易十

一機

也

英 王 之 出 出

誅戮大臣

,株連至于四千,然英主多類是

査 第 八

0

收王權于侯服

,

其周宣王唐憲宗之比耶

,

法之英主世出哉

0

西千四百八十三年

殂

子

查理第

八嗣

王姊安得攝政

,伐平叛侯

,娶不列太尼侯

女爲

妃

,

而

得

其

封

地

,

73

事

兵 東羅 帝馬

外拓 安如侯以意大利美蘭 0 查理第八長 , 乃乘教釁 兩部 內附 , , 擧兵 以絕澳婚 入羅馬 , 澳聯英班 , 逐教皇而降波里王 來伐賄 和 焉 , 封其將王之,自 內 亂 漸 弭

法蘭西游記

稱羅馬東帝,時千四百九十四年也,是爲法爭意之始。旣而渙與嚃尼士以大兵襲之

易十二 查理第五之裔路易十二以阿連侯人繼,用賢相以治安,省刑薄稅,有賢名,與英丹 ,王以輕兵還西班牙,乃襲取奈波里王,欲再擧而卒,千四百九十八年也。無子,

日聯盟以兗外患。述先志,專意復奈波里,下之,又擒美蘭王,破啷尼士,

而 西班

路

法之始強

蓋王權旣復 以千五百十五年卒。訖兩世二十年,從事意大利,功卒不成,而法之强自此始矣 牙又來取奈波里,教皇日耳曼帝瑞王連兵拒法,又失美蘭,旣見敗於英 ,國威自張;日耳曼帝權日衰,故國日弱;法王權日盛,故國日强;兩 ,則視君權之能集與否,此中古時勢之自然歟! , 遂弭 兵 ,

佛 朗詩 亞第

國之創同時

,而强弱異形於後

路易十二無子,路易第六孫佛朗詩亞第一,自阿連侯以近支入繼,敗瑞士,降美蘭 , 適西班牙王沙立曼第五兼帝日耳曼,最强,取美蘭而與法大戰,王大敗,被擒

摯致班京,要割白艮而釋之,國會不肯與,以爲地者國民之地,非王所能割也。班

怒,來攻,王誘突厥攻日,乃行成,己又再來伐,乃媾和。沙立曼第五蒞法相見 旣而瑞典丹麥挪威連法攻德意志而敗,德意志帝取美蘭 , 准以美蘭奈波里發蘭德三 封其子,王乃乞師突厥沙

立曼合攻德意志之灣京,德聯英兵入巴黎,乃相會議和

,

國歸德意志 訖無寸功也。佛郞詩亞奢麗好武,有漢武之風,傭德瑞兵練之,分七軍,軍六千 ,德亦歸白艮于法 ,用兵三十年,無歲不戰 ,三世爭意大利 ,凡五十年

文學日進

,立印書局

朗詩亞 第

立,英伐之,法助之,美利嫁法王子佛朗詩亞第二,巳而嗣位

,

時外闢美洲

,

嗣

, 兼

蘇王與英德兩戰,大破德班兵,乃和,于是班法爭六十年矣。先是蘇格蘭女主美利

制度,

內外無

事

, 法日-

漸盛

,

而新舊教之爭起,加頒的朝以亡

查理第九

新 教之大 盛

三十 年 教 争

九年

,

法朗詩亞第二在位 加他鄰臨朝 , 時西千五百六十年也。 一十七月而殂 0 后美利還往蘇格蘭 自路德新教興 , , 法 弟查理第九 人迦爾文約翰 弱齡

,

以

高

行

博學

節位

太后

止于六百四十八年,爲三十年教爭, 大倡 其說 , 法人多從之,新教大盛 **法國三十年,亦八次教爭,又起于千五百** 。當日耳曼新舊教爭旣起 ,于千五百十八年 五十

教有那瓦勒親王及波旁族孔德侯將軍谷利尼為魁,舊教寺改從新教者二千餘所矣

舊教介斯族哥德侯之誅新徒千餘人,王爲新教長,不早卒,幾及難矣。

然新

新袒舊而挑之,于是戰愈劇 孔哥二侯,以爭教歲相戰,或藉英班為援,太后惡諸侯之橫,欲其鬭 ,互有勝負 ,亦視君后所從違以歸心王室與否 而 兩斃 , 于政 , ·時袒

年八月 , 乃紿 王以新教叛 , 借大祭日而大捕之 , 八日夜坑殺 五萬 人 , 但 巴黎殺萬

教

禍之慘

亦互有

得失

,新教亦時嚴誅禁

, ·時聽

自由

,

后既以舊黨爲不足畏

,於千五百

七十二

法蘭西游記

斬谷利尼

,

號曰聖巴沙羅米

,由虐殺日前後殺新徒十餘萬

,

而王病狂

死

0

其弟顯

三六三

理第三為波蘭王,急歸卽位,乃從新教,于是新徒得爲議員及官, 一切自由,是爲千 五百九十八年,哥德侯以破日耳曼有聲威,還破那瓦勒,孔德自稱法國督,而 政王幽

之,王走出,遣人剌殺哥德,舊教乃立十六利克,結巴黎議員以抗王,立摩冶那侯

。既而教士尾王出弑王于車中,爲千五百八十九年,後加頒的氏歷世十

三經年二百六十一。

,爲法總統

## 波旁氏

顯 波

理等朝四

異。而法人必別爲異朝,甚不可解。甚至後加頒的腓立第六,以腓立第三之孫繼統 出於景帝七世孫云爾。以第七子別封波旁,故別為波旁氏,實與加頒的氏同 顯理第三弑 , 于腓立第四實爲胞姪,於路易第十腓立第五皆爲從兄弟,入繼大統,名義尤正 雖支屬少遠,而迎入繼統,旣非異氏,又非篡爭,並非大亂易朝,與守文世及者無 ,國 人擁波旁侯顯理第四入繼,蓋最有賢名之路易第九裔也。猶光武之 爲一家

如是 中亦不爾,不解法史遽以加頒的分前後二朝,而以前朝爲亡也。腓立第六之至親猶 何況波旁氏之疏哉?今以中國人視之則不便,故不從焉 0 歐人重天而 輕父,

之入繼略相同,甚至迎君于外,嫁女而國隨嫁於外焉。惟市井不驚,制度如故,除二

歐人法人尤多,古今豈盡得子而傳之,苟非傳子,卽以爲易朝,如斯之例,在歐人

無祠

廟之祀以追遠而收族

,故

一王之起廢,與民之關

係不深,權臣之篡位

與遠支

,

民

亦忘之。

故苟

非異國異種以兵入侵兼并於人者,有奴隸之恐

觀權臣大武額與遠支顯理第三之爲國人迎立,

三親貴

有

所關係

,餘皆視若無有,即

有爭位爭地之事

,亦當時日行之常

,

司空見慣

,

則歐

人於移朝之

視同平等

可推

事 ,

殆無足

重

輕也

0

見法俗 矣

西千五百 八十九年 , 顯理第四以才賢由疎從入繼王位 , 西班牙王羅 來內 侯皆以

納邑者 之親 國人多從舊敎也 欲覬覦法王位 , 王畿乃大 , 乃改從焉 , 顯理常惡列國之爭 , 舊徒惡波旁故從新教也,乃引班 ,以靖國 人 , ,民生之困 王權乃振 , , 因 擧 蘇理 出 羅兵入。 財與諸 爲相 提 質 王結英破之 , 積 食勸 地 , 侯 農 國 , 除疾 旣 漸 多 知

業 少而 苦 , 嗣 弛 位 教 禁 , 與母后美利 , 欲混 歐土以弭兵 ,交悪用兵 , 始攻奥而被剌死 , 田田 奔 , 既復好如初 ,千六百十年卒 ,王少恩信 , 子路易十三, 非 有異 才

路

易

+

Ξ

黎 開

塞

留 歐

霸

之

名 相 歐洲名相 惟信任敎長黎塞留 自俾斯 麥前 ,爲相二十餘年 ,殆無過之。其策以制諸侯而恢王權 , 開霸歐之業,則幾若齊桓公之任管仲矣 ,挫寇敵以張國 國威爲主 0 黎爲

禁 0 新 , 頻討 教徒挾英來犯 强侯 , 皆平之,執强侯不用 ,築堤敷十里海上 命者誅之。 ,以截英兵而敗之, 母 后與王弟黨焉 於是新敎黨悉平 並 加 流 放 , 皆受嚴 此眞

,

爭 范睢 之說 秦王矣 0 於是學大兵 , 南踰 阿爾頻 Ш 兩 攻班 京 ,三伐日 耳 曼 强 , 取 其 地

三 十

年

戰

所謂 三十年之爭也。與英意荷瑞葡盟 , 而斷班右臂 ,於是班 亦受盟 ,

兩

折節

, 而

居黎 正塞 留 似 張 法逐 之功,不可沒也。與吾國張居正,亦遙遙相對焉

稱

霸

,

至今累經變敗

,

尚赫然爲强國

0

雖歷世有英主

,

法民

亦踔厲

,

而

黎塞

留

爲廣黎 名孝塞 相皆留 以與 僧姚

留時爲之。

黎塞留與姚廣孝皆以僧爲名相可偶矣

0

吾遊各國

,

見黎塞留像

,

秀骨稜

表玻璃鏡火漆,皆製於是時

,獎勵工商航海

,

開東南洋殖民地

, 通商

中國

,

皆黎塞

。乃始派使各國

, 設京

報

,

其

風

雨

路 易 +

四

六年也 0 子路易十四 嗣 0

破日耳曼 路易十四

,割亞薩

斯之地,於是丹人以四城叛

,日耳曼內附

,既親政

,

班王親帥大

,

,

法以兵事絡始成霸業,

最著者也。

始即位

,

令大將孔德破西班牙

,

又累

稜 , 遊西山見姚廣 孝像 , 乃如伏虎也 0 君相同卒於千六百四十三年, 當明 末崇禎

四之 沿海 軍來伐 軍 欲北取荷蘭于班 來戰,不得已暫撤戍兵,而益惡荷 , 代之, 地 始 加 0 尖双于槍端 時荷蘭王威廉有英名,其將雷的蘭亦能軍, 而割其那維那地 大破之, , 割其法蘭孔的,自是九年爲荷蘭戰 而割阿爾頻山西與壁魯尼之地 , 親帥精卒十三萬伐荷 ,于是東助日兵以拒突厥 ,賂英瑞以離其交 , 拔二十五城 班霸業衰於是役 ,內平地中海 班日援之,皆大敗 0 , 乃擢羅窩亞爲帥 一六六六年 , 又陷四 , 州 南破突尼斯 ,荷聯英班瑞 以 , 海 教皇辱其使 , , 荷割法朗 大營海 車 蹂 蹦 , 其 陸 乃 典

武路

功易

皆求和

,

既而戮新敎數十萬人,

英日瑞荷聯師問罪,

其孫腓立第四爲班迎立

,

與日

剛的地

請

和

。已而

:威廉敗瑞典兵,率日班大搴來伐,分諸道應之,皆大破之,

數城

而

海軍

大敗荷師

,

斬雷的蘭

,

再伐而大捷

9.

分拔班十四城

于是荷班日

進取

+

三六六

歐 耳 上諸 曼 各 大國 國 大戰 君主 累年 , 皆日事 , 雖 兵爭 見敗于英 , 有 類 , 戰 稍 威 挫 一霸威 , 而 路 , 易十四 而 腓 立 盡收侯 終奄有 權 西 班 , 無 , 無牛嶺之阻 內 顧 憂 在位

王路 易 + 79 大 四之王也 吾遊路易十四 大王英武之概

,

歐

土近

世

千年

中

,

在位之久

,

王權

之尊

,

兵威之雄

,

奢肆

驕淫

乏迹

,

自

稱

,

誠

無其

比

也

0

但是

時

瑞

典

〈霸于北

,

西

班

牙

霸于

南

,

威

廉

挾荷

英而

子王

既久,

熟于

事

勢,

故成功尤著哉

0

遺宮

,

既縱覽其像設

,

飽

觀

其遺

跡

,

法

人

、誇以

爲

冠

大

地

者

0

路

易十

因能路 稱易 帝十 之四 原不

班,然終爲霸而 兼王于海 , 日耳 不能爲帝,則 曼則 向爲 大帝 處列國 國 , 一之勢 路易十四 , 動 皆以 雖武 聯 | 稜四 軍 相抗 溢 , 吞 , 路易十四 并 紛 紜 , 無 晚 如 且 能以

時亦俛首受盟 位遠不能齊 , 比肩多主, , 與 我聖祖 究非大一統之帝, 生同 時 , 與 高 廟 行同 而侈然自以爲天日照臨 術 , 與 漢武 之雄 武 奢 惟 麗 E 同 , 欲 之何 脈 , 卽 而 或 , 有 家 地

之 道 有古爾比爾 豈不謬哉 F 馬 車 然 ! , 然勤于政事 名將如林,獎文學,開學校 街 燈 **戢盗賊** , 雄于用兵 兵威 層服 ,明于用人,名相則 , 設圖 拓 地 書館 应 陲 , 宮館 鼓厲音 有 壯 麗 樂 瑪撤 , 闌 啚 聲 畫百 盧窩 色權 科 亞 娛 之學 計 威 儀 臣 • 創 則 嚴

,

漢路年在

位 治易

+

武易

+ 七

74

似

•

,

•

•

•

•

文路

+

四

,

聯

卽

國

家

五齡 整 • 在 卽 位 位 七十二年 , 在 順 治 元 0 晚 年之前二 悔 兵 禍 歲 , 無 , 六六 不 有 漢武之意 年 也 0 其 氣 親 焉 政 , 當 眞 康 英 (主哉 熙 元年 ! Ż 路 前 易 7 歲 应 , , 在 自

位七十二年 , **殂于西千七百十五年** , 當康熙五十六年也。 其 御宇與聖 祖 同 極久長

三六七

路易能爲之

蓋自查理第七勝英復國

以來

,路易十一二,查理第八九

顯理

第

又全同

其時

,

但

與聖祖

之仁聖異耳,

其於高廟則近之。然路易之王權

尊大,

蓋亦非

因權路

**口**身大之原 四易十四王

之國原王 嘗霸矣 因此並· 其政 文明,大礮旣出,城壘難守,故能削平强侯, 立曼以 0 , 其王 # 有英主 , 權獨 王位 立以至于今 一統可也 , 其至桀頡 空虚如 尊于法而不出于他國者 , 抑諸侯而收王權者, 0 者則 而 奕棋 ,于以養成法國 無 如適逢教爭內訌 兼帝日耳曼 , 而 新 舊教之爭乘之,日耳曼且因 積二百年,至黎塞留 之雄 , , 令其 日耳曼國 , , 則 不得逞其 诗 而王權復尊 無新舊教之爭 以日耳曼帝與教皇同 雖 最大 雄心 , ,蓋天時人事兼之 而教皇久扼其權 此 而 , 其 大成 , 而 他 則 分裂,豈惟不 厠 沙 ,又藉十字軍輸東方 國 或地僻不 立曼第五復爲大沙 故 也 0 ,非細故 帝,侯國 能 選 西班牙亦 侯 争中 久柄

且

也

因權當 獨時盛法

教皇同

國

,

而

無所掣肘

,

故專心致志,世以削侯爲事

,果能竟其大功

,而

王權大收

或國

小

無霸基

,

惟法則

立國

之遠

,

與

日耳曼並起

,

分據

歐東

,

土地

既大

,

又不

與

原

荷能

大治

海

軍

以勝

英班

,

必成霸業

,

以法所積

之厚

,

所丁之時

,

自必有長壽英姿之

矣。

既有王

權以指麾大國

,

近與破碎支離之日耳曼爭

,

遠與僻小之荷戰,自必有勛

如此 路易 高廟在位六十年,復爲太上, 十四 , 亦 歐洲霸爭 出 于 其間 之結局哉 萬 人爲 雌 ? 九旬天子古六帝 日 以 中 成其 則 昃 雄 , , 非偶 月 盈 然也 則 ,四代曾孫予一人,十全老人之武功 食 0 , 列國 後 此時 並 立之際 局 移 變 , , 英霸 不 H 驕 得 奢淫佚 矣 。故

0

路

易 壽

福

壽之隆

長 結

,

亦

結

歐洲列

國

霸

主之局

,

而

非

他國

所

可

望

0

蓋

皆

積

數千年

之文

福

盛

隆

,

盡

大地

統皇帝之局

,

而

非

突厥

印

度諸

帝

所

能望

者也

,

後此

無有矣

國乃 霸結

明爭戰

而

僅遇得之者

,

故路易十四之遺跡故宮

, 亦

大地

之瓌偉巨物

,

可以感慨

者夫

!

則 道 也 以 威 謂 武 0 歐洲 路 奢 易結 泙 之地 歐土 君 形 權 至于 霸主之局耶 既海 路 島交午 易 ? 無 凡物 以 , 其 加 治 極 矣 體 則 0 夫凡 復 反 君 , 滿 師 列 國 錯 則 並 雜 傾 立 , , 消息 刨 , 則 無 君不 盈 有 能 虚 極 統 , 循 奪 環 而 相 民 成 不 秦 尋 皇 甚 ,

,

,

卑

0

仕

者

天之

者異 何 者 也 ? 以 0 得 君 處 罪 列 則 國 有 之世 鄰國 可逃 , 既不 , 仕 能獨 者 則 奪 有 , , 異 而 路易 或 П 乘 從 累世 , 與 之威 統 之國 乃 行 , 獨 民 一尊之權 無 H 逃 鄰 此 無 必不 可

命 之 控全國 是矣 能久 壓 , 故平等之說 0 革命之事 也 亦 必不能 0 中 國 行也 民之受害不甚 , , 不能出 陳涉 0 最先 有 其才 也 0 , 以持 中 而 • 或 故民主之義亦不大光 共 地大 和不 世 成者 僅 , 無 能護 主則羣雄爭亂 , 則 持 其生 以 中 國 前 , 故雖 僅 , 而 , 帝制 大革 異于 必決裂于其 命而 法小 無十 君 分身後 萬貴族 主 可 如 以巴黎而 故 心之暴 秦政 也

力既 大昌洋以轉移國 其 , 則 抗 力因 民焉 之而 生 , 能攻教者則 , 叉 有 異 國 承路德之後 可 容以大發 之 , 舊 故 教壓力 福 祿 已除 特爾 攻 , 能 教 攻 盧 君 騒 1者則 攻 君 之說 承倍

法蘭西游記

與中原法

法國因國 異事

勢

之

若

法

阈

貴

族

Ť

萬

,

壓民既甚

,

大僧

產業

占

國民三分之二

,

此皆

中

國

所

無

者

也

0

壓

革

根笛卡兒之從 , 哲 學 漸昌 , 經此孕 育 而後誕生焉 0 故革命 民權之事 , 不 能 在 西

而不 大變 紀以前 , 不 , 而生于 根于學理 西十七紀也。 而 因于事勢 英克林 , 與 中 國 威爾 同 也 , 非不 。英民權之永定 革命 , 未 幾 而王權: , 王權 之永削 旋 復 , 則 , 實 以 在 英之 彼

因根英

於 於 學 革

勢理命

夜呼 王龍 者,以歐洲各國侯 西千八百三十二年 權 奪侯 , 其 亂 上人女 小 者 侯 四 食邑 應 , 圍 自路易十四 權甚大, , , 不滿千戶 亦承法餘波所鼓 王宮 **羣侯並强** 撤 後百餘 衞 , 幾致 兵 動 飢 年 而 , 遷王于· 也 寒 民 , 諸 能 0 , 心動其 故 革命共和之事 侯未 爾 市 時 聞 , 王權 惟 有 = 稱 一王獨 兵作 一失,諸 不 , 不 -能全動 尊 亂 始于 耳 者 侯 0 無 巴黎亂 他 皆 之也 カ以救之・只 奔 蚁 走後 而 民 必 惟 畄 区宮以希 法 手 或

遁逃 , 故 羅 伯 卑 爾等得恣行焉 0 假 令法不 -盡收侯 權 , 强侯四· 布 , 則 有 內亂 0 民定

,

,

故獨 崙以民 權之公理 , 布于 歐洲, 欲收人心以得其地 也。 不意根萌 Ĥ 深 , 故 始 則 日 意 諸

出革

於命法共 之和

之至易

,

故革命共

和所

以獨出

于法者

,

卽

緣法盡

收侯權之故也

0

及革

事

已成

拿

破

有

夫

法

削

心全易 小國 , 爲民所迫 , 而 奥普從之, 而 變 , 奥普國 故革命共和之不起于奧普者 大君尊 , 猶未及也 0 及法第三次革命 , 即以强侯猶多故 , 全 也 | 歐幾 今俄 動 民 , 民 變

却 生 由此 # 英 君 而 哲相 盛 得失相 , 專 志 尋 于 削 陰陽互根 侯 權 , 而 不 故君子不可不知陰陽消息之盈虛也 知民變卽 從此 而 生 猶 宋 藝 즲 專 削 藩 然民 權 , 權 而 共和 狄 禍

,

,

,

0

數

+

车

矣

,

所

以未成

,

以俄公爵尚

多而

强故

也

0

凡物之患

,

常出

于

所

備

之外

法

累

秋三世之

公理 也。豈其使一人肆于民上。孔子之爲春秋張三世也,于據亂世去大夫

,于升

主

時 之爲 義

由法 事國 勢革 相命 迫實

路 易 + 五

豈知侯

權

旣

削

,

而

貴族

尚

壓,

大僧占產

,

又承哲學開明之後,

事勢迫人致然

路 易 十六

帝拿 破 崙 之稱

,

幾一歐土,

亡拿 破 崙 之敗

年

0

荒

島六年

,

射

獵自適

,

後爲英鎭將黑遊牢凌侮

, 病

不服

藥

而

死

,

爲

嘉

慶

十六

,

至其時 則不可 也 平世去諸侯,于太平世貶天子。詩主文王,撥亂存君主也。 。易曰見羣龍無首,天下治也,太平也。孔子立義廣大,但未至其時而妄行之, 也。 , 而 君主民主之法度,譬猶方葯也,方葯當對其病 或者妄欲師法 , 是大謬也。近人以民權革命共 和之事始于法 治法當視其時 書稱堯舜 • 升平明民 , 多美法 , 中 國

法人之獨能卓立慓悍而取民權也 0 是故孟子貴于論其世 也

千七百七十四年卒。父子相繼 路易十 四 [老壽 0 殂時子孫皆逝 , 0 在位 曾孫路易十五嗣 人長 ,甚似吾康熙乾隆 , 頗闇 庸 , 兩 然在位五十九年 朝 , 亦復同 時 , 0 故君 以西

權益振 當乾隆四十八年,爲法革命改共和之歲,九三年乾隆五十九年,拿破崙由總統爲帝 ,子路易十六本仁柔, 乃以開議院 而 受禍

0

, 凍死十三萬二千, 十年 而爲八國 俘十九萬三千, 聯 軍所擒 還者四萬二千, ,流之聖厄理那 自起裨將爲帝至囚 島。 俄之敗 戰死 廢 十萬二千五 , 凡二十

年 , 二西 十千 一八 年百 五十二 一歲矣 0 後二十年 , 或 X 思其 功 , 迎櫬 而 還 , 國  $\pm$ 腓 立 第 ,

法蘭西游記

官民

臨

葬

,至者凡百餘萬人,

有嗚咽者,

則忘其殺戮之禍

,

而

思其

赫

赫

之霸

功矣

撒布後衣 行之,有能發明藝術器械者獎之,文治之美,可爲後法。與老學士辯論入微 明文思,尤爲難之。且歐洲無起布衣爲帝者蓋愷撒後一人而已 拿帝之善治兵 人所共知,吾觀巴黎博物院圖書館,冠絕萬國 , 所制定民法 其聰

髓 禮 第 + Ŧī. 權,

七年而卒

,

無可稱者。

其弟罅禮第十五,益欲張

君權

,

民不服

,

乃征非洲

之阿

路

易

+

八

拿破崙敗後,

各國立路易十六之路易十八爲王

,貴族大僧

咸

歸

,

惟

思

恢

復

故

產王

爲歐

愷起

人帝洲

三日 革 命 立 號

黎人譁

,

仆王旗

,

王命討之,遂與王戰

三日

,

闖王宮

,王奔蘇格蘭

,

六年乃卒

0

再擊

阿爾及耳

,禁不得自·

由

刻書

,

巴

爾及耳以洩之。

西千八百三十年三月,王乃令散議員,改選法

號曰三日革命。

議院迎公爵路易腓立,號曰民之王,明非國王也

日路 民易 王腓

用兵十餘年,乃擒其酋

,

嘗入君士但丁,終不克。後大破摩洛哥

,時多水旱

,民飢

,乃廢世

襲

,

Ш

海 兄 弟會

四四

第二革 命

兵伍以彈壓之,巴黎府

困 ,政黨乃欲行大改革

平女權

,立四海兄弟會 ,

,

舊制人死財沒入官,否則歸寺院,至是改之

平財產,去政府。道光二十八年二月,宰相禁民集會

死 人無數 民夜呼,結柵鳴鐘 , 又復見大革命之亂矣。此二革命起于禁妄出書禁聚 ,得數萬人,遂迫王宮,王出奔, **亂黨橫** 

夫夜呼 , 或 王出 走 , 蓋巴黎民權之風 ,積久已成,一 觸即發 , 而法之君相

尚欲妄行威權 亦太不智夫! 會

,

行

,

毁名勝爲

瓦礫

,

拿

破崙第

Ξ

於是拿破崙第三被舉爲總統 , 始誓行共和政 ,既得大權 , 三年,盡擒名士議員千人

下獄。陳兵五十萬,迫國人奉爲帝,嘗助薩諦尼攻奧,旣而背薩而與奧和

地,卒以驕大敗于普,西八百七十年被擒

死者七十餘萬。拿破崙第三狡點多才術

,

得二郡

,其於內治,修堤防道路,定恤貧民新法 ,置工業學積貯銀行,亦有足取者,但以

權術自民主爲帝,凡奸雄之人,抑可推矣 0

民主, 事 有 國旣無主 再見大革命之禍 。立爹亞爲總統 ,民保其生 學棋不定 , 巴黎亂兵大亂十五日,宮館寺署皆焚 ,以法革命之事 , 0 即立憲法 蓋巴黎誤信自由已深 ,至今七易 , 改變亦已十次 ,所關最大,故詳論述之以爲鑒焉 ,雖王黨未盡 ,動行叛亂 ,其民死亡離散無數 ,至今垂三十餘年 死 , 者四萬 八十二 年間 , 殺者 , 政體 , , 爲大地古今所未 二萬 大變數四 少定 八千 , 兵革不 君主 又幾

慘 大亂。 統觀法事 0 所以能爾者 巴黎雖頻被兵,自普大勝法以前,只有英陷北境之大禍,而未嘗有亡國之奇 ,千餘年來,名雖易數朝,實自大革命前,只有侯封之內爭, , 則衆侯之力爲之也。然諸侯內亂之禍亦慘矣,一旦芟夷貴族,而 而 無易朝之

實 雄 王室亦倒 飛 統 , , 其 可 餘 以觀 人 主 事變哉?然法封建之始,實同部落 ,皆闇亂 無足稱 0 蓋 自十字軍未興以前 ,甲盧萬之朝 , 法僅 傳 , 惟沙立曼父子 北 狄之舊俗

同法 部之落封

建

法律以入其國 , 法並羅馬之文明亦無得焉 0 加頒的初立百年 , 權在諸侯 ,只有保守

日事

兵

戎

,

僅

如吾匈奴突厥蒙古

,

無足道焉

0

日耳曼尚兼王

龗

馬時

,

輸

羅

馬之文明

後二百年 , 爲十字軍之世。 晚季數十年,爲羅 馬之爭 , 至後加 頒的 初代 ,

爲百年之爭 蓋自明成化以前之法國 ,內則 侯爭城堡 人民土沙 外則 與 班 英日戰 則 與

,

,

英

0

暴骨如莽 夷狄之政,野蠻之行 , 無足比數焉 。卽觀 其十四五紀以前之器物 , 蓋

猶可見也。 亦絕不精巧 若我則三代漢唐宋至明 , 不過山顚之城堡堅奇 , , 爛絢 城市之寺廟突兀而已 之極 ,己歸平淡,以吾明初 0 覽其圖繪及巴黎舊跡 中國之文明,視

視中 法國 何之 法何 我之文明 如 哉 , 中 查理第 -自爭羅! 七復國後 馬奈波里受羅馬之法度 ,賢哲之君六七作 , 近自哥倫· , 既抑侯服 布 後 而 振王權 , H 事 拓 ,上自十字軍 地 殖 民 受五

如 文 明 明 初

, 收各國之精奇 , 而哲學漸 發明於乾隆之世 , 卽 機器之創造 , 亦在道光 七年 , 以

民俗驕淫 ,以言其法治無足觀 0 憲法十變 , 而搖搖不定,政黨七派 , 而 互 軋 無 權 0

幾 洲最早 耳。 以言其文明 然非 , 所 故巴黎有褒倫街及路易宮苑 論於數千年文明之中 , 則獨十齡之學童 , 國也 而誇于儒林文人前也 0 , 今學者無 頗爲壯偉 中外之學 , 而 法文字亦大行於歐 。以在近世收王權 ,不考其本來 最早 徒觀其外 幾爲 , 正文 霸歐

爲法

正文

文在

歐

七法

派十

變

政

日之長

,遂以教案

,

輙滅安南

,

而凌吾國。

然是囂然之民,蕞爾之國

,

政黨繁亂

洲之聞見

,

而

後學校漸啓

, 製作

漸

精

,

入國朝來

,

路易十四乃豐亨裕大

始

爲

郡縣

蹟 , 及震其百年 之霸 , 而畏之媚之 , 何 其愚哉

法與英對海立國

,

僅八十英里

,燈火壁壘相望

,

寇讐婚媾累爭

9

將千年

, 然威

廉第

英王以兵助攻亂

,爲英法交通之始

0

然出於或說

,

蓋當時實無史文。英固

七土

司交

,

,

,

,

,

其交通之具未備

· 其文治未啓

推

矣

未王英以前

,法英未有交通之事

,有謂西十紀時甲盧萬末王路易第四迎立於英

爭 然則在南宋初時 蠻野之至 即法與壤對 , 法之爲法, 不知開闢 文野? 程 度 不事交通 , 固 미

## 四 法 國大革命記

未開 忠忱固 颯爽 名士伯 法之召大亂也 , 甚盛 未嘗不起敬其高義也。然能成大功於助美 利名將侯爵拉 0 拉 , 飛咽 以初開議院之制 飛咽 以助美自立 , 其宗旨不過欲改專制 未善 ,仗劍成功, 也 0 當時民黨領袖 吾遊美華盛頓故宅,覩其遺像 ,而 而 行立憲耳 反貽大禍於祖國之法 人望最高者 。乃心王室而擁 莫如伯爵米拉 則 護 英姿 以診 z,

治美拉 助 治國飛美 法平咽自 國等誤立 致之以之

病未審

,

方藥誤發也。

其方藥之誤

,

何也?則拉

飛咽以美國

政治

之平等致治

有

效

大亂

欲以美國

之政

,

施之法國

,

而

不審

國

勢地形之逈異

,

於是在美行之而治

,

在法

行之

則

强

理

善議法

院大

時亂

制在

弱 病 加 表 在 亂 裏 裹 彻 在 虚 0 是猶 實 虚 者 ,則天下執 醫者治病 , 必 反而 驗 不效矣 , 不 方新 審 表 編 0 夫苟但: 裏 ,人人可以 虚 實 執 , 驗 而 以爲名醫矣 方 以驗 而謂可妄執他國 而 方施 미 以 之, 治 有是理 病 其 , 不 病 一之驗方 乎?醫 待 在 審 實 夫病 在 表 以望 身既 者 者之老幼 而 效 無是 ,

法蘭西游記

況診

國

之病

,得其表裏虛實

其理尤難

,

南海先生遊記彙編

之痼 疾 , 其可行哉?悲夫!以拉飛咽之忠勇,下愛同胞 • 上忠君國 • 誤發身親經

驗之美國 藥方,遂以大毒法國 ,且自毒其身也。以拉飛咽之忠勇至誠 , 立功經 驗 ,

天下士也 夫拉飛咽所持美國之驗方 ,少有不愼 也。此至公至平 ,禍 毒若是,況無拉飛咽之經驗 ,實天下公理之至也 之理 聖者無以易之,實大同 。其要旨 , 而忠誠不及拉飛咽著乎?且 日 世 , 之極 人權平等也 則 然孔子 0 主 權 早 在 民

之 不審先後緩急之宜 太平世之法 , 而必 先以據亂 , 見義勇爲 世 升平 , 遽發權理案 世 , 乃能致之,苟未至其 ,乃以暴斃焉 0 呼其可傷也 時 , 實難獵等 ! 以普 拉 通 飛 選 咽

多議 不參 能政 讀之

學故

,

當時法二十五歲男子,

僅五百

萬

,

而選舉

人已四

百二十九萬餘

人

凡

鄉

市之

原法

因國

大 亂

也。普通選舉

,

也

0

明

不官三 識吏十 字官人 吏有 多一 置四

自治權 吏, 任 萬 七千餘 參議參政之職者 與巴黎不相屬 ,雖百千人小鄉 , , 乃改州縣分全國爲八十三州 多不能讀法令, ,亦設理事官五人治之,故全國之民三十人 以此愚氓任官,安得不亂?昔者 ,三百七十四縣 , 而 , 市 地方各有 必有 鄉官 衙

官吏, 大亂 也 而官多不識字,豈獨不 夫立法之學 , 至深且 知治 遠 ,以今日美國之久安長治 , 擴悍橫行無所不至, 議員與官吏如此 9 而法 東刑 官 皆 , 故釀 擧 於 民 成

故悍鰲之人 多 議 其不 能稱 若 職 羅 伯 , 不若英國 卑 爾 馬 喇段敦埃卑 , 況於法國初變之時 爾易伯爾諸 人 , 人才尤乏乎?以其 , 皆以屠伯之性充法吏 、學於民黨 故妄

行殺戮

,

慘無天日,

始以除王黨,繼以除異己,不擇善類

,

不論民黨,

互相爭權

,

流

三七六

m

徧

地

,

斷頭臺上,無能冤者。首創變法

,倡始革命諸功人,莫不戮屠無遺種

,以

是釀

成恐怖之世也

。夫議院之有上下

,

以互相制

也

,

田

間少年勇悍之人

,

與

貴

位

成謹

重

之識

,

相劑而

調之,乃底中

和

,

而得中

·適宜

0

今以主權在民

, 只

有衆

議

院

而

無

上

議

院

,

民

權

既盛

,

慓悍持

權

,

動

極屠誅

,

人皆不保

,

故賢士大夫不逃則

戮

,

卽

害權 不 得 當

權之害

,

遂如洪水決堤

,

浩浩蕩

蕩

,

懷山

裏陵

,

大浸稽天

,

無所不溺

亦若

猛

潤

Ш

失是非

,

惟

,

0

以是諸

因

,

民

血為

事

無

復義理之可言!其兇橫有過于無道之秦政隋煬萬萬倍者

在民

獻

之夫

,

良善皆

誅

,

而

惟悍敢狡鷙之人

,

可以在位

,

故挾其獷悍之黨

,

日

以

流

之民

其適宜 柙 亦可發熱而 , 無 所 0 譬猶 不 死 噬 樂之補潟 , 且樂必加製煉,乃可用也 此則 喇 飛 , 亦無得失是非, 咽 誤師美國 之毒也。 惟其對病,苟不對 ,不製之藥 夫萬法之對於 ,反可生病 病 人羣 , 則 , 民權固爲 無 服 得 

免 其死 然不知製之,乃以不教之民妄用之, 而  $\Box$ 0 況于服砒霜飲烏 頭 而 又無分兩之度限乎?死矣死矣,無 此則 誤服 人養十數斤, 誤飲 可救矣 補 酒百 石 0 法 , 人既 只自速 入

於恐 怖 , 而 拉 飛 咽部下皆 入嫌疑刑 之戮,痛哉,自作孽不可活之忠勇拉 飛 咽 也 1

自

由

毒

法未

革

-命之始

,

先已

一段教

殺僧

, 民

無教

《義禮法

,

以服從其心

,

綱紀

蕩

然

如

猛

獸

,

假

於拉

死飛

咽不

,

0

公理

,

于自 由 無 君 無 師 , 無 教 無學 , 無禮 無 義 , 賊 民 興 , 喪 無 日 與之天下

豊 能 朝居乎?觀法大革命七年中而恍然也 0 自巴士的獄破 , 衞 軍 撤 王以一身

異盜巴 已國黎 權市 駈會 除擁 爲民

擁

遷于巴

黎

,自是白龍魚服,喘息需沙,螻蟻噬之矣。

以米 死拉 伯 齋 恨

督護國

,

以法 衙刀鋸 , 后則約會于公園 , 驅除異已, 米拉伯雖欲解散 ,以釋嫌 言好 , 君則訂予俸還債 民會 , 仍擁 王室 , , 路易十六君后 以簡在爰立, 然新 , 亦肯 售

降心相從 兩相之黨交擠之,米拉卒不 一之大軍 稍資擁護 - 能執政 苟延旦夕 , 以行其君主立憲之策 然始則失意于后妃 , 應得巴黎市 而齎恨以死 長 0 拉 而 飛 失 咽 Ż 以

毒亂 死 0 法國 嗟 夫! 中 以二子之才望忠誠 欲 轉移 , 則 能發而不能收 , 志在立憲以安君國 0 夫破壞猶 縱火也 , 豈有: ,不 比哉?然行 **戢將自焚** 之無 也 序 0 縱 逐以 火之

破

壞 猶

縱火

功宿望

, 因

此

頓失

,

乃反軍

而討

Z

,

力已不逮

,

進退失據

,

卒爲降虜

流

離

英倫

而

于革黨,

伯書

,

,

,

,

,

,

終則民黨漲大

,

誅戮獷悍,人心全變

,

反以拉

飛咽

擁

護王

室爲

非

, 大

拉喇飛咽 始 , 所 焚者僅欲在此 所預料哉?嗟夫, , 而大風忽乘之, 忠義人望 ,若二子者 則將倒焚 , , 無能 亦可鑒也夫 自主 , 且 1 以自斃焉

爲亂 西千七百九 民 截還 十一年四月 0 出 走凡五 日 , 米拉死 , 民黨決廢之。 。王孤立亂民中 幸拉飛 咽 , 以 無所恃 護國 軍 , 六月乃走 彈 壓之

院 開議院 惲 , 于是復 , 不許用舊員 熾 0 當 主出 , 于是被學者 奔 時 , 搜得  $\pm$ ,民黨悍猛之人 一之私 書 , 多非 ,充斥其間 難民會之語,用是藉口 , 而貴族王黨

再 開

議

室少安

,

君主立

憲之機

,

賴

此

綫

, 然捕

亂民

而法院畏不

敢問

乃釋之

,

亂

民

無所

至

+

月再

,

鮮敢

,

封雅

各

伯

社

依布

意

爾

侯

此豈米

至是巴黎市

會

,

擁

盜

國

國君

主

立

憲

定

捧土以塞孟津

,

無

**沂濟矣** 

0

大恐怖之期至矣。拉飛咽以一木支大廈,欲以君主立憲定國 學者 , 其有一二中立之人,皆畏懦不敢與民黨爭,于是平野黨山岳黨出 , 以中流 人士執政 , 而 大革命 , 如

書蘭及 夫倫 婦的 及黨

Ш 岳 黨

政馬

見喇

法之 喇爾

段羅

敦伯

馬卑

及

伯羅 神 者 ,

平野黨者, 及倫 的黨也 , 羅蘭夫婦及伯書主之。此黨多福祿特爾門人,講哲學 主無

人才最多

**偏**全國 之。 山岳黨者 以 , 主 陷巴士的獄 權 , 雅各伯黨哥爾得 在 民 爲 義 , 0 脅國王, 昔者北 爾黨爲之,皆下流 勒達尾 皆是黨之議也 州 議 員 人士 0 會于 馬喇 , 雅 而 自蘇格蘭習醫 各伯 羅 伯 寺 卑 爾段敦 , 因 , 以 後 馬 爲 喇 歸 黨 爲 諸 新 名 屠 伯 聞 0 記 漸 王

段敦猛厲 者,巴黎人心爲之大變 ,年三十爲政社 0 其言 總經 動 , 羅 日 伯卑爾 ,非盡殺貴族二十八萬人 , 出路易大學, 雄辨 ,不能變法 湔 通哲學 , 實爲革命

是時 之主 長 , 而 州郡已 0 革黨伯書得之。於是段敦羅 變畫地之制 , 皆聽命于巴黎,于是巴黎市會 伯卑 爾馬喇皆爲市 會議 , 實執 員 , 國 而 斷頭 權 0 拉飛 臺 上之機,人 咽 既失市

人 無 能免者 , 王侯螻蟻 , 蘭艾同焚 , 爲古今未有之慘焉

當路易十六之被幽 也 , 求救於列國 , 法諸貴族擬 立王弟康對 公於哥不

於列

國

,

歐土諸王,多法王宗戚,又慮革命之風潮

,波于己國

,

于是咸

止國

爭

而

倫

德

,

亦

求救

干列 國 涉 聯 軍 之

,

路易十六度民黨必敗

,亦謬爲決戰

,王政黨欲拉飛咽得兵權,亦主戰,于是改

新

政

聯立 軍新 開政 戰府 與

聯 軍 大 疫

法革 乃黨天之 幸不 亡

外路 援易 之專 恃

而

全法分矣

又聽之,護國兵請以死衞王

路 易 之失計

于不用

米拉

伯

,

四誤于不倚拉

飛咽

,

五誤于中廢及倫

的黨

,

六誤於不聽諸

將

及護

國

兵而

恃

0

助法王 軍, 七職 0 七解,凡二十四年, 奥普俄班及瑞典撒丁 死人四百餘萬,皆爲法也。法革黨欲播民主義于全歐 , 與日耳曼選侯之大國 , 成同 盟謀法事 0

府增新兵九萬,與舊兵合十五萬,奧普同盟軍十三萬 ,直開戰矣 。是時法既大亂

卒 各郡邑不聽巴黎之令,各自募兵 ,未經訓練,隊伍將皆無閱歷 , 法紀甚 , 爭亂 亂 , 類于 , 而 無政府 奥軍 新 破突厥 , 舊伍皆逃 , 實爲百戰 , 僅餘 精 五萬 練 之師 , 新募

軍還 巴黎僅隔 於是諸將皆無戰意 , 蓋革黨之不亡法者, 大林 , 惜 不敢穿林 , 紛紛棄歸 有天幸焉 , 普王自挑戰 0 幸奥將持重太甚 , 非人力所能保守也 而敗 , 適全軍大疫 , 與普王不協 0 若聯軍 ,死 , 然亦 者四之 無疫 長驅 , 則 , 而 於是撤 革黨覆 入 , 與

路易既幽 ,諸將皆請幸其軍 ,而路易日夜冀援軍之入,皆謝之。 亂民要其撤

而合,益思速弑王以絕敵心 , 宜其死也。路易一誤於拒議會 , 再誤于撤 衞兵 ,三誤

,皆謝之。專恃外援,民黨忿敵軍之入以救王,

乃由

散

衞

兵

即以開議院聽民權死 援軍 , 於是 身死國亡, 施而不報,且以囚戮報德,民心之難與亦甚哉 爲天下戮笑矣 0 路 易固 仁厚 , 能開 議院 聽 雖有護國 民 權 者 , 兵 而

!

自是列

國聯

的黨被誣

,

通敵助王,全黨受戮,究何補乎?故謂縱火者,能縱之而不能收之,除

互殺至盡

,

如鶴鶉之關然

,

無他途也。法之故事

,可以鑒矣!路易之死也,道絕

杜馬

利耶

,

挾數十萬之兵,不早平亂黨

,至是乃憤

,則

人心已變,徒爲降虜

及倫

飛咽

與及倫的造端于先,勢必難收于後,至是一

卑爾馬喇之酷橫

,亦不能仰視

,拒敵統帥

,杜馬利耶廻軍欲救王死而遲不及

然拉

則詰難民黨

,

則

流涕力爭拉

燕咽

王之將戮,

院,則被攻爲變節,布告爲公敵,又不挾兵攻亂民,而身反爲降虜,何其傎

而訊於議院也,從容慷慨,及倫的黨至是流涕嗚咽,力爭其死

,

即羅伯

耶

!當

帥曼達,不被市會之紿,亦無濟矣!至是也,拉飛咽尚負其宿望,乃欲以單騎責議

四千五百,憲兵勤王家千餘人,瑞士親軍九百,然大勢全去,豈能救乎?即

b 護國兵

斷

西千九百九十三年八月既殺囚王之後,九月二十一日, 王血爲紀念 人,市廛閉業,婦女寺僧,多憤死者 ,則遺愛已深,非衆怒而衆殺者矣 ,一書賈發狂, 0 開共和議院 理髮者自盡,人民多以巾拭 ,則亂經三年,王

及倫 政絕 黨 僅 的黨人才最多 而民政始矣。于是各黨議員,皆從事革命之入, 卅 餘 1 ,擁巴黎市會之亂民爲主而最橫酷者也 , 兼有政府之權 , 伯書羅蘭路伯等 而主民政者 主之 ,羅伯卑爾段敦 ,悪亂 民之横 0 雅各伯黨 馬 喇 酷 爲之魁 , 稱山 而 思保 岳

法蘭西游記

守焉

0

其中立之黨則各郡縣選出之議員也,人數尤多,亦附之,皆深惡巴黎市會山

Щ

**缶黨之酷虐無道,思有以制之,然當大亂世,尤橫暴者必銳敏,必得一** 時之勝

岳黨制 的 黨之 全 願者也 少敗則 是山 稍有人心,稍顧公理者,必瞻顧而近于懦弱,則必敗,故二黨皆終歸于虀粉 壓制而捨身拯之,蓋本于不忍人之心,而非以殘忍流血,行恐怖法,以攬 若如路伯之議 成,僅設十二委員以控巴黎市會,乃執馬拉付之法司 岳黨得全勝也。然以火濟火,亦同歸于盡而已!當開議院之日,兩黨卽互攻 閣大權之時 以勤王相誣 岳黨令亂民圍 士學人,研哲理 勒富民重捐 岳黨人益恣肆自喜,知及倫的黨之無能爲矣。夫及倫的黨 ,則必爲忍人所殺矣。于時大亂之餘,飢民無所得食,相率從亂 |。 夫當兩爭之地,有此不忍之心,則必不能妄殺人,旣不能殺人 必不自保,事勢之常也。然而及倫的黨必不能以力去岳也,蓋其黨人 ,又爲全國郡縣所歸心 ,及倫的黨路伯欲調兵守議院,及易市會議員,本黨衆情瞻望,不盡贊 , 議院 凡三百四十兆以濟之。及倫的黨事洩,十二委員會捕易伯 ,去之易矣。 ,知公義,行事賦刑 而 請釋易伯 而不乘勢同心,以力去山岳 爾,摔議長及倫的黨伊斯那爾于壇下 ,其視山岳黨 ,皆審輕重,卽其敢于革命,亦由于憐小民之 ,人僅數十, ,而法司皆山岳黨人,釋之,于 ,則兩雄之爭, 僅有議院 ,當有議院多數,內 , 散十二委員 必有 小數之權 爾囚之。 ,而不禁人 山岳黨欲 權位爲志 ,多名 ,皆互 敗 而 ,其 Ш ,

因及

循倫

中經兩日之暇

,及倫的黨尙不同心協謀,以兵力去山岳黨,集議紛歧

,乃揖讓而

請退會

,

惟于釋易伯爾之事

,尙爲力爭,于是慓悍之山岳黨人,夜擁巴黎二十八區

,

,

士及 之倫的 死黨

之市民 等逃匿, 婦,同時並戮 十一名士,僅費時三十分,巴黎市長伯利首創革命,與法王弟疴爾良公,及羅蘭夫 皆被追搜而囚焉。于是全黨名士,皆上斷頭臺,自殺巴爾德至伯爾及奧二 部署民兵八萬,大砲百六十以襲議院 ,平野黨議員七十一人爭之亦死焉。葬之路易墳旁,吾輿過而見之。 盡捕及倫的黨人下獄, 其伯書路伯

**豈意革命諸名士,** 即從葬于弑王之旁哉?

代 歧,軍事散漫,卒至敗績散去 也。 是時法國 , 其于滅巴黎之山岳黨 皆哀民望 革命之志士,才英民望 , 而 憤 山岳之無道 , 亦至易矣。然與勤王黨宗旨不同 ,于是法革命正黨及倫的終 , , 同 興問罪之師。是時勤王黨率聯 朝盡矣 ,全法之八十六州 , , 諸州主者 而法之恐怖 ,皆歸心及倫 邦大軍,横 ,亦復意議紛 時代出 壓法境 的 黨者 ,大

恐

怖時

羅伯卑爾段敦馬拉易伯爾埃卑爾等諸酷毒民賊責,而深責及倫的黨諸志士也。今夫 奕至小數也 , 能奕者,不預知六七着 ,不能圖勝也, 即僅知三四着 ,可謂深遠矣

不能 然下棋立敗 今萬億聖哲以策之,而防于此者失于彼,所患猶日出于意外 盡其害者 0 何況國政之深奥 0 今以中國數千年治亂興衰之多故 ,民變之奇幻 ,其狀之深遠繁奧 9-其事變得失 ,況大革命之事 , , 至易鑑 有預算千萬着, 矣 0 既聚古 而

法蘭西游記

,古今

所鮮 經 , 常道所末由 ,即諸志士當開議院抗王命之時 \* ,亦未嘗逆計夫大革命之全局

心救國之倫的黨之 視兇殘 毒殺 炭 之,旣不敵,則全黨請退,其正直光明之槪,仁愛慈惠之心,蓋實爲救國民 不敢高言革命也。于何知之?以山岳黨欲弑王,欲加稅 捨身破家 夫以事變之奇幻,欲逆計因應而不得, 欲逆計之,而事變之來,如風吹火焚,實不能料,則預爲因應之法 當革時之變狀若何,旣革後之變狀若何,變若何來,若何因應之,且雖有 若預知後禍之恐怖流血 ,法幾危瀕亡者數十年,則非及倫的黨諸人所及料也。當及倫的黨譁唱 預計將來者。 人者幸耳。夫以及倫的黨諸志士,其學術多出於福祿特爾,以救民水火爲心 , 無術阻之,遂以全黨投於灰燼 、以當大難 譬獨庸醫, ,以成其廻天蕩地之大業,欲革命則革命矣 ,甚於洪水,同事之兇殘害民,甚於猛獸,吾度諸賢之必 未識病症 而及倫的黨在當時,實見寸行寸而爲之,非 ,而敢妄用砒霜之毒藥 ,而不能少救恐怖之禍 ,欲虐殺 ,大黃之瀉劑 , 身既不保 ,而及倫的黨皆爭 ,而革命之後 ,亦無所施也 革命之時 ,生民塗 智者 而 , · 其不

, 坐

熱及

地流

M

才哲賢美

,

蘭艾同

焚

, 無

一兒者,則雖尼羅之暴臣

民

,第度之屠

獝

太

, 亦 乃令偏

來

而非爲爭權勢而

起,若宗旨出於救民,不能救而且吮而食之,豈惟吮食之

無若法革命之大禍

0

夫及倫的

黨以不忍於法民壓制之苦

,

而 悪其

君而

欲去之,豈忍

于山岳黨恐怖之兇而肯從之。夫以路易之仁柔,比之山岳黨之兇殘,孰得失焉?以

0

,

而

,

,

,

騎 虎

難

下

流 料的命 m 黨慘 百 廿 所禍 不及 九

法國君主專制之淫威

,比之民主羅伯

卑爾專制之淫威,孰爲得失焉?夫以區

品

加富

會讓 焚流血百二十九萬禍垂八十餘年之彌天大惡,及倫的諸賢,忍爲之乎?故諸 民稅之小害,及倫的 ,實出于不忍民之心 權 猶不忍調兵捕戮 ,而未知適成屠民賣國之擧也。諸人惡山岳黨之兇殘, 諸賢,寗失民心,舍全黨而爭之不肯從 而謂肯忍屠殺全國之人,宰割賢智 之,而謂 同于羊豕 恐怖狂戮賢 寗 人革命 以爭 (哲同 甘 退

權勢乎?

對大敵 之懷 爲難 質 舉國之人,置于自由平等之地 豈知當大任臨大機者 勿遽求其效 猶不忍妄戮 況于講哲學 , DA 來 , 有 刨 ,己不能如鼻鷙之英雄殺人不瞬 不能克勝 義心 亦不責求志行義之實 , 一人,況于志士仁人乎?夫凡能以救國救民為志者,必具有不忍人之心 但以此爲志,便有殺一不辜而得天下猶不肯爲之槪 ,談公理,至以博愛同胞,令人人得自由平等者乎?夫博愛同 , 必 有輕 , 反爲吞噬 , 少有退讓 重之裁量 ,但既高揭博愛同胞之號, ,雖千歲以後,大同之世,至聖大仁,猶難言之,苟 ,豈非所謂當機不斷反受亂者耶?然鄉曲自好之士 ,禍敗隨之,豈非所謂騎虎不能下者耶?當猛 , 而不肯襲殺無辜之全黨 ,漠然不關其心 , 蓋 則仁心仁聞 , 宋襄之不擒 凡稍 言公理 ,堯舜 , 獨病 白觸 重 者 傷 , 胞 于不忍 必 , 孔 屬 建文 ,救 有 佛

之寬待燕棣

,

所以敗也。魯隱之不殺桓公,陳宮之不殺曹操

,曹爽之不殺司馬懿

,

室矣 悍毒之奸 我不忍彼 之心者,必不能妄屠無辜,旣不能妄屠無辜,必被反噬而失勢,仁賢失勢, 人,其何異 ,既日 雄 秣薪膏油 與猛虎遊矣 彼將忍予,卒反噬也。故當大變非常,仁柔之君子,必以猶豫不忍敗 ,必以兇忍捷疾勝 ,以止大火之焚,鑿孔決隄,以悍洪濤之濫乎?夫有救民不忍 ,而欲佩玉鳴琚,以止張牙舞爪,以小惠大讓、而當 ,此古今之故事也。及倫的黨旣藉亂民之兇, 則 亂賊暴 以革王

羅織 伯悍賊執政,必至各爭權位,而亙相屠戮 無辜 , 則 必猜忌而恶才賢之人 ,以剪除異已,積之既久 ,內相爭屠 , 則必多疑 ,偪之既極 ,而立嫌疑之獄 ,于是· 人人 ,以

· 勢所必 自然 則安然可久矣;人人以爭殺自保,則慘息相對矣。是故其始也,立憲黨與尊王黨爭 ,此非羅 伯卑爾之性特慘酷 , 乃事勢曲折導之使然也。 故夫人人以仁讓 相 處 . 9

但思自保

,不復顧

有人理

,而非常之殘殺隨之,故同志同黨之必互殺

, 恐怖

流

血之

必屠

政黨亦敗,革命黨全勝矣 相 悪 而 相殺 王黨敗矣。無王黨之敵,則立憲黨與革命黨爭,相惡而 。則中和黨與悍激黨相惡而相殺 ,中和黨敗矣 相殺 。悍激黨全 ,及憲

患爭

奪 相 殺之

迭代 勝矣 植 更殺 9 , 則 則悍激黨中和又有極悍與不甚悍之黨爭而相殺 雖 無 同黨同心 有 已時 0 , 同 朝權 功同難 暮戦 ,附葉連枝,飛蜨投火 ,亦必以爭權相忌而 相殺 **,**同 。夫既悍無人理者 歸 ,前 者既作 蘭 玉 一碎焚 後者隨之 則必攬 流

横尸,

億萬駈除,獨令奸雄之起

,挾兵力而坐受之,乃掃兇殘救水火

,民久疫于大

血

權

難

,

,

咸忘

前

而

樂戴

,

則

復于

君之專

制

, 而

數

十年

數百

萬之流

何

歸血 專數 制百

爲?

觀于法革 得蒙煦咻

命乎

,

始

則 事

名將喇

飛 依

咽

杜馬利

耶之仁心義望

,以欲行

憲

政

附

會

革 血

黨

,

而卒爲革黨所陷

死

0

中

則及倫

的

黨羅蘭

伯書伯利數十人

,

首創革命

至于

成功

,

而

卒爲

山

岳黨所襲

誅死

,

終則

Ш

黨中

,

段敦易伯爾埃卑爾爲羅伯

卑

一爾所殺

無預 於 人革 死命 死者

以羅:

伯

卑

爾之雄

,

卒爲黨

八所殺

0

而 岳

凡預于革命之役

,

無仁暴智愚賢不

肖

,

無

能発者

0

百

九

萬

人

流

血

以

,

卒

無

成

只

助

成武

人拿破崙爲

大君

,

復行

倫

革及 倡

而

B

0

嚮 #

使

拿破

崙 ,

第

少

戢 去

梟

雄 君

愼

保

祿 所

位

,則世

君法國,至

今不

改

川

10,

然

則

之的 罪黨

專制

百世

九萬

Å

何

所爲

而

流

血

哉

?

追

源

禍

首

,

及

倫

的黨諸志士仁人,不慮

事

變

9.

妄倡

革

命 , 大 (罪滔天 ,

無可逭 世

因至國 亡大 國革 之命

原不法

且法國 0 當聯 , 而 大革命之不亡其

軍之入討也,

苟非忍心盡誅

勤王立憲黨

,

不論賢智忠仁

而

皆

殺之

,

則

聯

功

,

,

,

毒 軍 國

也

, 抑

幸

賴羅

伯

卑

爾

馬

喇

諸居

伯

悍賊之酷

毒

,

絕

無

人

理

耳

成 盡 奪

諸 寺領 法可亡。 僧 產 當大亂農工之皆絕 , 盡 奪諸貴族富室大商之物業 財政之困匮 , 則 必不足以支國 亂民之叫囂也 用 苟非 , 而 忍心 給 民 食 酷 , 則

也 0 當 , 勤王 苟 非 忍 軍 酷 與 全歐各 毒 , 驅 國 + 八歲至 聯 軍 入法 卅 五歲之公民 , 全法八十郡縣 三十 及拉 萬 人 枉 X 出 德 郡 戰 農 不 民 從 義

法 者殺 , 則 法 可 亡。 盡誅豪富下及農工,令學國 人皆無所措 , 惟投足 軍 除 ,

三八七

可

救

生命

西 游 記

繭

酷山

岳

黨

之

慘

軍之環

攻 而

革

命

軍

食貨

絕

法

可

外之强敵,而法國必亡。羅伯卑爾諸賊,行其酷毒之極點,故反得揚其革命除君主 賴羅伯卑爾之妄殺以迫成强兵隊也。乘聯軍之不和,勤王軍與義民軍之不睦,乃以 極酷虐無道,行其極酷虐無道之策,四面完成,故能自立,此其間若稍存人理,有 綫不忍之心,則無以淸內之異已,無以充內之兵食,無以聚內之猛土,卽無以拒 于是英猛之士咸樂從軍,旣有英猛壯士,故可以靖內亂而抗外敵 , 故法之不亡,

革命之究 竟

之討檄于全歐

,此如秦政隋煬之必有所成

,張獻忠李自成之必有所立,彼固不

雑不

蕪,故能堅成

體

,

但飄風暴雨,必不能久,沸湯烈火,旋即熄滅

,既背人道

,贵

難

,

一切空虛

,真如佛所謂大刼焉,少卽滅亡,徒爲他人作驅除

能有成?破壞旣盡

耳,是其究竟者也。

而生際其時,居於其國者,人民何罪,蒙此慘劇

,耗矣哀哉

倡革命 幸之百廿九萬人,當亦諸賢所爲法受過也。吾國久廢封建,自由平等,已二千年 則及倫的黨 與法之十萬貴族,壓制平民,事旣不類,倡革命言壓制者 ,與米拉拉飛咽杜馬利耶諸賢貽之禍也。然則謂諸賢操刀以殺此才智無 ,已類于無病而學呻矣 0

和,無賴之徒,因勢謀利,非有深知得失,出于不忍而救民水火

之我 非國

薄已如是之甚也。羅伯卑爾馬喇段敦,已觸目接踵矣,奚待革命之成,而恐怖之期 相傳至有無三人之黨,無十日之交,蓋僅空唱革命之談 ,全未有分毫之事實 而悪

者也。當平世羣居 好名之人,一唱百

,

爭錙銖之利,相怨相攻

,甚且造謠相殺

, 蓋無所不至矣

上海

國倡以

愈革仁 速命賢

人盡我 不殺國 止四革 萬命

兵艦砲

冢 0

,

皆經

百

練

,

逈異法時

我又爲

黃種之獨國

,

白人紛紛

,

虎

視

逐逐

,

莫妙

于

假定亂之名

,

以行其瓜分之實

, ,

恐吾國

革命之徒

,

雖酷毒至于

極

點

,

人理

П

以絕

必至

矣

但

法國

革命之時

,

全歐

機汽未行

,故革命之徒

,

得

驅市

民以當

列

國

今則

則之 亡人 萬非 其不 無 ?論 可 矣 # 以言革命 九 , 0 , 不 萬 比 惜 者 應革命及革 ·待言 善國 」或謂 哉 羅 ?不 伯 也 民 革命 馬拉 智未開 - 盡殺四 則 0 其 假令吾國 미 命不 而 禍 也 倍蓰之,然必不 酷必 成 萬 , , 人 萬 惜 , 更烈 格未至 民智 無 卽 人不止 使果 人才 大開 而亡中國愈速焉 也 成 , , -能駈市 假 卽 , , , 得真 此 幸 人格皆至 以吾謂 則 能 吾國 人 存 民 無眞 者 , , 而當 革 義熱實心 , , 才哲 人而 命後之效果 亦留爲白 吾國 諸白之强敵 如 假 所謂 林 託 , 以救 革命 人之 , 民智· 義熱 矣 國 奴 也 , , 人格 、質心 謬 救 然 隸 , 然 談 民 則 馬 救 爲 呶 4 則 義熱實心 自 世 國 事 呶 由 而 之人 止 者 言 B , 其 革 流 救 無 爲 則 無 何 血

哉

H

以增 則 國之才秀 其 流 愛心 血 百 # 未 , 除 九萬 人望歸之, 人之數 而 必不 能 故其敗也, , 盡 助 成魚 行 無 道之事 爛 鼎 八十六州 沸 而 優柔不斷 岌岌幾亡 , 皆爲興義師 而 駈策 E 0 若果 不 , 以爲 前 如 夫經 此 復 仇 類 之仁 討 革 命 罪 賢 之後 , 然益 愈多

,

救民者,能得及倫的黨諸賢,于願不己足乎

0

及倫

的

黨諸賢

,

皆大哲

福

祿

特

爾之徒

阈

數

,

,

0

全國 踏 散 兩 船 漫 者必 , 控 溺 御 無 , 反 方 不 , -如羅伯· 内 亂並 卑 起 爾等 , 而 外 , 無道 侮 乘 之 極 , 中 , 尚 或 能專 之亡益 制 速耳 保國 也 0 蓋 今爲慕革命者 行 歧道 者不至

事 勢 非 所發紓 誠義熱之人,其才賢義憤 而欲革 倫的黨之賢而愛國也,其惡中國之壽而促之云爾! 禍八十餘年矣。況以吾國比於法之不倫不類 能比於及倫的黨?吾國果類於法國 心者,亦頗有文學之士,不察知中外,從其扇動者,皆因目擊國弱 無知小兒,弄兵戲火,自殺自焚,已而已而!吾觀今談革命之人,非無至誠義熱救國 , 羣賊乃縱火燎原, 同歸于盡 蓋憂國至極 心儀自由 ,鬱極生變,蓋中國甫當開關 一國之命,不其遠乎?手搖覆屋之大機,從容退讓以鳴和 , 畏稱專制 ,以爲舍此無 , 浮慕共和 ,能比及倫的黨諸彥乎?吾國事勢 由 是誰之過歟?不深觀數着之棋而妄奕,猶不 ,故不得已而出此也 ,其事效亦如法而止,然已流血百 ,繆事開議 ,未經閱歷,盲者試步 ,而諸白强國之環伺耽耽乎?果能爲及 ,雖操 ,其憂國之心亦可原 一舟不可行 ,非有真知 ,其比於法乎?才賢果 治 , 而 ,積憤牝朝 1 廿 九 萬 授羣賊以大柄 一家不可學 矣 ,人云亦云 0 然諸至 可也 人,貽 , 無

法吾 比國

山岳黨之內

及倫的黨旣殲盡

,議院權亦失,於是兇悍之山岳黨

,握法國全權,無敢少睨視者

,

黨岳 黨裂 爲

三山

及倫的 山岳黨魁羅 而以爭權勢來者 黨俠女哥爾底所刺 伯卑爾馬拉段敦 ,外爭既盡 ,而其黨人埃卑爾旭 , 於是裂而爲三黨 內訌卽起矣 墨及易伯爾代爲之魁 , 又相

競馬

0

馬拉者

,

市

民黨

, 先爲

仍擁亂

民

,

而

據巴黎市廳爲樞要,於山岳黨中最殘暴者也。凡破壞

一切,皆其黨所爲也

或 安委員 會

有 內閣之權 0

段敦者

,

哥爾德爾社之主盟

,稍平和

,

**嘗悪同黨之暴** 

,

而與及倫的黨結

爲

河法卿

羅伯卑 而徐圖 爾 爲王,而與己並名者惟有段敦,則尤忌之。既有安利訶八萬護國兵爲爪牙 久據雅各伯黨爲魁 ,尤鼻**鷙**。自馬拉死後 , 負其資望 , 欲專制全法

乃立國安委員會,掌全國權,在議會之上,使其幕僚十二人桑非古敦總委員 會,掌

政權 , 兼收海陸軍。又令哥羅德爾波亞入市廳以分馬拉黨之權,以都馬掌革命法院

,乃造誹搆段敦與埃卑爾交惡,而助段敦,以殺市廳黨。三月二

之 十日,自埃卑爾旭墨諸渠,及無政府黨魁五十人,皆戮之。四月五日遂誣段敦通王

又收地方自治權

黨, 加 阻革命 , 以兵脅議員皆畏之,而 盡諾。 市民皆譁,然終執而殺之, 並 

狠伯

卑

爾

散其哥爾德爾社。 猜疑愈深 既立嫌疑之刑 羅伯卑爾旣剪除異己之政敵 ,謀除向之同事 自山岳黨議員及警保委員國安委 ,又慮同黨人之圖己也,以自保

,

也,密謀之。七月二十七日於議院反執羅伯卑爾而誅之,並執其心腹護國 員民政議會委員皆盡去焉 0 且揚言於議院而不著其名,於是同事人人疑懼於爲段敦 兵帥安利

被羅

殺伯

卑

爾之

之故

,

,

人,

訶,革命法官都馬二十人,與其親黨七十三人並誅焉 。此則所謂惡毒旣盡 ,將自斃

必無幸逃者,無得而 議焉

渠魁既除,又分爲二黨。殺羅伯卑爾者,爲其親黨哥羅得波亞比羅巴勒內等

法蘭西游記

悍殺

爲

事

,

又甚於羅伯卑者也。

是爲恐怖之殘黨

,擁國安警保會之權者也

0

段敦之

恐 怖 殘 黨

舊黨收合議院衆黨

名爲焦月黨

,平野黨久惡山岳

,

亦歸附

焉

0

人數逐多

氣勢

軍 與 護

國少 兵年

之酷毒之市民黨

,

乃得掃除焉

人心厭亂

,

於時有良家子編少年

軍

除

,

與

護國

兵

除

振

,

乃逐哥羅得波亞而廢市廳

,

設警察財政二司

,

以代總巴黎市政

,於是數年跳

梁 嘶

結合

,

以助

議院

黨

,

隨所在以

耡 0

亂

民

,

既擊敗雅

各伯黨

,

乃

禁閉

革命法院

,

與

命

之政 波亞· 委員 會 十餘人于獄 , 至夜少年軍 , 殺酷 吏之革命法院長甫幾坦 , 亂民兩 **隊救至** 起救之, , 大敗亂 聚衆至三萬 民 比爾及難得斯郡 , 殺 Ш 岳恐怖殘黨四十餘 餘 X 圍 子 議院 加利 爾 , 盡 人 , 逐 下恐怖黨魁 , 囚六十 議 員 , 欲

鋤山 岳 黨之誅

六十五人,于是七年兇殘革命之山岳黨

,

誅

カル虚矣

0

其後王政黨再結雅

各伯

餘黨

餘

人

,

鼠

版復恐怖

哥羅

得

事起

七年

,

革命之黨派

無數 起,

, ,

不論

窮兇極惡之山岳黨

,

平和義熱之及倫的黨

,

附

和

中立之平野黨

,

皆輾

轉

相殺

司

歸

于

盡

,

**亂黨亂民** 

,

無

発者。

其始同

託名于覆王

争權

,

擁

護國

兵三萬

而

爲拿破崙所破

,是爲西 一千七百九十五年八月,自革命之

親疏 殺 政 , , 其 , 或 究則 異 中 日 黨 覆 黨 無同 屠 君 而 盡 主 以 無異 , 立 爭 則 司 憲 權 黨相 無親 相 , 其 誅 無疏 屠 後 , ; 于 則 疏 革 不保不衞 者 屠 黨 命 盡 之 之 , 中 中 則 , 親 , 互 無 者相 又 所得 分 相 屠 屠 數 ; 黨 戮 只有盡上斷 , , 人互相 于 或 同 1 猜 志 黨 忌 之 而 , 內 以 人 異 以爲結 , 人 黨 自圖 又 分 相

主就血 一數 專百 制萬 保衞

,

,

,

,

,

頭臺

,

民成流

果而已。其究也,合數十百萬革命軍之流血

,以成就

羅伯卑爾之專制民主,

合數千

,果何

萬良人之流血,以復歸于一拿破崙之專制君主,然則所以大流血殘忍無道者

殺相 爭 必 至

共

事之難

交,

相反

,不能不出于自爲

則

必

[相失矣。十年道義之磨礪,不及一

事利害之反攻

。遠

相

能保也

0

夫以革命者之必作亂也,

作亂者之必無秩序無理義而

爭權也

0

其

必至同志

同黨至

親左右展轉相殺者勢必不可已也。董卓之亂也

,卓既誅矣

,

而

李傕郭氾樊稠

張濟爭而相殺矣。洪秀全之亂也,楊秀淸思篡之,于是其東南西北王殺楊秀淸

互相殺也。豈惟亂人,其諸學道者猶難之。凡人談學則易

,

共事最難

,

雖有道義至

加

又

。人既

刎頸相與,一至于共事則不能相容矣。蓋名譽利害之切身,人人相反也

黨之徒 妄殺人或可保也。 思自保以殺人,

既妄殺人,

而猶思自保

,

必不能也

。汝妄殺

人

,

人亦將殺汝

,安

,

且至立嫌疑之獄

,捕至立殺也。

夫革命者果思自保

, 則

勿

而

無

如

革命

以爲自保。夫彼革命黨能捨身流血以救國民,

至親

,

臺爲實,彼革命黨之言志甚俠,皆以捨身流血救國救民爲詞 則不思自保 , 印 也 0

而必日殺同

志同

黨左右

爲哉?且夫彼革命者之政論甚高,揭博愛以爲名,彼革命黨之政策無他

,以上斷頭

未易定亂

,

況于革命之

則諸公必相殺矣。撥亂之擧,事勢至難,名分正而力足,猶

觀于陳餘張耳之交,近觀于曾文正左文襄沈文肅之事

曾

文正曰:

「不意同里起乎戈矛

,石交化爲豺虎

0

幸而

諸公非

爲

革命者

耳

,否

,

則聳然矣!當曾左之互劾

也

三九三

法蘭西游記

三九四

, 必假借於暴民亂人之力,天下豈有與暴人亂民共事,而能完成者乎?終亦必亡

身必 , , 豈能定大風之從何方來耶?夫當革命黨之擧事,而語之曰,救國 不過學身家國 ,凡倡革者身必死,彼必不信,則何不觀法之往事乎!夫旣必死而不能 而同斃耳!不解剖割之學,見小病 而動操刀 ,其 有濟乎?謬意縱火 而 國將斃 ,救民

死倡

而民殆屠盡

革者

救國 , 則不 如早自刎 ,而勿害多人之少爲愈也

革命之慘 狀 法以革命 命故 , 流 血斷頭 , 殃及善良 , 禍貽古物 , 窮天地古今之兇殘 , 未有比之。今

略學其· 大端 表之以爲前車之鑒焉

西 燒關門,停百業,破巴黎的獄 七八九年,七月十四日 ,巴黎亂民 ,殺守將數人, , 始創市廳 已而亂民廿餘萬 ,募市民四萬八千,焚官舍 , 成大兵團 氣焰

殺,各州民效之,皆燒諸侯城,襲吏尹邸,殺掠之。中家人無罪,亦視爲貴族 益熾 皆殘殺而掠之。有一縣焚邸第六十七家,掘墳無算,于是富家豪族,皆走外國 ,虐殺首相弗勤隆及其婿,迫大農輸粟而殺之。凡巴黎貴族富豪有資財者皆

辜之惨 死 景族 富豪

無

議 會不敢問

貴族之 亡。八月四日 亂民益昌,則不止如其向之求望而遂止 七日 ,王族皆出 廢封建之議成 奔 , 王黨並從亡。 , 則 數百. 其 也 年壓制 貴族留者咸被戮 既掃除而亂可平矣 , 于是十萬貴 。然亂愈甚 族 ., 日 日 ,蓋

逃

逃十亡萬

I 之逃亡 十月六日 ,亂民鏖戰王宮,衞士皆死 ,挾王遷巴黎。商工半逃亡, 財政盡壞

,

于是狡

毒横

乃

,

典禮廢

燬全 國

寺 院 家族亂,法紀皆蕪 西一七九一 恣之小人司民命,而恐怖生于是矣。于是燬全國寺院,崇塔巨刹皆燼 奪教會地,占全國三分之一者,值二十萬萬法郎。定法官由民學 年六月 , , 王 出 奔 而大亂成,法今寺院名勝,不若羅馬者,爲是也

餘辜 人死 者 Ξ

> ,爲亂民截還。王權盡失,王黨二百餘 人皆逃 0 亂民

焚屋 數萬起兵 無數 0 , 于是貴族教徒擁康對公爲勤王軍 幸喇飛咽以護國 兵平之,死者無 數 , 據來因河而內侵 0 此 亂殺無辜民三千七百 , 以聯 盟軍 五 ·數十萬 十三,

來, 州縣亂 民四起 , 馬 賽則 犯市廳殺吏,老幼男女皆囚 , 殺囚六十餘人,投尸教

皇宮

被老

囚幼

殺男女

皆

道 器 六月二十日 , ,流血呼號 焚古書 ,亂民圍王宮。八月八日,斐蘭黨主教王,亂民擊斐蘭議員六百餘于 ,毀寶器 ,護國兵總督曼達被刺 , ·發陵廟 ,掘諸名相之墳,焚寺社 ,瑞士衞兵三百餘騎皆死。乃燒宮殿 ,毁第宅,法國千年之曆 , 破鏡

盡矣 。其王侯舊蹟 ,至是 掃 而 空

掘百擊

殺

議

員

六

墳

發

陵

家大

索

官

杏

民

爲事 殺 八月十九日 0 , 瑞士親 行大索令,自八月三十至九月一日 兵都 ,開革命法院 督巴隆巴塞曼侯 , 選酷吏主之,大索官商民家 ,著名記者德羅索亞並殺 , 按戶搜形迹可疑者 , 有 0 段敦乃日以殺 嫌疑于抗革命 囚至巴黎者日五 公勤王黨 者皆捕

法蘭西游記

,

,以屠者三百人爲一團

,每屠者殺百數十人,襲殺亞卑獄,亦盡殺之,襲弟

爲屠五囚 者千巴 團三人黎 百 者 人 日

政府 爲 盗

沒邸寺之財

,搜掠富

家

, 脅

奪財

寳

,逢富人于道

,

則

奪其金,

白晝盜橫

行

政府

皆非國事

犯也

,亦盡殺之。乃令各縣鄉皆設革命法院

,

以刺客三百

[人充警]

兵

孔

西

爾囚二百八十九人,格拉勤舍丁囚三百人,他獄千二百二十二人,圍 宅寺舍,殺男女老幼,流血成河,殺瑞士殘兵五千四人。自三日至六日,殺 比塞德爾獄

不罰 , 且與 分贓 焉

罪富 西一九三〇年六月 徴兵州縣 人, 則 , 少壯皆從軍 錮 而沒有財,無知勞民則逐之。毁全城市 , 主革命之及倫的全黨被執殺 0 圍 里昻 , 糧 盡 城陷 0 凡富 , ,凡值. 人有 八十餘州 罪 七百 , 起問罪· 則 萬 殺 而 , 盡毁 焚其 之師 寺 家 0 院 Ш 其 岳 , 捕 無 黨

値 市民 【皆下獄 0 投尸于河,水皆赤。又毁土倫城市,囚八十聾盲之老者 , 以其富

百萬 也

七毀 百全

萬城

市

萬, 拉枉德州人八十萬 挈棒提小鎗以爲戰 , 歲爲勤王之學, , 革命軍以二十萬大兵破之。曼市之潰死者二萬 且守教甚篤 , 與革命黨不共戴天 ,募 餘 義勇 , 旣 凩

嬰 爲除 疾疫 置囚于大漏舟而沉之,名曰革命宣禮式。 任 渡河皆溺 所欲捉 人民 死 0 敗兵 , 收 八萬 產業燒屋舍 , 僅餘三千 ,乃至犬馬木石 ,乃派刺客自婦嬰悉殺之 或對縛合年男女投水中 , 皆 仇視 之。 尙 0 令最 名曰革命結 以行 兇悪者 刑 遲

,

煩

革 命 宣 禮 式

,

殺

及

婦

婚刑

。凡臺刑水刑死者一萬八千餘。此外死者三萬餘

嫌 凝刑 律

九月十七日

,布嫌疑刑律九條。凡有非革命政府悲歎而播言者殺。不責王黨中立

與貴族豪紳僧侶及溫和黨通交者殺

。不喜新憲法者

鳥雀集啄

人尸

,

魚含毒不能食,舟夫拔錨多獲尸

,尸投海者

沙沙

魚

海

獸

嘬

焉

0

,

河流皆臭,二百里間

水赤

殺

黨者殺。

口言共和自由革命而

十得 萬死 人罪 者

七 院

不力求自由者殺 。不效力于巴黎市 0 急言危論聳人民者殺 廳者殺 。出入上級人會者殺。 0 凡涉此九者, 曾爲立憲黨喇飛咽 革命法院皆捕而戮之。法 部下者殺

調 查應殺者七十萬 人 0

于是慓悍無賴

,

皆充委員

0

亂

民益擅

一殺戮

,

名將加斯丁以被疑

**通外敵** 

殺

王妃

殺

仆寺 說 俗,皆令誓不信教。改曆度 于議院壇上, 自王族貴族僧侶 ,不容有才能階級富資也。 廟 ,悉收其寶器,移于市廳。 而 衆議員拜之。于是毀桑特尼之大廟, , 凡有門 地資 ,廢禮拜,葬送弔唁祈禱之事 農工商賈 望皆殺 既主無神論 0 資主銀行大商及有才學 ,漂泊淪亡,不在囚 , 大汰僧尼 掘太祖匹賓之陵 , , 奉娼女美拉 勒 則 者亦殺 大僧 逃域 外 正哥配爾 ,發顯 0 國為 發 蓋以平等之 祠 埋第 去僧 神 墓 · 立 , 盡 74 還

發墳之惨劇

之墓

, 寸

斷 其體

, 掘

法蘭西士第一及路易第十二之墳

(,斷其)

頭

又腕

而

抛之。

全國

城

法蘭西游記

爲快

0

以自然爲教

,

切無可信者。故學古今之信仰禮義皆掃除之

塞宮殿乃王侯名將

相名士之像

,以及名寶皆毁焚無餘。亂民賤

婦踐

踏帝

王英雄

之骨

以

,

道德廢盡

,

男

三九七

女惟

徑

亂

,

有

溫

良純

IE. 者

,

日爲

教徒

,

或

勤

黨

0

非

革

命

,

卽

及

禍

0

以

服

汚

穢

, 畏恐行

爲徽

,

乃假博愛之名,以爲屠除

,用自由之義以爲囚獄,假平等之說以殺奪

富資

刀所不及,以火補之。全法人民

,人人不保其生,其最反異

者

,

,日揭博

愛自

由平

焚

,

中

沂

物遇

殺 見 男以賄 野之服 則 縣民二 相抱 若其 哉怖 , 及地 但 其毒 ! 時 巴 而 清盡千耳 千餘皆殺之。西部加利爾更酷 哭死 黎已 主富室 醒則 聖。 , 女以淫,僅得偸 ,已 教蓋 行 別 逾 豈斃 之言 兇 肯, 而革 八 險 ,終則及于縫衣理髮靴匠農民 , Ŧ 盲旁 不命 從觀 足之 貴主名媛 亂 , 暴 化? 相受 做 之 人 , 其 氣 N 禁囚 之行 會談 , , 相 爲 日之生 機屠戮 舞怪人兇 愛國 , 刀之 一兇 殺**,**日, 惟坐 ナ , 人無 決皆 兒童則 待 據 , , ,如 之掃 且彼 而除 死 難得斯市囚常四千 法官皆兇徒 0 0 逸吾 立 囚 以誤 有一 暴聞 0 但 自服餘切 斃 車 , L 殺毒 也, 其 書夜載道 何海 0 當 哉何 。故 其愛 他鄉市 , !也 此不類國 恐怖 不詳問 ? 如待 法社 當恐怖 服導國言 時 , , , 遇 毒引耶革 被捕驚悸 獄室空空 北 , 始 之而 ! 命 人 即殺 飼刑 部求刑 怒其 時 幸者 發歸事, , 或 ,必未皆 貴 , , 僅 見物 母子兄妹 囚 無如 成服 族大僧, 使勒班捕 可此 而粗 鋪 逾三十萬 濕草 卽 醒, 未野 解可 至而

之去二 一其千 黄 囚千六百一人,至五月囚八千二百四十一人。革命黨報自記之,自九十二年九月二 國人尙妄稱法之自由平等 剪除才望, 诗 市 黄巢之禍 日不下三千。法人民二千六百萬 稱自然之美而縱淫盜,一時之才子佳人;名寶古物,皆汎掃淨盡 ,尙遠過之。而飾絕美之名,以行其兇殘之實,而人或信之。至今吾 ,而欲師之,此則其欺人之甚,而天當羅 , 巴黎六十五萬人 , 殺其四十分之一 伯卑 爾以 嫌疑刑殺 0 ,比之 初 時

四六法

十百人

分萬民

+
- 1
_
$\Box$
本
丰
カ
7
+
$\dot{\pm}$
Л
五年
7
+
卢
刀
_
+
+
十五
十五被
十五被
十五被刑
十五被刑力
十五被刑之
十五被刑之數
十五被刑之數
十五被刑之數,
十五被刑之數,非
十五被刑之數,表
十五被刑之數,表之
之
之
十五被刑之數,表之如力
之

在巴黎革命法院被斬刑者

一八、六一二

內中

僧··· { 女男 女男 女男 工人及其婦

里 昂

平民

九十三年五月三十一日之變被殺者

兵士侵入私家所殺者

姙婦之死者

死于七月二十九日反動變亂者

囚死者

自殺者

攻圍中因恐怖飢渴而死者

111 -1100

三、六二五

一 、 四<sub>三</sub>一 六 六 七 〇 八

、 二 六 八

八〇

四五

四五

三四八

 $\equiv$ 

三九九

六五九

七九

戰死者

囚死者

土倫

死于攻圍中者

被虐殺及水刑者

囚死者

射死者 投入海中之婦女及兒童

南部地方

男

拉枉德州

女

小兒

村落之被盡滅者

難得斯州加利爾爲知州時屠毒數

兒童

九〇〇〇〇〇〇〇〇〇〇 110,000

五〇〇

-二六五

三、六〇三

民命名 命實爲 則革人

水刑銃刑

女

工人等 僧侶 等 〈 〈 水水銃水銃 刑刑刑刑刑

自殺者

囚死者

餓死者 姙婦之死者

總計

此外因革命而發狂者

一、〇二七、一〇六

110,000

三、四〇〇

四、七九〇

八、000

五、三〇〇

四三 〇二 六〇 〇六 〇〇 〇四

五、二五〇

觀之,凡因革命之變故而死者,概爲中下之人民,而如貴族大僧,仍居極少數也。然

拉西爾亞威農者,在土倫馬賽被銃刑者,在比德安被鏖殺者,尚不在內。又由此表 此表外,如九十三年九月二日被虐殺于法巴黎亞瓦伊及加爾美等之牢獄者,死于克

革命黨以自由爲名,今將其壓制非常 ,令民大不自由 ,列表于下: 則名為革王侯之命,實則革人民之命而已。人民何辜,遭此大革命哉?

西千七百九十三年春,制定一切物價

四〇

,凡貨物非市場不得買賣,使吏嚴行監督

, 如

南海先生遊記彙編

府 命 之 黨之壓 強 買 製造品 米穀帛 之紙幣 牛酪穀粉肉類家畜車馬船舶木材等有關于軍用之貨物 , , 强使通用 總稱之爲軍需品, 名是購買,實則與徵索無異 制定其價目,政府隨時買之。其 。當時物價較三年前之市價 價 , 銀 無論 則 僅 其 〈為原料 發當 時

政

制革

強 用 紙 幣

時起勞役或造器船舶

,

或築道

路橋梁

, 其

銀

亦皆强用紙幣

0

尋

沙因:

物

價

及幣

亦不許暗藏

0

勞工所得之勞銀

,亦與品物

同視

,較諸三年之賃率

,

增加十分之五

十分之三。又禁囤積居奇,各商

人皆將貯藏之物品

,揭明日錄

,

即一私人之雜物

賊視 商 人 爲 或 政府隨

爲國賊 價之高低不 造品不得輸出于外 0 如經商于外國 嚴禁爲投機業 , 苟有持英國所 , 或貯金于外國 0 賣投 貴機 以商 產之物品者 圖探 , 其市 均干厲 利價 者買 也賤 , 則科罪 禁 視 銀 0 廢 行家資本 雅 票 , 使法國之國 家貿易投機商 產 物 及製 , 皆

圓三 之十 空五 票億 員 萬

爲衣食

傲于四民之上

,

而微弱凡

庸

者

,

則

蟄伏于下

,

獨負

擔納

稅之重

在

0 觀

財

務

,

而

卿加謨奔之所報告,九十三年八月政府一月所支出之政費,實爲一億二千萬圓

鎖

, 計

年

總額

,

實二億三千萬圓

0

蓋法國當時各黨

,

類皆俊秀之倫

徒賴

國

庫

以

億萬圓 是時財 萬 也僅得救一時之急。尋叉于全國之市村,各設革命委員會,所委任委員 人, 政紊亂已甚 使搜求非革命黨,悉捕鞫之。此等委員,皆極激烈之雅各伯黨也。 ,以支辦政費軍費,猶嫌未足,乃更增發三十五億萬圓之不換紙 , 公家從豪强中 , 奪得全國之地三分之二, 悉行出售 幣 ,無慮 , 得貲 所即 其日俸三 五十 謂中空國

四〇二

品

為爲

極

低

價

增高

國庫之所收入者,尙不滿其四分之一

,于是欲補足其空額,不得不時

時發行此

不換

二月 干政 萬費

紙幣。

在八月十五日紙幣流通總額,己十五億一千萬圓

,

而自革命起發以來

,

所發

實有二十億四千萬元之多,後獨每月累增

行之總額,

幣價低

落

,

無所底止

,

而物價愈騰

,民之生計倍窮

0

時比塞格爾總督比軍

, 月俸 一億萬元,因此生計非常惶恐

而軍 無購 財 戰

幣以 與嚴 現令 銀定 之紙

政府

財用不足

,

發行十五萬萬

鈔

鈔價·

大落

,

于是復下嚴令强禁紙幣與

現銀之價格

0

不得歧異

,

有犯者罪禁錮六年

, ,

因此負債者均以濫賤之幣償債

, 債

主得

無用之紙

民 窮 財

盡

戰 只得千六百圓 馬 而 無財 , 特 , 其實獲現銀不過八十 請于巴黎政府發 給云 ·圓。又總督拉枉 , 觀將軍猶 如此 德征討 , 則 兵卒之窮 軍名訶 斯者 木 , 更可 , 嘗欲購 知矣

用委地 幣 ,不能有 平昔之富民漸窘乏,貨物之銷數頓衰 益于資 產 , 而負債者之數,多于債主也。 , 工廠諸業, 受此怨憤 殆全歇絕 , 無所 告訴 , 職 , 工勞民失 于是信

業, 無 所得 衣食 0

地方農民亦不願受此

極低價之紙幣也。

一當 圓時

只紙

值幣

十之錢價

囤積米穀

,不肯發售

,

用是巴

千百 于 黎食米愈缺 麵 成 包 店前 羣 , 赴 攔 , 以繩 警保委員 市 廳 哀求給米 , 使買 會 主 ,乃分遣 雇 , 行而 市廳乃白其狀于民政 更員 進 , 人搜米商 且 派警 吏 家 , , 鎭其 議院 且 一發米票 騒 , 求救 擾 , , 助之策 貧民皆不 計 人 口 • 得 當 限 時 飽 制 |巴黎 食量 食 , 涿 市

限 發 食行

量米票

制

法蘭西游 記

廳

,

藉此

貧民爲其權勢

,

故不得不救濟之。議院亦詢市會請

,

選拔兵士七千人,

發之慘酷 衣食。 成革 命軍 有不 除 順 , 分遣于各郡縣 者,加以苛責,投之于獄。政府更從議員 , 徴發糧食 0 此兵士皆大猾劇盜 中, 選出巡檢東十八 , 以徵 發爲名, 强 人,分 奪民

徴.

派各郡縣 , 强徵軍 馬軍器糧食被服等。除馬匹爲農耕工作所必須 者留餘之, 悉徴發

供政府之用 政 鐵工玉工, 府定麵包 徵發各地之農產物 。又收貴族亡命者宅第,改爲造兵廠 封,給價紙幣三鎖 ,以頒給巴黎市民 , 分配于市民 , 0 0 而給用 其量實抵全收穫十分之九 在巴黎更起一大造兵廠, 低價之紙幣 , 實與 益從民 無 價 , 全國之 加之 司

,

募政費 不 過微 軍資 商人以養多數之亂民耳 , 譬如歲入有二萬圓 0 者 又收全國寺院之鐘 , 勒捐至一 萬五千圓 , 改鑄 , 餘 鎖之小錢 如 麵包酒 4 , 肉米麥菜菓 間 强

石炭木材乾賂金巾草綿衣等雜貨,

苟有隱藏不發賣者

,

或買占者

,皆處死

0

各市村

勒

捐

**慌**生計界之恐 價 派公吏隨時入人宅搜索, ,以買巴黎市亂民之歡心, 據 商品目錄檢其物品,拒其搜索者,罪囚或死。又隨意制 而全國農工之窮蹙不計也。因此財界生大恐慌 ,全國 衣物

者民 商業 無 , , 如行 所得 相繼停閉 墓地, 食 , 除食富豪之外無他法 ,工作中絕, 令人心意衰落,而貧民之不得食者,至大學襲議院脅迫之曰,今 幣價益落,買占盛行,市僅餘劣貨,於是入繁盛喧囂之 云

革命 政 府 獝 强壓 , 向來 止 查定製造品之價

職工皆收入官不得為私用,凡營商業在一年以上者,禁無故廢業,或被嫌疑者錮之

格者

,

今復定原料

品之價格

0

凡

原

料

品

及

此 時 無 有合股公司 , 銀行家大賈被送于刑塲者 ,日 有 所見 。富豪之徒 , 皆畏 縮

是所 如謂 是自 曲 如

主

蹤, 革命者,尚以此誘人,果如 淮 兌家門 미 張羅 , 所謂 自由者若是矣。今吾國愚者不求其實 所願 不過如法之淒慘困苦而 己。 勢有必至 , 而

慕襲其

名

,

而

,

理

有

固

, 則

革 命 之原 大

法國

何

爲

而

起

大革命也

,

法封建僧寺之貪橫

,

稅斂刑法之苛

重

,

民

困苦不聊

生

,

其

然 , 不能幸冤。其懸法革命之拓影 , 以爲 覆轍之鑒夫!

,

H 駭 미 悲 實 中 或 人所 未 夢 想者 也

,

,

,

,

如 四 吾國 民 多 地 , 卽 大 使 古之封 封 君 稍 無道 建 率千 , 而 數百 多取於民 里 卽 , 亦易供 極 小之子男附庸 給 , 且. 我 春 亦 秋 封 有 建時 地 數十 , 民 里 稅 于 夫 諸 地 侯大 大則

其視 夫者 吾四 , 王者 Ш 卽 省, 不稅之。 僅較大四萬英里耳 又無大僧寺院 之捐 0 此四萬英里作國王自領 納 , 故民猶 易支 0 若法地 , 而 全法 僅二十 國有貴 萬 英 族 里

曹

族

+

萬

川法

省僅

地

封

建

萬 , 是猶我 14 III 百 縣 , 每縣有 千封建小國也。夫每縣有一千小國 , 則 僅 如 鄉之大

而 E 0 法民當 時二千五 百萬 , 是每 封建國 平計 , 不過男女二百 五 十人而 B 及近革

命之時 侯 封 削 除 , 尚 餘 74 萬 , 則 每 縣 地 尚 有 四 百小侯 , 亦 不 過 鄉 而 0 平計

尊 驕 女 而 B , 亦不 0 破 過 碎 微 1 小 X , , 其二十 僅 如 中 或 五 歳以 食于此數百之民 小 地 上之男子 主 , 而 貴 , 族 全國 與 其諸侯在此 六百 公侯 之號 萬 人 , 季 則 么麼境內 每 驕 汰 侯 侈 或 , 僅 自 侯 百 專制 族以 五 十人

法蘭西 I游記

尙

有

家宰及治民羣官

,

皆

仰

,

,

皆

有

汰貴

侈族

之

金役 所 權以 終 頭冤 權生 重金 得 之兵 一殺征 身 民 稅之征 稅 不 充 購 鹽 兵 發 稅 稅 稅 籍 人 I. 之 權, 金,合一家衆口,少者十圓,多有至八十圓者,歲分四期征之。其田穀所穫 王侯又時 之侯税百之十五。寺僧税百之十四。王國稅百之五十三。農民所得,僅百之十九 輙終其身,故奸宄之人充斥焉。又有所得稅,凡生計所入,取十之一。 頭之稅 不可言矣。本領之封君征徭 田 權 多之官吏寺僧 梁營城壘之事 產,田十年不耕者,亦沒收之,江海船沈,亦收其漂泊物 , , , 否則沒收家產器物以充公,其不出冤兵費者,二十以下至四十歲者 委之稅吏,稅吏不自親,委之差役,層層中飽 民是以沸怨焉 蕪 恣意征稅 ,設宰官 D , 加 , 雖 凄涼滿 以鹽關雜 重 税 無產業者, , 以取盈餘 任 張警吏, 目 及君吏之妻子奴婢,其何以堪之?以故棄家行乞,散走他國 ,皆役其民,不發工金。夫以此數百之民,而供 情徭役,按戶派金 ,民愈少而地愈荒 稅制賣與豪家,並賜以刑罰牢獄鞭苔之權。豪家以重金 亦復人征二十法郎,下至負販菜傭 稅官捕役,法吏書記皆備, 0 不得則嚴刑以要之,或縱恣輕減其親舊 ,既如此其甚也, , , 揣肥量瘠,侯不自理,委之宰官,宰官不自理 地愈荒而侯愈貧,侯愈貧而苛征愈甚 此外國稅 ,層層敲剝 牢獄絞臺 , 尚有冤兵之征 ,其他營苑囿開 , 亦收四法郎 ,生殺 ,或故入人罪而沒收其 應此尊侈之君侯 ,而加苛于怨嫌者 刑 威 , 其鹽稅· 皆充兵籍 , , , 後遂爲 不少寬假 ,購得稅 道路樂橋 皆自專之 , 民困愈 , 領主 Щ ,繁

童

專領 横主 藩 侯 之

其領主藩侯之待其部民,專橫無不至

0

有獵歸而

焚其部民二人,

以火熨其足者

凡

與部 領民 主嫁 陪女 宿必

部民嫁女,必先往領主陪宿,乃得與夫婚焉。王侯大僧權貴旣多,

0

夫人貴女,又與夫並,

小民誤觸

,

卽犯刑網

。王侯法例雜出

,

無所統

,

國

皆有生殺刑威

之權

公,無所適從

0

或以怨怒施刑,或以豪强見耡,或以異教見惡,既投牢獄

飢 民

當是時

, 法民·

**|**衣破衣

,

居敝屋,食草根,或黑麵包

,

生計

類

华

馬

0

其歲

飢

則

餓莩載道

,

罪

,

銜

痛

無訴

0

吾遊巴黎蠟

人院,

尚見革命前

各刑

具

捫之心熠也

,

或傳背於輪

,

首足屈

垂

0

或擊身於架,膝股

加

鋸

。首

1碎號絕

,慘莫甚

焉

1

觸

地 犯 ,

任

施酷

刑

無有 學 畏

以子 養不

凉 之慘 狀

蕪

,

荒

體羸

人百 人 字不 得

郊

,

亦復

人烟

稀少

,

行路斷絕

, 有

行四

+

里

,

僅遇

四

人

,

更行二十里

,

僅

見

三戶而

識

餘萬,去法人口三之一 餘人。 千七百人。 難以 即沃土亦隔歲一耕 m 有子不 巴黎豪富 枯 , 少 巴黎人七十萬 學 女若 ,畏無以養也 , 嫗 在午前 。貧丐十 0 , 其後仍歲薦臻 收穫愈少 , 七時 仰 -百連羣 販者六十一 。自路易第 , 求 麵包於市不可 , 民困彌甚 , 各郡邑窮 ,悪疫流行 八時 萬人 0 , 0 得 各州郡民有但以胡桃烏麥爲 西千七百十五年 民 一鄉戶僅十數, 仰 ,道饉相望,人棄稼穡, 0 賑 邑人民四千 , 皆以三四 男女不嫁娶者三十 ,以大飢死 萬 飢 X 民 , 卽 仰賑者已 巴黎近 土地荒 食者

願連 無 人 愚 蠢 者 , 0 當時 可 憫可 民 困 憐 一既極 , 殆中國 , 生 計闕乏 人千年所未聞未見 , 自 無 知識 , , 而 百 未能 人無 夢想及之者也 讀 書識字 者 0 法 人民之

法蘭西游記

四〇七

封建之害 國,則法封建五十倍于禹時,百六十倍於湯時,至周則通道於九夷百蠻,疆域益大 四川一省 吾以法國封建情狀,推之吾中國無可比焉。當黃帝堯舜禹時,凡分萬國,至湯三千 殆千餘倍於春秋時焉。然孔子生春秋時,已深惡封建之害民,日譏而去之,蓋凡有封 國,及周武時千八百國 ,不止五倍於法境,法之封建,三四百倍於周時矣。春秋戰國之大國,若晉楚齊秦 則與全法等,益不類矣。卽計春秋初年二百餘國,春秋之末數十國 ,而封建十萬國者。以禹會塗山執玉帛者萬國計之,禹貢九州 ,此皆如今土司,重稅淫刑,當亦不可聞問。然未有大于吾 ,法之封 , 五倍于法

建,即有公卿大夫士千百數,皆食民而役民者也。雖以文王之號稱仁聖,然靈臺靈

建

,已取於民力,而不給工金,其他封君之淫用其民,視爲固然,不待言矣

囿之築

建子之非封 故築城築臺,役兵爭戰 之。貴卑宮惡服,而戒峻宇雕牆淫於原野,不得已而定制,用民之力,歲不過三日 子亦頻稱不違農時,穀不可勝用,而譏時君率獸食人,言之如此其痛切也。若 無國無歲不爲之,故孔子深惡而力救之,凡有力役兵役皆譏

夫稅歛苛重

,尤痛言之。凡初税畝作三軍·皆以爲大戒·哀公之時十稅其二,有若**猶** 

**令其行徹法** ,乃定十一之稅 尤夥詳矣。漢既一統,聽民買賣其田,乃行三十稅一之法,然民猶有徭役任兵之 ,十稅其一。當時民有井田,皆由官給,孔子由惡其二十稅 ,與其徒大呼 ,而欲改革之。孟子告梁齊滕諸君 ,開 П 即言什一法 一,稅過 重

稅我 法國 歷 朝 之

苦。

魏

周

隋

唐

,

復行口分授田之法,每夫授田

五十畝

,而分租庸

調以征之。

及

中

葉

兩 稅 法

授田

之制不行

,楊炎行

兩稅法

,亦仍三十稅

一之制。

其後世有仁主

, 代

有減

租

,

以

0

然

尙

條 鞭

法

元代混一宋金,而天下錢糧 , 僅 一百萬 兩

0 明 萬曆 時 , 尚不過三百五十六萬兩

地稅 地丁分徵,是時吾邑龐 , 至國 朝 康 熙三十六年 尚 鵬爲 , 聖 福 建巡 祖 乃 命全國 撫 , 乃創定 通行之。于是全國: 一條鞭法 , 將丁役應徵之庸 數百年 , 永冤 丁役 , 攤

至 **今**二百 重矣 年 0 即吾· 中 南 或 海之徵 田 稅不 加分毫 , 併 地 方官吏 0 皇江 浙 一切之折色火耗幾 承宋世官田 之稅 加數倍 , 畝 有 , 然畝 几 錢 銀 尚 以 不 過 H 者 錢 , 爲 八

我

國

之薄

稅

且定制

後

世

示

得

加稅

, 其羣

臣

有

請加稅者斬

;後嗣

帝有

加稅

者

不

得

入

(太廟

;故至

田 分耳 百 元稅 0 若 五元 天津等處 , 地方稅不得過五分之二, , 有畝 僅 收 (銅錢十三者 則 , 是僅當各國 每 田 百元者 ,收七元 仙耳 0 今以 , 若吾 日 本 國 一考之, 如新 寗 者 每

是倘不及日本稅二十之一也。夫日本之稅,三十而一 每畝 價五百元以上,照日本稅,應每畝三十五元矣 , 美稅二十二而 而今新寗稅尙不及一毫八 ,英稅二十

,

而 , 德稅 十七而 ,法稅十六而 , 意稅 十五而 , 奥稅十四而 , 西 班 牙稅

稅 之 乎! 三而 此 何 , 以 而 吾中 故 ? 蓋 國 自孔 稅千 分 孟 以 而 來 0 , 諸 蓋 儒 以 薄 H 諷 稅 其省 而 論 刑 , 卽 罰 ら今美國 薄稅飲之言 尚遠遠不 , 以爲至仁之政 · 及我 國 , 況 其 , 而 他

#

主

亦

統計

朝

廟會同設官養兵之用已足

,

故聽其說

而

賦稅

得日以薄

也

0

然所

以能若

法蘭西游記

故我

國

薄

我各

比國

較稅

率

與

勢與

法 起 國 時

學咸興 此者 未有 秋之侯國 尚常餘七千餘萬兩,此正當法路易十四十五十六三朝,我之一統薄歛而民安樂,文 其封建十百千倍者,其仁暴亦十百千倍,民之苦于苛征暴刑者 算之歟?法豈止不能如本朝 比今法稅已甚輕 0 , , M , 以封建既廢,一統一君,宮府之願欲易給,設官甚少,養兵亦極少,故行極薄 與法之封建厚征,而民困苦蠢愚,相去何如也?豈有道里可計 ,孔子已深惡其刑歛之苛暴,況之千倍苛暴于春秋時者乎?以唐宋之征 康 綽綽有餘裕。若聖祖薄稅之制,尤爲中國數千年所無 雍乾百年間,用兵于準囘青海西藏者數四,拓地萬餘里,而戶部之庫 ,然陽城道州民詠杜工部三東三別 ,又豈止不能如漢唐宋明,以比之吾三代封建之世, ,聶夷中賣新絲新穀之詩 ,亦爲地球萬國古今所 ,亦十百千倍 , 而巧曆能 ,當春

凡

稅

我法國國 之稅 比率 較與

頭稅

, ,

又無十一之所得稅

十四之僧稅國稅

由倡

自由之說所以起

,革命所由生也。試問中國有之乎?中國既無二十佛郎之人 ,又無夫家十圓之鹽稅,又無百之十五之侯稅

,又無百之

耶?觀法封建征稅之苛重,民敝衣敗屋草食,餓莩相望若此,其孰能忍,此平等所

哀公之二十而五,過之四倍,民更何堪!況又有人頭稅所得稅鹽稅及賣稅豪家之紛

俠流民圖,其激切已如此。若如法封建制,征罰之繁苛,田稅至十分之八,比之魯

,又無百之五十二之苛征,而僅千分之一,民生惟有田 者 納此

區之稅,外此一切營業築室蒸酒皆無稅,蕩蕩然自由,若無田者,卽營商千百萬

金

之革命自由,以行于中國,以爲無病之剖割,其類否乎?其當否乎? 税千分之一,民所怨苦者,卽此千分之一稅而已。而或者昧昧不察本末,乃欲引法 尚不湏納分毫于國,又無賣稅豪家,聽其苛重之事,直至咸豐時兵亂 ,始有征商

讞局,派候補府州縣為讞員,亦不過多數十人,計兩省可訊民訟行刑威者,無過三 中國因苗舊制,刑雖重,然自漢文帝隋文帝後,已改去肉刑,法律統一,學國相同 之作刑威者,是刑官千倍于吾也,其逞淫威,所不待言。况酷刑至毒,而法律不一 興例殺人,安有以稍大于四川省之地,而有十萬侯可操刑殺之權,令民無所訴者乎 天子殺罪人,湏經秋審三次,必湏三宥,不得己然後殺之。近同治後,督撫乃借軍 察院,且叩闍焉。雖親王宰相督撫,皆可控也,又有御史可風聞入告,以達民隱 于知府,知府不平者,可上控于臬司,臬司不平者,可上控于督撫,仍不平者可上控于都 科罪,訟事惟知縣乃得決獄,佐雜官不許問焉,違者罪之。其知縣不平者,可上控 百人,而法則十萬侯之下,有無數之刑司,僧正皆操生殺之權,是一法不止三十萬 ?夫以法當吾兩省之地,吾問官僅二百知縣,二十知府,及臬道數人耳。近者多設 貴賤平等,雖帝者無道誤殺,尚畏史書。其餘自親王宰相,不得妄殺一人,有者 民 無 適從 ,惟法官之意。有以詈神小罪 ,而遭屈首足于車輪之酷刑者。夫以司刑

者之多,而法律之無所適,民眞無措手足之地矣。中國有司,非無妄施酷刑者,若

我所 國許刑 之自 非 法 由 律

> 企籠 夾 、棍之類 , 固時 有聞 焉 , 然非法律所許也 ,只與私 人相 毒同 科 , 則 無 可 藏 也

故中國 齊之以禮也。有司之政,有終身不干及者,況于刑乎?卽今萬國文明 人苟非與 人有訟 , 可終身不至公庭 ,只 有 教俗 , 乃所浹被 , 所謂 亦亦 無能比 道之以 ,以 德 ,

視十萬封建之法,其相去何如哉?若夫一侯出獵

此

野蠻之俗

,尤中國有史數千年所未聞

0 間

有豪强奪民妻者,

雖在親不

王

,

刑

誅

無

,熨足二人,民女將嫁

,

領主先

宿

赦 有娶部民女爲妾者 0 昔澂 貝勒以 恭親王議 , 立行革職 政之尊 0 以吾所親見 , 身爲其子 , , 若陝西 而以幽禁民妻囚 巡撫馮譽驥 禁 , 是矣 , 夫以吾督撫之尊 若在 0 督 而 安 撫 有 卿 民 漬 女

比法 較興 將嫁領 國僅二十餘人 主先宿之蠻行若是者哉 守令亦少 , 僅 二千餘 ?地方官有妄殺 一人, 人,而不能少肆 , 若 蕞爾 之 法 國 法皆徒死 , 卽 其 國

我法

國國

之刑

與吾督

1無等

耳

0

而

下有十萬諸侯

,

可

先宿民女,

而行獵殺人

,

淫用非

刑

淫暴壓

制

王

,

亦

如此 侯淫暴壓制否乎?而或者不察本末 0 此平等所 以倡 ,自由之說所以起,革命之亂所 ,妄欲以法國革命自由之說,施之中國 由生也。 試問 中國 有 , 此 以爲 + 萬 諸 無

病之呻 類其否乎?其當否乎?

所充領 法國 法之大僧數萬 田 地三分之一 ,平民不得一官半職焉 , 貪暴專橫 , 皆冤稅役 , 奸淫婦 0 夫同是國民 而權要之官 女 , 佔奪民 ,而以門族限人 , 乃至中職及兵官將校以 地 無 所 不 至 ,此尤壓制不平之事也 0 當其十八紀之時 上 皆 爲貴

占

族

0

僧 侶 之貧暴

0

王宮之侈

泰

蕞爾法國之王,而微賒喇之宮,費至二百兆,別苑二十九

、離宮十二,宮人萬六,

貴胄據高,英俊沈下,苗生山上,松屈澗底,不平則鳴,此豈能久忍者乎?況復

數年之間 費無謂之俸數千萬,侈泰若此,尤足賈怨,以秦始隋煬之一統,猶以驕侈之故 宮馬四千,鹵簿二千,廐舍御厨,各費數百萬,獵巡無數,侍從宮禁佞倖十萬

所固有 表吾

勒倚嘯

,

威陽之宮殿嵯峨

,則項羽焚燒

,此王衍所以遭排牆之禍

,

而楊廣更先上斷

則石

,以

,歲

頭之臺也。孟子曰:「暴其民甚, 故首懸太白之旗 ,組**繫**軹道之旁,革命之**變** 則身弑國亡。 ,乃義所在 」師曠曰: , 湯武豹變 「天豈使 , 一人肆于民上 應天順 人

乎?此平等所由起,自由之説所由倡,革命之變所由生也。 夫晉室之貴族清淡

,大召革命之變,以亡其國,況如法者,衆惡兼備,過于秦始隋煬遠甚者

劉邦李世民應運而興,除暴拯民,君子所與,此吾國故事 中國平民,不得任權要之職,則鄙人必先奮筆焦層而倡自由,攘臂荷戈而誅民賊 之于法國者也。若使吾中國而有十萬淫暴之諸侯,占國地三分有一專橫之僧寺,舉 ,最古而最多,不煩遠引 0

革命吾國自有之義,豈待譯書之入,先盧騷福祿特爾而力爲之矣。然試

否乎?國朝禮樂文教,皆述周公孔子之餘,政治法度

可從科學而得。尙慮宗室親王之恃勢凌民,至禁不得出京三十里。

我 國之平等 石之愚民

,

因乎明制

;科學選補之用吏,多屬漢人。

將鎭皆可起徒走而

致

,

公卿皆

封爵極少

,間以

,皆循漢唐宋明之舊

Q,

八股弓

問中國有此

法蘭西游記

命我 蓋國

在之秦大 世革 甚迷, 最甚 在我中國三四千年前各土司之世,或間有之,而有書傳以來,侯國已大滅 大功得爵 無之。 , 時 已無有如法之十萬淫暴侯者矣。昧昧我思之, 有 , 只 我之大革命,蓋在秦世。我之享自由,蓋自漢時 焚書禁論之苛忌,而亦多蠲租興學之仁政 有祿位 而無土地 亦 無僧寺之能縱橫 0 雖乾隆之世 佛蘭克起于深林游牧之野蠻 。我中 或 。凡法政之苛暴 乎 , , 帝權 凡法壓制 最 尊 ,神權不 之苛害 , 大約 壓制

廟信 必神 壯權

之分諸

部名王云耳。

其後漸

入羅

馬

,

法律宮室什器

,

乃始稍

有文明之制

,

乃

以縱其

甫成國

士,

卽

分爲部落

, 所謂:

封建者也。

當客特裘維之建國

分封

,

如匈奴蒙古諸汗

奢淫

,

益

加

精麗

,

此如鮮卑氏羌契丹女真蒙古之入主中華

, 亦復

有汰侈絕

倫

者

,

非

有道法也

0

微賒宮雖窮奢絕麗

,

與高洋建鄴宮二十六丈之銅樓

同耳

0 石

虎之建築宮

麗者 寺, 塔至高三百尺,爲全球所無 者 治法何關 亦自言之矣。當此時之人民 古及緬暹之俗 希臘之哥林比亞 ,然緬暹人雕刻甚精 何嘗不 也 極麗 0 蓋 , 即十二三紀時經十字軍輸阿 凡 , 迷信神道者 即今遼金蒙古之遺宮殿寺廟 ,印度諸佛囘之寺皆然 惟讀佛典 ,食色之外 ,豈得以緬甸爲文明耶?歐土在彼中世,千年黑 ,宮廟必極壯 ,則亦緬暹人之比而已 ,不知讀書識字 。而 麗 喇伯文明而 緬 , , 甸之野蠻尚有黃金廟數所,大者 何嘗無極壯麗者乎?然究于文明之 自埃及之啓羅 少 , 變 惟事佞神野戰 ,終不能脫野蠻之俗。至 , 宮廟器物 , 巴比崙之尼尼微 , 純 稍 。乎吾蒙 暗, 有 精美 彼

,

之地

歐之封建

封建貴族,法貴族既十萬

,除此四十三萬五千貴族,及數十萬大僧外,其餘數千萬人,皆佃民奴隸

,英貴族一萬五千,奧貴族二萬,普及日耳曼各國三十萬

,無入學之事,蠢蠢男女,衣食如牛馬。政不逮下,學亦不逮下,

一切人權不

,

無立錐

路德既創新教 明末班葡 于京都,中等之民,漸有知學者,終不能及于外郡僻邑,以及小民。當其時全歐皆 機器未出之先,各國雖有學校,但其貴族學之,未及平民,議院旣開 荷 蘭 驟闢新地,國驟以富,製作日精,新器日出,新理日創。至十六紀 , 倍根笛卡兒出後,哲學日盛,然在國初時,路易十四方霸之世,英 ,則辯護

土設

國之美俗 農工商 逮下, 鄉,亦多讀書識字者。儒教成俗,人知忠信禮義,而不待密爲法律以治之。至今歐 雖有新器新學 改郡縣後 內事壓制,民不聊生,外事戰爭,殺人盈野,此三百年中,歐洲始破蒙昧, ,皆聽自爲之,外不知兵革徭役,上可爲公卿將相,學校徧于全國,僻壤窮 ,既無世諸侯大夫,人人平等,無封建之壓制,民久自由,學業宗敎士 ,僅比吾戰國之世,皆不能比吾中國一統時之文明也。吾中國二千年

室器物之不精,外觀似甚愧于歐人,然不足愧,且更可有矜焉

美人,皆稱吾國人之信義,抑于道之以德齊之以禮,雖未至耶,亦庶幾近之。其宮

迷信神道者,宮室偉麗

教以道德者

,勢必尙儉,旣以深惡諸侯世卿之汰侈,而虐取于民

,凡多立貴族者,器物精奇

0

苟非若今機器盛行

治尚平等

。統天下而考之,凡

我

Ŧi.

,

則必矯之,以

法蘭西游記

化 之 騶從, 財産 土之舊 不精者 比我 苟完苟合, 試 屋如 不得讀書 而不世。迷信神權封建貴族之世,皆過之已久,平等自由 横刑苛暴 , 有姿首者 人以美今日之富强 其 考美國 奢汰者則必小人之歸者也。無鬼之論,既以哲學而大明,科學之行,又爲大夫 4 , 毁樓閣 但 輙 馬 大 , , 謀傾陷 豈不益見進化之高乎?吾聞桂滇諸土司,惟其子弟 益以見我國之無神道之迷信 異于一民主耳。美當今日,機器盛行 小 ,故土司人少識字者 五十年以前 , 0 , 故楊琯爲相 **苟觸其怒,或失其左右之意,皆投之獄,或以鞭杖非刑致死。民之妻女** 霹靂 土司取之。次及其親,亦將行新婚,而必伴土司宿者。故民貧困 吾聞安南 ,宋賢講學,皆以敝車羸馬爲美德,冠敝不更,室壞不修 與竹渣井里汶諸王,其貪橫淫暴之政 ,或假以罪法,而沒收之,故富民有貲,不敢令官親知之。諸官親 , 動稱其文明自由 緬 , 向之政 未有鐵路之先 ,豆粥蘆簾,雖功臣郭子儀才臣黎幹之奢,爲之屛姬侍 , 0 亦有同 賦歛繁重,惟意所欲,子弟甥舅 , , ,亦愚而 無侯國之壓制 者 切正與 。及遊南洋爪哇考巫來由諸 不知考矣。是知我之宮廟不 ,工商致富 我國等耳 與吾土司正同 ,尚道德而貴廉讓耳 0 , , 吾別 故宮室器用亦 若今惟美國有一二少能 ,得 考試服 有詳證考之。今淺 ,縱橫貧虐 王 0 今吾國 , 官 , 若吉德 則以爲賢 麗 精 , , 0 而禁民 比之歐 麗 敝衣破 民 器物 人爲 ,

大地主于爪哇者,部民尚有七日之役,惟所命,有法堂以訊訟

,見則屈身長跪,尚

彭

有

程我 度國 進

間在歐 近洲 十進 年化

言政治 南洋 與政 十年 盡倒 大進化 天淵 有其 物宮室之精奇 , 電光化重之日出 前 , 爪 餘 議之選 , 後之間 此吾國 威馬 道 哇 ,乃在數十年來耳。以言工藝,則自華忒之後 , 成之後 則經道光十年道光二十八年法國 , 觀巫 0 ,不限貴族 吾國 人所以數千年自負爲文明上國 0 ,禮樂歌舞之文妙,蓋突出大地萬國數千年之所 來 嗣 , 各國 由 人未知法國百年前之俗,未知歐土五六十年 是歐土戰爭少戢 , [諸王與土司治民之政俗而 機器一日一人之力,可代三十餘 皆開議院 , 立法出自議院公衆之論 而 與 ,文學大興 民權 兩革命之變 ,于是比意自立 , 而以夷狄鄙夷 同 , 小學行强迫之教 一縮影也 , 民訟皆有陪審辯護之人,人民皆預 人, 歐歐 ,機器日 土各國 或者能代百許 0 , 德國 一切國 其治法與我中 無 新 前之政 合弁 ,汽船鐵路之交通 , , , 編于 咸 而 土之由 駕 生 , , 可遊 國 皆 民 而 人,于是器 在 變 來 威 民 上之。以 l我生數 滇 也 , , , 才俊 黔及 貴 何 0

族

彼

雷

文明者 之比于諸國 此 新 世之文明 , 乃 皆開于 , 未爲晚也 乎 道光之世 , 誠我國 0 今雖稍遲 所未逮矣!今且當舍已 , 盛于咸同之時 彬彬矛而矛而,光明妙嚴 , 然我數千年冠絕大地之文明 , 僅數十年之間耳 一從人 , 折節 而 0 若 師 , 我同 之矣 視 彼數十 治 0 然此之新 中 -年之精 興 時 變

備學

周

悉

,

法

律

明

備

,

政治修飭

,

,

工藝之精美

,

政律之修

明

盲啞校

博物院藏書

館

,都邑相望。公館壯麗,獄舍精潔,道路廣淨,

爲民之仁政

聞

國

政

,

有選舉議員之特權,國王皆隸于憲法

無以國土人民爲私有。醫院公園聲

法蘭西游記

於我 7.反掌 3.

美 受釆 導之,一 强治之易 霸業之基 本平等自由 , 其何 反掌間 , 在 則後來居上,故事簡而功多;一則地大物博,故學輕而 加 有 , 未 民 繪畫 焉 , ,而歐美之新文明皆在我矣。以我文學聰敏之人,忠信禮義之教 有富樂之實 ?取其長技 蓋無新舊教之爭之攻,無封建貴族之逐之去,一片白地光明錦 有若中國者也。以吾文明之本皆具 , 故不勞而成 , 兵船旌 , 擇其政律,斟之酌之,損之益之,斷之續之,去短取長 ,不煩而治 旗 ,既橫于海外,宮室什器 ,但行憲法 自由平等之實久得 , 講物質 , , 自美于 成速 轉移 ;则 國 間 但于物質民 中 , 我舊俗 而 ,

受和

順

而

國以 心革 之法 病命 不國 狂者 倫擬 中

末,

乃妄引法國

夙昔野蠻之俗

,

壓制苛暴之政以自比

,

而

亦用法國

革命自

由

一之方藥

權

,

二者少缺耳

0

但知所缺在物質民權

,

則急急補此

一者可也。妄人昧昧

,

不察本

,

,

天下

國

有

,

爲 之功 弱 國政俗之初更 明辨歐華之風 以醫之,安平 **企庸醫殺人** 文明美備, , 發憤 即法之盧騷福祿特爾諸人,亦不無閱歷短淺輕于言論之咎。夫學事能規其後 太過 萬法精深 無憂 。鄙人八年于外 ,志士學人 , ,鑒觀得失之由 張脈怒興 ,而服 , 放配自毒 升平久期,自由己極 ,閱歷必淺 故 未及深思 ,講求變革之事,乃益信吾國經三代之政,孔子之敎 ,列國周遊 , 强健 ,既寡書傳 無病 , 輕爲學發 ,小住巴黎 , 而引刀自割 , 誠 , 又未親遊 不敢妄飲狂泉甘服 , 故皆欲先行 ,深觀法俗 , 在已則爲喪心狂病,從 ,但 破壞 憤于積弊 ,熟考中外之故 而 毒藥也 後徐圖 , 恥于 。凡萬 建 設 或

0

執筆,發憤不極,豈能撥亂世而反之?我中國平等自由已甚,與法全反,立憲之後 ,恐更有加重征税密增法律之事。吾恐革夙昔自由之命,而國人一切學動,益不自 發言能見其極,論義能得其平,懿惟難哉!況夫法之暴政壓制,實非人道,諸人

由耳。有慕法之革命自由者,其深思明辨之。

選舉議員于人人也,至公至平,有若美國。大付之于無階級無資產之民,于是桀悍 而不與,則怨之;旣與双矣,又有求而不應,則反戈焉,此必至之勢也。當法之公 夫人心之願欲,至無已也,得隴望蜀,其求無止,旣求果矣,則求刄以食之;求刄 則攻之,帝不堪而易其令,則弒之矣 大反其先帝尼古拉專制之政,大赦奴隸,聽報論學士之言論自由也, 是以亡也。今世之變法者,其不爲潞子者幾希也!俄帝亞力山大第二之與民權也 春秋之譏潞子也,潞子之變法也,離乎夷狄而未合乎中國 0 故論者謂亞力山大也,猶自決堤而自淹也 ,狄民怨之,中國 始則頌之,繼 不救

o

,

之所求必相反,而不知預計之,以此合衆,必潰而無成 集,而 之,則爲大亂大災矣 之亂民得厠其中矣 之新舊 未定決議之法 ,至相反也,美起于新地,毫無舊積,<br/>一片白地,學用平民 。彼庸知美國至公至平之事,卽召法國流血成河之事乎?夫美法 0 ,又未審國民之情狀 故同病同方而異效 ,黨派之內容,宮府之志願必不同 ,視乎其體之少老强弱也。 ,豈惟無成 ,至公也。法妄用 , 創 必亂而生災 議 者 但知召

法蘭西游記

謀變政,忽乃行專斷而散之,則反覆足以失人心。旣調重兵以彈壓之,乃忽而受衆 偪而解兵 法王路易十六有愛民之心,而無決斷之才,依違宮府,號令數易 ,則孤立足以釀亂偪 。夫龍之騰也,乘風雲而翻海波,其在沙也 。既召一國之望與 ,則螻蟻

墓無算 心失矣 豪皆被殺 萬 拋擲 以掠奪貴族之財及權而己。全國鄕邑,皆仿巴黎逐官吏而擧人自治,招鄕兵二十餘 制之。將之威也,擁士馬而秉斧鉞,其獨行也,則一夫擒焉,國王何以異此乎?人 六十區亂民 以七月十三夜破巴士的獄,射殺守將及巴黎守長,脅法王撤兵擁之至巴黎 月五日 ,亂民自推舉將校,工人貧婦,白晝持刀,首相林勒薩被殺,官吏皆逃,貴族富 碎棄之 , ,重兵解矣 學國大亂 四隆 ,燒領主之宮城,焚吏尹之衙署,有一二州數日間燔第宅六七十家,掘墳 年五 ,升成市會,無級序,無條理,無政才,不過求食之飢民悍者, 始開議會 經此數變,于是法之大革命成而君弒朝亡矣 ,王之立于民上,猶土梗塊壘耳。 ,國民議會畏而徇之不敢問 ,以王散會故 ,巴黎編義勇四萬 。十七日王族及貴族富家皆絜眷亡外 敬神者跪坐拜之,不敬神者則 ,
叔武庫
館
砲 。自西千七百八十九年五 亂 民十餘萬 假藉之 而 巴黎

或 , 王黨不避亡者盡殺焉

效法 國革

命之 當時雖極亂 人役稅隸農盡稅 無理 ・舊藩狩獵權裁判權皆停止。罷寺僧十一稅。停賣虧令。凡公民皆 , 而千年封建壓制極惡之政 , 藉此 盡滅去之。 國會議 定廢藩 權 ,

凡

我其以法 早最求人 有重之所 之要自流 者由血 得爲 更有過 壓制 大 保護 0 端 國 文武 民 財 而 , 于 得 產 而 議 官 自 以 會 大 0 聽 1 有 開 由 0 減 數者 信 益于 兩 0 貴 年 教 妃 乎 族 言論 刑 國 ?此 平民 掃陷 0 民 去長 者 出 法 版 也 廓 , 之自 1 清 皆得平等 子 0 所日 嗣 法 , 等于 後 H 產 夜大 難 制 0 限 新朝之更革 0 改 0 呼 1 制 取 民 民皆 或 寺 政 以 王 產 , 得 虐 無 然實益于 干 殺 量 有 , 英 刑 萬 改定凡二千五 地 萬佛 雄 , 0 之血 于 國 至今法國 是 郎爲 民 者 舊 , 國 購 日 , 得 藩 百 有 費 除 之自 民 五 下之農工 0 + 百 聽 權 事 五 民 選

7

萬

地

主

皆

脫

領

其

地

0

國 已 平 年自

購得之自

亩

平等

,

若

以

H

諸

事

者

,

若

廢

藩 學

權

,

停

舊

藩

之狩

獵

裁

判

,

冤

隸

農

人

、役稅

現之

而

平等

自

由

之四字空文

(,又今

吾國

新

所

終

日

大呼

者

也

0

然

試

問

法

所

以

無

量

血

由

平

等

者

也

~學外

,

此

其

最

,

由我 千等

先, 民 得 六朝 爲文武官 寺 產 彌 , 天下 則 我國 , 秦漢 經 唐 時 武 德沙 己久去其 汰僧 尼 弊 , 己盡 久得 奪寺 此 平等 產 矣 自 0 由 在日 二千年 耳 曼混 , 在 羅 一之先 馬未

非 律 不 È 有 具 時 有 而 禁 久行 而 0 故 數 手 佛道 年. 無 景教 有 大行于六 文部察 、朝之時 版之事 , 聽 人信 則 仰 今立 , 出 憲國 版 言論之過 號 悖 聽 謬 者 由 ,

信

仰

之

自

由

而

,

立

X

出

,

比

,

稱

X

自

出

版

之

自

由

餘保

人民財

產

,

聽諸

子分產

,

聽信

教自

H

聽

出

版

言論

自

曲

,

則

自漢晉

唐以來

,

法

,

其

之而 有 加 法 仍 忘之, 律 有 文部 , 實 騎牛覓牛 無 檢 杏 者 切 聽 , 且 , 人 自 不 更 知何 寛矣 由 者 求也 , 0 是故 若 法 0 空言之自 人所矜 今新學師 誇 法 以 由 人言 無 平 等 量 革命 無界 血 購之平 自 者 由 , 者 等 我 不 自 , 請 H 知 之 無 , 以其 則 , 然萬 我 或 久得 國 而 皆

孔自國

子由之

當得

其 實 , 則 何 不一考法人所得平等自由之實物乎?法人得此 , 亦既全國二千五百人

歸平 稱萬 歲 , 我國 人以孔子經義之故,經秦漢大革之後,平等自 由已極 ,今知之,應大

呼孔子萬歲, 應大呼中國人在地球萬國先獲平等自由二千歲 而已

凡呼號

而

求食者必飢

人

, 呼號

而求衣者必寒人。

凶年荒旱

,

餓莩載

道

,

則

其呼

號

求

食尤甚 艱難負笈 0 若其 , 若 既通籍 食前 方丈, , 則不復再以科第爲 八珍充腹 , 必無有呼 念。 薄官筮仕 號求食者矣 , 家貧親 0 諸 生 考試 老 , 則 , 夢 求差求缺 想科 第

捧檄 日天子 欣 然 死 , 亦 若 無憾 拜相 也 封 0  $\pm$ 人人欲作帝王 , 則不復再有 升官之喜 , M 帝王只有 , 若必再 , 則只 求 進焉 有 相殺 , 則 而已 楊再 。今法 思之欲作 人之

求自由 乃凶年荒地之餓夫求食也, 老名塲之諸生求科第也 0 吾中 國之不復求自

由

强食 則 富家之甕娟已飽 , 勢必 裂腸而死 0 ,學士之科第已成也。 己位極· 人臣而 再進, 必爲楊再思而 而妄者引法國以動 後 可 中 也 國人 0 今後生少年 , 是已飽 , 而 不 再

知其 服 藥 由 , 而 , 慕自 毒 中 于 由之便于己也 身矣。 是非後生之過 0 亂舞佳 傞 , 而 , 至以絕父母攻師 庸醫不審病 , 惟妄開 長爲維 方藥之殺 新 能 事 人 , 也 此則 0 于自

當時學國之民 主權 由平等之外 在民 日 , 普通 法人欲以美國之政理 讀書識字者尚少 人民有權 選學 , **豈獨不知政學** 此 , 三者誠 行之於法國 公理之極 , 乃至不能識國 , 乃提 也 出 但法 權 理案 人行之則 會布告之法令 , E X 權平 太速 等 也 0 , 以 法 E

,

,

,

法革命之慘酷

,古今無比

,其造因由于壓制過甚固矣

。而英美立憲之風

,激刺

而

0

福祿特爾創無

安得不令服藥者發狂而將斃耶?嗚呼!

適哲學大興

,政府焚書禁版,各士皆遁於英,益發舒其新異之論

由來也 法權焉,彼惟有縱其悍戾貪橫之性,以仇異已,强者肆其殺戮,貪者肆其规奪! 望蜀, 猛獸,只有攫食人肉而已。此法大革命所以生,恐怖期所以至,而流 若斯之人格,而聽其握選擧之權,握政議之權,又令司法之官,皆聽民學,則又握 有幾見,而謬戾百出,不可勝指焉。乃以付諸不知學未經敎之人,暴狠恣睢,有同 。夫以政學之博大,法意之深遠,專門碩學,名臣老儒,猶或難之。古今才人,曾 冒進不止 法人若知少止,俟全國人皆學,乃漸求進焉 ,貪求無厭 ,不知別擇已之宜否,妄慕美國之人參,而法 , 則可冤恐怖之大禍 血百廿九 人服之, 而 得隴 萬所

之者, 羚羊角也,吾一族弟又以此而死矣。若法之與中國,其病本易見也。而 子,則必斃矣。吾叔父玉如公以誤日服附子而死也,吾至今痛之。若使虚症 羊角為茶飲而疾瘳者,此實症也。然病症之為虛實,至難辨也。若使實症而誤服附 夫天下之同病異藥者多矣。吾見日服附子有若果餌者而病瘳,此虛症也。有日服羚 則未嘗望問診切,而僅以數萬里傳聞之一二,遂發方藥,其奇謬狂愚 庸醫猶誤引 心,不可 而 誤服

化爲烏頭也

起法 點國

革

命

之

,

,

,

,

,

康

其 神論 書 以 而 攻 心移 敎 , 俗易 盧 騷發民約論以攻君 巴黎 集 會 無 人不談自由 ,諸名士一倡百和 平等 無 , 倒入本國 人不攻教疑神 , 學 國 男女 于是革命之 日讀

種根 , 隱成於國民之人心矣

法革命之禍 , 至於弑君易朝 , 死者百廿九 萬 , 可謂彌天之大禍矣 0 而 其 造因 , 至隱

本開 原議 已會 墟 與國 至 曷其奈何不敬 微 , 生民 人之心, , 禍 塗 患多發於隱微 炭 本原已不正矣 0 0 嗟夫 夫法之始 !伏分釐之炸藥 , 而常出於人所不覺 三開 0 然當壓制之朝 族議 會 也 , 則 , 出 可以 於籌餉不足而求之民 0 , 不 燎 石 以威力 原破城 勒羯 兒 , , , 孫 而 民岩可 託於 秀 小 畏哉 吏 集 , 非 議 , 而 有 , 1 亦庶 爲民 合宮明堂公 能致晉室邱 幾 Ŀ 者 於

差之法 始國

與民權

, 可

與爲善者矣。

然當哲學大明

,

民

約平等之論

,

乘

以飢

饉

薦

臻

亂

民

彌

滿之

漸

之, 時 H 動 , 則 而 , 易集而 不 創 如 議之人, 仍 難於散 行君權 閱歷甚淺,徒慕公議之名 而不必召 ,以黨派利害之至相反 議矣 · 若不以專斷行之 , , 而 而決議從違之至難定也。 不深究公議之法 , 而聽 議員之自決 , 夫民情 若以 , 則 可 孰肯 專斷 静而 舍 行 不

且 朝旨合同 有 要求 奪 與 朝 否 權於 甚 難定 萬難 驟 也 行者 0 且 夫輿 , 朝 廷 論之所 與 權 貴 指 决 , 能 , 屈 必 與 而 朝旨大相 從之乎?若 反 與 能 屈 權 己 貴 大 而 從 相 之 反

則朝廷之權縣

掃地

,

權貴之寵縣衰失

,

必不可

忍也

0

逆知將來民權之必

伸

,

則

忍

切已

之利

害

,

而

從

人之論乎?若以多數取

決

,

則黨人之敦爲

多寡

,

而

多

數黨

之能

與

四二 74

而百忍之可也 , 是不如一切早全與之,而不待其求而 必不能也 0 夫要求既深 , 朝 廷必

不能 不逐 其求 盡 捨 者 其 , 權 則 也 以爲朝廷復行專制也 , 則 不能不復行專斷 也 ,爲我民公敵也。弱者怒於心 0 有一不逐 , 則民怒起矣 , 蓋民 , 强者怒於言 既得 權 , 有

合此 一國豪俊之人,因機乘釁 , 一旦翻然,則大變作于俄頃矣。衆怒變後,將皆 順

朝聽之,固朝廷所不願也 之,以姑塞民望, 則 亂人知朝廷之易與 0 大衆變作而不聽之,必鎭以兵, ,而一切勒索無不至,朝權 則上下交関 E 盡 , , 而 仇 釁 永結

終無解時

,

內訌

一科紛

,

外釁乘之,

間隙迭生

, 不

-知所以

善其

後也。

故夫集國

衆之

之,事 大事至難 變繁生 也 , ,防於此者起於彼,扶于東者倒於西,至于敗也,乃始以謀以力彌 創始者無慮終知敝之謀 , 無見微知著之識 , 無果敢勇決之才 , 苟焉爲 縫 之,

之 故, 滋繁難圖 爭權興釁之由 也, 勿徒美其名而輕擧之,若法其尤者矣 ,至今泚筆 , **猶爲兢兢也。**夫立憲國 會之爲公義易知也 , 其

難變

易

政

體

未有能

免者也

。夫吉凶悔各生於動

,

國

會者

,

動之至大者也。

横覽各國

立

憲

國

會之

難

商自明末西千六百十三年始,然當元時先交通矣。一千二百五十三年

法之與中國

通

或 泰山 法王路易 麓 , 出 「兵征伐 第九遣比利時 中 亞細 人路布路幾斯至蒙古求和 亞 , 兵威所至 ,戰 無 不 勝 , , 攻 蓋其時成吉思可汗 無 不取 , 侵及於東亞細 , 始 居阿

**A** 

通法

商國

之與

始中

之六七 , **飈飛電掃** , 直搗裏海 , 略窩瓦河界 , 而迄於裏海東陲 , 路 布 路幾斯道經其 亞

長百治分

偉成 業吉


思汗之 地 ,但見髑髏塞空,尸骨枕地,皆成吉思可汗戰勝諸國,戮其鯨鯢所封之京觀也。

阿斯達干高加索隘區而囘。往返之時,約計兩年三閱月,曾游蒙古營壘,得見宋人 河,最後抵烏拉河,其東沙漠浩渺,一望無際,過此入蒙古覲可汗,周歷其境,由 是時俄羅斯波蘭匈牙利西里西諸邦,皆爲蒙古游騎所及,屢被抄略,聲言勢將西下 ,歐洲君臣,罔不震懼,法國故有是行,由君士但丁啓程至哥羅米詣敦河,道經窩瓦

人,知有中國之言語文字,此爲最先法之通中國 ,實自此始。

影拓宮王選瑪廉國德


影拓塔論佉國德




影拓宮舒廉威國德

抗七 此 宮 十層依山 微塔塔 Ŀ 下 喇 顚 凡 宮威 亦廉 侯噴 池 謂孤凡 歐拉八 自 鑄高 還 赤八 囿 體百 像 殺 也 高機 動 丈則 其 噴 杖 泉 作萬 室孔 有霧 窓可 望外 平 景臺


法上



影拓囿舒廉威國德



影拓宅德路



影拓宅故梯鴃人詩

# 補德國遊記序

祖 其史譜,搜其圖 政體 則德爲第 子歷覽萬國殆盡矣 波蕩及全亞 有若德者也!其理由固多,然以憲法之民權爲體,而以英絕之君權爲用 **今者德乎,武備第一,政治第一,文學第一,醫術第一** 德三四十年前,小國雜亂,百政不修,猶不齒也。及破法 美法則自由太甚也,英則自尊不進也,餘則小國寡民無力也,否則守舊也 大地古今萬國 吾遊德國久且多,九至柏林,四極其聯邦,頻貫穿其數十都邑,接其都人士,遊其工廠官府 而至近二十餘年 , 敗績 |耶!略以歐美近世政體論之,自吾嘉道五十餘年間 ,道路第一,邑野第一,乃至音樂第一,飈舉驟進 不振 ,德國之成上治也,古之以道德爲化者 至吾光緒四十二年亦立憲政 , ,乃至英爲憲法之先師 像 殆無能比也。古者之不及也 , ,考其風俗,總而記之久,且多佚略,不及其十一,乃倦而 何國爲善也?答曰,言不可以若是其幾也,夫固各有 威廉以英辟專制治德 , 亦瞠乎其後 ,爹士以英辟專制治墨 , 則全地移風矣。自道光二十八年後至今憲政日 ,則物質未修 ,非所論也。 , 或者自由太甚 一統後 ,電學第一,工藝第一 ,彼爲君民爭政之時也。 ,絕塵而奔 ,機電之器未備也 ,百度修明,于是大躍爲萬 若以政爲治也 ,兩國逐大治 , ,天下萬國進化之驟且神 則痿而難舉耶 ,或亦 所長 , 是 以 今 德 獨 先 ,今各國之不及也 也。 ,商 國競時一最新式之 歸 。若法爲自由之太 , 昧昧我思之 又五十餘年,餘 。客問於 如言治 務 ! 第 甚者美至平 I盛之時 余日 國 也 或 , 宮室 , ,本 。夫 乎 ,未 則 ,

康南海先生遊記彙編

等,而近者麥堅尼羅斯福二總統 ,亦日收權,嶄嶄起頭角,豈非新式之治法又將出世耶?蓋治法

無常,如醫方然,惟在適時宜民,非必參朮苓草,遂能起病,而天雄大黃,無所用也。游于全德 ,法鑒其爲治與其效,虛其心以審世之變,與治之宜,無徒以已過之治體爲泥,而以今行之實效

爲斷,則德之治乎,豈非有可採鑒者乎?吾國之變法也,苟勿誤其途,折衷損益千百國而採其尤

,以吾土地之大,人民之多,十倍于德,然則致效之速且大,尚可逾於强德,而

何有於他國

歟?故詳述之以待採鑒者焉!甲辰遊德曾草遊記,失落敷卷,今補寫以示國人。光緒三十三年冬

效者

康有爲

## 補德國遊記

南海 康有爲廣廈撰

### 柏林再遊記

光緒三十二年丙午十一月十九日,自瑞典行 ,極目鋪雪盡白,二十夕到柏林

### 再遊柏林王宮

爵,室皆衣長帔,臨議院之殿,金花穹白,文石柱上下銜金,麗極 孤非士室有銀傳 ,刻各國旗 , 有銀樂臺,高丈許,重八千啓羅 ,可容樂手四十八人,門貼金絨封 ,已在西一千六百四十年

# 武庫圖畫遺物甚多

當康熙時已盡麗如彼矣

彈者 丹奥二圖 於諸將圖,以一小侯國而抗奧法俄三國,又有其離雪圖,英姿睿算,誠絕人矣。有西一千六百七 非特力第一加冕圖,百解倍位甚莊。其西一千七百零六年戰法圖亦在,大非特力七年戰圖 十五年非伯連戰瑞國圖,俄普奧合兵拒拿破崙工約圖,法拿破崙第三遣使遞降書於卑士麥圖 ,價二十兆墨,古砲則西一千六百八十五年,當吾國初時,尙用石彈,進化之速,亦可驚矣 ,大非特力之名將詩頓擒拿破侖之名將螺噓像皆在,畫於麟閣者耶!新 他有 時放二兆 ,及謀 , 戰

## 再遊威廉第一故宮

補德國遊記

康

入第一室,下刻花板 壁上陳銅器甚多,一貝桌有山水形 ,過文石穿廊 , 穿非 特 力室 , 入賓殿

有勝法圖 0 旌旗 士女擁接 ,成功之威,如兹二柱,以俄摩色石爲之。

入密議室 即有邰家室 , 威廉 ,至可念也 與俾士麥毛奇計議處也。陳俄贈碧石器十數,懸始封之荷烟匔論壘圖 ,今在湃認

域,

石梯登棲 左桌右屏分兩 金闌 甚華 間 ,左室皆俄孖喇希石爲之,食室碧磁爲之,圓穹室上繪雲氣 , 廊旁圓 一玻花室,有埃及文石盤 ,書室有大非特力兒時像 , , 已如乳虎食牛矣 有俄大玻 盆 , 穿

舞 一般 ,宴殿 七十年矣 ,上懸各侯金像 上穹刻畫精甚也

寸綠松石屏 有七尺者。吾國物有四大玉瓶刻鐘鼎 十六,皆移從希臘者 再遊博物院 , 畫刻碧及刻獸之碧露犀三寸許 有羅馬王尼羅像 ,在耶穌前三百五十年, ,赤體不襪 ,皆康熙年物 ,以布裳作搭 ,有乾隆丁巳御題玉册 刻甚 一精。苦行賢人的阿迦尼 ,有御製西番蓮詩玉册 , 故知羅馬文明,不如吾國也。 , 皆內府難覩之珍品,傷心哉 士像存焉 ,乾隆玉茶碗三 0 非洲 希臘 木魚大 有 像三

#### 再遊歷代先王 一遺藏殿

何以至此

相見握 長帔二丈,冕章作黑鷹, 有封太子 手 圖 0 有 , 德元銀婚 授墨 工鷹徽章 ,元帥 鞸銀繡手套 , 嗅后手圖 授金章 , 廣五寸,威廉紀功銀亭,大四尺,金冕作頂 有朝 佉論蔑士大僧來朝 元旦圖 ,夜十二時黑 圖 , 新 開 , 廟 時光大放 圖 皆可考 各貴族 其 , 典 中立威廉 禮 趨 0 德 朝 主

烟匔論 先公孤非士帽 頗 功臣環列威廉所戴白羽弁存焉。戴此則舉軍先走,以死爲事矣。聞威廉待兵甚厚 能妙 ,故甚得 圖 0 , 大非 室貼 亦在 士心 特力戰荷圖 中 國雲鶴 。有牙床刻花五 ,其成功亦有自乎!有非特力小轎,扛以二人者。大非特力善樂 絨 也 , 有 , 作中國室以玻間畫 普先君失頓爲大將軍時偏袒衣如今匈牙利 ,几二架。有西 , 一千四百四十一年德主詩伽士們 又鏡內鑲 小鏡 , 置燈 , 上懸像而下又鑲鏡 ,皆與 ,其笛 封普先君于荷 握手 獝 ,或 存 0

# 波士淡舊京記

甚高 殿 而 條。 尖之妙, 波士淡故京 分前後室 國瓦鼓,長松蔭焉,至幽勝 0 臨湖波 上旁更着六角尤高塔六角 食廳 建築布置絕異 上穹 金像十 可謂盡矣!其陳設皆甚古佳品,六角殿爲茶室 又過 作白 長橋通處 ,舊宮六七分峙 四 0 垂花尺許 室 浴室僅以布障 ,長廊通門 • , 老木森蔚 室各異式 0 , 後殿 極 ,而吾最賞歎者 清 ,殿外又爲小方殿,突兩室外,又爲高下二圓塔 ,廊横直各二方,殿爲內外室,爲書室,外爲六角殿 異 上穹作多星射形 0 , 0 中現樓塔 樓室室穿長廊 自 0 ] 廊登樓 叉出 圓穹 ,迫披路士壁宮也 , 光景絕佳 以 峨 ,至威廉臥榻 , , 特式 上有 極 詭 周 ,前臨 , 0 蓋普開國王非特立威廉創于十八紀者也 廊 尖突白灰作穹 過數書橱 , 下爲 噴池 。此室雖古 , 皆素木 食殿 , ,有門下階 所藏皆十四 , , , 畫圓穹林 刻畫 花 , 而雅 及壁花 皆 , , 碧草芳花 其高下方圓 妙絕倫 峨 紀者。入長方殿 壁紙 特 , ,後爲八角高 爲讀 式 , 0 倚岡 襯白灰 書見大 自圓 , 置中 曲 麓 穹 直

臣處 。書桌 上置架 **,**下 樓通 兩廊 , 陳遺物甚多,他室亦精潔 ,此宮不麗而雅 , 曲折 古妙 誠可

仿也

0

每六七過

顿

徘

徊不能去

水涓涓,令人忘其爲宮庭也。宮中一室爲館窩朶處,榻桌猶存。而窩朶法大哲學,今譯日音作 生蘇詩宮亦數過,其宏深幽靜,噴池旁引白石像十數,大非特力英雄之像,獨立碧草綠松中 皆短小如中國人 金花穹,白文石柱,大非特力寢殿帖金花,卽坐而 禄特爾者是也。大非特力之好賢如此,宜其强也。君后各一室,有大非特力自製之紙畫 ,而 雄 英,遂移易德法,人才所繫,豈不大哉 死於此。其石像目神烱烱 大非特力與窩朶 屏 ,食殿 流流

近漢堡 外皆不如 是日欲行已晚,次日十二時乃行,乘電車 士多景頗佳 全歐多景皆冷寂,雪後泥融 道馬路整而廣 十六日自柏林出 。二時至卑烈住,鄕屋卑小,僅丈數尺,與中國北方同 **雖屹然于湖山中,無復有夏秋間之華妙矣。冬間柏林公園亦荒落無可觀** ,然終不如漢堡士篤吉呭士巴登之精妙。 。統歐美而論之,園宅終以漢堡土篤吉毗士巴登爲第一也。波士淡草木盡脫 ,然雪後亦皆盡汚泥 , 遊溫 夾道人家,最華妙新整 氏湖 ,距柏林二十一啓羅邁當 ,滿街皆汚,雖以德人之整潔,然亦三日乃能掃之 ,終不如瑞典之徧地白玉,故深冬歐土無可遊 以便歇住 ,多有園林 吾聞滿的加羅屋最華,然不過屋瓦多用五色, , 查考風俗 ,蓋德之富貴第宅別墅多在是。 ,烟水明媚 。而竜兒滿街,德境鄉落皆是,足見人丁 , 又重經 , 直通舊京波士淡 此路 , ,巴黎襃論園亦然。 風雪 , , 他國 惟瑞 「蕭蕭 , 雪色滿湖 屋式詭異 無論 典獨 光景 故宮臺 絕耳 也 頗勝 , 瑞 蓋 此 此 亦 0

所比較 甚富,自此南行,屋多木架,加磚灰,今美中新摹古裝者多仿爲之。再行至七時 大城改觀耳。 落,有紅衣婦,背負一笠,乃售麵包者,所經鄉落多如此。意之戴 出波士淡後,德兵房卽如此,蓋亦城市之兵房常居者,乃壯觀耳。長堤夾樹,直望無際,過一村 之繁,蓋德自勝法以來,三十餘年間,添人丁逾三千餘萬,居原數十分之六,大地誠無其比矣! 人口十萬,道路樓舘頗整勝 二時過沙梨河 小店不甚潔,自哈梨來,道路皆泥濘也。自此東行,入埃士拿,可逋可大佛蘭拂 ,以爲進化故耳 歐俗極爭都會之觀,蓋以隆萬國之瞻,爲使人勿輕也 ,河不甚廣,雪流澌澌,橋前有環垣數尺,內爲兵房,甚矮小,金字瓦如中國 ,今既爲列國,當易舊俗矣。五時至哈梨城 ,然在德域內爲下矣。此州爲普割薩遜者,今日所行半此州域 ,德班之負 ,薩遜州都會也。 0 中國反是 ,舊俗未除也 , 則昔以 ,于佯色堡宿焉 , 燈火熒煜 見侯邦問俗 統 ,民不 ,僅 。蓋 無

千人,甚著名,夜不及入觀也。入一舊小客舍,紅文石柱,浴室及各室刻縷甚精,蓋德宮室之美 宮室壯麗,道路廣潔 墨顛卜爲柏林旁大市 久矣。遊卜拉寺 ,峨特式 ,蓋一入普境,其修治如此,比之拋士歪公國有天壤之別。有大學,學生三 ,相距二時許,自拋士歪還行車二時到遊之地濱。河港灣廣大,長橋架之, ,甚壯也。戊申四月

記,遂遊來因河

### 來因觀壘記

之間 格蘭阿爾蘭山野中 觀於其大都 光二十八年來 吾國人所未覩也。數求其遺圖於柏林、巴黎、維也納、美蘭、馬得理諸都會,亦不易得 編游歐國 未遊歐土者, 裹之鐵縢,甲厚如錢,楯長過丈,苟非刔喉,無自殺之。若其壘制奇詭,憑山顚而俛絕壁 民,大學則大劍長槍 革,父子夫妻相保,以長子抱孫,豈識歐人之苦哉?歐土之侯,日夕披數十斤之金甲,童子亦然 蒙此慘酷,吾至今猶爲歐民哀之也。吾國民生於一統之國,萬千里無一戰壘 則皆壘也 循來因河邊數百里河道中 最新之跡耳 引尺許之玻杯,以飲葡萄酒,醉則臥地,劫抱民女,醒則出獵,入民家而奪所有,或攻鄰國 吾國之古戰場可弔者有幾?而來因河畔則接目皆古戰壘。五十年前之歐民,何罪何 ,則接目而覩者,巍巍之戰壘也。其壘突兀於雲表,縱橫于江邊,憑險据隘 0 ,熟觀其博物院,及王宮之珍儲,則舉目所見者,金鐵之甲胄戈盾也。游於其國 會 壘 。試與游奧國帝羅之阿爾頻山 想像而推測之,以爲善見之天,妙音之國,極樂之土,金堂玉宇神仙聖賢也 一也者,故侯之宮,而爭戰之場,歐人之白骨所築,赤血所染而成之者也 ,奧普民變,侯封盡削 ,覩文物之殷賑闐溢,宮室之奇麗閎敝, , ,以攻其壘 則屹然蒼然於山間雲際者皆壘也。然遺跡疎落,尚未能惻然動游者之心,至於 ,波浪泱泱,崇岡截薛,夾河對岸,三數里間 ,非深宵入內寢見其 , 壘隨而廢,歐人亦恥稱之,而古跡亦漸澌滅矣。游歐者徒 ,奧匈間之多鐃河上,又與游德國漢那話州中 妻,無敢解甲者 ,則震而 驚之曰, 文明哉! 文明哉 。頭目戴密孔之鐵胄, ,憑險相見者 ,民多老死,不見兵 ,式製詭奇 辜 ,果何物哉 ,而二千年 。傷心哉 。蓋 足股 !然此其 而 ,峻聳入 乃若蘇 丙 源其商 以吾 白道 山野 踏纏 ,誠

之,其庶幾眞有得於歐游而不入於迷途者乎?故游者不可不游來因河,而學者不可不讀來因 得失相召,歐人以競爭致今日之治,乃反有以過我者。然後反復其致治之由,乃游各大都,鑒而 此式也。故皆有一夫當關萬夫莫開之勢,以區區小國寡民 雲,處處 國大都, 自蒙古突厥而 莫之誰何。故德意志千年帝主,自路多父平九十壘以外 而先循來因河畔,必將愀然於歐民之不幸,而自慶生存於中國之治安也。然禍 斷而續以橋 西漸 ,則封建之爭,至今存可也。吾人幸生中國,不知一統之治安者,其緩游諸 ,面面壁而隔以城,高下方圓 ,可通可絕 ,無有能定之者。自非 ,憑險守隘 ,可降可升,不知幾經戰爭,乃得 ,雖有謀臣 加雲 中國 創火藥大砲 **,猛** 福 無門 將 一觀壘 如 採

記也

壘 交 則爲梅牛談壘塔石,壁上則爲申喧壘,申喧壘上下方圓成備 中,雙塔高拱 之,徘徊 光緒三十二年丙午十二朔夕五時,自嘻順公國京渡來因河, 環堞甚遠,方圓大小之壘 新修 置鐵匣 山皆壘 松間 五 十萬 中 ,數百里相望不盡。冰靳邑僅數千人,前臨江之山,有西十二紀來因士太壘 ·而餓死 , ,山角則旅爹士太塔,山顚則有奈順拿路像,宏巨甚,昔戰羅馬之名將也。河之中 氣清神暇 金 , 規模尤閎 ,卽在是壘 ,囘望嘻順京樓觀崢嶸,河流汪洋,一時許至冰靳邑宿焉 ,尙無數,下臨河干絕壁,有人家百數,景亦最佳 ,上圓壘三,下圓壘四 。此數壘皆冰靳河前數里,一 , 建旂於第五層最高 長松夾道, 蒼翠無盡 布置極佳。昔申喧公惡其夫人有外 望可數者也。 處 行數里至噫倫科路十 , 。今其家人傳爵未絕 崇階數百級 0 , 自此夾河皆山 車壞少停而修 。屹然壘 而 上,

時來居之壘中 過此 里 廢壘基甚大 壁猶有存者。 境,宜有百戰之爭也。行數里,河有七石,以瑞士高峰之翁芙勞名之。灘溜湍獤,船過甚險,德 來因河流已窄 曰山戈,南曰山戈敲順,屋甚壯美,河岸敞整,山顚有二壘 人以爲灔預堆也。 有古塔廢矣。村後山顯爲阿卑匪壘 日來因也 二層,甚卑小,人貧而衣敝,蓋窮鄕也。過此山有訶溺壘,大圓壘各一,低處圓壘一,大方壘二 ,今僅餘二者。行數里山顚有西十二紀之科士淡壁一圓壘,極高大,二方壘稍低 高方壘一,稍遠方壘一,錯落極可觀,今名海卜壘。所環堞甚遠 今餘方壘 環山下臨河 ,至花士村 Ш 麓 有 山皆可耕 ,今餘敗牆數四耳。 ,高下凡五 對河南岸人家百餘 , 咳如寺 ,河流甚窄,故此城尤扼險,人家宅舍二層頗高壯,人貌秀徹,沿河皆然,冠於德 ,以石築河隄甚整 ,又多洲渚 陳設亦甚精麗也。又過數里山頭爲峨方斡丁非路士壘 自此山石危矗 ,高塔蒼蒼 , 種葡萄甚盛 ,其故家伯爵,歲來避暑。此山足有小村,亦名丁非士,人家數十, ,故極可觀,河中島名靠 壘名士打爐盆 0 ,屋頗整峻 ,其羅釐黎山峭壁臨江尤聳,然橫叠處 山上有葛頓非路士壘,高下皆方壘 行數里 ,前高下圓壘二,後六角壘一,餘多廢,壁猶屹然 ,掩被山麓 ,爲多論望壁壘 ,惟山 ,夏時尤芳菲。來因葡萄酒甚有名,吾飲焉 ,言鐵角,喻其堅也。夾河山高皆數十丈 石作大斧劈甚粗 ,數里至巴尾拿村 ,上壘圓 ,亦名山戈,垣堞多廢 ,對河憑山麓曰羅壘 , ,下壘方 上有那靈靳 ,行數里,至孫壁村 ,憑最高之石壁 ,人家數百 ,頂着酒樓 , 夾河 壘 ,餘皆倒壞 , 頗 ,甚頹 ,惟新修者甚 人家數百 , 整 風景至 ,城址甚大 上多壞矣 ,敗廢矣 , 總名皆 Щ 廢 村前 古屋 佳 行數 矣 ,敗 北

妙嚴,蓋廢壘卽路多父所毁者。

彌整潔,鐵路軌在外 過此河有 長洲 ,河岸有闌,列樹成行,木條成堆,蓋以修河者。河流益窄,山景益佳,而岸道亦 , 少過夾河人家皆百數,南岸人家尤新整,大約當河流曲處 ,即有村落 此

自然之勢也

過數里 ,至山詩村 , 山詩譯言澀也。山上凡二壘 ,高壘爲廉士哩便士歹,低壘爲士顚壁,二 壘距

,終日操戈,各築一壘以相拒云

數十丈,昔者兄弟二人不和

家數百 縣互 樓閣 自山詩以南 奉山 急,河流可深,今爲平原,俘泥易淤故河廣而淺也,此亦大地河流公共之勢也。南岸山頂 亦漸少矣。河中有挖泥船二,長平底輪船二,自此以下,平底輪船相望,蓋前此夾流皆山 作六角亭,登亭上二成,共二十級,以灰沙作地,外周鐵闌甚新,蓋重修舊跡者 深 , 其山足亦落爲小原 ,佳妙幽秀。行數百里至此,眼界一新,蓋富人多愛河流,來此避暑故也。旣山 , 其顯茅亭臨崖 屋甚整美。又行數里,山盡爲坡,河流迥曲,開小原,臨河人家千數,屋尤靚麗 綠無際 扼河 , 皆崇山危石 流 處 9. 其地之沃可知也 , , 木闌 有沙立曼之連士古城 ,有阿士爹士卑村,人家百數,行數里 , 長迤 自過山詩漸北 ,夾徑幽林 0 南岸 , 一岡願 山稍斜迤 ,風景至佳 ,環長百餘丈, , 有赤士卜壘 , 漸開平原矣 ,蓋人家園林來避暑者 垣堞如中國城 ,羣山皆盡 , 上爲高塔 。葡萄滿山 0 ,遂開大原 ,下有方堞環之。 中有 0 , 河岸有闌 0 行數里 盡而爲平原 石壇臨河干 此壇即沙立曼 0 , 坡埠 有 故刮溜 , 南岸 哩 園 · 岡 邱 當此 建 肥 **,**下 , 浬 壘 林 峻

卽 因河流 河南 勢 者 地 邊地 有 奥久爲羅 百戰之孔道 天 則西保于亞 , 人之來因 位處 奄今德東之半域 地尚在 若在多鐃河 勝於薩 河故壤爲完固 , , 若薩) 固不 沙立曼乃 東取 , 故薩遜如晉 ,德法既分,於是兩國千年兵爭,亦在來因河岸, 馬 所 定 蓋佛 河歌 遜者 遜 足與爭 , 老林 勝佛 痕 高 奥境 成 蘭 如 , 盧 , 0 雄矣 翼之興 蘭覲 ,卽羅 以爲東西都 統 愛來因河 人烟未闢 春 秋之争 有英主出 南定倫巴 , 自是俛臨巴 ,或在先河法境 一歐西之勢。蓋以歐土形勢論之 , 南阻 表裡山河 0 , 則全 惟佛 卽 馬亡後 如 阿 鄭 , 命 歐之一統在薩遜矣 固 虎牢 爾頻與波希面之雄岳二 起來因河畔 **蘭**覲起於來因河 , ,蓋皆不離於來因河之流域 , 內平 無 黎矣 , 歐西一統之勢逐成 ,高盧倫巴,亦難別成一堅强之大國也。若在北海波羅海 , 路易十四取來因 庸 佛蘭覲如秦 , 南 羣雄 議 ,皆與羅馬太近 0 蓋歐境分碎 北 , 且荒寒瘠壤 ,歷世增拓 , 朝之爭江 外與 , , 水土沃而 0 關中天府 薩遜百戰而滅之,遂以餘 河 其頻瑞士府波顚湖之舊 淮 , ,觀沙立曼即位於連士 實 重 , , ,日以廣大,至沙立曼之父披賓 , ,亦非所以造初開之人民 , 而 德遂分散而破碎 此 無 羅馬起於南歐半島 ,沙梨河貫其中域 邦圉 富 ,以臨東諸侯 不足以立國 ,而千年之德意志帝王力爭者 故來因河乎 中原之奥區 , 地勢險而廣 之開闢 者也 ,真德人立國之本 , , , 而 終得勝勢 呵 , 力 , , , 0 , 的 從古强大之興 俾士麥破法 進則 背 此 人種之雜化 德意志後起 爾 , 嘘 ,惟薩 收阿爾頻 海 眞 頻 大會 山波 而 西 靈靳 東南爭 向 ,法之高盧如 顛 於 而 遜 ,遂三分有二 "佛 國 難馴 而 詩 , , Ш 爭 依 亦 也 霸 湖 亦 蘭 北 Ш 邊 逐 , , 以 兩 皆 逐 其 於 爲 鹿 0 拂 , , 故德 徒爲 德來 在 多鐃 失其 歐 則 故法 與爭 起 雄 , 楚 退 北 於 來 4

偏在一隅 古,故致一統,苟非其地,則迦太基非無漢尼巴,亦難成耳。登兹壇也,想見漢高光武之霸上鄗上 所憑致然哉!天下皆有英 傑,若其成就之大小,則必視其民族地勢之如何,羅馬以最得地勢于往 ,(的嘘)靈靳如韓魏 ,居於中原,難展拓矣。然則沙立曼之興,固由人傑,亦地勢之

,憑眺山河,彌增感喟耳!

來因河連士古城臨河石壇爲沙立曼卽位處憑眺放歌

拂大會諸侯作東都 流鐵闌扶 奈爾何?霸圖大小得失在地勢,橫覽天下無殊科。石壇兮嵯嵯,雲影浪流共婆娑,江山憑弔夕陽 來因河流滔滔徂,群山環走石氣粗。百壘摩天半廢枯 遜表山河 。云是沙立曼卽位之遺模 ,蜀晉終難一統競 ,亞痕阻海關中無 。德法千年鐵血多,孰成霸者來因波。路易十四俾士麥,後來之英 , 旌旗影絕衞仗逋 0 根據盡在來因乎,來因河流德人命 ,漸落平原草木腴 0 河山壯偉自縈紆 。古城扼河衝要俱 , 尚想鄗上遺雄圖 ,据險東爭終取 , 勝 石壇臨 0 佛蘭 0 砰

蘭益邑 行數里, 來避暑也。壘下村曰岌逋蘭 0 河漸斜環 六角小壘三,下爲平壘,六角者無數,蓋普先王非特力者,今属德帝,新修之,故壯麗 有山 家千數 , Ш ,見士多盡非路士壘,在峭壁上,莊嚴華妙,前以雙塔爲拱門 盡開大原 ,迤爲阿話蘭士歹大邑,人口 遂成可布錄士大邑。人口五萬 ,人家數千, 村有大客舍,行幸時從官所居 一萬三千 , , 市屋四層 工廠頗多 0 ,甚壯麗。 有二壘 然則亦險苦矣 ,最高之斜角大壘 , 高 河干林園勝妙 者圓 , 下者方 岸南爲 德帝時

過

0

補德國遊記

之思 國也 逐之 丈,氣象飛揚 又分方圓二層,各九級,共十八級,臺上以方丈石作圓礎。上立銅像跨馬 之衝焉 更新麗矣 於林下,停車觀之,其坐作進退 五十級,已籠嵸矣。於平墀上作方臺,每面用丈大石柱四,其內四尺大柱九,中空可周行 兩大方柱 大,此像次之,所費五十萬墨云。以巨石作闌,高丈許 市長署閎壯如王宮,而 ,同一 , 0 死乃戴之不忘也。蓋變法自强 威廉易服作郵夫 此 像臨模士河 上有將軍署 ,頂刻花,平墀數十丈,皆以巨石,登以四成,下成十四級,上三成,各十二級 ,至此神爲 人也,前後之惡愛相異若此 ,如在天上。旁立神女捧冕亦數丈,以先帝威靈,鎭壓江干,眞足以壯雄觀而 ,卽自此入於來因,有茂士橋甚長以度之,聞威廉初王時甚壓制 ,河尖對壘 新白妙麗過之。其前敞地花木尤整整,兵房純白而淨潔,居然大都會氣象,而 爽 , 夜走英 。河中有山屹然,自西十五紀卽營爲壘,至今德尙駐兵三千,以守來因 , ,矯手頓足,執挺持槍,亦未甚嚴整 ,既歸改民兵,民大不悅,及勝丹,民乃稱之。至破法 有威廉第 ,萬不能盡聽民自由 ,然則但求之輿論未可也 像 ,宏偉無倫 ,環三面,每三戶用巨柱小柱二, ,觀子產乎,前聞孰殺之歌 。蓋全德國以漢堡俾士麥像爲第一奇 ,顧成功如何耳?適德人操新兵 , 殆新自鄉曲來乎 ,馬長大四丈,像亦 , , 一統 復爲誰 民不悅而 ,遂行 盡處作 ,合爲 ,登臺 ,民大 瞻 四 嗣 萬

自嘻順之冰靳,至可布錄士,凡七十啓羅邁當 連岡互迤 ,風景亦至佳,古蹟至多,最令人留連感懷者也。自此開百里大原,別爲境界,至先陀矛士 ,地多磚窰,而壘亦漸小矣。南岸則爲耐啡市,數里爲耐的士多邑,北岸循磚寄至晏 ,當中國百八十二里。連山夾河 ,壘 凡百數 ,地勢 數里岡

上有古城堞焉

而 政教 成斜塔,蓋用努之時所用,古礮字文從石 ,八角漸上益小,高六十啓羅邁當,來因河畔,多羅馬古蹟 歐北之條 , 疆 ,人口僅萬 西藏 原極厚 頓 ,而 確有自立於羅馬外者 ,入焉者只有同化 ,而 敗不振, 並本國 | 規模似甚大,有羅馬古城古壘及塔,城門石築,雕鏤尙存,有古石彈無數 而永遠沉淪,若吾國雖間亂於五胡,亦復時失於北漠 ,而拓外之力,暗寓於無窮 ,足知羅馬政之遠不如吾國 , 吾國宋前亦如是。其塔體製亦頗精 ,羅馬非不刻意經營,尚過於我之經 , 請觀東三省與 , 而今羅馬律 新 ,下層圓 , 疆 則 有 , 孰 間 接而 非 , ,上三層 而本國 華 入于 俗 ,疊

波 朓 自晏爹拿後 , 山河 揜卷思之,此豈中國數千年人民所嘗見者乎?來因河畔之民,是亦蒼生也。吾別有德國 絕壁古壘 ,爲之變赤,附壘之村人,卽當日依侯之隸民也。日日慘殺,月蒙刼掠,何辜於天 但 .覺有壘處增添異景,而五十年前蛇豕縱橫,鋒鏑鳴突,流 ,侵雲摩天 ,遊記已失 ,鬱鬱猶在目前也。在今慘淡風雲,已爲過去 ,然壘亦略少,自是記來因而非記壘 , 觀壘記亦可止於是 血漬地 ,無限碧血 ,横尸徧 。迄今披覽圖 , 亦復痕銷 ,如是干年 野,來因河 量圖記 , 臨

我者

此則吾子孫之不克振拔也

,亦可恥哉

!

# 來因河二市附記

今先記來因河畔者

沿河相接 自晏爹拿循河行南北岸 , 漸 益佳勝 , 凡行數十里 , 亦 多磚窑 , , 樓閣幽靘,園臨河干 而葡萄滿野 ,林木當深多獨綠 ,草樹綠茂 , 古壘 ,多有亭臺磴道 亦復寥寥 , 北岸 幽 一做妙麗

補

色服 三層 昧昧我思 遠過柏林之囂故也。適一學生死 但稍朴耳。普王子皆在此就學,德主昔亦學於是,世爵子弟尤多集,蓋以地臨來因 游戲之服 今不可復見 國,今廢隸于普,其公宮今改作大學校,甚有名也。前環廊作正門,皆黃色,敞庭花木幽茂 愈廣潔,則已入般之大市矣。般人口十萬,實爲來因河第一新麗之市,公署弘敞 至道中平疇廣野,人家樓閣甚佳,市當來因河曲爲來因河滙流之大市,別見他篇 主講時務學堂之學生也,聰明成學矣,相見殷勤慰勉之而別。夕五時自般駈車至佉論 ,可與漢堡冤痕波士淡爭勝 ,雖無彫刻之麗,然白壁長敞極光朗,管校者領游各堂室及博物院,亦略與各國大學同制 揚旗 ,是以悅人目爲事者也,未冤乎野蠻之舉。吾國學生,僅有一人,爲湖南李復幾 執鼓 作樂鼓歌以送之,是樂其友之死也。在其校制 ,則是永絕之日也。忖忖予心,夫甯不少有惻惻乎?故哀之而素服是也。 ,吹簫笙以送之,如賽神然 ,全德景甚少其比也。婦女尤秀倩,亦爲德之最焉。 ,校長率諸生送之,旌旗甚麗 。夫送殯以哀死也 ,以爲優恤學生之大學 ,死者不可復生, ,全校皆集,學生送殯者, 既與我有 樓閣壯大 ,而 ,般故自立之公 , 水土清勝 而乃爲 游戲若是! 一時許 皆作五 交矣 ,學舍 ,卓如 路道 五色

### **法論觀塔記**

+ 花露水著 月廿九日 , 即以爲名,德西邊第一大市也。故自立國爲普所滅,人口五十萬,臨來因河曲 , 自般至佉論 ,汽車 一時許到 時 已近 晡 佉論 英音也 德音 日 佉論花 , 北通 以製

羅 荷 中有 有 威廉父子像。戲園壯麗 馬古城門猶 , 西通比法 樓閣 , 一雜貨店女工三百六十,雕飾 存 ,轉輸利便,自古爲雄鎭。大道廣潔,幾能比柏林之靈頓街。蓋自羅 ,築以小石頗奇。又有十二紀之古城 ,所費至六百萬 施異 ,河上橋橫,皆以鐵柱承之,可開合。公園 各都會所無。客店布置陳設 ,周環木後列石像,形製甚詭 , 亦復古雅 。河干 馬開闢至今 廣大森蔚 奇詭 大道 0 信

乎都會之繁麗富靡

,而德人之心思

,善于製作

,卽此

亦爲各國

所未及

也

然法論 四戶 燭 寺 百六十八邁當,蓋當中國四百有六尺六寸,頂之相輪,亦高十餘丈,八百年工程久遠 後凡八百年 層 十八柱合作 前門兩塔作四層 設拜 ,爲大地 , 可爲獨奇。全祠巍巍如山立雲聳,高十餘丈,長廿餘丈 , 右作 左右兩高座長十丈許,設燈甚多,高處供多像,柱及半皆作立像。每二柱 ,再上數丈,以五色畫玻爲之,極瓌麗 几 所以著名 樂管 甚 建築工程久遠之第一 多 一柱 , 極 故爲驚人之絕作 , 有警儀者 巨 ,大至丈許 與各國遊客屐齒所走集者 刻像皆漸尖狹 , 藻井作大交文式十,繪紅白二色,白灰飾 , 紅袍持杖巡察,以糾喧譁,禁閒遊者 ,左右深列十柱 。苟非教力之緜長,封建之大力,必不能得此。雙塔杳杳入雲 ,自西千二百三十年,當宋理宗時創建 ,頂作棘刺形,十丈許,上作十字爲寶相矣。中頂高處 , 。堂上深四柱,每柱距二丈許,入門三層 ,亦皆以十餘棱作 則不以其都邑之盛 ,殿前座作圓壁式,左右五 頂 一柱 ,大僧誦經於壇 , , 而 峨特式皆如此 , 毎柱 皆以其塔寺來也 , 至同治七年 二列九戶 上,女士羅 , 間作 , 偏遊意班皆然 ·乃落成 間 壁列 一戶 。佉論之塔 ,實冠字內 ,大柱以三 ,前 , 跪堂下。 像于中 , 上作 列 , 前 , 高

焉 門 尖棱各三層 。窻皆四桁 ,兩在二塔下,一在中,左右四層,下窻二,上窻一,如是各二層,門刻十數桁 ,東西亦作三門,門中立柱,分爲二柱,中刻一像,左右刻棱桁無數,左右各七像 ,雙塔塔中作尖層,層尖棱瘦刻,每尺許一棱,第三層以上,四角尖棱 每桁 , 另作 刻像滿 小塔

上列六小像,正門上列像四行,極其刻劃,其門簷作人像,憑空斜飛

廟身左右五尖窻 數小塔圍之,各駕成橋形 棱,塔下小上大,中作門形。 · 上下二層同 ,內室頂皆作穹, 後殿圓拱處 ,距各丈許, ,左右三憲三牆 左右各八 每窻隔作牆 ,前爲噴水池 ,每牆二尖棱,高二丈,每棱亦須 ,牆頂各作棱塔三,每塔三重 0 見圖 , 亦有多 + 數小

邦鳥弄第二。此爲第三,可謂奇偉之大工矣 此廟以瓌麗論 ,遠不如羅馬之彼得保羅貳廟。 以峨特式論 ,則美蘭那之廟第 0 以高論 , 挖頓壁

非廟可相方耳。若以工程奇妙,則無如峨特式焉。狀如崩雲聳天,峭突棱起,吾所見各國祆祠 彼得保羅以文石勝,刻劃五色,清嚴妙麗,誠無得而比焉。宇內只有印度沙之汗陵君士但丁之生蘇 峨特式亦多矣,班葡尤盛,而無能比美蘭與佉論者,觀此乎亦可觀止矣 !

佉論官署銀行郵館諸大客店,皆四環此祆祠 ,以遊客之來,皆爲此祆祠來也。一名宇之動人如此

佉 論工廠甚多,形勢利便,而沙立曼宅都,不於佉論而於亞痕之僻,未審其故也。 論新道 左右 ,宮室精美 ,若舊道之屋 ,則極古舊卑汚 ,亦與漢堡同 , 可考 見進化之序焉 佉

### 亞痕故都記

近亞痕處,則多爲丘埠矣 自佉論往亞痕 ,汽車僅三時許,丙午十二月三日九時行,十二時到,道中平原彌渺,頗帶蒼林

宮及陵廟猶存,二事可覽,亦可藉以考其制 沙立曼故京 甚下,高僅尺許 自佉論往亞痕,凡四十一啓羅邁當,大原長道漸西,岡阜迤邐,有古城高丈許,周垣尚在 ,岡陵縣 ,廣數寸,當時拒步兵來犯,故愈卑而對 亘 ,道皆崎嶇高下,至今尚規模狹小 ,以見其文野之度耳 愈正 人口十餘萬,一 ,發愈烈也。今有兵守之, 無可觀,惟沙立曼故 亞痕爲 , 他 眼

歐土實不足道,以其古而爲沙立曼故蹟耳 沙立曼陵廟,本其自築之宮,及其殂,卽葬是間。廟斗聳可七八丈,前門四層 餘丈,中爲圓穹,共高三十三邁當,左右圓壘,又東西各小塔,中半皆刻列像 0 , ,後敞半壁形 上作雙塔 ,可十 ,在

者。惟其一木一石,皆聚千年帝王之施捨,一一皆珍異,以此獨令人流連耳。正殿酷肖中 殿前圓穹金摩色畫五色玻窻,三僧梵誦於神座前,梵聲燭光,繁其升降,望之無異群祠,無可觀 旁室為帝更衣處。壁間寶座為大僧正座,西壁二亭飾金為非特力威廉所贈 ,爲十四紀所樂,其五色玻窻二十四邁當,爲西千八百五十年非特力第五所贈, 乃十五紀時物 , 殿上神像相輪全金,乃阿圖第二所贈,今千年矣。殿上畫極佳 0 其中庭北 中階銅雀大數尺 ,乃十七紀物 ,阿圖第三 或 神

即葬於是。中庭 曼所營,其燈似 文石板為之,每石板二尺許,座下四文石承之。七級而升,沙立曼卽死於此座,西千零六年 ,登樓在圓穹下,可俯視下殿,沙立曼朝群臣卽於此,然地甚狹小矣。有沙立曼寶座存焉 中國 有 圓穹 ,爲十二紀巴巴路篩所贈。有石獅尺許在門,則四紀物,作果葉形者 ,其摩色畫,贈自敎王聊三,卽爲沙立曼加冕者。穹下八文石白柱 ,以六 十紀物 ,

像,大丈許 五紀時棺 , 坡窓及床 十五紀築者。有石棺刻人馬 ,其意與托塔李天王同 , 亦十五紀物 ,何其暗合耶?北有甲像 0 有耶穌像畫石畫甚古 , 白羅 馬移至。 又一室 ,其鐵窻網則十七紀物 ,亦十五紀者 ,置沙立曼十二紀十 , 有沙立曼托塔

圖第三開塚而見之,乃爲歛於金棺

云

沙立曼金棺處 或 後廊短窻, 神堂。轉 石柱十二,沿廊皆作海棠形廊壁 入一神座 ,有僧司匙庋藏之。開門入,乃如小博物院也 ,及堂,皆十五紀物,婦女以燈燭祈拜於地者夥。入門在殿旁圓塔下 皆十五紀之畫。有祀基督十字架像 ,以燈燭 極 似中

物 之六角金器 皆千年列國 僅此一室, 五紀美國所獻之十字架。一爲十四紀寶石。 教皇金珠像 正面 帝王遺存贈送之寶物也 十二紀之四角金珠牌 及左右列櫥十餘 0 沙立曼所佩之十字架 , 0 沙立曼金棺亦如一古物 0 左第 十五紀之基督十字架像金珠六事 一橱 0 十三紀大金座馬利女帝金像。其一爲十四紀小塔 綴雜寶小 ,有 九紀羅他王之尺許十字架,皆綴 表十四 列 0 橱 內耳 查理第 0 74 0 |角六 編開各橱 五所贈之十字架 角圓 寶石 式 , 金寶燦爛 , 皆 沙 + + 立曼 五紀

以金銀刻多像,自沙立曼諸帝咸肖焉。一沙立曼劍。

第二櫥爲十四紀造沙立曼金珠像。內有沙立曼骨,又有沙立曼冕,及獵刀戰角一,爲十五紀造之

三尖金銀塔

之金燈。 第三櫥有一金手。內藏沙立曼手骨。 | 為馬利女王冕。 | 為十 | 紀希臘金箱。 | 為十三紀十字軍 爲金像藏彼得骨有十紀造之象牙箱及筩。十四紀造之像及刀與小桌及畫。十五紀造之

經。

第四櫥有基督經册大尺許,金珠作夾二册,略小。一為查理第五贈之鑽石 。九紀之經。一金寶作面 外有八像 ,前後凡開三次。今聽帝威廉再欲開視 0 銀作面 。沙立曼金棺在此 , 議院未之許也。此爲千二百四十五年巴巴路 。上飾如屋脊 0 有足 ,全飾金花 ,十四紀造之馬利 亦極 麗矣 亞像

沙所爲者 。置棺骨如陳設博物院,此吾國人所萬不能料者

事 第五櫥有彼得骨,以金轎藏之。二小金人扛之,有九紀造之。金寳經册,有馬利女遺衣寳盒十餘 ,此外金珠亦十餘事。又藏佉論名僧亞住其骨一,顯理第二象牙亭鑲寶石

統觀其政俗,金甲石壘,與蒙古無異。未能以區區金珠之物 志本甚野蠻 餘數小櫥 與 西藏諸大僧寶器皆精工 ,不及一一觀,然就此言之,德意志千年帝王之珍品,與其尊教之俗 , 今其金寶刻劃 ,精工珍異,豈不近於文明,然蒙古王珍器亦復金珠燦爛 ,以王者教主之力 ,雖極野蠻 ,自能致其珍異 及殿宇之精而稱之也。 ,與全國之文明 ,亦可見矣。德意 廟首有壞磚 達 無 賴 班

補德國 遊記

康

圓柱數尺,以鐵闌護之,蓋十二紀物

殿 髮 威 刻金瑣畫,然畫飾皆新修 廉第二非特力第三像 正面沙立曼像 諸帝像, 爲其遺殿,後爲新修者正面 今之市長公署 ,深六丈,廣十二丈,中四大柱,可五六尺,上蓋作交棱金花地磚砌花 , ,手足鐵鎧 大須與佛 備 極 蘭拂像相同。左壁爲聊波大像,亦大帔持杖皮履。下爲路易第六第七像 雕飾 ,飾大帔皮靴,人面鐵鎧,短衣鑲邊,胸上下二帶,手持球及杖盾 ,前後敞地 0 馬利女王像 ,高四層 0 轉入崇階十三級 ,爲市民所聚 , 非原 ,舊者高塔入雲,在屋頂 ,旁爲佛蘭詩士第一夫婦像,鐵甲貫大帔。 ,僅如一富人屋耳。入內門頂作交紋,似峨特式,入一室爲公議堂 物也 ,分三陛 ,然規模亦甚小耳。吾訪聞德諸帝故宮,則只有此市長署 ,再上爲穿門,乃十三紀被火而新修者 上五層,高可十餘丈,崇牆刻像成列 前懸今德主威廉第 0 14 , I壁皆畫 面 長鼻直 , ,皆大帔披 故事 還入正 ,皆德 眉 一及威 日有

薩遜人皆跪 壁畫皆沙立曼故事 皆狹小,比之教寺,相去懸矣。蓋歐洲尊教皇爲一統 此正殿爲沙立曼所築,加冕受朝處,後凡三十四王加冕于是。諾曼人毁之,十三紀再建焉 盛儀物而壯觀瞻 蓋 統及文明之帝 勝囘教之沙羅顛國圖 , 也。 啓沙立曼陵見沙帝冕而端坐像 其與建章之千門萬戶,未央之建五丈旗 ,與野蠻小國極相反不類 沙立曼躍馬,左劍右戈,囘人敗狀 ,不能以歐土今日之文明 , ,諸國王僅如諸侯, 沙立曼破薩遜圖 ,前臨渭水 野蠻世亦如土司 , 割其所尊之上帝像 一勝意大利之巴非亞 , , 而 而 後枕 並 尊其先世 南 Ш , 相去 也 規模

0

,

0

冕圖 昌 請築城而許之,皆作舉手狀。其后旁坐黃袍垂帔甚端正,帝冕而紅衣持杖。右爲羅馬兵入德意志 候爲受封於人 畫者丫路夫烈地,路精盡而死云。一薩遜王挖得敗降從教圖 ,子跪受,凡加冕皆跪如吾國冠者,加冠之禮也。可知歐洲王者加冕,乃侯禮 ,沙立曼跪於上,大僧立而教之。一沙立曼加冕圖,建廟圖 ,而帝爲封人者也。其穿殿左右壁二,大畫一,爲千二百四十八年,巴巴路沙人民 ,即今陵廟也。 一沙立曼爲子加 王黃砲大帔,皮靴半跪,將士 ,非帝禮 ,以

餘熱泉圖

,短衣行甲露趾踵

,皆名畫也

0

亦可久存。吾國土木爲堂構,一制之不善,則雖秦漢隋唐宋之遺跡,無一能留,以自証其文明 可考耶?若其殿構猶存,則以石築之故,故久經兵燹,而遺宮無恙。一制之善 有以見日耳曼三十餘朝之霸者,但窮兵力,而非有文明可稱,最爲明矣。試訪蒙古之上都 痕之不著名也。吾昔怵於日耳曼之盛,思亞痕不已,不意僅此一小宮一小廟之存 徧問亞痕 , 更無遺跡 ,只此 一宮一廟二者。 品 區小室,不意德意志三十餘帝 ,而陋儉若此 ,則雖野蠻之朝 , 而 絕無 他蹟 ,豈有 宜亞

駭,乃始仿慕,至西十六紀後, 疏 金元之初 亞痕之都 ,乃若邊邑,由是觀之,德意志之文物 ,本無可道 ,幾八百年,及奧公赫斯鮑氏與於維也納而代帝統 ,至十字軍後 歐土文明始曙 ,觀於君士但丁那部 ,比於希臘羅馬 , 則大勢已移於灣京,此亦如金元無可稱矣 ,及底格里河幼發拉的河之文物 ,不啻天壤也。 , 仍來臨蒞 ,王迹未熄 蓋其始基起於戎狄 ,不意 。其陵殿 ,乃始驚 遺物凋 ,如

始創作俑者

,可不愼哉

補

華嚴 明之先而皆自巴黎傳來,全德之宮室什器,莫不摹自路易十四,近百年來,機汽已出,文物方新 化,白匪 兹小室,實爲蠻主之眞相,何足道哉!遊亞痕乎,乃益審德意志古舊野蠻之情狀,故近世歐土開 品,故有 有一二金寶雕鏤之珍重 電醫術之精,皆冠歐土,雖以先導之英,猶有瞠乎後塵者。若其道路宮室之廣潔精妙,更冠至歐 諸國競於珍奇 荷英接 其後 軌 歐土別乎南北 專制之政,大獎工商,曾幾何時,今製造品,冠冕乎英法,徧彌乎大地,一國商業敵全歐,文學化 無自從容研究 上下其間,不過二十餘年耳。同在一國,文野相去之度,何其絕遠也!夫自羅馬分乎東西 竊帝爲娛耳 ,而未嘗有文明之一綫 ,美國費城賽會之品,尚只有克虜伯砲 ,即今日亦有未能過之者。故宮壁刻石,有峨特式之精美,沙陵金器 雕金燦爛之觀也。此在今日歐美之富民,珍品已多,民居雕石,誰不如亞痕故宮者 士尼佛 ,德則在路易十四拿破侖第一蹂躪碎散之中,諸侯分崩貧弱喘息 ,以與諸國爭長,故三十年聽之列邦,僅與瑞典丹墨俄波之文明比耳。 ,沙立曼應運 |羅鍊士導其先河,班葡荷蘭開其軌轍,而英法繼之,今全德之域 歐 德難爲 土三面濱海 中原大國 ,柱壁刻劃繪畫之文美者,則以羅馬之文明存於其敎故 ,然土厚氣深,地中族大,發揚雖後 而興 ,地勢槎牙,文物之興,皆在海國 , ,而上迷於戰事 實與羅馬代統,然蒙古入華 一事,德使慚而頓足。及光緒四五年,俾士麥以一統 , 下壓於侯封 ,光燄彌奇 , ,千載香香 ,希羅爲之先導,班葡 何關文物哉?只得謂爲蠻 ,多出教皇 ,德意志乎,實可謂 ,反讓海隅諸 , ,又頻亂於革命 當時 ,以波顯湖爲文 祠廟 至俾士麥破 起於 ,及諸國贈 小 夷大長 ,已極 國以: ,其後 妙

驟 論爲變 教化之傳於人種者 以近數十載 年尚在野蠻之域,而近數十年乃始入文明,然則亞痕之無可觀也,亦何怪哉?沉也何深 ,中原大邦,固不可以邊海小國量之哉!况堂堂吾中國,本自有數千載之文化 ,去其虛而驚其實,不入於迷途,不作於自亂,則吾國文物之冠於大地,在反掌耳!志士鑑 ,機汽日新,國競相形,故不能比較此區區之短期耳。以吾土地人民 ,益古彌長,若以一變其速率,更有遠過於德者。但無徒以民權自由政法等空 ,十倍於德 ,無待他求 , 興也何 ,徒 , 而

者,然無足觀矣。眞不意千年霸國乃若是也 遊記已失,若檢得當補詳之。市長署後有 一公館 ,作金字形 ,累層甚低 ,聞亦舊宮之物 ,今改作

0

於德乎?當令道不迷而氣益壯矣

外公園憑岡甚大,亭池葱妙 亞痕純岡陵 , 故頗崎嶇高下, ,風景甚佳 登公園高處 , 可 覽也。宮外大市有溫泉 ,病者冬日多來浴焉

。市

吾自亞痕入荷蘭數刻,卽至荷境,自荷復還亞痕 ,今乃德之極邊也。當時荷比同隸於德,則沙立曼卜居亞痕之形勢,欲以阻海而東爭也 ,而入比利時,亦不半時而至北境,三宿於亞痕

#### 蔑 七記

游銀行規模頗大,同於柏林巴黎之式,故不詳

光緒丁未十月十三日 曉 , 自巴黎入德 ,道中無大城邑,惟難施大城猶存 ,則將近德界矣 0 難施在

德國遊記

補

壘在山巓 層 美。內殿穹柱雕鏤 法舊邑,仍不治也。駈車過市繞視 大革命時蒙難最甚 寺矣。內多前王珍異物。寺門刻像二層,上層五像 ,屋甚古,人民十許萬,蓋無足觀。郊野新建者,乃稍壯麗耳。德國都邑,無不可觀, 其最嚴莊有名者,十一紀之大祇祠 無稍出其外者。十一紀之建築如此,歐洲宮室之美,真有自來也。非宣士寺, ,上狹下廣,以多柱爲之。又討孤釐拿寺,雙塔入雲,餘未盡游矣。人民鄙朴,相貌亦不佳 ,俛臨城河,德兵大破法師,卽在此地,今尚如見其瘡痍也。城甚舊,道甚狹 ,過之悽愴!三時許,至蔑士城,巫射河繞之。寒松蒼翠,冷霜徧野 ,實開今各國大寺峨特式之先。卽意之美蘭,德之佉論 ,尚想古戰場焉。有古德意志門,圓塔高下甚壯偉。 ,名喫的里。聳然壯觀,工程凡二百年 ,中層十七像,下層八幅 ,班之篩非 , ,幾次于羅馬之彼得 每幅二像 極壯麗 ,極意經營 寺祠 惟此 , ,尤爲精 , 0 升根的 門作三 市甚汚 城爲 最多

公園在大道,亭池居中,林木森蒼,整齊可觀。

不甚類德國人,乃知法德爲治之遠也

### 士遮士卜記

設總督以爲重鎭焉。 ,自法入德 至士遮士卜都,德取法奥魯沙士州之都會也。道路潔敞 ,耳目開朗 地若自立之州,不隸于普,而隸于德,但總督命于德主,與隸于普實無異 與德國之諸大都邑無異 ,視蔑士有若絕域之不同矣 ,宮室壯麗 ,房舍夾來因河 0 德 人駐 重 · 燈火 兵

其總督以勛賞重臣爲之,兼統文武,並設百司,逈異諸州長官,有吾督撫氣象矣。各名Staatohiter

士的哈打,哈打者,言管守也。其獨英國加份拿毡那路

敞場四面 人民三十餘萬,市廛廣大,甚繁麗焉。城臨來因河 ,王宮大學書藏戲院博物院市長署皆聚焉 。並巍樓大廈三四層, ,有長橋渡汽車者,極壯偉。餘河橋甚多 雕鏤莊嚴 ,望之,瓌聋 ,其

外環林木,王宮以備德主臨幸,高穹中聳,頂加二方塔,上刻大像焉 0

壯聳 士館甚壯麗 , 寺塔甚多。有眠 , 館前有破法名將基釐罷像 士打祆祠至古 ,門右平而左**矗** ,石座刻碑紀其功焉。有伽 ,單塔高侵雲 0 有大鐘 瑪尼亞大院 ,爲十二紀時 , 臨河岸 物 ,極 0

頂作二大鳥

,傳聞首能翼

小孩云

此二州在來因河外 此地者哉! 此幾分德國 州壁兵聞有三十萬 。今俾士麥得此二州,可旦夕臨巴黎,蓋吾南北朝之爭淮也, ,然甚秘 , 爲德法千年爭戰之所。法人得之,則易入德而躪之,故路易十四拿破 ,以法人頓兵三十萬築長壘以守之,計德亦同 亦歐洲得失之林矣 ,天下屯兵之重 侖 無如 , 此 以

#### 渡顛湖記

相映, 十月十八日曉七 朝暾初上 時半 ,船笛嗚嗚 , 自烏弄行半時至波顚賒 ,臨流橫望,于今又三年矣,風景依然 赊湖 也 0 波光漫山 草樹雲烟 。波顚界德奥瑞士三國 , 映帶人家 與 , 昔全 、樓閣

之, 此汽球如非路 林木鐵凳 爲名都 千里, 臨湖者也,故亦秀出諸邦。來因大河自阿爾頻山穿湖而 當初放 光景明媚 ,則爲德文明 樓閣尤麗 ,爲湖中名勝 日 魚 德 ,湖中多島,巴登之來乾河島最大,凡八十啓羅蔑度,皆種菩提 身長頭圓 太子親臨觀焉 ,吾三年前曾過之。埋鐃島大半全近刋士但士,則巴登上公營行宮在焉 ·開發最先之地,亦以湖山之勝也。其在德諸邦,則拜認滑敦壁巴登三邦 ,巴登公避暑,常居此湖中 , 有翅 , 球長 一萬一千蔑度以三費一五十萬擘 0 有汽球室甚長大,爲伯爵攝披會藏汽球處 出 ,蓋阿爾頻山頂諸湖流下滙于此 , 蓋伯爵鬻宅竭力以爲 ,湃認之靈島 。巨浸 。環以 皆

幸事也。 蓋爲全地第 或 今分爲二,有橋通焉。平岡迤邐 |家助力勸工以助之,此人所以益勸也。船小泊佯士卜邑,爲滑效伯邦地 各國 一大汽球云。吾過湖適遇放球 人皆有助款于伯爵,德人以公還其所費 ,皆植菩提,有佳釀之廠,古之僧舍改之,旁尙有僧舍存焉 ,升落畢見 , 今更欲製一大者 ,先是于電戲三觀之,不意今日親覩之,亦 , 歐美人好事 ,臨 Ш 有 其八紀長壘 能 出 新奇

## 刊士但丁記

河源 船 知吾龍門 三峽之流比之如何耳 河 時半至刋士但丁邑 自阿爾頻 Ш 流下如 , 則 飛 0 波顯湖最著名地 , 有 **壘臨之,隔河爲大客舍,夕陽返照** 也, 昔爲 自立市府 , 今屬巴登矣 ,飛瀑作紅色, 0 地臨 最奇麗 湖 而 跨 來因 ,未

或 此 刋 0 士但丁昔爲方岳 , 爲朝 三層木作 覲 訟獄 板 , , 柱甚堅厚 有 ,蓋德境之南 刊詩 簾 《樓存焉 , 長方廣十餘丈 , 界阿爾頻 。本 羅 馬六紀時 , 山,而臨千里潮 甚小 物 , 大類吾五層樓 , 爲西千四十三年所修 ,南國諸侯易集, ,德帝享利第一第三非特力第 , 墻瓦 聽常巡幸諸侯則 古朴 , 皆類 止 中

馬

西

密憐

,

皆臨幸焉

德帝威 今伯林 樓四 則民舉業 大僧 護其 皇瑪 高 教皇 , 行圖 壁皆 土 顛 亦多有名者 , 陪位旁坐伯 繼 廉 第 人 ,吾觀 一受王封 繪 頻 第 五 , 來朝 圖 年 0 歐人封爵 作 畫 , 先世 德 圖 多議毀之 , , , 彼之明堂也 蓋純 單膝 始 並 ,冕高三層 此 祖 數百年物 自風 跪 非特力何烟芻論受王 乎 , 昌 君位 , , 爵 畫 霸主賜 而 甚多 遷 售 而 , 0 ,千三百年 其 74 其 闌 最 最古者 旗劍 地 加拉 卑 · 其儀皆類中 人 執 者 , 交爵 帳 而 , 之遺 蓋戰 , , , 旭 羅 黨欲保 官立讀册書 一封爲班顚卜地 , 蘭 物 角 馬 或 蓋之, 封君之比也 國古者册封 來 加拉父者 , 亦 攻取 存之 П 寳矣 威 刊 , , 至今 伯跪受, 士丹 儀 主之伯爵圖 , 爲 嚴 0 ,亦禮之自然者耶 , 吾登 土圖 未決 以其左刁之下 一邑之主 重 0 西千四 覽 , , 久之。 士女新口 墨西密憐居此 果爾眞殺風景 , 德霸 , 降 百十 惟近停 主冕而 信基督 习 , 姑譯 七年 0 等 何 車 爲 烟芻 也 出 敎 矣 而 臨 戰 圖 場 伯 權 0 朝 1 班 囑 爵 論 相 , , 地 居民 中 日 氏 顚 , 坐二 爲 價 卽 風 1 , 則 始 4 卽 保 教 甚

西 千五百二十 年 新 教 X 毁 舊 教 大 僧器物圖 , 與路德毀教皇詔 同時 , 然則 是時惡教之俗已漸盛

補德國 遊記

矣

宜路德之能

乘時

而

起

也

地治之爵

其詳見i

歐

美總

論

爵

國

篇

0

四六二

奥人渡城橋 作刋士丹士人與西班牙戰圖 ,土人空巷而走狀,皆西千五百四十八年事也。瑞典兵來攻圖 ,一勇士擠班人十餘人于水,生氣蓬勃,一作奧人攻刋士丹士圖 ,則西千六百三十三年

者

租 **攝第二開放刋士丹士自治圖,西千七百七十八年事也。刋士丹士自爾爲獨立市府,百年至近** 

,刋士丹士千年之沿革,已瞭

如指掌矣

乃隸于普魯士,觀此諸圖

之。一 翰呼斯 馬監 時 翰呼斯 爲波釐緬人,而囚于此訊于此焚于此,遂爲刋士丹士之莫大紀念名跡焉 關最大 而 0 , 刋士丹士及此樓最動人紀念者 從旁觀訊 刑 作駈之就焚圖 作約翰呼士去鬚髮圖 處 ,紀漢高不能不先傳陳涉 實爲德人唱新敎攻舊敎之初祖 有 ,有圖寫德主中坐,一僧爲書記,旁坐寫供,前諾之,而今畏敎皇違約, 旂 , ,從官甚多。一圖作縶呼斯加手鐐,夜火隱之以小舟送之獄,蓋畏其得人心生變 群僧怒目農民哀求,二人添薪,一人燃火,呼斯仰天祈禱 ,將軍旗 馬先行,一卒執索曳于先,一卒執矛駈于後,一人荷薪,男女小兒從 ,以其得人心使人不識也。一 , 感路德不能不先述呼斯,事雖不成 ,則以約翰呼斯之事 ,師弟遭焚 ,教皇與德主詩伽 , 作焚呼斯圖 蓋歐土大事 , ,波瀾無二, 士們同訊于是樓 ,莫大于新教之變爭 繫于板足立柴上,將軍立 0 此樓即德主及教皇訊 ,神氣如生, 約 呼斯立 翰呼 , 其 亦旁人感 對敎皇 (影響所 斯 而 , 約 雖 約 也

念矣!

臨河有古僧舍 , 昔德帝 駐蹕之所 ,樓下一地窰,昔囚呼斯于此,凡三年,吾臨省之。 有圖作呼斯

披髮攤卷旁一水瓶 ,此僧寺上小島爲之,通以橋,此地最名勝者,自祖棧第二逐僧以賜貴族後

今爲大客舍矣

外繞水,環植花 此,廊壁厚二尺,中植花木 木,兩堂及周廊,猶是十三紀古物,堂畫多脫,廊畫甚完好,今帝威廉亦補像立 ,僧舍畫甚劣,如中國村簷壁畫矣

處, 又臨湖 四百十五年七月十四日 道過十四紀古樓 人亦可觀感矣。誠至勇,天下悪有不成之事乎?吾有詩賦之。 約 駈車 翰呼 橋 如星 斯著書居此 ,有古屋 ,觀焚約翰呼斯之石 ,乃昔殺人處也。各士呢士門五層 , 曰 葛 理 吉 宮 0 門 ,次年其弟子僖羅謨同焚于此石。 有石刻像 , 呼斯囚此經年。 ,高四尺許 , 吾購之歸 ,大六尺許 , **遂觀其弟子僖羅尼謨士囚室** 此宮新修二塔 ,有大鐘 凡四人 ,圍以鐵闌 ,殺人則鳴之, ,三層樓 ,彼教徒多能守死善道者 ,今生蔓草矣 , 樓左小屋 ,凡二層 長楊臨水 0 焚時 三層甚卑陋 近市 甚 都 · 吾教 爲西千 長署 麗

# 刊士丹士觀約翰呼斯焚石

白石周遭繞

綠蕪

,鐵圍

焚處血糢糊;首排舊教終成就,化碧千年亦

可吁

觀 室 0 ,道 眠 臨湖爲 士打祇祠 亦 紆 曲 公園 ,以之覽古 峨特式,白石頗佳。方塔屹矗 青紫芳菲 , 則不如新色之美矣 ,至冬不改 ,長橋駕 ,惟彫刻頗少。 。小兒未嘗見中國 來因河 , 有 十四紀 有德主非特力巴巴羅沙行宮在 人 古樓 , 到此 , 風景甚 結隊百數 佳 7 0 處處多古宮 追 里 許來 , 西

四六

29

千一百八十三年 ,四層斜瓦 ,層甚矮,而門前壁畫像極精,至今猶存。顏色不改,德人之能保存

康南海先生遊記彙編

古物,亦可貴矣。今德帝威廉始封之祖非特力姓何烟芻論受封班顚卜蘭加拉父,卽在此室,卽有

邵家室,自此始也。此宫今爲市長署,後堂白石崇塔花木甚整

地近來因河瀑 ,盖河流臨崇崖瀉下,而成瀑也。美之如格科亦同 。吾國 河流 ,龍門想亦同此,恨

0

吾尚未見之,誰爲勝也。臨瀑旁岡上有古壘甚大,作客舍,茂林翳翳

觀瀑最佳

。當曉日夕陽射瀑作紅色,尤爲奇麗

,夏時避暑勝

地

也

二時乘汽車行 , 過來因河 ,廣十里 , 烟波渺瀰 ,居然有 大江氣象 0 過拉多賒路邑爲瑞士自立者

雲影 卑謙梯生處有其像,道上僧尼甚多,亦多僧舍,此間似舊俗 映帶山色,與古壘人村相雜 , 甚類吾西湖也。漸至山 極深也 ,遂入瑞士境,夕至篩離 0 車路迥環 , 循波顯湖 0 ,波光

#### 威廉篩記

茶 光緒戊申四月 則以宮壘之奇,甲絕歐北也 破崙第三幽置於此者也。前歲車過而企望之,今乃來遊。此地離宮十餘所 此地於德國頗僻 十六年助奧戰普 ,亦爲普王租 僅遊其半耳。 ,遊德國威廉篩壘宮,自埃士拿往,可二時到,綠松徧山夾道 出 威廉篩邑於山趾,人民十五萬,亦有公園博物院。昔爲嘻順自立國 , , 少憇茶室 。其 俾士麥遂廢滅之爲郡縣 人民於公園刻獅 , 呼電車不得 , 作愁臥狀 ,道不整潔,山徑崎嶇, ,故今地屬于普,而各宮亦属於普君主私產矣。 ・盖不勝故國山河之感焉!吾亦爲撫摩久之。 而游人咸集。英德君主常至 ,或有廢者 ,地甚幽秀 , 西千八百六 遊不及徧 ,故擒拿 宮旁賣

之君同 統 若波緬及普已爵爲傾 德王授爲郡守,以抗諸侯,久之,漸皆效諸侯,自據其地,以傳子孫,如唐藩鎭然, 有之,英法譯比於子,日本譯比於伯,德國古小君長,有墨加拉父,鋪加拉父,與蘭加拉父 諸宮壘皆作於嘻順蘭加拉父累世,蘭加拉父者,譯言地主也。蘭者,地也。加拉父之爵 實比晉楚 。其爵位在科士之下,便在歇叔之下,又更在咽住歇叔之下,歇叔之譯作公者也 合觀其離宮十數,林園數十里,壯偉精妙,令人嘆絕,乃爲中國萬里一統之所無 ,則 蘭加拉父實比下大夫之采邑,然以自立國 ,傾譯以王,恰比春秋之公,則蘭加拉父位乃最卑 而 世傳子孫 ,實比於子男 , 故

尊

貴 富温 自是自爲國 然德 是時 亦 ,德國今 與 於此 大國 諸侯 ,盖 非

補

康

四六六

赫高 天際 乃成 而 大利宮室之瓌瑋 而時宣洩之,又徧爲水管千萬以噴薄之。自邑至拿宮,直登數里,又自拿宮至山巓 互見,而孔子之譏世卿而尚儉,令後世無力役之苦,而中國室器,亦漸陋,亦可於此推其所 見小國諸侯之虐用其民 非有嬴政楊廣之暴虐,必無長城刋溝之巨工。而吾今以競歐人者反賴有此也,然則孔子之貴卑宮 自日以馬檯二石登山以先民 戒峻宇者,殆有鑑于封建諸侯而有爲言之哉! 厘士臺塔瓌異 ,其怪異如此!今嘻順民猶怨其虐 ,高十蔑度 ,凡二千餘級 ,歸乃延意名匠佛蘭詩士孤亞尼利作此 , ,實爲北歐第一巨物,盖自山巓作八百四十二層水流級,上下作八池 **壘趾三成而登臺,凡數百級,臺顯更築七層塔** ,而封建人民之苦也。又以見宮室什器之精,亦造因於封建也。二者得失 ,赫高 ,斃馬亦數百,以西千六百九十六年創之,至七百十四年乃訖工,盖 釐士者 ,其杖空其中,容六人,開窻於杖中而眺遠焉 ,罵其赤體無恥 ,嘻順蘭加拉父之作此臺也 也。 ,役民數千人,鑿石移來,人日僅給一 赫高釐士曾爲選侯 ,又數百級,乃至赫高 。自製赤身大像於塔顛 , 游意大利 遠望眞 。壘臺 像 , , 厘士之 直上三 以蓄水 因 ,三年 慕意 矣 如

艶羨

,今親入

游之,益令人適適驚絕

,即歐美亦罕覯也

池數十

層級

而下

白波飛射

,下至亞利自宮爲八大池

,林木草樹

,濃綠蓊薈匝四山

**姚** 

奇令人

,其臺如壘

,屹然山頂

,

皆如一

層

雲

,陂

此山最奇偉驚人者

, ,

山顛赫高釐士之臺地也。自汽車遠望

花廠 坐 茵 此 多 池 水管, 坫 里計矣,人爲之宮園觀止矣。亞利自宮左旁里許高岡,爲螺韵卜壘, 水 應接不暇 ,則與法路易十四花賒喇之 宮 同 。萬松彌 ,芳樹如幄 昔皆有像 處處置鐵几設橋 數里間芳草 已夕,宿克蘭客舍, ,崇麗如廣殿,又前爲祇祠,又前爲克蘭大客舍,花徑幽深 以宮中之圖考之,古今三改,然大致論之,則引百泉以瀉瀑 山形 0 左右高處作石渠 Ш ,雨後溫烟凝綠 ,今多失之矣。法路易十四宮石像,多自此移去云。此池旁有食室,游者多憇食於 ,正對囚拿破崙第三之亞利自宮矣。池中有長橋 左右石峯嶙峋 繁花 , ,綠松古樹 倚闌藉草 ,甚偉麗 ,引水高數丈,關門十數,如臨深崖 , 幽勝甚。下數里許 ,旁則漸下綠苔小松纒之,正面作五岩,皆列白石像 , ,盖各國貴族來遊多居是也 ,中引溪流 深林無際 0 而 冠 Ш ,或如 , 泉聲鳥聲 抗 殿 瀑響 ,至第七池,則淵渟泓浩,廣大如陂,綠草成 , 絕 , , 樹影波影 曲折 壑爲 流下 小島 池 , ,綠陰彌道 , 萬松夾道 望如宮闕 0 , ,築多池以蓄水 , 則 相交於耳目 或積石作灘瀨 白鵝唼喋其間 幽 勝 ,盖無在非幽勝之境 ,烟徑森森,宮左爲 遠 , 左右各疏 過之 , 如山 , 。池上有亭可 ,石峯藏广甚 , 或堆土; , 置 不可以道 大池 陰道 萬管以噴 作壇 上 , 置

畝 後作希臘式 亞利自宮依 自後門入 正對 大池 ,有半壁繡室,以待外王。二室壁几 Ш , 亦極 麓 上覽八百餘層之瀑泉 ,復上則正對赫 宏巨 0 **聳**幾十丈, 高釐士臺下之七瀑池 左右二大球 , 最爲奇勝 , , , 藍繡 昔囚 前門惟君主來入 , 而前 , 拿破崙第三在此 綠繡 直臨威廉舒市邑者也 東皆文石刻金。由拿破崙食殿 , 而 以後門爲正 , 德主英王 殿閣高 來遊皆 宮前茵草百 居 壯 前

入紅繡 之比 金飾 穿黄緞小室,有 , ,亦如吾之伯子男也。穿赫高釐士書室毬室 ,惡言拿所 左右二黃爐 室 ,而入拿破崙臥室,亦半壁式,壁幕門金漆,作多幅形,闌內作床,今德主威 活馬而 來因 ,上置石像 偉之也。下樓入半 邦加拉父像,三十年戰圖 0 穿賓殿,壁以黃文石爲之,甚麗。 壁室 ,有 赫 ,西一千七百八十六年者 ,今德霸世爲 高厘士像 ,黃袍大紅套。有其先公十四 鋪 加 拉父像 壁作多广 , , , 陳器皆其 鋪加拉父亦蘭 皆文石 遺物 0 爐 加拉父 子女圖 ,亦宿 ,

其

壯

麗與

大國王宮競

也

斗室畫 置獅 花者。 形也 室壁畫及几,皆十六七紀之織畫,爲蘭加拉父家人所自製。 櫥 力第二,即 **壘製作精妙** 第七池旁穿林時作石 , 0 ,乃入門一方室,有七尺圓桌,嵌十二團樂絃 皮畫桌 逾橋 右有 每行 室爲蘭 入門 窓 兼王瑞典者 , 實爲所見各德壘之冠  $\mathcal{T}_{\mathbf{L}}$ , , 可望外 皆以四美人作柱,又入一方室,有 幅 ,城堞二重 加拉父聊波織 , 峰 頂 嶂 亦 , 0 有 其 然 , 門可 皆堆成者 壘塔高下方圓 有 , 其 精異 出 畫 塹 , 0 ,牆外隙 , 其鏡作 亦有 **壘名螺韵堡** 0 , 深林幽徑 皆千六百零 墜閘 , 金畫 凸凹 地 殺人者。 其 幽深 幽 ,二百年矣 , , 八年 蟠曲邃密 中 五百年前織畫 (, LOOENBURG) 0 出 , 織畫 皆極 團作畫精甚 東北南三門同 所繡 圓 奥妙 室 。有小室置 , 0 人物 則見壘形突兀 有 , 逐 ,惟圖 中 , 作耶 登樓 國 ,顏色麗密絕倫 ,盖四千五百四十二年物 畫 ,內作敞地十 創於嘻 臥 能略見其表 桌 穌像者 , 自 榻 三百 長房入 ,逈出林表烟間 , 織 順之蘭 0 有 年. 錦 方室 餘 矣 帳被 有 金銀織之圓桌 , 非筆 丈, 加拉父非 0 木几 似 西夾 文石 壁 中 墨 蒈 鑲 所 國 0 此 各 闌 銀 畫

補德國

遊記

餘鉄甲 像 甚精 及織 **愼堡行宮及西班牙** 矣。其上平臺高塔秘 室 有三角式者 製以金,今失其 國金花漆桌 士威廉金甲 上下層皆隔 丁,近內: 極 畫床 0 精矣 玻皆 刀劍 作 , 尤華 。又左爲路德昔日講亭 十四紀物 ,甚 闌 一憲爲門 , 9 , ·皆十五 塔外廊 及死時 ,爲蘭 製法 精工 0 有 宮壘 黑裙 闌可 選侯威 室 六七紀物 加拉父夫人榻床,刻小像甚多 0 , , ,乃明時物 其間 有阿 有先君赫高釐士威廉第 , **俛**望 耳 詭 0 刺伯杯 變異式 有三十年教爭瑞 即藏 廉第一書桌 。觀農 , 萬松裹碧也 櫥 , 在 ,非筆所能刻畫也 ,一以珍器, ,其樂管十三紀者 人戰具 , 中國反不得見 波斯杯 ,上作數十小櫥, 典將軍 0 , 以釘木相拍者 對階左室 臥 0 登塔頂層 像 之甲 右櫥爲匪 0 ,彌可珍矣。登圓塔二層 壁有 。歐人壘製多精妙 。有一六一七年訶魯班 , 下馬其塚 , , 藏先公甲仗,有 以貯諸臣章疏者 有名將巴賓 ,藏大畫酒杯數十,高尺許者甚 一千二百四十七年始侯兒時像 尼士杯 0 比室為 , 有 ,其壺大尺許,古玻甚 威甲 西 廟 , , 而 甚小 0 一千五百二十年 一二四時荷蘭兒 , 畫甚精 有 若此比者 夫人馬利亞馬 , 壁 , 偏刻 金櫃 而 文石刻峨 , 自此 小 0 , 又入 木甚 只 赫 多 多 陳 地伯 甲 出 奥京恪 特式 精 二中 一方 北 高 0 , , 桌 聞 其 木 0

卡篩

霜市

民十五

萬

,

倚

Ш

開

。市

然博物院

戲園

甚

麗

,

市中亦有行宮

,高僅二層

威廉臨

幸

經

市

必

少駐

後有

敞

臺俛敞

地

今德主威廉

必必

倚臺而

演說

,

民甚喜之。

此行宮爲嘻順

蘭

加

拉

父孤

科士威廉

第

所築

,

在

西

千

七百六十年

也

0

凡

廿二室

,

其

舞殿爲其子威廉第

二作

畫

,

穹文石壁

,

綠石柱刻花文,

木地精麗極矣

0

兩銅鑪刻美人一

,燈柱甚大,其**舊**食殿新宴殿皆文石壁

,有八

訊狀 班 甚麗 像座瓶皆金,几有冕形 每室費一萬二千。正殿 面 鏡屏 。穿各殿 0 入小 判官 每面七行四列 , 廊路 馬 ,白文石柱紅繡壁,今德主威廉幸時所居 索 , ,以四色文木砌花 皆袈裟偏袒草屧 ,有旁坐一几,昔俄帝來遊陪朝,坐於此 有室,座門皆鏤金 ,每鏡大五寸許,照之可作百人。其爐有金疎簾 , ,但此已費四萬 畫作其講於衢 ,綠繡壁 ,文石柱,但文木刻花地,亦費一萬二千。各 。穿餘 0 , 有座 其楊皆黃綠繡頂白綠花 室皆同。環以黑花小木柱 , 人跪聽之, ,歐土諸侯國君之尊大 ,其樓梯文石列柱 皆袒肩 ,有畫作索格 露足 ,礎以文石 , , 可 後 ,刻像 窺 吾 底 遊

此宮在· 0 市 ,至無壯麗之名 ,然尚精妙乃爾 ! 德之諸侯奢麗 , 眞不可思議 ,而民之苦酷 , 亦 可 推矣

雅

典

,

益追思之也

列蔭 出 一下爲歪路詩渠迦膩宮,宮橫列 , 周 圍 百頃 , 體製閎偉,今爲公園,嘻順人以其滅而隸於普也 ,中爲圓室,宮前敞地百丈,列石像甚多,前左右爲長池 ,刻病臥之獅,以志其亡國之 , 嘉木

感焉

耳 此浴室為蘭加拉父卡羅作於西一千七百二十年者 文石作菴 此宮已廢 0 上圓 穹 , 刻突像 今爲花木所 以 一大畫石爲之。下分七幅白石 無 數 ,其最有名而以奇麗爲後人所寳護者。宮旁二百年文石之浴室也 , 中浴池水管二,環白石几刻像十二 ,刻美人 ,精麗乃爲全歐所未有 0 頂孔 ,四 刻多小孩 面 留 各 三 像 0 , 皆玲 以吾所游大地 , 其文石以 瓏 精絕 小片貼 壁間 , ,大數尺 惟印度 成 五色

蒙古帝宮浴殿閎 大過之 ,而 刻畫尚不如。 印度人最講浴室者也 , 何問其他 ,德之古蹟精 妙 者 , 誠

距市五啓羅 也

間 幽勝 勝 節霜宮壘佳者凡六,其 萬木濃鬱 亦懸中國畫 其床亦精 其滑敦堡王女來賓之床 大池 但髹白 而宮泉林苑之精奇 有紫磁今不能製云。其作一車二馬形者 令人忘世 ,自然幽: ,湖靑作門, ,夾道彌山 ,不見異 邁當當山麓處,有威廉士打路宮,西一千七百五十三年嘻順蘭加拉父非獵第八所 ,皆明世物 妙 ,歐人 , , 惟內有數室 既考見諸侯貴族之閎侈 ,芳草芊芊 亦皆 ,白帳 園林之勝 ,皆亞歐新交通之物 ,幾冠歐土,盖不知幾世幾年,積歐土封建之精華而作者。 一壘遠,吾不及遊矣 一木刻花。 , 刻木作花 , ,倚坡鑿池 ,以綠襯白 固有自來 室偏懸其族親像 ,並枝間 八。嘻順: ,亦可珍矣。一文石室爲嘻順貴族女所居 ,所遊埃士拿公之離宮別苑 ,旁帶百頃,昔有百噴池 , , 所刻門屏,穹各異式 因推及吾春秋之世,及一切封建之制 ,可考其制 滅其遺宮,今皆隸於普王,地近栢 一鳥 籠 0 ,有金鳥能自鳴 , 有中國二百年前物 同歸一木所製 ,花枝鳥雀 ,今廢,然雖 有四 0 0 有 拿破崙弟賒隆王此時 , 亦皆 薩遜初製之金磁値 , 其屏 皆以 焉 長 舊 此爲關 人林豐草 帳皆 廢 林 , 0 甚美 木 宮中 , , 景復幽 而 財建之 中 製 作 0 國 成 舊式 風 景 卡 中 0

之封建, 吾於歐土 緜亘千載 封建 舊物 至今尚成二十四聯邦 , 考求至多 , 法 僅 九 大侯 而佛蘭拂爲其朝會之都 , 而 三荷比 , 在 波多 **佉論爲其東方都市** 奥僅 一公 ,後爲 帝矣

,

,

,

若巴威

惟

事

故不隸于普遊

,

而

隸于侯邦問

俗記

焉

其封建之遺跡,亦粗知其大概矣。今歐美豪侈之俗,皆出於封建,今人所震爲文明者也。 士歪埃士拿可逋可大呂覲諸邦,吾皆遊之,與來因河多饒河帝羅諸壘 逐滑敦堡巴登四大國 ,益更華嚴矣。薩遜公館之美,旣久著于歐洲 ,於今聯邦 ,而嘻順實與爭雄 ,幾遊: 其 ,其餘潘 而 半 其淫 ,於

丁未十月十三日 法境皆平原,自近巴登境,漸見山松,嶺聳而平,河流廻環,野甚潔除 ,從法國人德游 , 經難施蔑士沙自卜之大城,夕十 時許,至巴登邦加魯士雷京 ,峯戀極秀 , 頗 如江浙

侈虐民之政,吾中國二千年久無此夢,亦可爲論歐政俗者考也

寓迦 , 呼電車 [瑪尼亞大客舍,正對車場,巴京第一大客舍,廳亦甚佳 無之,覓馬車亦須久待 ,其視栢林之囂繁乎,小邦與大國何遠也 ,浴室尤大,寓客僅數人 , 氣象寂寥

0

其賽 巴登雖公國 夏時遊客尤夥。巴登公盛飾游戲具以廣招徠 與巴威尤秀美 觀 有賭至十萬以上者 ,一人巴威 馬爲 · 大家世爵 歐洲第 ,而爲德四大邦之一, ,其曼海爲大市,巴登之巴登 ,便覺秀朗,盖倚山傍鋪敦湖 ,皆爭飾 , 0 德帝亦時來會 英法各國王侯及栢林與德列 花 車 , 載以游觀 與巴威薩遜挖敦伯之王國齊名,並千年舊邦也。法境人物不足 ,士女繽紛 ,故花 , ,地勢致佳故也。北歐文明,先開于鋪敦湖 ,尤富而文,宮室精麗 每賽馬出游 ,衣香花影,雜沓于湖山佳 邦王公皆集馬 車 無數 , 夾道 ,以大車載舞女,上下圍以生花 人家 , 埓最精 , 亦挂 ·人謂爲全德冠。其地有 , 處 馬 花葉助 亦 , 逐為 最駿 興 大觀 , , 觀者 賭 赤 ,故巴登 ,盖小邦 ,招搖 如 最 溫泉 堵 大

費 無他大政 大國 美術日新不窮 ,其家主慮有接親友酬飲食之苦,歐美人無之,但欲邀致外國遊屐 一則競爭勢利 ,令民尚儉 , 故其 ,百里間老死不往來,誠不能知有此義也。盖中國賽會演戲等事 ,小邦君躬爲會主,視爲大政,亦有味乎其爲之也 上公作湖山 小國則競爭樂利 主,特妙爲游樂之事,以廣招游客 皆于列國競爭之世乃有之。中華 ,而興盛其地 一統 ,以收其客舍舟車購物之利 大國 , 因以富樂其 , 不 ,慮民淫逸 - 尙競爭 民 不 而 。故 浪 尙

都會 巴登公國千年矣 雷 道路如線 ,乃今巴登公所營之新都 道路亦廣潔,宮室極莊嚴 ,最內半線爲公宮 ,開基于西十紀,當西千六十年封侯 0 內半爲都市 廿年前人民僅 ,小國乃能若此也 ,外半爲園林 萬七千,今啓新都 ,然非啓新都 其新京當爲大地 , 森綠 數十 , , 亦不能得此 忽已十四萬五千矣 里 , 誠大地 第 , 制爲 所 瓌妙詭異 無 也 員 0 0 遊之如大 名迦 規 也 羅 魯士 盤

方,後園西門,林木蒼**蒼**凡里許 見于圖。宮前斜作八字 公宮規模閎偉 ,過于列國王宮,盖後起愈勝也。 ,門中及殿上皆建崇塔 , 其體制與印度總督衙同也 , 宮前敞場百丈, 西千七百零九年 左爲廐 ,巴登公卡羅非特力建之 ,前爲 世子戲園 , 內圓 · 其 詳

世子府樓閣四層 ,基偉 ,而刻亦精,園林極大。其旁爲戰事死者之墳堂,列以長廊 ,中立圓堂

圍以鐵闌。

子像, 乃觀巴登公之陵寢 盖前死而葬于是者。巴登上公尊富 , 長林 夾道 墳寺甚 新 ,禮與各國王平等,此上公名非特力第二,年八十二矣 , 峨 特式 紅石磨瑩 公新 死葬于 此 花 圈千 前 有 公

金繡 世鶴 布纒葉以哀之。直至公宮,旌旂掩映,武官前導,金棺累飾丈許,六馬衣黑衣載之,棺前有八人 ,執其遺物前行 湖波漫綠 曾與威廉第一會兵破法,卒于波敦湖中埋鐃島行宮。此島大半里許,只一行宮在焉。周以林木 皆戴 亦 緑綢 如吾禮之用素服得宜爾 ,爲湖中第一勝地。吾嘗望焉,公柩自湖中運至京,其妃世子步送登舟,都 ,衣灰衣,世爵皆金飾兵服,于是馬隊步隊擁後,大概禮儀亦同中土,惟臨喪而 ,妃及世子隨柩,各國王公及送葬使爲第二隊,本國大臣世爵從其後 ,世子以至 人家皆黑

也。爲此地人,故隆其記念也 有美蘭頓塔寺甚新麗 ,塔頂白石瓦 ,以金飾之鱗之而偉異 ,美蘭頓者路德之友,改新教最得力者

服

建築之所以獨勝 其建築學校甚宏大而佳,不減栢林,德之都邑,莫一不有建築校,他國則除大都會外無之,此德 式,甚妙麗,一將軍宅 塔數座,噴池高至數丈,此本公御園,今施之大衆者,最大而有名,游者人收銀一擘,宅舍多新 公園大數里,內有三湖,波光烟艇,綴以亭榭,堆石作山,置亭其上,蹬路迴曲似中國 也 ,雕鏤尤精,以大原平廊,土木相望,德國建築之精奇,實爲萬國冠矣 ,有茶館高

過一 兵校 ,長數十丈,三層宏偉 ,小國武學,乃亦精修 如此

石築 一獄 , 如壘形,不壯麗 ,駈車周游,及于原野 ,松林中新式之屋櫛比 新氣迫人,何與法境

之遠也。

補德國遊記

近巴登滑敦伯 兩 國間 ,有朶賒多父大城,人二十餘萬,多富室,德人賽會多在此 。刁土堡人十萬

法部 山臨河 名將相 吾駈 築于西 | 千二百十二年,毁于法路易十四,然德名壘,以此爲最 巴登人民百餘萬 十月十六日 下,以便殺人。 者多學生,可俛瞰山河城市 十三年所築爲茶亭,敗礎遺磔,甚荒涼也。今以爲公園,長路夾樹千萬,紅葉滿山,石蹬倚崖 爲路易十四取去,置于花賒宮矣。下數十級爲櫥 小橋俯視五丈有水,下爲獄,逾橋入壘門,門有雕像,高二層,壘內如吾國城內 二紀物 一所築 而工人已廿餘萬 車渡河橋 。德諸 今大若樹 石壁嶄然 列戶之柱 邦各國亦多有駐使,故有外部焉。上議院二十八人,下議院八十六人,世爵百數 雜 ,自巴登京往揩魯壁壘,蓋拜認阿留軒利先公之壘也。 虚埃中 ,環視風景蒼然,思我赤壁也。下有西千二百三十五年古寺 , 門內石廊, 地分四州 ,以近山多鐵礦,工人皆鐵廠之工也,吾往觀焉 , ,高數丈,人皆摘其葉而珍之。過汲井古,石亭粲然。東有方樓三層,千四百 , 皆刻· **壘外今多依山之人家,壘門內古木遮天,蔓籐碧綠徧** ,皆十六紀前物。一室室頂爲雷攝去正殿 人 獅像 ,州長命于公。政府五部,一民部,二兵部,三外部,四度支部,五 一室纒垂籐紅翠,一室爲博物院,多織畫 ,至爲佳勝。有詩人賒父像,以賦此壘最有名,如崔頴之黃鶴樓 , 或盾形 , 極莊嚴 ,有高牆,亦十六紀所築。殿外臨崖旁三層之六 精美 0 室以寶石爲燈 , 四層 0 地兩山 分封隸于巴登,僅百年耳 , 蓋十五紀物,德王非特力第 , 古石像十餘 地,此籐名挨文利 夾匿卡河 , , 光閃 馬車崎嶇 如電 ,門上作尖椎 , ,最爲 皆羅 而登 各寶 馬 壘 扼 物皆 及法 來遊 矣 + 要 , 倚 始 垂 0

有機管 學生所修以飲酒也。其酒桶可容六萬加侖,下室有古大酒桶,可容三十六萬 角塔爲書藏 , 可引酒 ,十四紀物,今爲路易十四炮所毁。層壁突兀,頹垣披離,正殿有廟甚新,下有酒室, 上注桶 ,上有舞臺,下有人像名偏歌路,其人能飲十八加侖,地下平石 加侖 0 桶形 如側鼓 ,以待醉

者之臥。古俗荒

流酒無道

,獨可見其遺跡也

0

入門即 路 尚之, 俾斯麥今帝威廉第二,皆學于是。今大教習名遮尼 此地有 此壘下山邊 滿 爲巴登今公所傷, 壁 有醫者護 依此而言 ,刻像殆 編遊全歐,未見其比。板梯板梯,皆甚卑小黑暗,室小六尺許 目獰怪 , 愛其古也。 視 食室 西千三百八十六年大學,蓋最古之蹟 地 沙關 視 亦亦 , 徧者, ,有學生公會,舍矮小無樓,白灰甚朴,乃十五紀古僧舍,學生留其蹟,不少改也 ,以其數百年,故德人寶之,以示進化也。其升級考室桌皆古壞,惟 吾華舊物,亦應珍之。德學生好鬭,面無刀痕者,則以弱爲人所輕,吾甚怪之。 , 壁列 朴極 處 教習 皆極 , 其臂今以電機嵌而屈伸之,然猶雙手不齊,時時置手于他手上 血痕 諸 ,桌上刻字皆滿,俾斯麥與今相蒲羅,亦有題名在焉。入正堂爲學生相闡 帝像 粗惡,蓋學生犯罪者刻像于此,以示戒也。初望之,如 一百五十 獝 斑 , 壁飾綠紅 , 蓋 ,學生夏時二千餘人,今多時一千六百三十人 適關 去也 地鋪沙 0 , 乃臥 樓三層 , 錫床 旁置錫床,相關之具 , 師生皆居外,講堂二十三。 , 高三丈 , 醫者 裹創瘍焉 , , 極似吾粤書館 旁堂甚小 , 0 今帝威 自刀劍技毬手袋沙袋 , 層 層甚黑暗 入 , 0 學科與 野 此校古朴已 而 廉 一演說堂稍 廟 板 昔亦 扉 巴登公則去 , 牛神 为外 栢 , 而 林 關于是 學者 門及 極 蛇 司 來 耳 鬼 室

補

其卵,不能育子 ,德人之好尙武如此,宜其强也,然眞戰國亂世之事也。入古寺西千四百年所作

然甚高矣,其柱千三百六十年,古畫甚多而佳

遊古審院,高四層,亦西千三百十三年物。渡匿卡河,有十六紀之橋。橋盡爲古壘,乃扒拉顏侯

看那司多路所作。沿河人家屋舍,園林楚楚

處也

近壘岡 上有非羅娑父里,譯言哲人里也。昔哲學家多居此,故以名。草樹婆娑 ,山河環擁 ,亦佳勝

能比焉。卽觀其京,過于瑞典丹墨荷蘭比利時班葡遠矣。德人之善治都邑,誠大地所不能及 巴登之巴登暉 美,皆至新式。吾向謂漢堡宅舍甲天下,由今觀之,園林自是漢堡爲勝。第宅則在二十年前 車場之宏敞,全美已少見。馬軍一繞, 三王國,自湃認薩遜而外,惟滑敦壁稱王,人民五百萬,其聲名雖遠在湃認薩遜下,而諸 十月十七日四 所見日多,且不敢甲乙之矣 人家皆斜倚山 可人。夕六時,見倚山烟筒彌望, 若論新異 時 士巴登曼海 • \_ ,道路廣潔。有一長街,三啓羅邁當年, , 自楷魯壁壘往士篤吉,汽車行二時許 街實後來居上。德 皆新異甚,皆勝栢林。若十年再游德之都邑,其新詭當又不同,今吾 人家蔽嶺,則已至矣。土篤吉爲滑敦壁王國京,居民二十餘萬 只有嘆美,其咦域街及暱拉壁街,比富貴人新第宅,結搆精 人善爲室 各都邑皆日新月異 ,道中多山 屋宇高廣,不滅湃認 ,松崖翠壁 ,以吾所見埃士拿之新 ,河流 ,但差小耳 廻繞 公國莫 光景 德 式 卽即

有

收 其二宮一在山上,一爲別墅 道 也。王宮有四 .中所過大學中學音樂學兵學營築學及各公司,皆方廣宏偉。藏書樓三層,夜燈 ,吾游其二,一爲古宮,今施作博物院 ,園林絕勝。若以大小適宜論,在邑中者,竟可謂此王宮爲歐士最美 。一爲新宮,營築于近年 ,故體 炯炯 , 讀書者未 式 彌 精

可也

路陵 者皆跪 縣君升封爲侯,傳至拿破崙時,以助拿帝,與湃認薩遜並封爲王,遂傳至今。 五年 五兆 第一 宮爲十一紀物 也 ,棺上有石像,宮門高三丈餘,守門人肩金斜遍 中 0 庭有 幕左右衞士, 墨 西 密憐冕而衣大套,幕中正坐高處 其開創初祖先公衣霸乞像,有德主墨西密憐封衣霸乞爲滑敦壁公圖 ,制甚樸拙,厚板爲樓三層,蓋滑敦伯先君初爲地主所居也。 執旂者四, 典禮嚴重 , 極似中國 ,衣霸乞跪于前 , 可考見其册封諸侯之儀焉。蓋衣伯乞自 , 而德帝親爲加冕于首 樓 下數十級爲王 ,西千四 上有王庫 ,百官陪位 百 歲入 九十 加

紗襪 此宮累有增修 入門一大室,爲古武士鬭處 有 中國 ,衣甚長,至十七紀,兵衣漸窄,妥然皆有辮。有戰法師丹之兵衣及彈, 旂 鎗 在 , 至十四紀 焉 0 有 寶星製甚詳,分十三等,官得第三等以上者,歲給俸二千五百 加 飾 ,有十字軍時之盾,皆作十字。有十三四紀石彈。有十五紀兵衣及綿 ,至美,崇隆五六丈 , 如城 ,四角着高塔 雕 峨 與威廉之兵衣 特 式 ,今施 , 其 、兵得金 爲 武 庫

第二新宮高二層 作 門形 , 敞地前作大照壁,制乃類我國大衙署,爲全歐所無 ,蓋西千八百六年 牌者

月給

永俸三十

五元

康

燈

惟其 萬 麗 十八年戰士釐路 有埃士拿 室有教皇賜其先公金花圖 作,然則吾制 0 穿一 險置于此 几櫥 五色文石 長鏡殿 量量, 床 皆飾 固 。以美外觀 , 金 圖 非 皆作片瓦粘壁 一室有俄王衣凡織畫 ,入一黃文石室 盡非 ,其門不知爲門,以 , 右室有王全家像 ,但土木太過劣耳。 , ,亦跪受。一室白下藍上而白蓋 室重門洞 , 或無 , 有 闢 力耶 , , 金銀盤 凡 鏡爲之,甚 其室乃在 一室拿破崙嘗宿焉。登樓左入舞殿,穿宴殿樂室,存燈十 , 抑 自旁門入,門內置古金燭檯十,高丈許,以今用電 數十座,一正室,金緣白 作新式耶?有路多父帝入士篤吉圖 , 有指圈五色文石宴殿 一
能
妙 隅 , 六角樓下 0 ,配色甚佳 , 各室皆白 ,有其先公雅 ,過于薩遜湃認王宮遠矣 ,各室以五色緞裱壁 0 惟 公主廳及臥室甚 , 特力戰 有 西千三百八 一室 畫 0

園 宮前 , 百步敞塲外,為崇隆列柱 噴池 , 鐵 几樂亭石像 ,紅花畦,綠草坡,列樹成行 ,屹然百數,望之華嚴 如如 中國照壁 , 士女雜沓 , 然皆列肆也。 , 益助 繁 麗 其前敞塲作公 , 此 又 新式

矣

矣 以長廊 王常居乃在 道 0 夾 石 數百 像 上別墅, 丈 , 皆甚深秀 廊 去此新正宮不遠,前作宮 中作崇樓 , 觀 以其新式 , 此 亦 , 類 採 中 自 國 1中國, , 而 ,西後作園 歐土 故爲歐人所無 未見 者 , 中作圓池 0 其 , 德人之講 宮樓三層 , 列植南方棕葵大葉樹 求新異 ,林木蒼 , 蓊 此 , 亦其 前 有 一班 大湖 四 周

道中新 式屋甚多, 即市長署崇塔屹屹 , 白石爲壁 , 刻鏤新異 ,亦全德所少比也

大審院方廣宏偉,前臨公園噴池,甚修飾。

中學校甚閎麗 ,其前公園林木外綠 ,噴池花畦內錯,亦可人。

瓏。先公埃觀像在山 蘇哩度屋左右崇階,中作大圓穹,左右斜環之,制頗佳 ,崇級百數,三成而登,林木夾之,游人多賞覽焉。又有先公基士多父像 0 其先公衣霸乞臥像後有侍者,石刻極玲

亭,綴以松畦,山顚作樓,游人甚盛。

公園

甚大,

盡

畦

,

多植

小松,堆以石,與美之哈佛公園同

,

亦新式。

山上有特圃

,道屈曲

,

中有

獵舍松徑 森森 , 高 過一丈 , 下 有板 屋 , 甚 一蕭散 也。 其十七紀之屋 ,多金字形 ,然西千三百九十三

年屋式,已有用峨特式,已甚佳矣。

百貨博物院 樓三層 , 左右作崇塔, 頗嚴莊 , 與傳金局相對

其袄祠以士的的父寺最有名。前有詩 人詩喇像。 而約翰尼士寺 ,半島臨水,臨湖中作噴池

林木,至爲佳勝。啤結廟亦雄偉。

外 道中俾斯麥紀功碑建于陂上,隆崇十數丈,式如亭蓋 公園亦佳 金立 , 此 馬 爲 江細矣 像 ,閉整花畦 後作 0 華表 德都! , 林木楚楚 邑 , 前 皆 作二 有俾士麥像 獅 , 烟覲水池 , 甚 , 皆宏偉絕倫 , ,崇階如環,林木蓊蔚 毛瑟鎗卽此 ,四方百步, 蜀 部廠 人思諸葛之德 , 作工數千 周以鐵闌 ,尤爲游人所聚 , 何 , 去此 其遠也! , 自漢堡 僅二英 0 ·宮前 望 里 碑 威 立 ,

日來復閉廠

,

又當復反揩魯壁乃能去

,

恐往不得,徒費二日力

,甚悔不

視也

製電

車廠甚有名

惟

越第以

廉

像

,工人二千

,

製

表廠

木廠工

24 八二

人皆數千,並有各山多鑛產金銀鐵甚饒,故多鐵廠也

今人譯作公,科土如 地分四州 而 有鐵路部 有兵 ,何況我 七千 伯爵 中國乎?其世爵貴族五十,內有四歇叔,二科士,歇叔卽英之刁侯爵 , 政府 , 俾斯麥及今相蒲羅,卽封科士,英人譯之爲偏士,以有土之君故 有財部、兵部、外部、農部 、內部 、法部、鐵路部七大臣。以區區 也。而 也 小國

中國人誤譯爲親王則甚 謬

十餘 五六丈 七時 爲往來波 自士篤吉京往鳥 門作三間 度,為歐洲寺塔第一高者。羅馬彼得廟圓穹,尚爲第二,而佉論塔爲第三云。 0 亦 亦 家山 與佉 乃行 可見 棱 若 上列像二重,殿壁間刻像無數 , 每柱 論 顯孔道 市 , 人事之變盛衰無常矣。以其渡波顚湖道至順 刀 汽車行 塔略 每間 遠甚 角各有 乃 二層 像 同 無 0 弄 0 馬 。後二塔不甚高,門前獨塔高一百六十一蔑度,深一百二十三蔑度 人民廿萬 , , 殿 塔 時許 E 車 亦 ,每層又作二層 庭上 作門 , 僅二 , 寶 , 蓋 相 刨 無 時 , ,今僅七千,市廛寥寥 極雕鏤 交紋 許 最 乘湖船而至刋士丹士矣。烏弄之塔,十四紀物 可 觀 高 , 沿道皆士不 + • 惟 ,並精嚴,然亦歐土峨特二大寺之通式耳 出入之門,當其高大十分之一而已。一横門 局五六丈,餘像二列 高 屹然 層 # 餘丈, ,上又三層摩霄 一古塔矗 士 講路, 憲皆 , 亦多破落 市 故順來遊 山土人闢山園 五 上而已。 色 , 玻 矣 圓楣刻像三重 , 0 , 烏弄古爲大市 德境最無足觀 ,不意僻 中 每層 庭 , 作 九 種樹 拱 棱 地 式 + 甚多, , , , 峨特式 柱 大端 每重 車 , , , 期至疎 愐 僅以 當西十四紀 , 分四 午行二時 層 柱 門 中作槕,分爲 累 大 前 廣 ,尖稜萬 一塔名而 成 , 丈 雕 四十萬 竟候 餘像 許 , 鏤之精 每成 時 而 並 到

兩間

夾河皆山 士式 戊申四月十一日,由 ,見噫路比 肥嫩 綠縟 河 奥國 流甚 , Щ 恢淺 迦普士拔還,再過薩遜。汽車曉行四五時,每時六十啓羅邁當 頭幷種苹果舍利, ,多以匾底船載貨 遍地饒果樹 , 吾國 內 地多河流 ,至波頓伯 , 正可造此式船, ,乃入薩遜境矣 以 , 關 便 ,十時 吏視 輸 運 至奥 物 也 而

稅之

喇伯 爲佳 堆疊 至誤 是時 砌 往聞 石壁呀開 馬既 馬者 皆爲奇絕之山 薩遜 入丙丁也 品 薩京開 垣下夾河,皆有 如 多 乃預第良馬甲 山景甲德國 ,長橋架木 一一方磚砌成 吾亦未知大宛天馬 賽馬 , 逐 吾相 頗解 會, , 各國良 馬益以自信。 事 ,壁洞 人家,至卑論拿,開大原爲大邑矣。遂再至薩遜京厘爹士頓再遊 而筍量尚多 , 之之等 吾兩過之,未盡攬勝 , , 凡 無異 幽音 碧眼峻耳昻首 馬威集,別毛色, 人築 , , 比之何如?然凡有沙漠之地 而吾僕密記之 , , 昔馬伏波善相馬 折.中着樓閣 磚砌尤罕 , 間 有圓立 細 ,行徧 頭 0 · E 審蹄鬣,分閑列廐,凡以萬數。然地球 今自南境入, 如柱 長頸平腹瘦蹄 ,望之如神仙。 者, 而 大地 ,當時詔鑄銅馬式 鬭 凡數十 賽 ,只見此耳。其最妙異 , 略 夾噫路比河 , 馬足踏 皆 神 連 自是山勢盆平 不失 氣清 , **詭異** 躍 久,遂成輕瘦 ,置宮門外 , 其 甚矣!桂 , ,壁峭立 失者 爲阿 , 僅顛 與 處曰篩拿 喇 、城垣 林筍 如 伯 , 其 倒 削 馬 , 〈奏章尚 **隄岸** 以 馬 乙甲 傳 焉 矗 絕壁. 種 傳 種 色 無 地泊 無 薩 者 種 要不 少異 遜 逾 方平 , 必 SI

康

惜金馬已 唐時太僕張景 失矣 順 馬 牧馬 援 伏 處 四十萬匹, 中 國 一隅 雄 , 固不若吾周遊大地之博。 視北 漠, 今吾與强俄對壤 吾北邊蒙 , 應牧 馬 三百 囘萬里之地 萬 匹 , 以 憑 最 宜 視 较 馬

細亞 , 而 改 種之學 , 賽 馬 之會,應致意焉 0

道廣潔 生, 聳矗環壁 五 路易十四宮觀 藻 未 二二年築者 檔 及領 實少比之也。 地白間 , ,名畫甚 千八百 皆臨河 衝獸 ,夜燈煇 略 厚數丈 , , , 色甚雅 鄰比 備 之麗 今 三十 多 , 極 後 煌 , 九年 其 吾 刻 如 如 , , 乃欲 觀之 六八五年增修作 兩 西 畫 城 昨 在今王宮外者,並薩遜建築之傑構 ,有十三紀之磁 讀之。 死 一六六五年之戲 也 , , 也 今關獸處改爲花畦矣 城上層樓 爭 , , 再飲 勝 其體製之精 0 其 又亞羅 , Щ 及奥古 於公園舊 水 , 畫 左右 巴及卞羅 宮 ,爲德 有租 館 土莊 , 博 凡四 ,雲屯神擁 今爲博物院矣 館 , 除安頓 國 兼王波蘭 刻鏤之妙 , 律域 則 最有名者 0 然以 凸 林亭少易矣 回 川 二人皆佳妙 賀 [異式 美 歐土之繪鏤 ,簇出天半, , , 吾國 益好 , 0 0 , 幾可謂 深妙 前 有 , 以俛臨 宮門 壯 刻文方錢甚多, 0 迫眞 若 誇麗 薩遜營築術最有名, , 吾今猶 開營築學 前 爲 , 兼中 與旁之古廟及建 有華表 冠歐洲 內外 0 , 其 其王宮先爲鬭 神 人以 或 , 〈崇樓 往 之莊嚴 皆 , 焉 所宜 之! 西 大有二三寸 綠 0 三層 蓋其先王 銅 夢仿 千七百六十八年 作 , 之樂會館 獸場 歐 前此匆匆觀 瓦 , 者也 後門以 土各 者 刻 路易慕 , 大國 像 73 0 厚二 博 作 塔觀 金 西 物 頂 Ŧ 柱 法 會

再遊 薩遜 王宮 牙船大數尺 觀 其 寶 藏 室 ,一人學之。一室藏駝馬卵及蚌 , 所値 八 + 兆 云 0 入門 有二金盤 像 亦百數 , 座 刻甚 精 作尊鑲銀者 , 奥古 + 多 座 尤 精 ,

,

,

有

0

蚌船:

精

室藏

牙器數百

,

鑲銀 琥珀 二年者。 刻 且 樓閣 鏡 櫃五尺許二,一 大同牙船,有文房四寶牙珊雜寶作刻像濃深,其一大尺,鑲銀雜寶摩色花卉作桌者數四矣 , 有大銀 珊瑚食具 , 頂刻美人及鳥 盤滴漏 。一以文石刻鸚鵡 爐以紅文石白磁刻像及花,上五座以雜寶石間珠, , **,** 蓋 有刁多刼尾所作寶石鑲銀刀,一大金錶 西一 五四年灣士歆尼士製於暖壁者,入大石室,柱皆紅鏡 ,其銀器數室,有櫃,以雜寶鑲之,有盤碟百數 ,有時刻日月最精者。 華妙甚,蓋 一千七百八十 , 雜寶香產 鑲 雜寶石 之,藏

尤珍品

爲之, 之寶 雜寶 或 時之雜寶冕及球杖 面 王子時來一 石大寸許, 以 ,一晶 石畫 靈伽 珠爲之。一塔鐘 石器 今不過 極莊 製 尊 屏 無 觀 沙快亞碧寶石大二寸 金殿 數 五百 嚴 , , 鑲 十六紀士拕士卜製 0 , 則與 雑寶 刻奥古士多像尤精 萬 埃及 座 X ,頂作藍,袍繡金花 我等耳 , , , 金架 如此 華 值十九萬 值六萬。晶球六寸,能照人,一室文石地,金門 表 小 0 ,銀鏤人物。 , 以 或 , 五 , , , 金寶 西 滴加連一 而王之寶藏如此 有鏡架置象牙寶器百 0 刻金小盒 七零 0 石刻畫 樓五層 百九十,大半寸者十五 櫃藏金剛 年作 人物 ,綴雜寶 , 窗百數, , , , 可推封建世之貪虐矣 如此 八年乃成 石二,劍柄一 座 ,尤精 者華 , 精甚 壞珍千品 表 0 0 數四 印度式陛 十六紀架釐幾父所製 , ,紅寶 ,茶器 奥士卜製 , , 皆 刻劃大小入微 , 櫃 0 丁靈 廊仗馬華蓋 座 石大寸許, 聞王一 盡藏 。晶 伽 , 金牙磁文石 金器 作 器數百 歲甚少入視 0 有 士馬辣 , 0 , 有王波 皆以 有突 像 飲器佩帶 鑲 存 [鑲之 薩 於鏡 雜 綠 人物

補

德國

遊記

遜

寶

寶

皆織畫,有拿帝贈王波蘭紅袍白袖,其日用銀器,皆西一七一七年者。勝突厥鼓四,湯盂四十四 飯單三千六,小國君侈如此,亦可驚矣!吾萬里大國帝王,乃遜之,其民艱哉!然歐人工藝之精 塔座置食器,有加冕圖,一八零六年也。凡各銀磁具,皆先王奧古士多物。其人好大喜奇 間緣金蘭,甚華。一白殿極淨妙,士焉所以后室,白鑲金紅壁。小舞殿黃白壁,上刻金。內宴室 王宮古奧士多室,旁有中國織畫。其塔室徧壁上下置各磁,值百萬,皆中國日本及薩遜磁 大餅,重五千磅,長六十尺,以五千六百卵,三千二百六哥倫麪爲之,載以八馬,其切刀尙存 之,燈六百 ,刀叉一千八,式一百八,擎蓋一百六,花盤一千七百四十,西一七五四年者。銀桌四,蕉獸爲 今日文明之盛,則造端于是也。美藝院在河邊 薩磁須下有星形則真物,其製磁在埋士拿,王之白磁,人物者頗佳。碟各碧綠異式 刀叉八百 有卉字者,一七三一年製也。有冕者,真金爲之,各異號,有叉字者眞品也。有磁五色 ,薩遜磁不佳 車有行二百四十啓羅邁當 ,茶具 ,又食具及盤皆全金也,共值六兆。一室磁器食具肖中國 ,皆白花人物,如瓦。其朝殿宴殿舞殿皆邊的問畫,壁以文石鑲摩色畫。左右三 櫃,外金內牙,鍍金者。一櫥則奧古士多王波蘭時一七一七年物 ,疾殺飛鳥 , 只供 調 , 極精 兵 0 , 中穹,鑲銅,金頂,上立女神 ,摹龍鳳 亦亦 七一 ,花 0 碟二百四 七年者 ,嘗作 ,文石 葉頗奇 ,以萬

薩遜女優楷尼曼茉曼,在紐約每夕八百,在美吾嘗聽之

署 旁爲新廟 鮮,學生四千人,時方就講,解外套入,甚彬彬也。其教科與栢林同。當大學之前,爲敞塲噴池 之大審院矣。其大學亦復方廣精嚴,堂中樓上環廊 以學之,其 ,尚 ・其市長署有新舊二者,其新署雄麗奇聳,殆爲寰球第一。德美市長署皆競新奇 十月自瑞士入奧國波命,遂還遊薩遜之臘色市,非都會而為市者,臘色實為全德之冠,人民五十 全市遊 其中高塔 ,幾可與比利時法部署爭雄,雖各國王宮 士頓之高聳,士篤吉之精美,佉論之古麗,漢堡之莊嚴 爲極 , ,道路廣潔,屋宇尤瓌麗,殆過于栢林漢堡,而爭勝于兒痕佛蘭拂焉,甚矣 四角有塔 ,其大審院方廣雄壯,中方塔綠瓦,高甚,外有敞場植花,亦爲全德冠,幾幾比于比利時 麗者也 ,皆莊 人所集。左爲書藏,右爲戲院 ,雄聳 八面高樓華表 嚴,總總新麗華嚴之樓閣照人而已。其音樂院與舊藏書樓同式, , 0 道 中爲四圓角 入雲 中所過 ,見圖自詳,非筆墨所能寫出也。舊署今亦更新 (,既極 , 如兵校,營建校 ,外作半月,下則列戶數百,公園名約哈拿,大二十餘里 雄麗,正面 ,前爲博物院,公家最要之院宇皆聚于此,皆備極 八層以上,乃作表觀,刻鏤三層 ,無一能比之。蓋德人既妙建築 ,皆規模閎絕。兵校三層 ,可俛視,皆作綠瓦畫壁,雖非精麗, ,皆卓絕 ,遠非美之所及。 , ,紅石列戶 長幾彌 ,而獵色市之富 ,翼以雙塔 稍小 街 ,而德尤勝, ,德都市之盛 , ,如古壘 加 然去 公司製極 獵色市 ,望極無 , 已 高 甚 肚麗 而甚 他國 ,亦 , 足 新 長 也

滯,林池溪沼,草坡亭榭游船,幽勝宏雅,約哈拿蓋名女地,爲其所施也。其動物園堆石爲山,高 五丈,峯巒高下,岩澗曲折,洞路窅冥,此則類中國,而精肖過我,雖不能比漢堡動物院

目無餘子。其餘百屋,列廊聳壘,如欹破,如莊嚴,皆精妙。蓋後來居上,日構愈新,德國 ,而 [結構 亦

之精 王像。戈旗士馬森然 ,惜是來復日,皆閉戶不得遊也 ,誠無與抗行者也。道旁有勝法華表女神在顚下,四方作威廉第一,俾斯麥、毛奇、及薩遜 ,此市製紙製琴製皮製玩器,偏于地球,而印書肆亦皆出于是,爲德最大者

# 滿的加羅遊記

歐土 荒山憑峻嶺 皆別立不與法同 與英德俄奧幷 有,國土橫長十八啓羅邁當 丙午十二月十二日曉車 而 事 滿 尤爲大地 情詭 的 加 異 羅之國旂 ,絕海疆 ,峙而無 , 以此彈丸國而自立 人所夢想不到 , 惟用法語及法幣之佛郎 所屬, 而立國 ,搖颺 ,自法之奸悟至滿的加羅國,其國之特異,實爲歐地所艷稱 ,其特異 於一山願 ,如吾中國之山海間荒鄉耳 ,深十九啓羅邁當,方五邁當,略當中國方十五里耳。 ,亦滿的加羅侯所夢想不到 ,實吾中國 也 水涯自若也 0 此爲獨立侯國 , 衣服飲食一切 人所夢想不到 。以視 0 , 萬里 行用 故屬於法 然以此彈丸而立國歐土,不滅 也 0 可度 法俗 而 此 嬋 , , ,而今爲自立國 何 過橋渡壑 丸國之繁麗華妙 其 遠哉 ?此其特 , 移寸步 人民二萬 , ,而大地所寡 或 , 皆爲 甲歐土各 異二也 旂 而 特立 信 法界 印 ,

原多故 所以然 其國土背挂崇山 ?乃日滿的 英 人語 為棄 ,則亦以地扼山海之險,而他國得之不足增大,故聽其蠕動之生命於海濱 我以 大國 地 加 (歐遊) 無所 一爭雄 羅宮室第 ,面臨大海 日 用之,而 ,皆不爭海而爭陸,故滿的加羅侯得以妄竊自主之君號以自娛 , 曾至 0 滿的 一滿的 今滿 ,形勢極似香港,樓閣皆抗 加 加羅服飾第一。飲食第一。戲樂第 的加羅侯,乃以其無用爲有用也,是其以臭腐化神奇,尤可 羅乎?不可不 遊滿 的 山占壑爲之,乃無尺寸平原 加 羅 , 滿的 加羅 0 女亦第一 ,實甲天下 0 ,以此海濱荒 ,往古歐土, 吾向僅聞巴黎 ,在其自立之 0 乃詰 異 矣 其 中 故 山

滿的

加羅

遊記

康

遊 之麗 雖以 華 , 而未 告者過 知滿 , 然其妙麗 的 加羅 , 亦幾幾有以甲歐土者 及告者益衆而 益驚。然安有 焉 0 彈丸國而能勝妙 過 歐 土諸 大者乎?及此親

他客館 條 多倚 國也 中國 於外 幾何 極 吾食於巴黎大客店,及一二食店,酒饌 無從窺見領會 客舍第 ,不可覩 精 蓋 , 取費九 一鷄湯 妙 Ш 所居 , , 人家 吾行 0 飲 誠 向 甲于 酒店 滿 地 也。 食第 大客舍,名巴黎, 其前 十七餘 極 ,亦 編大 的 ,一鷄與茶及紅菩提酒 惟 歐 食 小 , 加 多妙 誠然 然聞妓樂最多 土 僅 地 羅 面 法人在美蘭 其刻 惟 白石璀燦 佛 0 , 麗 品 未嘗見此 郞 法京巴黎 五 0 色瓦勝 道中 劃 也, **,**率 , 精 亦取費 多服 嚴 用五 俯海臨 賽會有之, 逐盡以 ,塔瓦金碧,五色巍巍若王宮者 華 , , , , 宮室當 色瓦 飾店 號 五十 理或然歟!吾游日淺 妙 令人駭絕!若旅費 公園 稱美 ,在中國乃常食之儉者,吾以百 , 餘佛郎 一佛郎 皆遜漢堡 , , 而滿 婦女冠服店 饌 價 在二三以下也 夕陽曉日 ,乃最勝處 餘以爲賞費 奇貴。在巴黎店吾以三人午食四品,一蒸雙魚,一白 ,然吾屢食於克蘭大客舍及諸酒店 的 , 然饌 加羅 , 德國 , 甚多, 其光陸離 良美 稍 ,徧滿的 ,觸目皆是 宮室極 11 。若復日 , 0 戲 或未能盡其妙 , , 曲樂音 華妙 極似 候滙 ,則戲 新 加羅皆遊客,故客店以千 , 乃最 新詭 夜食 中國 則 數日 詭 , , 勝 園博場 佛郎銀 則 故 勝巴黎多矣 , , , , 如加 漢堡 巴 則不 吾 處 無色不 , ]黎店 然無論甲歐美與否 所 , 然白 也, 飲三 見者 實冠 知所糜若 紙與之, 一饌尤精 有 , 此屋 邊 大地 灰粉 服 未能比之, , , 未 徧 , 僅餘二 則不 壁 誠 干 極 飾 行巴黎諸 , 偉 計 雙 矣 卽 爲 第 其 勝 埃 麗 魚 知 多 , 0 亦 不 佛郎 吾 矣 而 尤 取 士 要爲 女色 又室 妙 費 巴 大店 論 A 誠 0 其 亦 黎 然 餘 似 食 至

獨爲避 都 滿的 盛 會 峨 凋 加羅 日 新 寒 皆 , , 正當 青 索無 月異 0 , 葱 馬 南 公園 路 味 彌 臨 , 他 環 望 地 , Ш 中海 日 惟 , , 巴黎大旅店臨 能 此 詭 , 叉 地 植棕 勝 , 碧浪 有 獨 , 不 櫚 綠葉靑縟 公園 、紫瀾 知 蕉葵 如 其旁 何 , ,大葉夾道 , 臨海倚 萬里捲波 而 , 止 又兼海景 ,道尚多泥濘,小石未修者。然全歐冬令草木 , 其 崖者 在 , , 滿 公園依山 風景佳勝。去赤道不遠 , , 更爲 的 宜其游者相 加 羅 网 勝 吞併後乎? 上下,百花爛熳 0 編山屋 赴 也 0 故 瓦 皆 他地皆 ,幾在 新 , 亦 I避暑 土 歐土極南 極似香港 木 相 , 盡落 望 而 公園 滿 , , 深多草 興 的 游 加 0 博 各

門投刺 游其 四,峻麗 歷代先君像甚多 公宮 摩 卽 , 雲,在公宮西角宮前 · 倚崇崖 可 到 觀。 , 鋪 而 陳甚 全宮中 臨絕 麗 壁 作敞院落 , , 與各國 舊 , 量至 闢 岡 王宮同 今巍然 顚 , 正中 爲敞 設兩 於山 地 0 宮前絕壁上,列樹 , 階 兩 顚 面 , , 登 臨 尚 樓盤 海 想 古昔百戰之艱 , 曲 前 門外環 而 成行 Ŀ , ,俛臨 樓 壁 横列 樓 難 也 , 大海 十餘 有 0 今因 衞 室 , 兵 〈持槍守 舊增 蓋 , 懸 侯夫婦二人 古畫 修 門 新 一及其 壘數 入

而月收四

百

萬佛

郞

,

無

所

用

之也

甚嚴 滿的 奥之灣京矣 以縱 加羅 , 英 意 欲 , 瑞 游樂 何 ,然警政苛之於前 丹墨 以 能 0 同之 蕞 而 歐 爾 土 或 , 各大國 丹惟 而 繁麗甲 夏 , 報論伺之於後 時 政 令頗嚴 歐 公園 ± 哉?歐 稍 , 德國 鬧 耳 土貴 , 法 夜 0 十時 族侯 奥雖樂 自巴黎戲 以封數十 停 戲 , 仍 游樂次則匈 劇 萬 非貴游 , <u>+</u> ,王孫 時 所能 牙 百戲 公子更 盡縱恣 利之標 皆 止 無 也 德 數 , 禁 卑 0 惟 妓 富 土 貴既 此 館 , 品 又 區侯 次則 巡 極 徼

74

九

滿的.

加

羅

康

速之率 富豪 歷時 行立 其情 故也 以日 所居 國 獨 擲 , 貴 增 百萬之概以滿之 旣 憲 收 也 欲 絕 飾 之 無苛 博 , 積 , , 逐 若 帝 無 稅 而 人於數里之地 , 其 之 甲 踵 加 王 所 政 美之 歐土 事 餘 無 不 益增 遇 至 事 大賈 所 耳 客 事 0 , , 所以最 乃自然 又當汽 事 極 0 , , , 然其 則 挾 於是淫樂侈靡之 , 厚 以最歡 故亦 纒 多金而來縱樂 , 展轉 而聽客 之理 供 頭 車 之費 飛渡 人欲者 多作微行 極娛 相成 , 不足怪 所爲 全歐 , 飲 , , , 逐 不外乎聲 流酒之資 縱 具 , 0 , 吾在巴 各國 成 也 又無警吏報論之伺察 極 更無論矣 , 因巴 所 0 極怪之極樂國 所 欲 皆 , 一色服 必 黎 黎 可 可 , 怪者 無 之舊 酒店 而 0 故滿 可 無 食室器數 量 日 淸 而 , , 店主 仍 而 議以 11 的 , 是海濱 則 來 加 加 , 從其後 亦必 乃 事 焉 羅 人指某室日 , ,故墮轡 至雜沓 知 , , , 春 其 合全 蓋其 以 , 秋之鄭 其 能 日 , | 歐華 既以 勢 存 講 極 行  $\pm$ 使 求 小國 , 游 孫 此 獨 以致 衞 麗 揮 然 , , 立 昔 日 綺 之具 金 也 而 瑞 聲 侯 如 得 增 納 精 0 夫 典 月盛 或 土 成 公子 色 極 之豪 旣 王比 獨 致樂之道 爲 妙 , 盛 不 聚 極 , , 得以 利 列 大 樂 收 全 又 歐 時 非 他 或 以 或 穹 旣 肆 無 稅 極 加

繁曲 花 不足以 妙 大地 美百 繁多 劇 極 為 樂國 香 雕 和 侯 大 國 嬙文瓦增嵯 , 0 靡 苟 如 E 一滿的 顏 彈 存 膩 性 丸 加 理 命 , 峨 四 侯 羅 窗 政 方 世 0 境 歐 集 不 過 土二十 土 繁苛 0 , 遺 跨 一華族數十萬 簪墮 Ш 0 里 順 南 珥 臨 , 人之欲縱 小 深 地 侯 中 宵 多 何 束於嚴政 海 么 0 , 寶釵 樂 雲 麼 石 0 , 《無奈何 珠 歸 嵯 Щ 履 海 者 峨 H 如 過 翩 詭飾 紫 翩 市 闢此 獨 滿 波 立 Ш 0 桃 錦 阿 旗 氣 源異 衣 候 0 , 附 博 不 玉 寒 庸 或 饌 場 土 閎 海气 於 加 婆 麗 法 , 縱橫 娑 仍 過 活 宮 不 鳴 殿 深 人 輕 欲 琴 冬 0 公園 無 利 滅 得 譏 屣

0

0

故壘憑海澨,宮闕壯麗摩天霽。月收博稅百萬錢,一切無征人銜惠。旅者如家歌樂土,妙音之天 微行時舉金匹羅。揮金如土擲百萬,踵事增華日相摩。服饌曲樂皆第一,甲絕歐土理則那。小侯 何人世。腓尼基,畽尼士,歐土权枒多產異。從極小國生詭奇,無若滿的加羅極樂之怪事 訶。汽車一日可飛至,避寒牽袂爭來過。墮轡王孫金絡馬,綺紈公子玉人歌。列國帝王居無事,

## 突厥遊記序

亂無 紀綱 呼, 只有待亡而已 亂舞傞傞而 不大快也。然而青黄不接之時,歐美之實效,非突人所能驟受也,于是國人不知所以措手足 歷史風俗之宜;一旦以兵脅其君而收其權,乃舉舊制之法律道揆盡棄之,一朝而易二百餘 久遊法國 弊,只可去太去甚,以漸行之,如盡去之,人心國命無所寄,則蕩然而大亂耳!而青年黨之徒 心 然無紀綱 于舊弊,而妄行革變,未有不危亡其國者也。戊申七月,吾遊突厥,適遘其立憲之嘉會, 病家不能醫方,徒憤激于病 劇,而妄用刀割,未有不傷死。 亂國之人,不學治術 吾告之曰:突厥將危亂且亡矣。夫平等自由,乃法國革命時救病之藥名,只可飮于一時 寗 想望青年黨之豐功。吾問其國人所學,皆法國學也;吾聞其國人立憲之所期,則盡去舊制之 而刷積癥,不可以爲朝夕之饔豬也。舊制行之數千年,實人心國命所寄,紀綱 風俗 生民塗炭 ,日事破壞,徒口耳革命之名,而未嘗從事政治理財之學;徒艷炫歐美之俗,而· 已。吾既去突數月,而聞將廢其君,青年黨益事壓制 可人人平等自由也。則喻以鼻,誰何而不然之。吾去突厥,德使孫君寶琦問 而 0 學國平等自由也。吾告以各國立憲,不過以法治國,上下同受治于法律 吾國政俗旣類突,人民程度亦類之,吾甚恐吾國他日之變,亦與突厥同轍 ,國 人既厭惡之, 而舊制不可得復 ,新政又不能施 ,尚甚于君主專制之時 , 謹 灌 争亂 , 召敵 法度, 而 , 仇 我以突厥 ,突以大 雖有積 以快人 學國 徒憤激 未細 不怠 條 , 則與 非蕩 惟 非 審

突

迤遞 剝皮 白羅 ,頗有古壘 0 馬尼亞乘船 東坡詩曰: 0 ,戊申六月廿九日曉起,自船中望黑海 及村落, 有山 I 禿 如 赭 然山色枯而力弱 , 蓋地有運會。苟非其時 ,與歐西逈異 ,則气不澤潤 ,澄波萬里,紫瀾微廻 ,足覘突厥之衰矣 0 行數時 , 漸見岡戀 漸近突京 ,平岡 ,惟多

## 六月廿九日曉泛黑海

歐式住宅 入口處窄不及里 實兩鋤 歌。君士但丁帝,當年揮金戈。雄霸奄兩海,宅都移作家。遙望山禿枯 澄浩萬里碧,接天鏡誰磨。紫瀾更不廻,穩渡枕席過。遠通地中海 何雄,今兹衰可訶。極望高加索,美人產婆娑。雄濤皷狎渫,北岸俄艦多。耽耽出 時半 白浪若山陀。我來際升平,幸覩不揚波。朝日升熹光,反射金勃羅。橫覽大地國 , 餘怒徒東海,我遂遘禍瘥。黑海雖絕域 白窓三四層 將至君士但丁那部,沿海邊岡阜漸綠 , 兩岸為歐亞之界。兩岸皆有古城斜牆至海 , 英德荷使避暑別墅在焉 , 0 憑對黑海 皆有人家 ,動若洛鐘和。橫槊誰賦詩 , , 漸 歐岸圓 地名耶尼瑪哈。 入海 ,深處室奧何 口 , 壘堞完好 , 自此 ,破壘枕山阿 屋宇相 距 ,吾應先支那 京七 , 高 。戰艦幾千里 登雲表 英里 海峽 連 , 。突厥 感慨起 矣 , , 英法 皆 **亞** 昔 有

突

厥

遊記

岸大圯 斯域內, 謂爲大地都 川閣 土麥有之 尚遠不如也。 ,雖羅馬尙不及,何況今之巴黎倫敦維也納栢林乎?近世惟俄大彼得之遷聖彼得堡略似之, 統之局 外。 家樓閣 皆 僅 而 會第 何難 則 無 碧海 餘 , 彌 編大地中控扼兩海之口 北 此 壞 廻環 有成 出 奇闢之境 • Ш 墻 上下 師 , 君士但丁之營此 此 以擣 ?惜哉突人撫有之而坐 , 島嶼外點 二壘 汽舟帆樯, 俄 , 蓋 且 , 南 無 摩訶末手築,壞希臘教廟爲之者 馳艦 論何京也。 ,則爲內 映帶 ,箱轂 以擾 新都,可謂 碧潯 地江山 班 困 意奥 惜哉付之突人, 兩洲之地,以爲都會者 也 ,風景之美, 有識, 所無 , 西 扼 0 若不裂國與諸子,實爲控扼歐亞之大都 且兼控兩海 直布羅陀埃及之口, 略似 如此江 0 自此 長江之武昌漢 Ш ,亦惟此一 ,形勢奇偉 ,豈不 兩 Ш 頭岸 一可惜! 東闢波 數十里 都 ,寒暑 口 0 , 若 若 黃 斯之地 中 以拿 適 鶴 , 如江 或 中 樓 而 前 破 印 歐 倫俾 實 湖 形 度 , 晴 然 波 勢 西 會 H

度吾曾遊徧 洛陽久毁,今南北京比之既幼稚,南京大亦頗相仿 城郭 此京既控 君士但丁在二千年,已能如此也,吾策馬巡覽城址 人破京而壞之,至今壘堞尚半存焉 而 枝葉重重環抱如竹之苞 ,自後山數重塹至海環數十里 扼山海之險要 舍衞鴨 忌喇, , 而 遠不能比 , 揚 規模偉大亦無倫 州蜀岡之勢頗肖之,但包裏不如之耳 。蓋將二千年物,英主遺構,大都壯觀 ,崇垣屹 , 然則 就一 屹, 圓壘嵯 , 後山自巴根涌來至近海 城論 , , 撫其頹垣斷塹 雄偉, 其雄偉精美亦遜之, 峨,依岡築之,自西千四百 亦當爲大地冠焉 , 拾其灰石 。君 , 多成岡阜 **,**中 士但 波斯古京毁于蒙古 0 英 國自長城外,長安 丁來此宅都 ,爲之驚歎 雄 , 如洪濤 作 七十六年 事 令人驚 之奔放 ,突 始營 , 印

0

誠非 I 其 解 臥道 至此 黎環 登其 物汚穢塞途 以爲 其前 家皆好養犬, 京之汚穢破壞 穢 ,其穢三。 誤認 多坎窅 亦 中, Щ 里以 避暑 亦然 五 連 ,又逐犬數千於此出 有類 門之樓 以 0 親 至 車 飲于山 內 地 , 凡 此 而 者 0 ,其致穢之本二。其貧人旣多跣足,襤褸相望 徒經過, 其氣象之大,實今不止百万矣 ,園林 室屋既多古舊 更有衢巷之野 廣原無 其 不治之形 乎 數十里 ,俛瞰 , 無石 實爲全歐 幾若夢囘 海 , 相接 日 ,規模之大,益爲無倫 委曲 者 日 膴 山海之勢 , 掩鼻 (,今氣 皆樓閣 , , ,關合乃爾 故國 晴 廻避之,甚苦,其犬無所事 所 然較 口,故此京之大,蟠亘百里 而 則 無 犬,乃不屬于人家而野生者 ,歲時不亞,破壞不修,木折瓦飛,其穢四。 軍新成 過 飛沙眯目,雨則泥濘汚濺。又甚者便旋道上 0 布滿矣。 ,其岡脉出土擔逋者。最高因爲王宮,左旁稍低之岡 , 之君士但丁那部之控據 但 蓋 , 吾遂懷大耻 。蓋古國文明之餘 無臥道之犬以 人家日夕糞除之物 ,他日之盛,不可思議。又外有三島遠拱 外有四島侍之,今皆· 0 0 今柘 園林樓閣 。蓋恰與十年前北 が揶糞物 林新闢京地二十五啓羅 , , 日盛 間 ,終日懶 政治弊壞 皆棄于門外道中 山 , , 閣 惟此 國家乃禁人殺踏之,車 海 , , 撲 連百餘里, 人家 或 , 、地,其 臥,連羣相 氣象萬 稍 更病丐行乞, 勝 京 ,而冰奇波島 , 遂有若閉門造 無異 0 人人口 千 宜 若他日 邁當 一歐美 , , , , 瓦礫 道路 與挪 終有 號百万,然近京邑聚今 乃至夾道之店 其致穢之本 人以吾國比之波突 , 坐 欲 接 堆中 塡石 糞 天壤之別 ,突人昔囚 ,尤爲勝妙 臥 徒行 連 車 除 爭 物爲食 諸 , 雄 途 , , 護 積 遊 倫 島 而 出門合轍者 中 從迎繞 敦 久 歲 , 彻 0 , , 觀望不 犬多橫 突京人 久不平 則 益臭 執役之 0 , 歐 故糞 惟 開 而 方 突 巴

之治 惰則偷 行地 少矣 爲人輕賤者,乃自治之制不行 學 而 亦 公行之, 卽 可異 方自治 ,即有杜父召母 0 此 惰矣 無 由 與北 也!吾未至 , 雖欲不整潔不可得也 全侵公款 , 與 況于可 京歲撥修道費六十万無異 (北京同 ,精神 中飽乎?雖欲不汚穢不 波 , 而又有多人餘日相助爲理 付之官吏之手, 斯 , 猶 然可冥推而得之矣。聞突京人湏稅三啤亞土打 1,非有 有不及 。官吏與民隔絕 , 或權· 他 也 故官吏恃勢而 , 而皆爲· 可得 力有所不給,況間 吏所中飽,是亦闇合之一。 也 , , 痛癢 夫民人自經 0 人 故 不關 無由究詰之,惟 付權 , 于官 視如傳 理其都 世乃 吏 遇乎 舍 市 , 雖有聖主 地方自治 , , 獨自治 有 ,以爲修道費 ? 司 蓋突京未設 故 少而 突 其家 , , 與 必 則 日 、吾國 不 力寡 市 , 歲 能 市 長 ,不可謂 一之汚 歲 行 出 長 , 纖悉 於公 口 公議 ,不

少 進 突人地處歐洲 動 , 雄强文明 豈非 大異 , 事哉 與德法汽車道交通不二日,與 我東洋遠隔 雕 數万里, 回教壓抑 猶震 驚 而 奧且數百里爲界,而邇來二百年歐亞諸國 思 變 , 而 突在 近鄰 , 有若鼾睡 , 甘爲坐亡 ,突飛驟 絕不

!

由

,

亦

何閉

塞

乃

爾

突人開 然數十年來 馬西多呢州 日學校 輙 日警 兵十 以强 , 經 兵自許 ·五万 察 布 • 加利牙役後 日 , 尤爲 大服 , 其 勝 練 • 兵 兵法皆師 日 ,不可謂 几桌床 , 蓋阿 喇伯 什器 德 突不大變 , 常時 人强大耐苦, , 突 也 兵四十萬 人於是數者 0 以吾所見考之, 今請立憲者卽其兵也。 , 戰 , 時 殆 無不 兵百二十万 盡變 國之大政 , 與 , 歐 精 , 突 練 西 日 者 諸 兵 人陸軍 制 八十 或 亩 , 向 萬 矣 日 有名 刑 , 其 獄

吾觀之甚不肅

, 其長仍在

耐苦耳

散 突 牆內以木室爲之,無 處 , 則 肆 人法律亦皆變矣, , 問官 領 無紀 事 四 來爭領 0 官及辯護士貪甚 人上坐, 去 0 几榻 辯 向時更得恣意魚肉百姓 即訊得 護士北 , 每室大二丈許, 實,僅放逐還本國。所見獄卒,乃用奧人, ,官得賄廿五鎊 面辨難 , 訊者立不跪 可囚 ,即殺· ,今須奉法,凡事皆有辯護士任之矣 繫四五十人,通以鐵窓牆 人者亦放之。其外國 ,後高坐爲觀者。院樓亦壯大 而 人有罪不 **不敢用** 不堅高 本國人 ,易跳 敢問 ,而 。吾視其判官訊 汚穢 ,大罪拘之 0 去 其獄 不堪 , 此 磚

外人操 由 I斯以觀 欲坐笑話 外語則 , 然則 , 食 拘囚之 (烟雜 所變 談 律 , 及刑法亦何益?警察立滿于途。吾又遊其總監之院矣 蓋徒增壓制之具 , 雖 有持槍者巡 行何爲 而巳 ?若 道中警察 , 則 以苛細故 , 勒金錢 , 樓板 爲 內外汚穢 事 0 昔有 不 整 延

死囚之獄

矣

。然僅囚

[突人

,

若白人則不能囚

層, 或 人 同 學室連長几 十年 如此 大學, 理學科 , 以來 自十 學者甚 亦 僅二十五所 。敎習二, 歲至二十 學國 惟 少,自律 ,分課室 此 學校 那 歳 , 醫科教習三,律學幷哲學文學 其少可想矣 學外,他科僅二百人,其設科 , , 0 , 懸各圖 僅學 皆法歐 凡各學樓層甚大,歐几桌寥可數。其地板無毡, 製 西之法矣。小兒入學,月脩四啤亞士打,外人死收其資爲學費 几 ,寫黑板,吾入一校 0 桌鞋 歐人之所長,突 襪 , 其 粗 淺可 見矣 人似未知之。吾遊其工商業學 。各國語學 , 日律 、 日兵 、 日**醫** 、 日工 小兒一百六十人,歲避暑假二月 0 然床榻食室極 ,惟兵科兼之。兵不另設學 望之極不 整潔 , 歲 、凡四 費四 類 , 學 , ·生三百 惟 万 0 ,其大學二 五 無 上幕則 哲學 千 , 而 五 , , 其 科 繪 附

Ŧī.

Ō

畫甚 嘗有到此 一 精 美 へ。 然 他。然突人之多如此,而入學尚寥寥,民僿愚已甚 無 地毡,即覺朴野,故配物不可不講。其總理派人導遊 , 豈能周於用乎?變學十年 ,則甚恭 ,以爲 中國人未 · 效乃如

此 ,或昔者壓抑過甚耶

今兹突人講外學者,皆法國學。語言文字,悉師法國,故此論亦以法爲師。 入突境而不 通法文法語者 日思以法之前 猶盲啞也。然法人不同英德 事,導其後生,亦不得已者耶!惟人心旣動,飛揚不已,今雖言立憲乎 ,本不長於政治 ,但譁于革命耳。突之前 輩 ,久壓抑 于 恐恐 君權之下 未必逐

能安也

游于都市 此 堪 教 , 0 故道 則 阿 喇伯及波斯人爲多,若几榻什器宮室鋪設乎,則自王宮及貴人富家,無不 雜以紅黃色,如蒙古喇嘛然。其長衣無鈕似中國者,則囘教舊服,吾新疆 中極目皆紅冠 極望皆歐式衣服矣。短衣革履 有小桌,略近印度,與波斯亦同。蓋變服及器已十年 ,此 外與諸歐 無異 。惟土擔逋市中極窮者,獨存突人舊服式 ,剪髮易服 ,自蘇丹以至小民皆然。惟存紅絨帽以記其 之回 ,則 用歐式矣 教 多襤褸不 人亦 突 百

故俗席地坐,設錦墊

云

深思也 臨海者是也。自生蘇非朝, **夫突人兵刑學校之大,衣服之式,警察之制,一一皆同於歐西** 爲 人所侵凌欺藐者如故 過河橋爲士擔逋 , 依 也。 索立曼廟 一岡憑海 而變法者僅求之數事 ,及 一切大廟,獄囚警院學校,博物院 , 則 盡突 人所居也。君士但丁故宮在焉 ,或雖下及于變服 9 而積弱 貧困之形 , 亦 何 0 ,巴沙 突舊 益耶 , 汚穢 市及一切古蹟 ?此 據以爲宮 亦不 不治之狀 可不 則

,與 逋宮室道路尤汚穢,人多襤褸,乞丐相望,與諸犬橫臥 突種人家 ,皆在土擔逋 ,故欲觀突俗之眞相 ,必當深觀而多遊士擔逋 , 廟前尤多,且跣足,其大道 否則獨未至突也 中爲墟

陳 售器物 雜坐臥歌唱,占卜飮啖,北京舊狀,幾與迫眞 ,若其市之規模狹小 , 更 有 印 度

交易 焉 光,人氣薰蒸 床上,後列 甚多,猶與突相比之時也 夜歸殊形不便 市名巴沙 象 資本極厚 蓋百 白謂 四 , 藥物 十年 至善,即今歐西各國 此市名 , 而 ,以視法美之專營夜市 , 吾少步游 列 。米 矣 肆 呢 0 凡十數門, 亦 商後堆米色 屑路巴沙 同 ,<br />
獨思掩鼻,<br />
安得不爲歐人所輕<br />
笑乎?<br />
至夜則道斷行人,<br />
亦無街灯 0 惟 地 , ·自爲 食品列市,及大雜貨店 球萬國之圖則 數十道,初入爲眩 , 僅容身坐 ,何其鬧寂之殊,而文野之度,亦以此定之,然我國若 地, 如小城 , 無之 一切類是。 ,且所售皆突人用 。而上有厚蓋,不通光氣,故陰沈暗黑 , 列 肆駢 ,亦用此法, 亦有粥賣如 闐 , 肆僅占地 而合衆商万貨於是。 品耳 中國 數尺 0 , 想其創法之初 其 中 0 多大商 售藥之醫 馬車 備 如地獄 地 , 此 以便 高踞 隘 百貨 者 無

士擔逋在過橋不遠,卽爲君 士但丁。 華表凡七截,每截丈許,下柱二層如塔,昔者頂有金神

破于雷·

火

此

爲二千年物矣

0

君士 此礫石 但 堆中 陵 , 距 整潔,土人然燈奉之。聞君士但丁甚暴,此地種民,故此奄弒之,人心更稱慕而永 華表 不遠 , 今已 盡毀 , 僅 瓦礫堆 中地穴耳 。君士但丁爲奄人所弑 奄 同

康

祀之云。

五圓 其宮廟聖跡 有 與兵部署比 蘇非寺後,今雖爲古樹疎林,如吾煤山草木 回僧 頂 無所有者遠矣。宮城雉堞如 尺許灰 此囘宮室之精 ,至古而瓌瑋者,皆在土擔逋盡處臨海岡邊,東羅馬故宮,抗山臨海 。城門外敞地有泉亭,方廣 高帽 , 長黑衣 當與博物院同比 , 直袒前司之。此城門昔爲宮 中國,內環數里 數丈,百六十年蘇丹厄蔑第三所作 ,此泉甚芳,蘇丹飲 ,而遺堞皆存,故宮尚在 ,法部審院在城外,奇大,突京衙署至大者 ,今門上之室 而 作 ,勝吾長安城上,漢唐 , , 即以藏國寶 刻劃五采甚精雅 ,頗偉大,在生 (,有 教主 陵闕 , 上 , 幾

摩訶末

枚

蘇丹者 用非洲之黑人 帝遺妃五 爲白宮, 墓,蓋千七百年前物。旁大廈三層,塗黃色則今錢幣局也。局前老樹杈枒 殺,亦可想矣。入城門內,荒草百丈,有君士但丁所築寺焉。寺門外四栢 者如堵云 有二塔五門 |。城上有古樹盤屈,六百年矣。門旁有二石龕 閉深宮而不出,惟歲一來開此室視之。其銀幣局亦在此,同時一視之,千万騎徒 人居 , 不欲傷其類也 此突人之爲奄者居守焉。 有二丈之固牆圍之。蓋自東羅馬及突厥諸先主皆居此 , 亦勝吾國 蓋近世諸王別營歐式宮囿于外, 籌矣 , 此宮不許人入 ,凡大臣以罪殺者 不甚居此 ,亦六百年矣 ,有闌,內爲囘敎先賢 ,懸首此龕 , 最爲 古矣 0 ,其暴 而 奄 0 0 人皆改 今有 前百武 政嗜 而觀 先

自海中望之,層樓杭山甚勝,其後圓穹二三十,則昔者諸妃嬪各食之厨也

之先賢 非理 作珊 也。 穹一 規而 千年之古 盈丈 柱 刻十字, 痕 而 視 , 然無 **非廟即** , 經世 Œ 壁皆文石 大起 遜 鮮過之, 下處東樓爲西一千二百四十年,盲將軍 壁厚 東 其四方作四半穹, 者 論 今回 變 西 0 士帝繼之, , ,入門一柱 74 而華 卽 生者 五尺 樓室各六柱 如 **,**逐 在此宮外 角作四 此 何 今彼得廟式, ,每門隔三丈,高深三丈,上作金摩色畫 人滅之 妙莊 有剝 品 廟 即先音之轉也。 , 廊玻恩方尺 也 隲 寶塔 而 有孔 嚴已至是,又剝壞無多, ,此廟已二千年。其閎大華妙,令人驚絕 蝕,則不能不少讓步于西羅馬之彼得保羅二廟 , 0 , 終不能置爲大地第二物。 但譯音少殊 而 成于茹斯底年 , 四 樓下四大柱 跡 , , 周 囘人病置指 亦取法于此耳。後門作 高侵雲, 獝 環 存 , 今教 皆君 樓 0 , , 前後四 今依此· 蓋採 門作 帝 士但丁遺物 人稱其先賢如彼得保羅 , 孔內 皆青紫圓 , 印度制 古神 蓋 軒力可士但多羅士葬處 一角, 亦經三百 土作生蘇非 ,抹面及足卽愈云,今孔甚大矣。遂入殿 且爲彼得廟之師 持 窪半 文石 印 也 鑰與果,後穹下樓闌 0 樓 廣 度沙之刋陵 0 1年工程 壁式 廊 過于保 上下壁 ,大合抱 廊 , , 名從 中門甚大,有昔帝后二像 神神 分內外二重 羅 , , , 皆 與 皆 主人 座 廟 , ,可謂爲地球華嚴第一。但太古舊 , , (彼得廟 日先 古與華終不能逾之也。 以鄙意論之,終不能不以爲 青 樓 旁左右樓室,各五 , , 但 也 樓巢鴿 紅 上廊石 。然彼二三百年之近,校此二 少 左右 文石 0 , 遜 此 或譯音日聖 , 同 彼得 無數 長丈餘 皆八門九柱 矣 廟 , , 爲茹 門亦 創于 0 | 廟耳 其崇雄 , 斯底 然 君 以爲 , 廣 柱 + 0 , 0 , 然 亱 巴 吾 樓 三尺 ,殿 峻 先賢所託 年 , 柱 蘇 上下 樓 地 廓 T 意 人雖滅 帝 上作大 非 大盈 帝中 下二大 球 或 , 后 , 門 柱大 度宏 遊記 第 對 大 者 多 之 丈 教 坐

式 圓 禁人取之。 何地不 第一 色留存大半,視保羅 銜銅 改爲博物院 人滅 而又爲二千年之古物乎?吾足跡徧全球,惟波俄未至,而宮廟拓影皆已見之,吾敢定評 全殿壁門 左旁小金塔爲 刻囘文曰帝與月地明,正中神座旁二白燭,大如柱,外二燭更大,有金座,右旁有金亭 無可感興 日洗手足五次于此 今吾國 懸丈大金牌篆囘文 作花 華嚴 像,各別万千,殊妙如遊天宮,華嚴室相,無以尚之。雖爲囘敎人多所毀塗, 今歐 可開街乎?甚矣吾國人不知保存古物,故文明掃地,今外人游者, 樓閣 樣 ,此 人有惡佛教者 樓蓋: 皆五色文石配成,花紋如雲如山,又各異色,正殿處尤爲妙麗,今保羅廟專以此制勝 人多仿此式 講經處 豈非至善 俗之奇,乃野蠻國之所無,而中國學士大夫,乃不知而甘蹈之,真可恨 而 矣。宜歐東十字軍來,震其文明,驚爲未見也。後穹摩色金處 一作交紋 遺 跡 , 尙 有數拜亭,以文石爲之,膜拜者 , 一穹,渺乎小矣。就大地金摩色畫之廣且多,尚無以比之,況其 ,上挿二旂 存 寫其先賢 ,爲峩特式所自出,如六穹頂樓幕及板,上下一切皆金摩色畫 ,乃以第一妙莊嚴之古物,雖有巨工,不可再得,乃毁之開 , , 乃併廟 , 一柱有掌血痕 今改爲摩訶末廟 而毁之,如吾粤羊城長壽寺 , ,爲突厥勝東羅馬 石殿左右有三尺大石球,自麻巫拉島移此 , 蓋四 , 而耶教人愛惜而指點之, 百六十年前 ,破君士但丁那部之物,塔高廿餘 ,亭上下皆滿 ,囘人殺希臘人二万于此染成云 ,實爲全粤寺觀之最偉麗 , 其柱皆紅文石 易教 無可憑證 ,下小 而 , 用其廟 有基督像 而 右池 ,後 街 , 上刻花 而大者 一,繪種 精 級 妙 也!中穹今 ,是有何用 人起 相 法 妙 ,王坐處 , 雖 爲 樓 最美 殊 謁 金光摩 若其 爲 全地 異 種花 神 六 , 下 若 角 矣 者 巴

象耳, 督十二徒像 部門內尙有一廟,亦卽名摩色廟,亦君士但丁創作,而非理多韶土繼成之。廟頗小,不及生蘇非 爲廟費,其保存至矣。在君士但丁那部京中,二千年華妙之遺廟,猶存者在後山正北 廟之公共式,後不詳 燒之,男女膜拜者萬數, 其冠絕万國 室日精 者爲最清瑟,若上襯金摩色畫則華妙極矣。金石相合,清華嚴莊,故創此在二千年前,而至今宮 妙之宫,只此二所,亦爲大地之珍品矣。與生蘇非隔十八里,舊有地道相通,東羅 十之一,而金摩色畫之穹,五色文石之牆,精妙華嚴,則與生蘇非合作,其古舊亦同。二千年華 及歐土各國宮廟之以五色文石砌花者,亦皆取法此廟。以吾徧覽大地宮室之制,仍以五色文石 五色六章,波起雲詭,皆祖師于此。而威尼士之議院,法路易十四之花賒利宮,巴黎之攎華宮 近地震道小毁,然獨 牖 帝即葬此 豈得謂過之哉?其外塗黃,太樸無文,則峩特式印度式較爲奇麗耳。殿內垂萬億燈 有君土但丁君后像 ,亦只能效法而不能別有以勝之,信乎爲宮室之極則也。計後來新法日出,亦不易勝,宜 ,獨步古今, 及基醫 廟中 0 人圖 左右為彼得保羅像,穹壁皆摩色畫 ,其廟角四黃塔,則突厥四蘇丹所增建,蓋參用印度式也。突人歲課二啤打 可秉燭而遊也。吾則 廟外有石闌鐵網,闌內有亭,水管無數,以備謁廟者洗手足于此 而爲觀止矣!彼得保羅廟乃其子孫徒屬 。此室下有地穴,卽通生蘇非廟者。正殿甚小 皆以摩色作畫 ,精華濃甚。入爲教中密禱室 不暇入。廟門廊有羅馬非理多韶土帝像 , 多剝落矣 ,即略能踵事增華 。旁小穹室,畫皆完好 ,其長楕室小穹有摩色畫 其上穹摩色畫皆剝落 馬帝謁 ,亦只爲 , 白足而 ,烟 地 廟 ,爲基 是突 然油 利 其龍 長袍 由此

惟壁間 五色文石皆配 成花紋 大小横豎相間 ,精美甚矣!有二龕,舊者 , 向耶路撤冷,突厥致之

向麥加,各尊其敎主也。

此 廟雖不在土坦逋 ,而亦在突人羣居地,以至古精華之物 ,故特附記在此焉 0

距生蘇非廟百步,有巍然大廟曰厄滅廟,以突厥前王名廟也,三百年矣。方廣廿丈許 稍 新 , 而 尤精 ,二廟皆文石爲之,大相等。王廟左右前廊作矮穹,亦如麥加廟 。然舍衞 ,旁爲 佛講堂 王廟

,已如此矣,蓋印度制也

廊柱 大丈餘,中作大穹四方半穹,四角小穹,皆以金碧瓷貼之, 各六 ,庭中爲亭 ,亦文石 ,外六柱 ,塔正門廣廊八柱 ,門垂朶雲 中垂万億油燈 ,殿方廣十餘丈, ,地鋪席以待膜拜者 大柱 四

中國廟,蓋皆出印度也。此廟九年前震壞,今修,故新好。

凡廟皆

如此,今王小兒時許願之燈

,猶存焉

。其屋制類印度

,

其多燈膜拜

,亦類印度

,多燈頗類

鐵柱,長五尺許 廟前· 有埃及華表 ,蓋五千年物云 ,刻埃及文,在基督前四千年者 0 ,與巴黎同 。蓋羅馬王刁多廖士遷來者。旁有綠

又有猶太極缺蝕之石柱,不方不圓 ,高四丈,蓋八百年物,二柱皆有鐵闌圍之,三者在大道中相

望也

道中有今德霸主威廉紀念亭,甚偉麗,威廉之雄心可掬矣。

獄室卽在威廉紀念亭前,是日適逢立憲慶典,大赦囚徒,觀者如堵 , 咸呼万歲。有罪重未釋者 ,

衆人亦憾獄門請釋,卒同赦焉。

博物院塑古衣冠者,在埃及華表前,別詳于後。

此百丈地,王宮、古廟 、獄室、名院、古物咸集、突京最要地矣

有大廟日疎 倫黑爾順 ,舊爲基督廟,索立曼今改爲囘廟,甚壯麗。柱大盈丈,貼金碧瓷,制同王

廟,燈凡一万二千

居人不得取之,而咸施食焉 白鴿廟 · 壯麗· 亦同 、王廟皆文石 0 每來復五日,鴿鷄大集會,亦異觀也。突京鴿著由此 ,前廣廊方亭、亦同,蓋三百六十年矣。飛鴿滿天 ,游鴿 , 昔有 一女乞 地

王施,王施以二鴿而養之,今其遺族云。

**丈餘,棺之和及橫處刻文,上鋪白布** 前爲市如吾國 望鬱然抗山者,則此四五廟其尤也。過士坦逋橋前之廟,二百九十年矣,閎大亦同 全突京廟寺凡三百,傑搆相望,皆圓穹四塔,壓諸岡巒。而士坦逋臨海 侯將相陪葬之墳,文石柱礎,如斧如堂,而多作二柱,一横式,皆刻囘文,填金 第三兩棺 廟 方廣三丈許 雖小 ,大皆尺餘,又左三后之棺 而壁間貼瓷瓦 ,柩亦停廟中,如歐制不葬也。陵廟正中棺最大者,藏索立曼者也。棺高七尺,長 ,餘遊不勝遊,出不勝出,可以類推矣。索立曼者,突之英主也。吾遊其陵廟甚 ,皆波斯千年者,横作囘文,亦可珍矣!陵廟外有園 ,小如常人,蓋突俗抑女故也 ,蓋以舊藍絨,餘各陵棺皆同 。前後有大白臘燭六,高數尺 ,餘不再詳。左爲索立曼第二 ,岡邊最古勝而偉大,遠 ,花木楚楚 ,此如昭陵陪葬 。游 人坐臥 多貴 小

突

厥

康

所無 物 之功臣耶!左小室爲索立曼后停棺處,附以其二王子之棺,其前有三盒 磁壁華嚴,憶索立曼帥三十万兵攻匈牙利時,日金憧羽冠葆蓋盛飾玉童金女出師之盛 此道皆我所曾經而想像者。觀此則蓋世之雄,埋于七尺之棺,而今何在?爲之憮然!口占 ,置三部 經焉 ,皆數百年 從古

帳

垂昏閟

殿

情

0

循省昭

,贈花幼女不勝情

百 万鏖兵 匈奥京,金幢玉女挾雄兵。當日威稜震歐土, 陵從葬路 只今毅魄奠階楹。金燈照夜驪山夢 繐

塔中 即貯摩訶 吾于諸教主之地 其棺懸空中不貼地,蓋攝以吸鐵,今觀之果然,雖以詭術惑愚民,亦足千年矣 麥加之城周 吾既得 作 末棺 圓 其 周 以群岡 朝圖 0 ,衣墨幕上鈎以鐵闌焉。餘平無他物,塔外有三亭,其小穹亭二, 廊屋以三十四柱為之,皆長方灰白色。正中為方塔,塔旁有小門,登之。 , , 皆欲 又于此寢廟觀全麥加之縮型,與摩訶末之陵塔, ,挾山而穿道入焉 一遊 ,以志瞻仰 ,逐見方城 0 而麥加之制 。城門壁上瓌異作小穹三百, , 非本教者不得遊 亦可少慰矣 2,遂中: 止 ,點哉 其摩訶末陵環侍在 ! 今附記焉 亦壯偉矣 0 聞 摩訶 其廟至 塔頂 末 0 昔聞 ! 閎 中 麗

王摩訶末遺 傳爲先教皇摩訶末所寫云。此陵同前,外廊及園闌鐵石刻花甚精,其陵縱民男女游,小女子以 冠鑽 石 頂甚 大 , 有英 女王域多利所贈燈 ,法拿破崙第三所贈 一鐘存 焉 0 寫 經 九 百年矣 垂

今王祖

若父相

職馬

,

凡九棺

, 王棺

凡四

,

其五棺則

后

也

又遊突近代寢殿,前王亦名摩訶

末,棺至大。其子鴨套了詩士乃被弑者,其棺亦甚高大。

左右斜

花相贈,此則尙勝吾國也。

百年物

,其愼終之意

,亦甚

厚

也

公墳所 在 多有 亦有墳堂皆刻文石爲碑 ,多作兩柱刻文填金,外周文石闌刻花 ,在士坦逋

之博物院 伯之文明 蠻之物 博物院 雖未至英之倫敦 有二, 無 觀突厥 突厥之宏偉 可 而皆在 觀 者 及囘 0 一士坦逋 惟加拉吉打之博物院 , 亦 人物;至爲博異 , 可窺歐 觀此文明 ,歐美博物院國國皆同 俗矣 , 亦足窺 0 新 故
曾遊歐美者 鮮 , 觀印度物;啓羅之博物院 。突京院甚 斑 ! 吾雖未至波斯, ,習觀頗厭, , 不可不遊此三地博物院 小, 而物不多, 如澳洲爪哇緬甸博物院 然彼俗皆同 , 遠難比埃印二院 觀埃及物; 突厥 , 以 君士但丁 盡大地之勝 , 譬遊 , , 法之巴 則 加 皆野 那 阳 刺

庶幾

無

也

甚精 足战 士像如: 博物院 作也。 刻石 崇陛中 矣 像三層 。院分二所 生 式如明堂 據岡望海 0 刻棺 登 0 其棺 , 亦甚 新樂僅十年耳。 甚 多 上刻多人像 ,一院藏萬國物,歐式也。 , ,九間五个, 繞以花木,皆歐式,外門曰可士冰冷,在士坦逋最清勝者矣。院亦壯麗 精 9. 此 , 爲第 而 長 大丈五尺此爲次矣 , 0 四角作獸 有 上圓穹而下方壁,每室各爲圓穹,後一小穹 有亞力山大頭甚大 亞力山大時石棺 ,皆精妙 一院藏突厥物,突式也。布置甚得宜 , 餘同 , , 高大凡丈餘 刻希臘戰 ,有色尸 各國 0 波斯事 突式院即與歐式相 以石像者 ,于此見希人工藝之盛 ,其駐馬像甚精 , 亦 刻文 外門爲橫廊 對 , ·其羅 0 , 蓋 歐式環 , 有將 移 馬 , 而 突 后 , 全院內 軍爹聊 後樓二層 棺 文明 古宮而 , 刻石 因 亦

五.

突

厥

遊

記

之,近者歐美人專以縀綾或紙裱壁,則尤省費,以屋不呈材,牆不露形爲主,我漢時富人牆屋被 華妙者。如計久遠,則瓦不如石 外壁皆貼藍綠瓷 ,此制 蓋出波斯,甚爲清瑟。羅馬之五色文石,波斯之藍綠瓷瓦 ,然則羅馬勝矣。若夫迦憐拿大古囘宮之刻灰,日耳曼之刻木次 ,並室壁材之至

器尤佳 此院以織 文繡先開此 王因誦 經 , 有 死于 木銅瓦書畫分類 制矣 瓦爐 此 炕床 几云 几似中國 0 有 八百年織畫甚精,蓋突 ,別室皆古精品,壁瓦皆極古物, ,疑突人自東北 來 , 人甚長于織繡也 而傳吾俗也。有蘇丹錫廉之几五百年矣 有前王文石浴室 。有一室全波斯物 ,甚小而精 , 有尺許 , 其 高座 傳 (古銀 其

雕 波斯物與 刻極美 突物無少異 此院開創日淺,搜羅未備,他日數十年後,必有可觀也 , 地近而同教,計波斯先啓文明 ,然則謂突厥文明皆波斯可也。有文石洗

如

短形

甚

古

0

距此院不遠,有千七百年前地室,爲君士但丁帝所作。庫下百級有廣堂,以藏金銀者 千柱,然則此尚爲小者也 吾入之,今地尚沮洳也。今歐美庫有機,遇變能沉,蓋自此化出也。聞君士但丁制金藏七所 十六柱,皆圓文石爲之,設噴水管一千七百,蓋備有變,則洩諸管,而水封全堂,人皆溺死矣 自無從產此 多百數十里 ,吾國之短,乃吾國之美也。雖然,君士但丁之雄偉,令人庶幾于秦皇漢武矣! ,以導今歐 如此古異之物,亦瓌偉哉!羅馬 人之新製,亦有自來,此誠吾中國 所愧 人極能作巨工,天上飛渠 也! 蓋吾國爲政以德 , ,凡四百六 地 導俗以儉 ,大者 中 通

異 常。又公監財債,隨時會議于此,蘇丹甚畏之,六國人之橫行,突人無如之何也。突負六國債 每日分償之,俄千磅,英六百磅,法四百磅,意三百磅,奥百五十磅,德百磅, 峻峙者,有六大國公館,蓋突久弱,爲英俄德法奧意所凌,六公使在突,有非常大權 吾 聞之,既 , 尊嚴 病

突人,亦自病也!望此公館,囘首燕京,眞所謂 同病相憐者矣!

爲贊呢沙利士時 皆盤坐, 千八百九十三年 埃及華表前之博物院甚 計突厥傳自北方 也 止。始于西千四百九十八年 , 所塑諸種人像略備 小小, , 必有 所藏皆突人古衣冠也。 自來 ,其白事者多跪 , 獨缺君 ,當明宏治初年,蓋突人破得羅 后耳 突厥自光緒二十年改歐服 。各官皆盤坐 , 亦北方舊俗 , , 蓋舊 蓋皆起于無几 制 馬京後 無 , 故此 几 也 衣冠 也 0 , 突 然今滿蒙 0 中國 人自此號 ,亦至西 宋 前

衣褲,不襪。兵官紅 兵部大臣衣綠皮長袍 !, 內飾 布袍, 上綠衫袒胸 金錦 ,白方冠,高尺許,皮履,左右藍,冠白 , 錦袴 ,不襪,後錦短衣。其參將 ,繫紅袍 ,白高冠 錦邊 , 腰 鎗 0 侍者錦 0 又兵

無跪禮

故

知起自蒙古入中國後

,觀此可證之。

法部大臣 衣白袍 廣 袖 , 副 者雪青袍 , 綠搭 , 白衣者,綠衣下有 袍袿 , 凡書記白事皆

跪

官衣突色

,皆手劍,兵厨皆白

纒

錦皮搭 外部內部 惟 錦 搭 0 左右侍官同 大臣 菺 腰 紫白 劍 0 纒首 兩 從官 惟高冠背埀白毡二尺。一直圓冠蕤垂 , 錦袍搭。 , 高冠尺餘 左右官 , 紅 垂後 , ·白高 , 紅藍衣帶 冠尺半,衣袍搭 銅鍱 ,後黃衣,下裳半黃白 0 , 亦有綠袍 堂上官白 [纒頭 紅 衫者 , , 綠窄 有衣皮袍掛 0 宰相 袍 衣同 黄

尚未 綠 灰高冠尺許 王及士民變 胸 如 , 純袴 有 改也 有横角 補服 , 歐服 綠環 則 ,長黑衣 , 此則 與吾國古制多同 , . 甚類 白摺束帶 惟紅絨冠不變,而京外之民,仍舊服白衣短袍,紅綠衣袴 ,直裙,今不改,突人高余冠之岌岌, 中國矣。奄官首領,高白冠尺許,皮錦帔持杖 ,長袍窄袖。囚殺者髠而袍,劊手綠 ,蓋突厥出自我,宜其類也。 體制莊 曾劼剛日記稱突人衣似吾國 皮袍 嚴 , ,從者六人 · 其銅甲則同 殊可觀也。其褡自肩垂下 ,波斯· ,尖白帽 人黑冠 歐式。今突京 , 蓋是時 , 中紅

突諸部 雕 刻 亦 衙門 精 皆歐式 0 突以兵立國 ,甚 [偉大 , 故兵署最閎 0 法部近生蘇非廟 偉 , 署重樓 , 兵部近白鴿寺,二署尤大 , 横百丈 ,前廠地百丈 ,尤壯麗 0 兵部外門 , 幾冠各國 , 作堡壘式

兵校亦奇大

兵房同于王宮

, 吾國尤愧焉

0

不可測 麗 園牆耳。其千年正宮,在土坦逋,今以居先王遺妃,蘇丹歲一到耳。今諸宮多營臨海旁, 聞突京王宮, 式也。昔館德主威廉于此 子公主駙馬 ,乃今蘇丹之父所建者,太后 矣 ·各國: , 列第臨海, 舊有四百,今突京所在皆有,蓋前王隨意而建行宮也。然僅如一大第宅 使署 , 皆近王宮 相接連 , 後有依山之廣園焉 一一完焉 居焉 , 皆歐式, 。殿閣 0 使署五 · 塗白 不高 0 威廉居此三月 層 , , 皆甚小 而雕 , 尤偉 刻甚精 , , 今蘇丹營新宮苑于臨海宮之岡頭 不足觀也。 , ,門亦鎦金甚華 日見突臣民極意撫之 對海爲亞善 ,御園 岡 甚 ,其雕 , 其 有 小 雄 宮 ,各王 甚壯 鏤 iù , , 其 亦 有

廣十里

,林木森蒼

,

其內殿閣

,

凡五十座,皆歐式

,爲多間

,亦作突式

。蘇丹行幸無時

,

蓋蘇丹

每年僅 一出 !此宮 廣 , 對 丈許 廟 有牆環之,如北京香山之靜宜園 ,則宮中不能不廣爲園囿以自娛。又蹤跡甚密,惟妃嬪乃知所居,蓋避弑害也 門東 殿閣 向 , 餘皆園林 , 門內夾路 , 花木楚楚, , 花木深深,乃至正殿, 皆歐式。以吾爲中國人, 也。禁人遊,吾在外宮門觀之,崇壁巍峨 此則不能遊矣。 特 許遊 然規模狹 0 **遂**至 小 內 外有 尚不 宮門 一,亦苦 金飾 飾

至 歐土各國 蓋萬國 一波斯 王宮之偉大, , 而 皆起侯邦 彼千萬人之小邦,亦可推得之矣。行宮共四十,大宮凡四 未有 卽 突厥 如中國者 雄武 ,亦爭于群雄中, 0 蓋 數千年大國 一統 未有 之共主,積久致然 一統之宏模 也 , 故 無 由 , 非各國所能望也 與我比 盛 0 我 難未

,皆服歐式長衣,甚整潔

,聞八百餘人,然今

將軍轅門

漸擁 突王用奄人,各宮門外,及道中與茶樓,奄人相望 衆 突蘇丹既深居簡出 皆不閹突種 後有變 0 警察雖林立, 仗隊以 , 入 園 突主將爲路易十六矣。蘇丹少出,故觀者益衆 數次整列 愈上, , , 而用黑 所 逐 然以立憲故 列 , 馬 兵隊 僅 擁 一歲一 人矣,與中國 能 而入宮門 闢 , 亦不能 出遊 ,開 御道 放 , , 警察 其民 今以立憲故 截住 以容王車 何暗合乃爾!蓋嚴男女之別,而妃嬪又多故也 無如 ,不欲以小故拘繫,致失人心 , 乃 何 擁塞于二重宮門 , 故太寬則民慢 ,欲慰塞民心,乃以吾七月二日謁 , 又 擁 而 ,有四國公使 折 殿外檻 ,亦自然之理矣 諸從官奄處 , , 只用 于是登砌 ,亦雜稠人中觀之。吾時 , 警官 0警 訶 檻 禁 1察畏 以好 其 , , 或 而 廟 語 登 民如 觀 , 觀 漸 樹 者 者如 此 漸 而 ,恐 喻 觀 導 愈

突

康

身入羽林豹尾 鬚紅 出,每車三人,凡三車, 退,然衞官奄官,仍不過二三十人耳。兵隊兩列 地熱用白色耳!時改立憲 二人結隊, 乘雙馬車 必 吾昔猶見中國 希臘王與刑部 厥專制之威儀甚盛,今觀之,終非吾國 人皆爭領 則 金韁 障面 比比皆是 絨冠 今滅之歟!若以較歐北諸王及后,常服持杖游行街市,觀人民兒童嬉 斯出 而 吾亦 從蘇丹後 次第先馳 而 金門 后 , 則 中 妃處深宮 萬 尚 歐 書, 取 , 于是盡見之矣,亦足資多識而備擇善者也 服黑絨衣 視突厥蘇 , 人鹵簿 與 焉 冠者皆冤冠 諸 由 同持杖步行 ,乃散 , 樂隊紅 御者黑冠金頂 衞將 金門出 , , 益不可 丹, 計 ,媚外已甚 ,金肩 奄官雜于二宮門矣。其兵官服金繡揷羽佩劍 從此 。從官不多, 衣繼出 而以爲東方君主太尊之俗亦然矣 ,百官于妃嬪出時 , ·三呼萬 得見 結地珠儀仗之局 ,在葡京遇王后與 <br />
一女伴黑衣步大道中 , 仗劍 , , 金繩衣 。有衞將軍來握手訊問 , 歲 衞將騎 吾不意以漫遊而 , 一統大朝之比也。或謂突昔者王出,衞兵二萬 **逐馳**入廟 威儀頗簡 ,其聲動天,蘇丹亦起立點首答禮 , 馬次第出 諸妃嬪白紗障面 ,馬隊十餘橫排,于是九嬪從橫門乘雙馬 , ,皆鞠躬額手施敬焉 後此則 ,以視吾國之千乘萬騎,逈不相侔。吾初以爲突 遂有衞士陳榼持茶餅架非檸檬水以勞觀者 盡見其禮儀 ,約十餘耳 無 ,奄官亦然 0 突君、 。他日王 ,金繡或紫衣焉 主簡 0 0 蘇丹 波斯與突同俗 0 權 妃嬪 出 , , 吾在 , 吾卻 之, ,皆改歐式 其他以 鴨 日減 又嚴 出後 都哈密第二乘四 0 丹瑞頻遇王道 蘇丹年六十二,白 千乘萬 别 0 , 其后則 金 奄官逡巡赧 男 馬車常 , 菛開 無 吾于大地萬 女 ,未知然 可觀 騎 黑漆 女子 漸 服 繡 , H 馬車 衞 衣獨 無 , 惟 出 遊 將 車 而 否 ,

或

一之禮俗朝儀

,

者刑 観此 後宮 移 其 千餘 不 亦 同 突既別男女,故宮中皆用奄人,宮門外及近宮道上, 時 惟吾國 當後先疏 與 去之, , , 人握 人不在 而 閹 朝 物 , , 乃有 宮絕 玉 不 廷待 , 與 殘 手 H 眞大險大恥之事 面 波 類 君側 霓裳 同 其 附 額 擊 奄官之制 突 種 顧 手 面 , , 盼 俾 已傷天地之和 , 泚, , , , , 得狐 身既 奔 有 猶 皆 , 1行歐禮 走 追思吾國 前 此 勝 , 而後世 先後 我國 車 假 閹 怪 多覆 虎 割 也 異 威 !夫苟嚴男女之別 不祥之事 , ,惟今者不用突人爲之 , , 然歐 採用 出 袍袴宮人掃 , , , , 刑 甚 與 後 必 偽周官 至有 軌方遒 寒微 亂同 人在 人指目而 耳!常侍亡漢 手握 道 側 , 御床 否 , , , , 大弊昭 更犯 附會而 王爵 「或罪 不禁爲之惕驚 訕笑之 , , 豈不顧 春 餘 則 , 秋之戒 無所識 ,其國 埀 口 全用女婦 , 存奄官 , 而但 店 天策亡唐 含天憲 , 竟難 中,奄 而 樂之 恥哉 而 9 知 閹 , 後漢襄 則劉歆之作 除革。方當萬國 黑 汗 , 何害焉?奥主宮女四 , 定策 加以 下也 人相 何 , ! 人,惡自傷其種 魏氏亡 吾國何 楷 帷幄 事用 屬 ! 險詖之心 汐 ,謂 , 賦 明 不 俑 此黃黑皺瘦之刑 皆改衣歐服 , 幸而 哉! 門生天子 詩 古無宦官 , 一交通 禍 日 , 邪薄之行 患 與 也 吾游突厥 突同 7 , 險 0 其 以 酷 , , , , 白漢 長 政 國 德 用閹 , , 今大 命聽 主宮 諸 治比較之 而 人耶 武 國 而 與 宮 整潔 多遊 其 乃 ?古 地 吾 朝 婦 , 使 復 國 尚 中

酸立 峨 人道 峨 任 有 九千 爾 恥 爲 歲 孱 0 , 東 鞭 或 林肆 答朝 事 忌 醢  $\pm$ 險 夫 危 醯 0 0 , 莊烈 何 大恥 況 國 親 吾 未覺 討 民 戮 卑 , 0 , 大險吾 漢 身復用 唐作 奄 殷 應 兒 鑒 知 0 0 , 漢 司 明 禮 袓 由 常侍 與 嚴制 監 軍 乖 亡 0 , 大 唐 直 乃 權 連既 李聯英 天策 赫 火曦 駸驔 師 0 0 , 忠賢更 天子爲 開 門降 苞苴肥 驟 門 闖 賊 馳 生 0

覆

旅

離胎罹

0

或

初

乖

鐵

牌

,

內監

只守

闡

0

Ŧ

政

罪

則

斬

,

煌

煌

祖

訓

遺

0

近者

,

弄

權

康

得 閣合復 西道 驚惕 天 袍袴掃御床 行行至突厥 失較 憲銜 可駭 雨 其微 在斯 淋漓 其 吏 嘻 口 , 0 0 , , , 宮刑絕 豈能容此物 王爵任 頻過王宮扉 京邑既邱墟 鹭賣視 況突刑黑人 殿戶引朝 所私 人類 饋 儀 施 ,廟社 0 , 0 ,不仁久已嗤 。奄人道相望 0 紫袖侍玉座 辱國 宮闈聽離播 甚乃廢聖主,由其媒孽之。拳匪以攘外 我乃種自誅 可不思 皆離披 , 0 0 , 0 。二千年國恥 黑面 歐土用宮婢 顧之可樂娛 刑人在君側 中國幾陸沈 大禍國遂隨 而 歐衣 ,不絕如亘縻 0 , , , 。覆轍豈不多 。聞凡八百餘 願言 春秋大書譏 豈不勝奄官 霓裳玉面 掃除 姿 0 0 , 0 , , , 。亡人逋海外 聯軍入郊畿 奥既四千人 何爲 品汚智昏愚 **覩此吾皺眉** 廉清比武 黄黑而縐皮 再蹈 其 事 0 0 沈 0 , 0 , , 津遼血 洗滌 我與 況 云何亡國 德亦三千 載良為: 今萬國 復心 險亦 亂同 險 塗 地 道 姝 通 詖 政 兹 0

鑒此禱祀求,東望吾涕洟。

突王宮及歐人所聚處曰加拉隳,以古塔得名也。

十丈上, 近王宮處,爲全京最盛之區 兵凡 更作 八萬 四層 此地 , 百官世爵豪貴 極 雄偉 0 , 其岡 旁爲兵校兵房 所居 最高 , 岡 人家樓閣 原嶼 , 皆在 峨 最 岡 ,爲五百年前之加拉隳塔 高壯 Ŀ , 偉大 , 有 五層 如王宮, , 然此朴舊甚 蓋突 人最 , 高圓 注重 , 岡 入雲 上有 兵故 , 古寺基 于絕 也 0 京 頂

過其 亦土垣不飾, 宰相宅, 大官世爵宅,間有歐式,而外陳花者 土亞不飾 , 板築三層 , 屋甚朴陋 0 , 園頗有花 然甚 少矣 木 。道上沙塵濫天,屋間 而 甚 小 , 其兵部 大臣 一宅園 較大 , 迎目 然 極

寺爲前

王建

今王弑之,並毁此

寺,寺正臨下太后宮也

人不能 蓋自 第 似吾京師 土堆 色亦變黃黑 有二,然不過百數十尺小園 ,揚旂演說 爲歐人設耳 ,車 者 歐洲古壘連岡,皆王宮及百官歐人所居,為最盛處。逾橋曰士坦逋,為突人所居,古 道 , 0 一馬相摩 焉 野 昔 。但木屋稍高,卽歐洲各公使署及園林,亦從而汚惡,英館最高大,然外亦塵穢 犬横臥 時 ,聽 0 , 亦從突 0 號稱三千室 交通大商務 若非立憲 ,僅 者雲涌霧集 而揶食之猶是也。乞人結隊牽裾 人俗 一鬧街 時 · 其實數百耳 , , 皆歐 戴囘敎之紅絨帽 ,爲歐人歐貨所聚,德人尤多,別有公司食館,茶架非館焉 粗具亭池, 陋甚已, 須買票乃許入, 頃當初立憲時 ,遊人更寡 學目皆歐人,婦女盡爲歐人,尚未見一突女遊園地,然則 人爲之, 、蓋此地有歐人二十二萬五千,皆宅于是。久居于此 。然歐人雖居此 而德國爲 幾與突人不能辨。其銀行十四家 多。大客舍亦然 ,以手摩地 ,道路之塵穢 , 一手加額相乞,客來苦之。道路 , 吾所 腐克 蘭大 客舍 ,亦無以異于突 **,** ,夕則鼓樂喧呶 爲 歐人 人所居 此園之設 , 爲突京 , 而 , , 面 糞 突

歐壘下有曲溪 大市古蹟在焉 ,皆爲歐洲 號日 l甜水, 地 在諸 也 岡 曲抱處,嘉時良辰,小舟蘭槳,千百並集,士女如雲 ,夕陽下 廟官署

時 公使貴胄 衣 香 人影 亦多往 相望于溪濱 隨喜 , 其對海當亞洲古壘內 , 突女亦敢掠其面 紗 , 溪岡抱處亦然 而遊焉 0 然茀草荒林, 0 輪日爲 與工廠 權,乃君士但丁那部 雜 , 實無 坐 處 游觀 ,而

過壘外爲科 士科 0 近黑 海入口處 ,沿岡多佳宅,多歐式,蓋歐之公使及富豪避暑處 0 法部大臣之 最勝

處

也

亦可

憐矣

宅,綠窗白屋,幽花臨海,頗幽靘。

過此爲奄馬近村 突京未之有也。其園屬波斯人,昔三百四十年前,突與波戰 樂而愛之,遂賜以此村, ,俄人侵突京深入至此矣。奄馬近村有公園 故今仍屬於波斯人云。此雖村也 ,而連于京都如 ,虜其公主置此 ,連岡綠縟,花草妙妍, ,王時游 一,汽舟往來 純爲 此 , 聞其歌 ,交通 國式

頗便

,惟車

馬交通

,

則

遠數十里矣

也! 長橋橫海度過 土擔逋岡 者多來憑觀 ·此岡峻拔長松縣亘,下臨碧海 慎護之,若以公主嫁我可免,王乃置此島塔中,已而公主下船,果爲蛇噬 前 , 處 海中小島 吾亦策馬登山而望 , 日哥敦刋 ,有 小塔室,昔西一千四百五十五年時 ,言金角 , 自此岡後出黑海矣,以上皆突京之歐洲域 , 也 洄抱灣環,兵艦多泊于海中 0 有海部署 在焉。 甚閎大, ,王有所愛女, 0 上爲海軍校 古蹟石碑 也 , 連 術者謂其當爲蛇噬 , ,術者以藥教之, 我尚 岡 多名 無之, 人墓 可愧 , 游

利海 茶飲水 日大 遂尙主云 (歐洲 會 朴 陋 如 小 壘對峙 。哥敦刋對海之岡,爲亞洲域 舟 亦復相等 唐世之曲江矣 成集 紫瀾中, , 桂棹聯翩 , 而 壘下群岡深入 0 士女及公使豪貴 然實無 人洄溪深處 淨潔處 , ,亦復連岡四伏,人家曼延,然工廠爲多 溪水洄曲 , 舍此無之矣 , , 更無亭臺 水濱草際 ,近憑 ,吾亦遊之。遇德荷二使 , , 不過舟游之盛耳 坐臥以嬉, 一王宮,垂楊密茂蔽地 與 |歐洲 , 甚似京師 壘下 0 ,既嗤突人之陋 , 游人甚 每 漸入亞洲 南 一來 河泡 復 盛 壘處 ; + ,賣 ,

亦自嗤也!

但

|碧瀾|

洄深

,都邑至少見耳

策馬游古城古廟 ,還乘小艇游亞洲壘下曲溪 , 得詩

泥污 江 屲 '舊政 雄 鎖 昔 兩 洲壘 0 裙屐似忘危亂險 , 都會憑凌二海波。金石華 , 夕陽 輕舫萬 千 嚴 渦 廟 遷 變 , 城嬙陀壞堞嵯峨 。英雄割據今時異 , 坊宅

漸入爲 Ш 宮正對今突王 [連線 亞 , 垣 善 墻 , 上壓 宮 地多大園 但 岡 隔 顚 林 海 , 威 耳 , 有王宮 廉 海中 駐此 ·有蘇 三月 , 卽 M 丹 汽 船 館 ,大召見突之臣民 德主威廉 甚 一一此者 11 , 0 威廉今又建宮于是 善撫慰之, 其雄 , 略殆不 甚 | 偉麗 미 0 測 後 苑 0 此 彌

,

0

,

俄戰 自此 ,喪兵 人家益盛 八千 • 連岡 ,咸葬于此 漸 東 , 與土擔 ,有英域多利女王像焉 逋相 對 處 , 爲 喬 地利 0 壓岡亦有兵房砲 , 有英兵墳 。昔威豐五年, 壘 , 蓋臨 海 盡 英 矣 人救 0 突 , 與

擁 四 家 突京形勝風景,皆甲全球,其都會景色旣夾海爲人居,近有四島點綴海中 『島横列 乃東教 且 樓 閣 , 左曰 妙嚴 之僧 校 坡忌島 , 遠 10, 林幽 , 中 静 右臼安底哥尼島 ,爲突京富貴人所聚 , 中左曰高忌島 ,故風景最佳 ,其前岡之願 ,最有盛名 , 0 , 有大校據之, 大約百數里 近者輪 舟 往來 , 萬松環 皆 如織 有 X

,

式 其 數十里平 左 勝君 日冰奇 原 士但丁那部之塵穢遠矣 廣野 坡 島 , , 樓 最高 閣 遠 廣 林 , 歐 , 日 人多闢爲別墅 。有以知近都會而聚人民之易闢新埠 闢 日 盛 , 開 闢 , 故尤 于近二十年 勝 0 凌曉 , 而 , 吾渡海至對海 人家逐彌數 , 而 整潔之美也, 十里 之亞 , 善 且 皆 , 乘 新 突猶如此 妙 汽 車 , 爲 歐

突 厥 遊 記 ,況吾國

乎

?

臘 汽車場屹然雄美 商 能 空如山洞也。然地以文石爲階除,千餘年物也。先佐治生當彼一紀,在吾東漢 昔者登奈波之酒樓矣 閣之多且 不能比歐北之嫩綠 里 白浪轟竑之聲,與綠松之影相俛仰,幽勝幾忘人世,宜此島之有名,況其近京都乎?近大酒店數 碧海洄環 9. 0 驟盛 歐土刻石繪畫,處處有之,蓋如吾國周處,而歐人尤施敬焉。午飯于山麓大酒店,敞地白幔 人久宅此 突厥之絃歌盈耳,游客滿座,策馬登麓,長松漫山, 島中樓閣縣豆,漫坡壓山泊船處,已成鬧市,茶館酒樓,帳幔彌海邊,皆新築者 ,無在非德 ,園林樓閣最妙麗 如此 美 , 彌望 乎?此其繁盛之由,誠非古人所能相望也。故美國之盛 , ,視爲定 居然歐化 闢利權所及矣。至茅德必卑一小市,而下汽船,小市甚汚,船行半時而至氷奇坡島 香港 ,鐵路汽車亦佳,問之,乃知德國所築。直通亞洲,佯願拿州者,蓋阿連五國工 ,以海島富家,猶枯槁如此,土地失運 居焉 ,園中古石像甚多,籐架花畦,皆佳。引水機亦多,然草木仍帶塵土色,遠 。旁有先佐治故居,今祀爲廟 ,極顯盤石茅亭,突 , 則吾國甚愧之!然若無汽車汽舟以速縮其路 。耕者多,皆希臘 人賣酒于是 人也 0 匝 ,廟小盈丈,壁瓦厚皆二尺 島 。引酌横 夾道 一周 ,眞無可如何! 人家,園林相望, , 凡廿 覽 ,雲海天光 餘里 ,由于物質 , 則 , 京外百數十里之島 然是日百里間 而登 , 皆歐 此島之勝 島願 ,非但政治而已也 ,初以斬蛟著大名 , 上飾洞 。意大利之戲 , 人爲多 線松· 形 園 , | 夾徑 又過于 ,而 ,陰深 林 , 樓 希

0

得二詩:

華嚴現婆娑。亂政安能久 突人惜不治 白樓壓盤陀 突京臨三海 ,十萬戶相摩 蕪穢付塵沙 南出土擔逋 , 。樓閣連百里,夾海臨島波。風日蕩深碧 0 , 立憲亦云何 市政既不學 列島陳星羅 0 0 ,民貧又不歌 所悲此都人 高塔與廢壘 0 ,危邦終貽罹 , 糞壞壅衢道 故宮別墅多 ,臥犬不敢訶 。山紫而水明 ,澄潯映綠陂。北近黑海口 0 , 假使 萬國 歐 無 以過

0

## 冰奇坡島

在印度, 四島外有二島,十二年前 列侯甲第壯 突之貨幣,亦已定金本位矣 多犬,昔曾放犬于是島云 遺祠 在岩阿 映帶碧海波。 去京百里外, 與印之學者較算 0 ,歐富別墅多 絕頂立柴亭 白樓製多詭 島曰冰奇坡。策馬一周行,碧松漫山阿。樓閣枕其麓 , ,天風吹大羅 。尤夥意希人,飛館發淸歌。夾松登巓路 ,名園舞傞傞。直望海無崖 吾速彼四倍,足見其法之愚滯焉 突王惡民之立憲思亂也,囚士民于此島 0 惟其幣制 。惜哉園林樹 以四進數 , 與印 , , 色枯理則那 白浪捲陂陀 度同 惜突人猶不改也 。當自印輸來 。又遠外一島,爲犬島 0 , 。海色與濤聲 ,園林列其陂。 進與雅典同 海山一碧磨。千年先佐治 也 , 不便甚矣 , , 失運嗟何訶 此島樂 紅花與 ,突人 無過 綠樹 。吾昔 !

突 厥

遊 記

,

0

康

突之銅錢曰啤 、四十、五十、一百 亞 士打者,昔主幣也。幣最小數曰巴拉士。錢凡七種,有當五,有當十, ,二百者,以當五爲至小矣。自二十以上爲銅,自四十以下爲銀,每巴拉士

四十,爲一啤亞士打

0

啤亞士打八種。 班葡幣制之謬皆相仿 種銀錢入之,益難算矣。蓋其通用者,仍爲銀,金錢交葛,零數繁難 錢給之,則以二十七之數,與百千萬諸數相乘, 小金錢矣。 即爲所欺矣。 ,法國佛郎之數 中

中 一亞士打 夫十進之數,至精善而簡易 彼一 有一,有當二,有當二半,當五,當十,當二十者,如中國七錢二分銀圓之大矣 略比吾三分六釐之小銀乎。二啤亞士打以上,皆小銀錢也。有當二十七者 切之數,皆以啤亞士打爲起數,故買小物動盈千百 ,每佛郎易五啤亞土打,英磅之數,又假途佛郎以計之。故游客易欺 ,而國之弱亦因之,亦可以鑒政之得失矣 ,而突人乃不用之,故其算數極艱,而遊客至此 甚爲委曲繁重 ,多費時而易謬 。,京中歐人太多, ,再多則萬億矣 。其零數 ,少不留意 故又雜用 , 0 或以各 乃 此與 以金 ,則

突人自古雖 金錢曰釐拉 亂 尚 ,凡四種 武 功 ,然迄今已滅封建之世爵,其平等頗與吾國同 。一釐拉,值二十七啤亞士打。有半重者,有四之一者,有五之一者 。此亦突政之善,過于歐人也,

然他日革命必易于俄矣 突人今有虛爵 ,名啤,更無他名,古者以邑地封功臣,名啤 其大功封兼數邑曰啤釐啤,只此二

,

級爵 百年 亦 能 。以春秋比之,如大夫之受釆邑,而卿受數邑,則二級者卿大夫之比也。以漢制比之,爵只 前 而 傳子 有 , 蘇丹摩來第二,今王祖父也 縣鄉,亭侯之別,亦其類也。今歐人譯啤 ,然人民視之,不甚貴 重 ,尚不能比諸歐人之貴族 。已盡收諸啤土地人物之權 ,或作馬規士,日本譯卽侯 也。 他 ,如歐洲各國 日變法 , 此亦 則 ,啤逐爲 易 正同 事 漢 矣 虚爵 制也 0

今突宰相大臣公使 ,多帶啤沙之稱 , 非其姓名也, 即同諸歐例 , 有爵者帶爵稱之義

國譯爲王, 也 凡封啤者 0 此 與 中 , 則大謬矣!亦不可不知也 國同 皆得爲姓氏 0 以 吾所見啤沙甚 ,子孫傳之,此 多,宜其不貴也 與吾古者起家大夫得立氏同義 。而其對外 , **啤譯為侯** 0 今無 , 啤 自立氏 土譯爲 者 編 , 以 土 無 , 如中 實封

哉。觀德意志千年之久亂,乃知賈誼衆建諸侯,而小其力之策,誠爲至論 當西十八紀時 削藩之事乃成 與清朝之待蒙古,亦行之而著成效,勝于突之妄戮遠矣 ,蘇丹收諸大小啤權之時 。蓋天下從古削藩之事,爲不易矣。殺兵至八萬,苟非極雄武猜忍之主, , 諸啤擒王置海艦中,既而王聚諸啤兵八萬于都 ,漢既行之,而法之黎 中而 亦 未易 殺之

重 , 民 雕極 貧者 , 歲出四啤亞 士打 , 外國人十啤亞士打 , 修路費三啤亞士打 ,小舟月稅二

十啤亞·

士打

,

然財

双不修

,

上下

·交困

,貧匱

已甚

突人甚貧 而富者僅 其全國 二三十萬 銀 行僅十 0 惟 四家 希臘· , 皆歐人爲之。 月用百磅極矣。富人之用 切商務皆不解 , 而屬之于歐 日百餘二百啤亞士打 人 , 故以京師 之大

磅 人富百萬磅 , ,

突

康

當吾國七八分銀 中 ,而 人以上, 一室可居 百 (,亦甚 啤 亞 數人,以其無床桌如日本,故同居尤易省儉也。 士打 |儉過中國 , **貧者每月三百啤亞士打,亦當吾國十餘金矣。大約房租月須廿五啤亞** 矣 。蓋稅重 民貧 , 絕無工商 故也, 故民之貧過吾國 每人日食約二啤亞士打 。故乞者徧 有 奇 地

,汚穢狼籍,凡乞者一手摩地,一手加額以爲敬。

突食 聽 惟 突之樂,琵琶廿三絃 或 **養大鑊飯** 方 食品亦 人買 且 , 點心 先下 品甚 而 得 麵食 只四 中國 味 能調 ,旁置架釐 突 |之調味: 五味而 亦 人學國皆食稻米飯,烹飪皆如中國 極 味 可口 類 ,又能切 中 Ë 也 或 ,以四人爲樂隊, ,蓋皆于吾國爲近。而 肉汁肉粒一大盤,聽貧 。突 0 0 其作 碎 吾嘗就食于土擔逋之酒館 人皆不飲酒 , 遠過歐 飯必用 鷄 X 有二 , , , 法班葡 以其教禁之故。惟所製果汁甜水甚佳 或牛羊雜揉之, 一薄鼓 日本自燒魚外, 人作工者就食焉 且不及 , ,惟飯必加醬味 式似 , 及突人貴家皆然 西 班牙 其他國 此則青出 無 。其燒牛羊鷄 相 一能比之也 ,或肉粒 無論也。 于藍矣 ,以國 和 其 鴨懸 ,其聲噌噌 , 0 蓋突厥· 而 弱 架釐 店中 切 故 , 肉 以大玻瓶 , 歐 本 品品 亦 , 香 多 人不 出 並切 味 于 皆似 儲之 稱之 中國 小飯 粒片 北

窗同 突人宮室甚 度爪哇緬甸 式 惟 窗 之哀澀 高大壯偉 則 下截有闌耳 , 當未爲亡國之聲也 , 多四 五 , 門窗 層者 秱 , 皆 多 室 而 廣 堂 多 , , 惟突 然而 亂矣 人居皆閉 ! , 又能鯑花于 ,蓋不令婦女視 上穹 與 唱 惟壁 外 也 與 0 其 地 屋制 無 餙 每 耳 , 然尚 間 0 其 必門 門 無印 與 窗

三列

,

而中作一凸廊臨外

,

律同之,又髹同一色,其無味正與中國同

。若其宏大

,

,則近西

班牙

0

大約歐: 北 未興時 ,班與突印之民居,爲萬國最偉大者矣。吾國對之則大愧 ,惟多板屋,此則 不如

班印矣

購之, 談 突 如印 因,詳于別篇 也 埃及古種 其始起于避暴客之侵掠,後則爲 (人尊男抑女,其行亦夫先而妻隨,故其別最嚴。女子出 此 0 既嫁 古國 度埃及波斯突厥 但抑女子則過于吾國耳 勝吾國 惟 幾絕 婢僕 後 者,又最爲寬大矣 遠甚 歲 可購 ,今與波斯人民不過千萬,突厥亦不過三千萬,略當吾 一省人民之數 。惟男女之別,多妻之制,以明父子,而傳宗姓,以繁生也 僅 0 然皆步行 , 其婚祭之禮 出省親歸寧,然數百年少正行婚禮者。其日霞連女者,卽自 , 皆抑 。吾嘗極意考此四國之禮俗, 女如囚,男女同爲天生人類 。今貴族亦有行歐俗與 ,甚 少乘馬 , 禮服。女衣多絲 亦多有與吾國 車者。其 同 居 ,且麗 人見者,別設女門以迎客也。 者 也,羣坐室中,女子非父兄至親 , , 豈可如此? 吾國不如歐 亞刺伯行旅談亦與 甚潔 與其立教之本意,及與吾國有略 ,必以黑紗蔽面 , 即丐人亦整潔 我類 , ,故中國 長衣革履 由 , , 無 蓋摩 女也 觀于古文明國 人之縱肆 人類 , , 此則 敝 不 訶 , , 最 不 服 人 得 末之敎然 不 繁 同 得 垢 見而 , 能見 而 可解 之原 以金 0 面 而 比 坐

突人 者八人, 0 其 女頗秀美 多妻,今王之妃嬪十八 或十人。突 色黄白 女無爲娼者 , 亦有 人, 紅者 昔者有八百 , 有之皆歐人 ,其人色殆過吾江浙人,惟男子身體頗大, 人,今多改制 ,突俗亦少奸案 矣 0 民間正妻得立四人 , 適與歐美反 , 然 蓋 多連 禁制 , 妾倍之 眉 極嚴 壓額 所 其 致 。 也 多

也

0

五二七

之甚惡,如甚憂者 康 此爲萬國所獨。波斯與同教,然貌豐而開爽逈異,竊意以兵立國 ,久壓其民

有怒氣,令人不和樂, ,又終日執業愁苦, 無 此亦吾國人所宜鑒耶!突人足跰極厚大,蓋其教跣足膜拜,久而 一樂事,其道太觳,傳種至久,習而成貌。或謂吾國人宮室器物 成形 ,皆

傳種

故一切愼其所習也

突之浴堂,乃爲最勝 者 0 文石噴泉 , 周浹堂戶 ,式如明堂,五室九个, 人擇 馬 0 冷熱水各有池

各有管,次第洗濯 ,皆有 隸 人供浴 , 且按摩焉

堂中有大石版 即取法于是 採羅馬法而爲之也。然摩訶末敎尙潔,故浴風盛,而浴室亦精 。蓋 , 蒸臥出汗 突地頗熱,故好浴而立此法。惟羅馬古時 ,則投大池中,或用小龕閉門臥而下蒸之。今歐美浴堂, ,浴堂極麗 , , 凡國俗 觀邦啤沉城 能創 處可考 事,爲天下所 有突厥浴 , 計 必突 式

好,其民俗未有者,則雖極有用之要品,亦未遑及焉,蓋識蔽于近 效者,其文明必有自來,無無因而能驟致者也。今突人之窮鄕小邑, ,誠不能 浴堂亦大而精 强 也 , 蓋 民 俗所傳

突厥古專制之國也。光緒三十四年六月廿九日,忽下詔復行立憲法,定于西十月十四日卽 吾以詔開立憲之日 ,適到君士但丁那部京 ,自車中船 中, 已聞閱報者懽呼聲 ,至京則半月之旗 開 或 會

蔽道 懽幸之至矣 飲酒擊 0 立憲之事 鼓聯隊歌舞 • = , 一日而 權呼萬歲者旬日晝夜不絕 成 , 國 會之開 三日 一而舉, 凡道路公園公館公地之中皆是 自大地萬國 無 如是 之速且 也 易者 , 可 謂 ,天 極

下咸怪之!蓋立憲之制,突人于光緒四年與俄戰敗後 ,賢相阿士文曾行之。今蘇丹立而深悪之 蔭半月雙旗

,

印

萬

億紙

,

家家畫放翁

而繡平原矣

**呢詩賓年三十三歲** , 貌魁傑遂爲 一國英雄,所在演說,人人想望如神明 0

呢詩賓之功也,乃吾全少年黨人爲之也。吾黨自阿士文罷逐後累見逋逮乃散于歐北各國,或著書撰 君權過重 吾而 有三益啤者 腹校呢詩賓先登 各毀家醵資得四十萬 報,以警國人,國人日明于事勢,從呈黨者日益衆,近則大臣大將,多歸吾黨, 世之事也。然吾國人及吾黨力爭立憲 心破家而得之, 美其黨人之苦心歷久 皇于其第,園林大里許,樓閣草樹,華妙皆歐式,識呢詩賓焉,吾欲介紹一見之,三益啤曰,此非 ,非立憲開國會不能振救 ,名吾, 呢詩賓姑使爲先鋒者 , 乃 編 電 全 國 諸國死矣,而黨人日盛,王故有黨曰土湃 故外部大臣之子,其姨爲妃,世襲父之啤,而姓三益者也。新黨之豪富 磅 ,然其成功之故 ,乃以陰結各兵官內監,且及大臣宮妃 ,同時並舉,蘇丹震懾,立憲竟成,乃吾全黨人三十年經營閱歷苦 ,而兵力無自起也。乃令黨人徧結兵官 ,黨人之貴族富豪,不便出名耳 ,而日望之而無術,乃愧于突人矣! ,不可言,乃亦如陳平之散四萬斤金 ,今散矣,既立憲矣,蘇丹乃徇民望 ,衞將軍某,實陰主其事 , 非其 , ,且買關 、功也。 而非散金不能 咸以蘇 氏也 吾乃恍然 , 丹壓 而 ,甚 令其 也 制 | 矣 亂 。既 ,乃 i

阿士文罷相,久游 希臘船有三人, 之蓰巴沙爲相 迫也,雖然獨知補救者也。旣立憲開黨禁,新黨人皆自外歸 而 ::赦罪囚,寬警察,凡所以得民心者無不爲。論者稱蘇丹之智 即逐而携家去者。當放諸舊黨貧吏時,人民聚埔頭而觀之,警官引隊,貪舊吏大 既才且勇 , 除舊政百餘條 , 越日革放貪汚吏二百餘 ,蘇丹又因民望,逐故相 ,而譏其不早自爲之,而待 人于外國 , 前 大臣 盡逐 而 民變之 立新 吾往

絕 爲民所呵 **猶解** 倒懸 罵 0 有 , 蓋 剃鬚 久壓于苛政者 而遁者 , 報紙日日傳報新政 , 有如是夫!然其不審國俗之宜而妄變者 ,二百條除苛解撓 ,民心大悦 ,蓋亦 ,日日懽呼萬歲不 多焉 此

## 舊黨之反攻也

對同詞 何淋漓 燈火不掩扉 百夫撾鼓吹笳悲 期 校同 壓制 軍 洟 大呼立憲 今茲三日 于京未 o 0 。一夕不寐,親草 學國 申六月廿九日到君士但丁那部適逢突主詔許立憲國民懽呼十日述事 將軍心已 時 乃 變 , 益 1功成奇 蘇 退 離 若 , 聞 。全國 蘇丹怒之, 狂問 丹親巡盛 F. 訊宦官,且質宮妃。咸跪啼泣 。擁觀演說百千圍 0 附新黨 賄貴官及宮嬪 貴 何爲 千夫塞巷擁馬嘶。萬戶舞破半月旂 0 戚大僚憂瓜 兵 何能 變 變儀 ? 詔行立憲蘇 制書。立憲復行 , 新黨創從故相阿士文 重兵來勤 捷疾有若 ,電請同 0 金幢羽葆校依非 0 內外交通皆同意 分 , 鼓掌拍破筦鼓徽。 時 斯 , , 咸籽 如熊 丹慈 。蘇丹大恐,召問軍諮。言舍立憲,無 少校呢詩賓致茲。兵諫雖譎實得機 ,國會卽容 。偌 如罷。八千兵變,立憲同期。蘇丹益怒,盡發衞師。桓 心腹助黨 死無所之。君臣幷命,法事 大國 0 , 折檻闖宮民縱娛。警卒立仗不敢譏 ,乃以兵諫脅主君 自卅年憲法廢 事起幾時 人 。國民大悅,權慰無逾 烟火射爭星月輝 0 毀家紓 , 傾城士女酣歌嬉。大呼萬歲祝 , 難 諸歐鐵血百年飛 同勤 , 分走列 。吁嗟亂 勤 , 釋囚破獄會 , 可唏。 感賦 四 國 ,挾 0 一鼓國 側 術 世金用 十萬 聞 可施 兵三千 0 蘇丹 法國 呢詩 磅旋 民 事 逢 0 。更問 , 國 # 賓 無 兆 稀 乾 , 登山 主釐 年 人血 民 立憲乃用賄 坤 言 , 0 遣自 奉臣 懽 十日 ,悚 功 下 未 桓 肉 舞 如 , 公園 |大將 懼涕 糜 千載 大酺 通 成  $\equiv$ 飛 奏 萬 兵

突

奏勛。吓嗟亂世散金勵列國,吾國久鑒頌錢神

强暴夫,無政治學,只有囂譁,恐突之亂未艾云 議員,言突各州郡民智未開,選舉法又草率未善,暴民力爭,黨人自私,作弊百端 突今憲法,悉同三十年舊憲,乃蔑乞Mahat Pacha 故今復舊,不俟多議,卽于西十月開國 會,在吾行後三月,距詔行立憲三月耳。 總集而定之者,頗收集各國之良法而行之 吾于舟中遇突 ,學議 員多豪

錮 也 忒,及茄爾別克爾,與二十州縣同效之,以軍隊加入,突主皆不敢懲,于是突民輕突主之無能爲 敢懲之,于是益爾絕摸效之,突主非徒不敢懲,且再三許其更長吏 說 阿士文黨人,多游學于法,歸國標自由之義 之入境,終爲人民拒不得入,乃引還,皮得利士得人殿長吏大傷而去,突主不敢罰其民,來平孫 排帝政焉 0 , 而 皆憤然起而惡專制 加 ,大扇于小亞細亞 益肆 放之于小亞細亞 一年之中,新增報紙十六種,皆以攻專制倡自由爲事,其文自突語外,或阿拉伯語,希臘語 無 地 喀司他摹尼之民,占電局而電突主,請廢新稅 所憚,阿那忒利耶之維新黨人,將請求憲法之檄文,加以歌詞,上干政府 反抗迭起 中, , ,警官拘逐,苛辱甚酷 , 漸推及全國各州郡矣 軍 先是小亞細亞人, 厥 官吏加 入日多,皆視突主爲不足畏,蓋威久泄而令不行 久在壓制政體中,民皆忘之,至是咸爲青年黨所浸潤 。漸而囘敎徒耶敎徒突厥人亞馬尼亞人 ,阿士文黨人益怨怒,乃以其自由之義 ,以熏其國人,初只在君士但丁那部耳,突主惡其亂 ,罷長吏,突主知軍隊與諸教 ,其第三次命吏派兵四大隊護 ,皆思自 ,怨毒專制之 ,難間, , 非 徒通 日矣 有 ,不 由 逮 而

禦也 力山 兵肘 如其 甚難矣, 皆曰今行立憲卽改矣。夫政體至無定,而民權至無窮,當新變法之始,君主甫以其權予民 請立 既以法文法書立學官,全國人民 師法 布加利牙塞維亞,皆學法文,乃能游之,法之傾動力亦大矣。然凡物偏重則 至于是時 有不盡從新黨者 文學校,讀 , 或亞馬雅尼文,徧布于全國各種人心中,故一發而若破江瀉河,洪水滔天,大火燎原,莫之能 憲者 安得不起而 腋 願 。雖然 而導其國 大決隄 , , 而民之所責望無盡 何 則 , 次而自浸 || 求不得 皆出干兵官 法國書, 更怨憤 ,突之人民太愚,不識立憲之義,以爲立憲,則猖狂自由 切開 人,故 圖 亂 則後爭未艾矣 而 , 放之矣 , 蓋爲通行之正矣,久壓于專制,先發難之,士皆發憤之人,莫不以法革命爲 今突人未可知也。 何事 大亂起矣 一切師法國,欲鼓其國人之雄心也。故游突厥俄羅斯波斯羅 , 波俄之已 , 兵官非 不行 0 如再壓制 ,君必不能饜其求,則上下必不能洽者勢也。 , 。或君主閉議院逐議員而 學者也 觀波斯之近事而已然矣 事可鑒也,則突安得而獨安乎?恐法革命之事不遠也 ,日浸淫于法革命之說 0 非吾族 ,則民怒大盛 歐土各國, , 人所能深識而預斷也 兵官不亂 皆 , ,若其聽之,則積憤怨而責望 夫誰 有戒心焉 謝變 。故突雖立憲 ,深入其心,而上之行政 與 亂 ,或民聚亂兵而爲難 。惟突新黨人, 0 , 歐東亞西俄波各國 故突可不亂 ,亂未定也 ,無不可爲,無**論** 一有不可 有害 ,其 必亂突 然歟 愈深 , ,必不如 馬尼亞門的內哥 , ,輦轂之下 昔 過激則 , , 民即 而非强突者 皆採法國 ? 人譏俄 , 何政 君終不能 然 或 憤怨 兵官亦 (其所) 生變 ,已爲 日 主亞 俗 突 , 弄 今

以

所學專

在

一破壞

,

徒矜意氣,

非能建設故也

康

突制憲法之本,出自其敎可蘭經,所有法律,皆原於此經而制定者,猶吾國憲法必本於六經矣

凡立法行政,由蘇丹親裁,而立大僧正與大法官副也。大僧正管教 ,大法官管律 ,凡立法設教

必先議于大僧正大法官,待其諾而後歸蘇丹裁可焉 0

專門學校教亞拉伯語波斯語,而注重可蘭經哲學論理學 其 大旨主于政教一致,故僧官法吏教師之權甚 重 ,其關係甚密,突立國之固以此 , 而倫理修身神學及法律歷史地理並 , 其難 變 亦以 列科

今其 政治 亦甚 公 , 凡霞連男女與婢僕皆有平等權 耶教徒有五百萬 ,共享公福 , 受公共保護矣

今突敎大者有二,

**囘教徒千六百萬人,** 

人

此

0

摩訶 教争而死 徊躑躅,以祈冥福 末教徒之信仰最堅 ,死後必歸天國,而受無量之福,故人死不哭,男子不省墓 而已。突 ,其所信之術 人數百年之以兵力橫絕歐亞者,恃此術也,其道亦妙,異矣!雖非 ,謂爲善者可爲神 ,如平生爲善事者,死後必歸天國 ,墟墓之間只見老弱 婦 , 其爲 人排 中

庸,

然當國爭時

未可遽非也

用水

,

民間到處設水店賣水焉

摩訶 中用 人尚 水 末非徒尚 故名 而 飲 水 0 四 義 |水皆 在 , 亦尚 亞洲壘邊 出 自巖隙 仁而 貴施 , 有 , 而 五大空水, , 道上皆設施 流 入清溪 在歐洲 。有名銀水者 水場 壘 ,以惠貧者 邊 , 有 , 在皇宮殿,出自山下。 蘇丹水栗水滴水 ,其敎好潔 , 故有 , 所謂 飲水之游 貴族不用酒而 蘇 丹水 者 故其 , 宮

突 厥遊 記

突摩 到者 拜 飄散 爲節 僧吹笛擊 ,閉 訶末教 , 而 , 與前 舞至一二時之久,老者倦困 繞終之。 目合掌 鼓 僧 , ,教內亦分多派 奏絃樓下 皆如 一揖 , 繞既畢 口 喃喃誦 一背 亦絕異之觀矣 , , ,則 乃翻 方壇周以木闌 ,羣僧從之,已而繞堂步行三周 只老僧· ,嘗觀其爹維士派 身舞 中立 ,餘皆同 ,壯者亦苦 意蓋主教者也 , ,一僧先向老僧揖 外以待觀者 。其舞閉目擧手 , ,所見十餘僧 大舞誦式,重木樓如明堂式,先棲多僧樓上, , 內以行禮 ,以首俛嗅老僧身,則翻 , 羣僧亦從之,立坐拜繞 , , 只一少僧 向上回旋 , 中央八十之老僧 , , 能不倦耳。 其身皆衣白 身而 ,四者相 , I長裾 或立或坐或 凡息三次 舞 ,後 , 隨 蕳 數 風 僧

時拜 又觀 神位 時 .前 別派 起 耳 0 , 時 , 就 重 木樓 神前 上先棲 , 頗有 多人 節 奏 , , 誦 亦爲方壇如前 時或 搖身無數 , 而于室奥設神位 , 則 可異 也 0 此則 而 人人可 拜誦 ,多人跪距丈餘 就席拜誦

, 但

僧能

,

拜

誦

而後

舞


, 行禮

前

,

,


謂 海 君士但丁那堡枕黑海地中海之中間 峽 憲法之成 , 而 勝妙 , 冠大地 由英都華海峽之與法地裂 0 峻長十四英里,廣二英里,最狹處僅百餘丈也。大地之裂 ,爲波土獲拉士之海峽,此地古爲大平原 , 共和之成,由甘渣甲美洲與亞洲裂也。 ,因地震而裂 , 所關最大,吾 ,遂成



客 王 維 塞




位即一第得彼王維塞




出 王 維 塞

土術宮土維塞







房 兵 維 塞




園公新維塞



完讓 新維






影拓院議京亞利加布

影拓宮君亞利加布

影拓所公亞利加布

影拓園戲京非蘇



影拓塘牛岡後京非蘇

城。布 武稜 觀也 學不傳,被教育至淺,其器物僅比爪哇墨西哥,皆類野番,其製作工藝美術殆絕,其立國閱歲數十 氓,愀愀乎隘以厲哉!若布加利亞也,據巴根岳之陰,故其人民忮懻,發强蹈厲,有吾燕趙之風 陵隰平衍,耕稼繁茂,人民百餘萬,亦曾不比吾一大府,惟舉國尚武,佩劍之夫,幾多於秉耒之 中國之內亂搶攘,紀綱掃絕,教化廉恥掃地,財政枯竭,黨爭軋鑠,今至於無政府者,則凡吾舊 於大地乎?觀夫强大之突厥,爲至小之塞耳維亞布加利亞所敗破,失地不保,國幾危亡, 維亞布 拓其南土,豈不異哉?夫國之强弱小大,至無常也。布加利亞塞耳維亞至弱小,又非有道德之可 吾遊塞耳維亞京 ,文學無可述。布加利亞政治,雖稍可觀,塞耳維亞則政不足言。塞耳維亞國土,雖沃野千里 甫脫 彼亦本突厥之一郡 0 加利亞 勝大邦而闢疆土。管子曰:國之强也 然塞耳維亞僅以尚武治兵 蠻野耳。二國皆同爲塞耳維亞種,同隸於突厥者數百年,其傳種實僻野, 加利亞京,宮室道路 ,猶能治三十餘萬兵而勝突厥,況乎百數十倍於塞耳維亞布加利亞之中國 ,人家數千,雞犬滿道, ,曾何足比數。然而今者陳師鞠旅,各治兵三十餘萬,以破强大之突厥,大 ,嶄新整齊,築築登登,晝夜率作,然京邑亦十許萬人 ,布加利亞能以奮厲飛揚,乘突厥革變之餘,內訌之極, 寥寥數萬口耳 ,鄰國有焉 。道途泥淖深沒,室屋卑汚 ,國之亡也,鄰國 一有焉 0 久滅爲人下,文 觀夫至小之塞耳 , ,若吾僻縣山 立國三十年 , **遂克振** 而 則若今 何畏

五五四

屬邦,有若塞爾維亞布加利亞之至小者,亦足破吾軍據吾土而有餘矣。嗟乎!布加利亞塞耳維亞

十年內,且亦寥寥,游縱駐時甚短,姑述所考聞,以告吾邦人焉。癸丑二月十七日南海康有爲記 雖小,亦可鑿矣!中國書傳無述塞耳維亞布加利亞者,日本亦無其書,卽歐人游記述之,亦在數

0

南

諸歐各國 不可闕如 ,轍跡累經,而希臘爲古文明之原,突厥波斯,爲亞洲强大古國,亦大地文明之所關也 ,久欲卜游 ,以游兹數國者,必須護照,故遲其行

柘林 而野中時連帳 京外二千里,皆平原,麥己登場,極目無覩,但時有疎林,如騾車載貨,羊牧鞭塵 焉。四年舊蹤,不意再到,夜尋舊百戲園,則己毁改而易新者。茶館花園,游冶不盛。曉游王宮 識也。極目綠野,凡三易車,車場汚陋,甚矣,奧之不治也!傍夕六時,至匈牙利京標德卑士宿 至般摩論州 典束裝 光緒三十四年戊申五月 而亞洲之容起矣。原中多德之滑敦壁人,昔從十字軍戰 時 再飯於瑪結烈公園,水木明瑟,但覺不比前游之勝,蓋閱歷太多,故一切無覩也。二十二日午 ,近取於標德卑士, 乘汽車入塞耳維亞國匈京環多鐃河,江山環擁。夕八時,過多鐃河,始見一岡築壘焉。自 ,往歐東各國。十九夕八時後到栢林,飲於茶園,大雨 ,都會也。人民十一萬五千人,工廠製機器者甚多,此地頻經車場賣酒爐都 幕, 蓋匈人獨存游牧餘風 ,自北冰海還,將游澳洲及歸省母,決捨宅去歐, 故標德卑士之繁華,實爲結歐西之局者也。過是則邑居道路風俗政藝 , 此則似吾蒙古部落 ,留居此者 , 蓋 ,十一時, 出匈京 0 阿連諸國 乃以六月十八日 易車入奥國 ,則歐土繁萃之俗盡去 百物皆遠資於 , 極似燕薊 ,二十五日 似曾相 自瑞

學目皆異矣 連五國富人游冶者之所聚 0 吾向不解標德卑士歌舞游冶,繁麗絕出各都邑,乃至有小巴黎之目 ,以其地近故也。蓋汽車南入塞耳維亞,只九時 , 直達布加利亞 。今乃 知爲阿 , 只

日,北入羅馬尼亞,只一日,故總握阿連諸國之樂利也

北 地之山名也。 尚 道,五百四十級,下蓄水,吾下之,陰林襲人,然羅馬人之能作大工,預防圍城,則吾中國不能及也。 鎭,頗得形勝 邊兵順流 光緒三十四年六月二十三夕十一時,到塞耳維亞京,距匈京僅汽車十時耳。京名悲羅吉辣 ,有西一千六百五十七年,奧國亦有突厥砲,憑閹俛眺,方作曉操,河山表裏,沙水蒼茫,如立 盤道入城 人犯奧匈 河 顚 曲 0 自匈西來數千里,平野無寸山 霸辣 而東 ,登顛 ,則去數千里之邊,其內地烽候無驚焉 爲匈境 ,惜乎其爲京邑也。然塞耳維亞之大觀與奇險,皆在是矣。昔屬羅馬地,猶有古隧 , 吾游地球 塞都己震 ,城道頗潔 0 西南河曲 ,殆偏各國 ,不待破之,如稍破之 ,綠柳 ,詩廉鎭爲奧城 青青,亦多花畦 惟未見如塞耳維亞之所以宅都者也。其都即建於悲羅吉辣 ,至此突起岡巒 ,塞不國矣 ,隔河尺寸 如之何其可都也 ,有武庫及將軍 , 俛臨多鐃河 。昔奧將哀堅破此 , 界絕 駐署 0 三國 ,河盤環數曲 岡 『願有城 , , 頗壯 皆屯兵焉 0 署前 如中國皆 遺跡尚 , 中有 0 然奥 陳古 存 四 ,以其 [砲頗 兵房 匈以 島 如 , 多 寒 西 極

## 遊塞耳維亞京悲羅吉辣

多鐃河曲三廻折 , 左爲匈境右奧域 。中有崇岡臨河曲 , 屹然危壘旌旗揭。塞維自立啓作都 ,千里

不治 平原 人責言豈畏强 小民 撫有廣土千里彊,民愚治下無工商 ,此屼嶫極邊保障作京室,,一有邊烽恐危隍。奧將哀堅昔破此,今幸弭兵或兒滅。道路崎嶇旣 ,室屋卑 頗復思前王。今主將軍武龍驤 污且破裂。議院陋小如茶室,有若荒村何可歇。太子徒遊招手戲 ,操莽之奸天下是非在抑揚。乃知春秋所徬徨 ,遠處瑞士謀弒將。假托民怨騰報章,還不討賊見肺 。但見沿途佩劍而戎裝,以兵爲國可黯傷。 ,顧弑王墳何蒼凉,嗟爾國 , 百萬之衆難供 有似兒嬉何以立 腸 0 英

小政亂

何

## 紀綱 1

王矣。 之,亂民一 鷹及座稍 礮, 甚粗 中國 鄫世子來朝矣 子白兵衣 武庫僅小室如房 可觀。王宮三層,黃色頗麗 則豈能頃 譯以親王,則大謬矣。 科士位在公下, ,方偕 精,只此 一佳品耳。全京人民十餘萬 ,乃嘉慶九年拒突厥者。有今王祖科士嬌必多挖像,短而黃 刻成弑乎?故以中國 擁入室 , 小國 ,然亦藏其國古物 將官步自宮出 , 情狀 即可行弑 今布 , 其始封君美咦勒 加利亞之主,亦僅科士 可笑如此!宮左爲外部署 ,然臨街僅如一富家屋耳 , 如我國 人俗推 , 覩 ,以鼓後士,亦可矜矣!塞耳維亞初自立時 吾馬車服岸異 外國 鄉曲行刼富家 ,羽冠印鑰旂多存,旂以百數 ,皆不類 ,道泥濘,室屋卑汚,亦復寥寥,惟王宮一 ,中國 , 也 以 , 0 , 甚小,藍色稍潔 往聞塞耳維亞內亂弑君后 手相招 。宮旁林木爲御園 亦何難事, 譯以君爲最宜 , 其遊 如以中國禁城之森嚴廣 戲 如此 0 ,旁爲銀行保險公司 德俾士麥保羅封科 ,亦如富家小園 , 有自立時 , 然已 僅號 , 驚其易 而 0 科 使 所自製尺許 有 俄 土 大比之 ,今觀 街 ,今爲 , 木刻 則 其 士 , 最 太 稍

康

學校士人皆讀法文也 制 或 吾問議院遊之,則指兵部署旁 只 0 **巨麗矣。銀行前** 政黨甚 擬工程千萬 大臣 有兵也。 , 無上院 故兵部 凡 |多,大者凡三,蓋新立使然 八部 然塞耳 權 , 高 , 重 ,議員 體或宏麗 方約 有 , 而 維 始封君美夷 亞民 亦壯 百有六十人 0 二丈,如陋鄉之鄉約 正中懸今王彼得像 觀也 ,未知何年能成耳 ,不過百萬 , 。劍佩兵衣者滿道相屬 如一小茶館者是矣 像,惟農部署與兵部署稍宏大,以在人居外,而 ,几桌樸陋甚 0 ,而養兵三四十萬 ,中設王座農部及大僧 ,誠萬國 。吾出入, , 地 所未見 無 0 其旗高 毡 ,不獨兵部署前 兵皆舉鎗致敬, ,蓋開院僅四年 ,以兵爲民,民勞甚矣 。有僧 颺 ,亦如茶帘也 , 議員守此 凡三座 ,蓋塞耳 蓋小國寡見遠· , 賃屋爲之 , , 左右五 出 0 維亞京 迎能法語 塞耳 !然民之苦至矣 塞耳維 維亞 , 座 今繪圖 無工 人來遊故也 , 以 亞以兵爲 , 行一院 備 蓋全 無商 營構 大臣 寒 1

變法 博物院乎 各州 ,亦賃 縣開議院 一泥築長方小室 博物院者 , 乃正 ,極 卑 可 爲法 陋者。然但求備物,足以考證,增 也 人民知識足矣 八。吾國

新

民紅 所 物也 面 磅 陳物 頸 , 腰 布 ,小兒藏藍如笠 裹首 懸 織 皆塞耳 五寸 繡金銀 許大錢 束腰 線頗 維亞 披 人種 毡 可觀 ,蘭人能以麵製諸器 ,惟足線履 , 者 如今墨西哥 , 故女衣 ,率草 ,或皮尖鞋 ( 頗麗 瓦木具 人 0 , 其門的內哥 新 , ,以貯茶酒 極 婦帚孔翠翎 , 則甚 粗 , 如野戀 粗矣 X , 又以麵作字寫醫方 , . 0 , 藍長衣 銀錢 高 製 髻 , **毡**亦粗悪 亦 纒 頸 纒線 開襟 , 以 , 蓋 , 多爲貴 , 惟金銀 如 ,此最異物矣 二百年前之俗 中 -國袍式 , 富者的 杯盤稍 或 , 或 也 重 佳 。有突厥 至五 白 0 蓋教 其 布 句

刑具 千四百 ,置首木願 零四 年遺型 , 甚慘 。是時塞耳維亞 。大概論之, 人種 與緬甸爪哇博物院相近 , 自立國而未隸於突厥 。惟一古廟式 也 , 則製作 , - 頗佳矣 日拉沙 ,甚壯 , 毁廟 麗 於突厥 , 西

塞耳維 亞出 斯拉夫種 , 而 黃黑類西人,但 1眉多連而 目 員 耳 0

科 遊其大學 , 律學 ,開四十八年矣 、哲學 、工學亦知所擇哉。塞耳維亞小國 ,當鬧市前三層 ,在塞耳 維亞爲麗壯矣。學生六百,敎習七十,凡敎三 ,百餘萬 人 ,而亦備一大學;此特如吾國

遊弑王亞力山大夫婦園寢廟 者言王甚仁惠 , 民咸戴之。今王彼得爲大將軍 , 極 小 0 右列諸神像 ,覬大位 , 蓋希臘教式也 而弑之也 0 0 葬 彼得托居瑞士 處有白石 |碑焉 , 密令其黨 有遺 像 人弑 , 導

耳

0

奈何

以吾四萬萬人之大國

,

而

亦限於一大學乎

,豈非愚甚

1

,

歸不

·討賊

足爲其証

英人知而不認之,然彼得善待官與兵

,

故位定民

無

如之何

英人久乃

不得已而認之。 塞耳維亞之立王三世矣 ,始王美勒被廢 ,次卽此弑王,蓋同 族立王, 黨親各異

勢必相爭。故羅馬尼亞布. 逋可大侯之子爲王 威迎立丹墨王孫。是其國人豈不能王 ,非徒異國 加利亞皆迎王於外。 ,且異種族焉。而希臘迎立丹墨王子爲王,亦異國 ,而必遠迎於外者,豈非以同族之相爭更劇哉?夫立君以安 羅馬尼亞迎德阿論卜公之子爲王 , 異族 布 加 利 ,至近之那 亞迎

義 民也,立君 故塞耳維亞王權 , 皆久經閱歷乃 而爭殺以亂害其民 得之, 在阿連新立諸國中爲最大,吾國人亦可鑒矣 中國 學者 , 則不如迎於外者 ,今尚未見也 0 , 塞耳 無權無黨 維亞民 , 權甚盛 僅收其靖亂之益而己足也 , 然王爲其本族人,又擁兵 此等異

塞 耳 維亞 遊記

,

勒像士的 其王廟爲希臘教式 凡像 ,殿中旁王坐金飾 ,本遠不能比羅馬教式,况又小國乎?僅如吾國鄉曲祠堂耳。 ,王與后及大僧正坐者 • 殿前黑墊 ,爲王跪處 , Œ 入門有 殿 列 屏 其先君美 神 像

甚多,雙燈下垂及地,然東教廟多類此。

公園 据岡 頗大 ,花畦林徑 ,青青噴泉 ,旁鐵床 ,遊人集焉 0 地盛暑 , 故人多遊者

道皆粗石 ,尤泥濘 ,市以 逐作廊 ,如中國 人民守故俗 0 衣尚多舊式 , 未盡行 歐 服 , 鞋 軟

!極貧者人稅四佛郎六先甜云。

其稅八千五百萬願拿

卽

佛

郎也

,

當吾國三千萬兩。

蕞爾百餘萬人之國

,

而徵稅若此

,

民甚苦矣

然此小 國 極貧 , 而 樂宮費一兆四十萬 大學費一兆九十萬 ,則吾國未之及矣。今新卜築議院 , 擬

費七兆云。

何恃 其敎兵非精鍊 分之三,然則自老弱外,壯者幾盡人皆兵矣。故帶劍塞途,而全國工廠商店無 塞耳維亞以兵立國,常兵四萬五千,戰時兵三十五萬,幾居其國民五之一。夫民以幼稚婦女占五 故近者與奧開釁,幾欲稱兵,豈有萬里之大國如中華者 , 聞多法人,軍械亦購自法 ,其兵伍欹斜倚嬉 ,不足觀也。然以蕞爾國自立 ,而畏人不敢言戰, , 豈非異事哉? 餘性 有 ,舍兵 農業

敗無常 塞耳維亞自立後 勝者少不自立,即爲人逐 逐突厥人盡矣。 道中亦未見 ,掃塵絕跡 , 紅冠 乃如此也。故孔子曰 , 布 加 利亞立國 日 大哉 淺 , 則 , 天命無常 未能 也 嗚呼 , 君子不

自塞耳

維亞京至

布加

利亞

蘇非

,

三百八十啓羅

邁當,

車行十二時

,

車費五十願

拿

可不戒懼!小人不可不勸勉

矣 耳維亞 而 於士捉反達愼 波士尼亞語 塞耳維亞語 旋滅於突厥 塞耳維亞種 布加 利亞 語與 族 布加利亞語雖不同 ,雖因 , 已全同化於斯拉夫, 故容貌習俗體格 、及古魯遜語 ,純爲斯拉夫語 時 ,初分裂爲無數之獨立小部落,其政治之結合,不知歷幾許艱難矣。十四紀中,統治 ,曾 「突厥兵力盛强,勢莫能禦,然塞人固有之性,薄弱好分離,亦有以自致之也 極隆盛 。在道遼河及西部多繞河南之地方,塞語蓋爲歐語中之一重要者矣 ,爲歐東之霸,自君士但丁那堡外,全併歐之東南部 ,亦略假用突厥語 ,然兩國 人各用其國語 ,其他國語之感化絕稀, ,與塞耳維亞人無異 , 亦能 互通其意, 塞耳維亞 而塞語包含門的內哥 ,旅行者欲區 , ,然不能持久 斯拉· 別之 夫種 頗 也 。塞 語 難

塞耳 頗 回教,故現時塞耳維亞王國之平原,及其北部民,多爲塞耳維亞民中怯懦者之子孫 塞耳維亞突厥所征服時,國中卓越勇毅之士,多退隱於波士尼亞,及門的內哥山谷之間 類蒙古種 維亞之國 , 或有相雜歟?僅觀塞耳維亞北部民風,不足以知塞人之特性也 民甚愚 ,寡經國大政治之思,而多向 地方分部之念,故民心 既難 一致 , , 且貌圓 國亦最難統 ,而 歸宗

0

似尤平等 塞耳維亞民社會甚平等 , 然僿野喬愚亦因之。故布人多文,易舉商工而興學致治 , 無高 卑等級 , 無貴族 , 以眞農民之國也。 以視 ,塞之難學工商 布 加 利亞 尚 與學 分貴 族 ,由此也 卒

蓋與

突厥

異

種

,

久僻邊方

,

無立國之觀念

,

感於其心

,

而舊本數部落

,遂爲國

性

焉

0

性愚 豪亦不奢侈 塞人既業農爲主,富頗均,人羣極平等。北部農業尤盛,無尺寸曠土,多五穀蔬菓 塞耳維亞國大原土平沃,勤農多富,郊無荒野,民性簡易而質朴 而不可實行者 民性復惰,田 塞人製梅酒佳絕 ,無遠識 ,大會乘四輪馬車者,其至盛飾也。其民惟好飲酒 ,止顧個人目前之益,遠大規模之業,皆莫能學,總之未脫舊變俗 .圃之間,常見蔓草繁茂,道路亦穢積不除。蓋塞人腦中,無清潔完好之觀念,又 ,遠過我國之青梅酒焉。吾客中飲此至樂,亦有故國之感也。惟塞人耕法 ,鄉曲寡經驗 ,不尚歐風 , ,多談空想之政 地 僻無 , 無 , 園囿 如何 聞 見 也 多植 , 故富 簡 陋

自塞京而東駈車 而 而皆大原, 不能爲貿易商賈 故爲農國也 ,沃野千里, ,皆爲匈人所握。不能開礦 。惟自農外 薺麥青青, ,一無知識 百穀麻麥,繁茂極目 ,不能精製造,即如養猪最多,而 ,民性惰逸 ,嗜欲狹小,深思遠謀 ,瓜菜極夥 , 西瓜尤美 不能製火腿以 , 故國 , 地 是無崇山 多產物

皆以屬諸婦女者。故父母亦貪女之能力,不肯出嫁,於是遲婚之俗盛焉。於是男女逃走 塞耳維亞男女結婚,少有正禮。蓋其國民舊習,男尊而女卑,故男逸而女勞, 凡艱苦困難之事 ,因以私

輸出外國,其塞民之用品,以最普通粗惡為通行

,故外國貨物,亦不甚消流

塞耳維亞西部有同居村落之制 ,男已婚者,則與一小屋 ,小屋廣聚,遂成一鄉,特不過數十人耳

婚者多焉

此與吾苗俗同

,蓋猶未免於初民之遺瞰

其鄉長,以村中耆老年至高者爲之,其權甚大,頗有專制權。其村人婚姻與遷居爲彼所掌,鄉

中,量丁口多少而均分之,有中國古井田及唐世口分世業田之意。蓋地方千里,而人民百餘萬 長死,則副鄉老代司之,然必合議於前鄕長之未亡人,乃可行事。最可異者,每鄕產業,歸於村 人少地多使然,塞人之易於家給人足,在此也。然創此法者,必爲才哲之仁人,甚傾慕之,惜未

得其名也。

跳舞,咏以通俗之史詩,和以一絃之琴聲,雖非甚悅耳,然尚近正,伶人亦多用瞽者,此吾東方 南部絕少大都會,居民交易,有定時定地,若吾國之墟市焉。交易畢,相饗宴 ,佐以 國歌 雜以

國之俗皆然矣

塞人亦如巴根各邦之俗,好作俗歌,俗歌雖簡寡而明快,意味感人甚深。近代文學,雖不甚發達

,然其文學結搆,不拘形式,而厚於感情,亦其特質也。

塞

耳維亞遊記

## 布加利亞遊記

之子爲之,德主外兄弟也。吾廿年前編突厥削弱記卽述布自立事不圖今親履其地,如讀舊戰記也 始。其君爵僅科士乃在公之下,華文可譯曰君,如吾國之中山君云爾。迎立德聯邦可逋可大之科士 與布加利亞同時許其自立,突人俯首聽命,是時光緒四年爲西一千八百七十七年也,此爲布人立國之 那部,勒俄人退師,而俄割黑海之高加索部,奥人取接境之赤次戈州,英人取毛魯塌島,而門的內哥 頓以舊德爲相,不主戰遂罷,而皮斯秘爾代相,聯法奧意之師,德人亦從衆,五國陳兵艦於君士但丁 宇矣。德相俾斯麥坐視不理,蓋本與俄外部拳爾有密盟,聽俄之强而制英也,於是英人大譁,格蘭斯 戰勝俄,旣而黑海之軍敗,俄人大兵逾巴根山而南,遂壓突京,為城下盟,廢突君主,突幾覆入於俄 教者,俄主亞力山大久抱規突之心,以助同教擧兵爲名,助布人之自立,大戰經年,突陸軍本强,初 光緒三十四年六月二十二日,自塞爾維亞京午二時乘汽車行,二十三日曉六時至布加利京,名蘇非者 易於服從,至有一村之中,人種異族,衣服異式,宮室異制,禮俗異宜 只駐大酋,而收其稅 布人與塞人同種,舊同爲塞耳維亞國 ,三十年前本爲突厥屬郡,以種人不同,敎宗殊異,布人皆希臘敎。光緒二年,突人殺布人之從希臘 ,其餘敎宗政化 ,自西十五紀始爲突厥滅,而隸爲州郡,然突人之治屬部 一聽其舊俗,頗有類吾之待西藏 。在當時政令寬大 ,而雜居焉 , 在外人視之 ,新民

繼起 及,分裂卽至。布人舊隸於突,政治甚惡,今立國僅三十年,師法歐西,百廢具擧 絆者,自必栩栩自由 同心之念, 也。吾見亦罕矣,布之必興,不能測所至矣。其君主宮前,以木塡道已成 作廣潔之式,嵌石堆沙,徧滿諸衢,屋亦無一非新式新作,頗有石築極新者。俄廟 耳維亞京之崎嶇山谷遠矣。今都僅類吾小邑,而全都無 竟無新式馬車 自停車場下新 塞耳維亞之汚舊不治,去若天壤,宜布人之自矜也。築登登,削憑憑,觸目皆是, ,工商未興,措施不易,欲速尤難,然布人勇銳之志,期許之深,大有 一之,否則未有有不待機而裂者也。昔羅馬蒙古之大,徒恃兵力以鎭廣土,及事變一起,勢力不 吾所寓客舍,乃全都至大者 送其駭異 適有强俄之助 來此新 及乘時變 , 而 關大道 國 , 只有舊式車 其民久居成俗 , 亦甚苦矣!然蘇非枕大岡 , ,故飈爾而興 ,活潑進取,故雖肢體未具,而頭角崢嶸 ,夾以林木 勃然即興, ,爲土人及載貨者,吾步行二里許,乃得馬車 ,亦甚新 ,亦各安之,如今南洋也。然敎俗既殊,民常懷其救國 , 、,然其伏機之久,則實在敎俗之殊也。故合大國者務在同化 塞耳維亞既以殊種族先自立國,羅馬尼亞繼之,布 分車行馬行人行之道 , 其無 日無 ,面廣原,極目無盡,他日生聚,可爲大都會 一事如此 字, 以所寓皆議 , 亦全歐所僅見也 一非新道路 雖沙石犖确未平妥 ,大有一日千里之勢矣 員 , **,**無 六月酷暑 一往無前之概 一巳成之路 , , 而開議院 , 而整潔如巴 夕不寐 而 氣象甚大 眞不愧 ,而 尤巨麗 雖地 ,而 人遂因教爭 ,又復步行 0 ,亦大奇。 蓋 黎 無 無歸化 小民貧 ,比之 新脫羈 矣 爲新邑 一不修 是曉 與

店司理人既爲司理,亦捧茶水及陪遊

,

,

都中惟 古石甚多,樓上皆突厥畫也。突畫傳於印度,方板無足觀,然此院規模之壯,古物之多,過于塞 有西二紀之五尺大缶五,古澤盎然,有三紀之羅馬車,四紀之摩色畫,皆珍品。其門內 一教式也。一二新廟,皆希臘式,無足觀。 一古破廟,乃千六百年者,僅餘左磚牆,今闢小室供神,小樓上堆積古像古物無數 博物院亦就古廟爲之,其體式方,羅 馬物甚 外堆羅 ,此破 馬

公園在都中,花木秀蔚 ,鑿池射噴管,陳石像,中設酒館樂亭,都人士坐遊滿焉 , 雖不大 ,

耳維亞之野蠻遠矣,足見希人之能自致文明之治也

謂具體

而微也

民爭而 民罹其禍 議院者, 君主亦然。天下之事理甚奇,頗有難以淺人解者,自非如美以清敎徒開國,則法之革命立民主,亂 於議院,以其自突之州郡新立國,故並無世爵貴族,然歲費俸百萬,而供此木偶之君主者, 君官頗壯 亦迄不能廢,英人深於閱歷 八十三年,墨立民主,亂彌百年,然則畫諾之木偶君主可廢,而今有必不能廢者。人道於鬼神 法美之舊事 :靖亂源也。故歐東之君主有同於神,但領香火以坐鎭,其義甚奇,然鑒於中南美頻歲兵爭 全國政權所出也 ,則阿連國之君主,以無用爲有用,亦不虛費此香火也耶!鬼神至無用 前有園林,衞兵持槍守門,君主絕無權,但畫諾而已。亦並無命相之權, , 而不知今歐人已鑒其大害而棄之也,吾乃甫拾得而大喜以師之 , 亦如英之國會萬能矣。前對大山,門外廠場 ,創此奇局亦不可不深思之也。吾國甫交通,人寡閱 , 立俄主亞力山大第二像 ,而 歷 如英焉 , 徒聞民主之 抑 不可少,惟 可 盖以止 愚耶 皆歸

也 甚喜 臣設紅帷桌 下爲君座 持棍 聞記者 蓋全國農爲盛也。阿連諸國皆行 長像。今總理大臣馬連那父年僅四 未有不爲亂者也。是日以 院老成練達者之討論彈壓 抱之,加税者急走出,因而全院譁潰 而被加稅之議員怒恨已極,起而用拳 其 院雕 議院之爭亂 權勢大殊 0 、大者三,鳩合八黨而得權,而 布加利亞之囘教突人 初見 ,或彈瑟琶以亂人聲,奧人二院猶不能冤,況於一院乎?議員者 小 , 因 , 淡黄絢 亦 問吾所見 延吾與新聞記者幷坐 , ,亦人事之常耶!議員必三十歲乃許充之,大抵萬餘人選一員 坐議長座下,左方總理大臣,几式特殊焉。餘爲議 可 譁潰 觀 金 0 , 議場居院中,半壁式 ,吾稱 無禮無法至此 , 中座懸俄主亞力山大像,中右懸皇族不吾壁像 議某農事加稅 ,聚諸少年英銳好事之人,起自田間 , 尚有廿萬 一院之制未善 , 十五 院制,是日開 其商務大臣延見握手 以農黨爲主。全國議員二百三十人。農黨議員 ,此吾所目擊 ,則已黨人少,爲所壓,乃拔刀而斫同黨 然爲議員者寥寥數人,並不免冠 , 吾亦避出 ,貌秀而頴白 ,其地之議員以爲獨偏苛己,力駁不允,於是同黨詬詈 ,正中懸今君主非特難像,得之可逋可大侯之公子 ,彼不甚以爲然 議院 者。 0 嗟乎!是日苟非此大臣 ,皮冠有羽 , 吾遊奧維 吾特觀焉。 , 稱未有中國客至此 ,以爲速而便民 也 ,粗豪無禮 ,自律師爲議員 員坐,後爲書藏 納 司院者待外客甚優 , 0 觀其 ,國民之望 議長中坐 , 坐在 也 議院 抱此 也。然行 ,而 0 0 中國 是日大臣四 法官不能約束之 議 , 遷此 食室 隅 一百 大臣 , 在 ,而 亦大 員 爲古文 , , 院制 七十八 君 一恐甚 盖國 譁 則 ,吾自 0 , 無禮若此 政黨 徧 座 争 殺 源縣各議 ,急起 事 人 明國 禍 凡八 也 無上 在 既變 稱 人 大 握 起 坐 新 矣

徒為人輕笑而已!設官凡八部,財部 外部 • 內部、兵部、學部 、法部 . 農工商部、 鐵道電線郵

政部

書記異 母三十,道中所見文字之異,莫若此 若行憲政而不立二院,卽失憲政之本義也,夫非知道之人,安足以知此也 焉,惟聖者知之,故建中和以爲道,而不便毗偏以生害。今夫憲政之爲美,卽擇二者以爲美也 之,故能收陰治之美, 及在野新進少年之過慓悍也,是仍偏於一而過於陽躁也。故立上院以制之,以上院之老成鎭 治者,務在歸於一統,定於一尊,苟二三其權,卽生亂源矣。以陰數爲治者,務在對立互制,苟 布加利亞制文字者二人,曰欹鴉衣密拖地,曰疎匿渠,垂今千一百年矣。塞耳維亞與 夫立人之道,曰陰與陽。君主以一人主治,陽之奇也。兩院以兩黨互糾,陰之偶也。故以陽數爲 知速便之善,而不知速變又有不美者存焉。凡物必有偶 而制下院之浮躁 其權 故能別以種族自立其國土也 亦即 |致亂,二者至相反而相成者也。故議院以兩黨互攻,而折衷於衆,尙慮|黨之過大 ,陰陽乃劑於平。有貴族平民者 而得其和 也。 阿連諸國新立而淺躁,不信此義,政必不 0 。其母音甚類印度,今塞布所以能再立國 區區一二兆人之族,獨以文字種族自立 ,固互相劑 ,陰陽互根 , 即美法國皆平民 ,長短相生,有善卽有不 者, 和, ,亦立 ,況於中國之大乎 亦以文字異而 有斷然者 行同 兩院. 以 , · 其字 ·善存 調 , 彼 和

布加利亞人知富國富民不能以空言也 ,先在理財, 而興工業,故自辦銀行 ,大獎工場 ,今製作之

布加

?

康

大廠已有十四 ,小者頗多,斤斤自喜,則人民所嚮往可知矣。若其農業,則已大盛,以巴根岳北

,原田膴膴,撫二千里之沃腴,故布人今仍在農國之時。

布加利亞人四百五十萬,三十年前隸突厥時,人民僅二百八十萬,今自立後,掃突苛政,人民樂之

人口 . 驟增。當西一千八百九十三年,增至三兆十三萬,今增至四兆半也。

常備兵六萬,後備兵三十五萬,兵制德師,亦請德之客將以司訓 練焉

年 阿連五國之民 ,其農工商業教育文學軍事 ,黽勉勤業,堅毅忮懻,莫如布人,有不撓不屈之精神。故布加利亞自立以來,僅二十 ,比前已大發達,若欲深知之,試由突厥西行 , 越其境而至布 國

亞,而大相類,字母亦同,而文學語則類俄羅斯,若人能俄語,則布加利亞新聞紙之普通 斜細,髮黑而粗硬,頗與蒙古人種相類,觀其好衣裘,想必匈奴遺族也。布加利亞常語,近塞 兩兩比較 ,乃知其二十年間之進步,可比二百年,其速率蓋不可思議也。布人體格 ,面扁平 論說 眼 耳 維

法則少異 殆能通讀 ,以非同出一源故也。然布人之文學政治,能速成者,卽假道于俄文爲之也,所關非細 ,蓋其政治學及抽象科學之術語,殆全假自俄羅斯,卽尋常日用單語,亦多相類 ,惟文

布俗女服勞作 而男多坐享,故農家皆不欲女子早嫁 , 以助農耕,于是男女多有不及時之怨 ,于

是私奔成俗,少正式之婚禮者,此與塞耳維亞同風焉。

布人之娛樂 好歌謠,其精妙雖不及塞耳維亞人之史詩,然多長篇,曾聽一人士歌一詩而費一小

時半者。詩歌多六句或八句爲一節,而多生硬失韻 ,歌詩意多咏國中盜賊强悍之風,及男女戀愛

纏綿之事,如吾國之水滸西廂矣。

袖 布俗好服厚衣,男女皆御重綿羊皮及諸裘。吉日良辰 ,裼以羊毛 , 加半臂其上,復加厚棉之短衣焉。帶博數寸,而戴冠,背垂織金長紐 ,婦女皆御慶祭之盛服。衣用白麻 , 飄飄 ,繡其裙

**麥也,其文過塞耳維亞矣。見圖。** 

布人有風笛之樂 ,婦女於舞會時 , 手足帶多環而舞 , 雜以 風笛 , 輕 重疾徐 , 以 風笛 I為節 0 風笛

蓋爲布加利亞特有之樂器,突厥 人直稱風笛爲布 加利亞人特重者

斥布人教會曰,布加利亞教會者 亞教會長徵收信徒課金,以供教中用,與希臘教會同 自一千八百七十年,突主許布加利亞自創一教會後 人必爲吸血之厲鬼也。布之女子,皆極信之。布之男子,則多不慊其國教也,多復歸宗爲希臘 ,如囘敎之强迫也,其洗禮及婚禮 , 布國教會遂脫離希臘教長而獨立 。且强徵巨額 ,皆非有效也。 ,比希臘爲甚 , 以其禮 故希臘 0 惟布 葬 教僧常 加利 , 死

**島斯山** 讀俄突戰記 布國于巴根 是 Щ , 以爲此 自布京 及歐中之阿爾頻岳 以東 山横千里甚大,今穿過之, ,道中穿巴根大山 , 然在歐土仍足爲歐東之一岳 , 嚴峯 則峯非甚高 中峻深 澗 泉曲折 , Щ 也 非 0 汽車六時卽已穿盡 甚 , 大, 萬壑秀綠 不獨 不 , 能及歐 千嶺盤廻 ,漸北入羅 南之比爾 , 吾初

布加利亞遊記

境

,地皆大原

,道中百穀繁茂,菩提西瓜尤多,菜果頗似中國也

五七一

晨自布加利亞京蘇非東行,穿巴根山,半日凡二千里 ,岩巒叠秀,重複濃深 ,然僅比吾國匡

廬,山勢低橫,未爲雄拔,口占二絕:

半日行穿巴根山,千里岩壑道迥環;雲岫排青看聳秃 ,澗流深碧聽淙潺

自塞耳維亞東來,曠野平壤二千里,麻麥鋪棻,只有岡阜,至布 歐洲東岳亦尊之,山勢低橫雄不奇;五十年來俄突戰,天分南北隔 實爲巴根大山之西枝盡處。此都既在山之極西 , 亦偏在國之極西 加 利亞 旌旂 , 仍是 , 0 平原 則背枕崇岡 , 山蒼 而 遠接群 不線 , 遠 Ш

部, 不能比歐西矣。 太王邑于岐山之下,必在陟巘降原,相陰陽而觀流泉,巴根岳自東北而 其西盡之陽 蓋自都以東 ,則爲布加利亞也。自西至塞耳維亞,則二千里岡阜,又西至匈牙利 ,爲巴根岳,群峯盤屈處 ,雖復風景佳絕 , 而山 西南 一谷崎嶇 , 其陽 開君士但丁那 , 不 ,則千餘 便于啓都 甲

平漠大原,並岡阜亦絕無,及西入奧境,石山崱岩,漸如崩雲走龍 其正幹盤鬱,止於瑞士之莾不離峯,高極雲表,周年皆雪 ,維也納都其 ,復起阿爾頻山 仙北 ,山泉下流 ,爲歐洲 , 滙 中岳

大山 群山 波顛湖,流爲來因河,北幹環三面,盤波問 盡處,自瑞士南 皆止 , 其陽開 ,曠野二千里 西班牙之霸盡矣 ,正幹入羅馬 ,垂于大西洋,故最肥沃,而法藉以富强也。山脈伏至法南 。凡巴根山 , 山勢雄厚而濃麗 • 阿爾頻山 而出薩遜,遂開波問薩遜二國,而北走栢林, 冠大地 比爾島士山 ,羅馬所以 霸也。 , 爲歐土三大岳 西支盡處 , 又起比 , , 盤旦 巴黎都 數千里 爲北· 爾島 焉 支

其山皆穿歐土之中,而不環歐土之邊,而北有斯干達半島

,

南有非洲北壤環之,遂南滙

成地

中

行, 遍証大地皆然 爲百數,莫能統 海 人力也與 北北 中無大山 成波羅的海及北海,港灣島嶼,权枒相接,故歐土亘古以來,列國皆僕緣于三岳之下,分 ! 吾國自崑崙天山 , 一,其擁有山盡之大原臨海者,則爲大國,若德奧法意是也。盖皆由地形爲之,非 故吾國一統。惟江河二流,故間分南北,然不久卽合,亦地形爲之, 南走祈連,賀蘭太行西山而出遼東高麗,自隴邊南出五嶺, 非人力 Ш 皆環 也 三邊

自布 加 利亞穿巴根 Ш , 半日北 出羅馬尼亞境 ,乃知歐土諸岳 ,皆穿土中 , 與我國相反 , 故諸

國競立也

反各有 坤乾 土無 土中 自布京南行 中 甄 市府,角立斷斷。 歐土三岳吾皆巡 開 0 南 吾華三邊環崇山 天府 數相僕緣 0 因 憲法庚庚 北分。 萬里原 我得治安數千年 , 汽車 滂沱四潰至海唇 ,崎嶇各據山海濱。彈丸棋布二千春 人起民權 ,比爾島士大莫倫。阿爾頻山居中尊,雙矗雄秀摩天根。巴根卑 0 憑東 政 十七小 體詭奇 , 西起隴蜀出崑崙。北自天山走賀蘭, , 假 面 時 [ 溟海瀾 ,乃地萌文。國 ,可抵君士但丁那部。自北路汽車曉七時行, 不菲薄互資焉 0 彼久爭亂鐵 ,海角权枒遂紛紛。 , 只有江河塹中間 0 血 纒 水流沙轉是天然 會斯產 , 互較得失我尤賢 地中黑海多島雲,波羅 ,民權用伸。皆由地形所孕育 ,莫能一統兼幷吞。小國寡民,君主不尊 。是以亘古一統全,帝者出 祁連太行長城垠 ,我言地 。彼今物質日新研 形爲政魂 的北海 夕十時至羅馬尼亞京布 0 南連五嶺 震 ,非關 自 小難並論 洲嶼尤續 乘乾 , **遂闢海力啓** 隔 人 0 力能 る或 東 紜 百 , 皆穿 蠻 西 0 相 國 陶 建 ,

布

康

羅馬尼亞京,亦不過二十時許,卽在匈京直東往羅馬尼亞京 加利士,約十四 小時許也。 吾因欲遊羅馬尼亞,兼一覽黑海 ,亦僅 ,故繞道北行。 一日耳 若在 塞耳維亞京直往

0

自布 加利亞入羅馬尼亞境渡多鏡河感俄突舊戰 0

年 躍 敵 國事。至千七百六十二年前,亞梳士山之遁僧名啤治者 布加利亞未立國前,外人不甚知其名。 涼作。憶昔布人立,俄實闢其鑰。 綠林點白閣 汪汪多鐃河 0 , 自壁路古歷至君士丹丁那部,路經布加利亞 十年久逋亡,不意踐略彴。 五國乃扶弱 水深瀾不紫 南北界兩國 0 紛紛割地去, 。我昔經奧匈 , 沙鷗時狎獲 横塑且賦詩 巴根北遂削 欲出黑海峽 有乾歷者, 0 , 江浪頻漠漠 風翻三色旂 0 , , 英雄跡 我昔編其書 假義行 , 然其 偏行歐東 如昨 霸略 。其長彌 , 黃羅 藍紅 日記中,尚不見布加利亞名字,並不及其 ,曾著布 0 , 0 記 輕 ,其游日記甚有名,西千八百三十四 兵出 萬里 嗚嗚舟 突之削弱 加 多鐃 利亞國史,後俄人名滑 , 鳴角 到此烟波濶 0 , 旌旗照 寫黃晉丹陛 0 汽車 依約 ·積煩 0 平沙 熱 , 0 鑒戒奮發 突 日 , 人既不 匿 兩 清波自 一連者 岸

教授布人于牙布羅之地 考布之自立,及今能興盛之由 ,專以發揮國民精*神*爲義 ,盖始于教, 西千八百三十五 ,令布人講自由開放之權 年 0 有益里羅 霸者 , 於是布人政治之結合 , 用 布 加 利

宗焉

旅行巴根半島,著新舊布加利亞一書。布加利亞國史,

自此二本之外無之,故言布事者

乃盛興云

布加利亞之獨立,起于教爭,其志欲立布之教會,故先力攻化拿里惡之囘僧,卽攻突厥之預備也 若日本助高 岳 虐 立,西千八百七十五年,布加利亞以累受突厥之虐殺 不過欲令突厥使化拿里悪僧承認布國立教會而已。布加利亞專用興希臘教之名,欲統 而 舉國有復仇雪恥之心,俄人欲藉助布立義,實以破突,故助布兵 南下君士但 麗而巳。 丁那部 幸俄不能滅突,布遂立國 ,若非英人率德奧意法脅俄退兵 , 而議院內外供悉俄皇之象, ,遂爲教爭而 ,則突幾不國 起兵 而立國 , 而 ,盖布人累世深 布之附庸自立 布人戴俄德如天,亦 , 俄 兵大勝 恨突 , , 逾巴 亦不 國 人之 而 過 根

幸乘機會哉

以山居 亞同 門的內哥國于巴根西南山中,在布加利亞西南。以其國小而險遠,故獨未至,然其國俗,巳見其 興學校 多力,能學臼 德人,而尚過之,猶吾國之有山東大漢,印度之有賓雜人 大概矣。其文字言語衣服人種教宗,皆與塞維布加利亞同 未及大開 時自立 **人而高大肥白** 聞其 耳 , 蓋 山水幽勝 , 0 有所自 且能任戰, 見其婦女亦多秀白 ,亦可異也。其人性多忠義,尙勇敢 ,岩瀑奇妙, , 非 上下山石如飛,故能以三十萬人蕞爾之國 徒恃山險也 , 逈非歐東五國之黃黑,蓋地勢高寒故也。百年後交通既便,或 冬夏皆雪,避暑甚佳, , 此亦歐東之瑞士矣。今自立後 ,故各國甚倚重之,多延爲兵 ,皆特頎偉强膂力,突京多延以 ,惟所見其人,獨較高大肥白 亦不亞瑞士,但地僻歐東 , 而能與 , 學國 爲兵 突久戰 , 漸 , 鐵道 與 教 , 0 似瑞典 守門 其 布 I 商 婦女 加利

新土矣,


何所

無桃源乎?


雅




處死囚底格索典雅



岡利岌坡厄



廟嫩地扒物年千三臘希



廟地叨噫

岡利坡岌厄


五八一



服 女 臘 希

五八二

五八三



園戲馬羅古士个的厄

## 希臘遊記

乘汽船往雅典 希臘爲歐洲文明之祖 ,船甚 小,凡船行三十六時,八日泊士冕拿島,仍突域也。小泊兩時,至九日十時 ,嚮慕之久,欲遊數矣。光緒三十四年七月七日二時,自突厥君士但丁那部

半,

至希臘

,泊丕家布海灣

0

嶼 昔者希臘及東羅馬盛時,山必秀綠,異于今日,乃知氣運爲之,非人力所能爲也!以突厥水島園 甚發明,又向慕希臘自古之文明,皆由海島所發,心嚮往之。及此乘舟,終日看山 雅典而已索然矣 囿觀之,不得謂林政之不修致此矣。人天有刼,是時爲帝,乃歎歐士之盛,惟氣運所致,吾未入 土乞丐之視紫霞天人,何其反也。且地近熱帶,草木易生,應更綠縟,翩其反而,豈不異哉?吾思 起伏,有若希臘內地,尤爲秀特,然自黑海來此萬里,島陸皆枯,以視歐北之濃秀綠縟,有如 始吾覽地 , 應接不暇 圖 , **覩馬摩拿海與地中海間島嶼萬億** ,惟山皆枯槁,絕少林木,色皆灰淡,或若剝皮,覩之索然,絕無滋味 ,所謂多島海者,以爲秀靈勝妙 ,不可思議 , 望此 。雖復峯巒 十洲島 恨不

以南,鸞式之宮室道路,蓋遠自羅馬至今,已多如此,不獨初開化之希臘也。自此汽車行五刻至 丕寥人家數千,白紛牆多平頂 道未潔整,蓋希臘久隸突厥,故宮室亦多與突人同。然自南意大利

雅典矣

極力灌 倫特出 憲民權 何可 江河 盛 塵盤 大地文明,大國 寂 寸草尺木 0 遊兩小時 各强國之力以行之,而其良法美意 則印 誠可珍異矣 ,國會議院立憲民權之制 ,日惟 得 捲 , 瓶 度雖有絕大文明,然其波蕩乎大地之力,故當遜之,故雅典區區片土 ,爲歐人先師。吾遊歐士各國博物院 莫之能禦 凡今歐洲號稱文明之事 0 或 |曉起至九時,夕四時後乃開市作工,從事往來,吾初來不知此 撲面 **偏全希臘** ,吞雅典者八九 枝葉扶疏 且無苔蘚藤蘿 會議院之制 山 而飛 。惟吾嚮往久之,故裹十日糧而來,以訪古探勝,窮極其蹟, 陵 , 惟 枯索,岩石 而雅典遂當大地交通之會 , 吾 惟北 時已七月 , 中 飛塵濫天 ,石室公園浴場戲館刻像音樂之事 華 極可孚島稍有綠意 ,則意興與遊觀 , 即之索索 , 印度、巴比倫 整整 雅典實爲大地之先河。圖繪音樂詩歌之美,哲學之盛,公園浴 ,而日 , , 施及萬國者, 灰沙蔽之, , , 精工紹 雖地近熱帶,而臨半島 , 午自十時至三時 如剝皮然 ,蕭然而 摩挲俛仰其遺物久矣 藝,實有造微詣 、亞述 ,爲萬國師 , 亦復無 無 其餘枯土 , 一不導源于雅典 絕無寸綠 盡,即决歸矣。天下凡有盛名之事, 、波斯 色。 0 人皆閉戶 , 則 若夫姹紫嫣 即吾中國最爲數千年獨立文明國 ,不能不用歐制 、埃及與希臘矣。夫希臘之文明 全國 極,當乎公理 , ,海波浩杳 即人家園林, 晝寢 從同 ,今其餘波 。而石室之壯麗,刻像之精能 紅之美觀 0 , 道斷 若其烈 , ,而原澤陵陸山 呼車出遊 , , 如王宮前 而自下汽車至登馬 而深協乎人心者, 行 即亦不能不溯 , , 實爲大地文明誕育之場 風靡大地 X , 日炎熇 碧黛嵐翠之鮮 , 商 ,久待乃至 旅 蒸 及宮前 蓋莫不 麓 不 , 難謂 遠祖 城 以以 行 X , 如甑 野 而 場 麗 于雅典 挾歐土 雅典 第宅 故若 京 類 車 戲 , 今者立 ,尤絕 既遊 皆 館之 此 城翼 , , 沙 更 徧 無 也 决

則 全 雅典京幾如 無人 , 但觀其屋皆平頂 ,則其終歲無雨 澤可 推 矣 0 計 雅典盛時 , 必不 - 若此 ,

氣運久矣。登厄岌坡利士岡,俛瞰雅典,感喟累欷!

爲救苦· 絕行· 我慙 議院 峨 Ш 囚 典攬目 萬國被大業 歐士侈文明 首方丈揭 懋 編二千里 一千餘年 尼天拿 索格底 垂式廓 岳 哽咽 倚岡 入跡 雖秀 睫 挺 0 0 , 0 0 , , 文字 階陛 堂皇 海 Ш 吾 周 榺 其 于 三功表觀 0 ,胎孕自希 ,秃赭殊可惜 此 水 驅 他 野枯不 大地誰大力 物 峨 未毁絕 扒 蕩 車 石鼓 門 斷賢骨 皆完好 尚 過之 地 西 表 可 澤 外 觀 攝 嫩 關 南 臘 0 , 0 0 , 0 , 0 , , , 波斯順 傑構遺 + 吾 尙 俛 摩娑嘆此 厄岌坡利岡 蕭然驚適 何 兵 , 0 絕無寸草 想梭倫 詩 一一一一一 來窺 視城 雅典實爲極 者可指說 餘 樂與 尚 獄 不 星 **山**孽 闉 所 刻像 截 多 門 嵑 適 列 碣 輩 雄 木, 0 0 0 , 0 , 0 0 , , , 雄論 縦覽 百萬師 城中 宮旁 但 戲 前 森聳 文石百餘柱 尚美乃公理 風 0 , 平生 場 岡 精妙 見飛沙磧 霜 列 尚 何 發咄 Ш 聳 久 百 起像之 大第 氣索 平 111 何雄 兀嵲 開今葉。 戰 餘 咄 裂 卒 烈 層 0 0 0 , 0 0 , , , , , , 大地此: 竟爲 園林 從來 石 壯 觀 大風 民情之所悅 初 潠 兀 , 神往 宮室及道路 萬 壁峭 廟 材 麗摩天切 祖 大聖哲 存 小 無 時 既精 人可 抗 先河 邦折 撫圖 佳 綠 捲 如 Ш 椒 來 削 廟 歇 色 石 籍 0 0 , 0 0 0 , , 0 , , , 拓中作 吾欲 噫叻 自爲 至今法 徒觀 對 保 多蒙 高高當烈風 乃 場 , , 瓌壯經歷刧 知憲政 冒暑 館 全仗 面 眯 誅 瓣 地 環 屋 萬國法 是作 跨海 香謁 平 塵 大獄 盤 縲 後 與 國 揭 頂 壁 哲 美 絏 來 0 0 , 0 , 0 , 0 0 , 足覘 日 刻像 陟 0 範 濁 三門紅 二千年不滅 民 偉大 衆拉覓遺碑 洵 , 民權 午 美 # 氣 出 故京今逐 圍 員作 無 歎文 難 最 肆 關 類 不 尤先導 騰達 以 市 追 地 雨 可 眺 越 轍 獄 鐵 柱 閉 液 物 卽 0 , 0 , 0 , 0 0 , , 巍 走 道 雅 昔 熊 其 鬱 思 顧 皆 車 0

儉人不堪 一愧朴略 0 今幾降歐文 ,良自雅典卓 0 氣運有遷變, 山川 今 枯竭 0 安知此 沙漠 ,

非華膴結 。盛衰 有消息 ,賢嚴轉灰刼 。蒼茫國土變 ,望古感遙集

孟德斯 間 今日之文明矣 尼士亦然,皆以海 通止于全希及黑海 所謂臭腐化 人而不制于人 以其起自海寇 鳩 稱 神奇 希臘先創于海寇,有宓那思者,號海王,然特據一小島耳。及雅典日張 0 英之所以坐大 惟亞洲大陸國 。今以爲普天之洪範 商而啓文明 ,然其礦產甚豐,虜奴甚衆,海旅如林,故勢力行于海日大,吾考腓 , 故分贓必均。 且然。若夫諾曼亦起自海寇, , ,蓋翕合埃及巴比侖諸文物而 海寇無所容 故雅典公民分公帑,而公議事 ,而其初至不足道也。凡一切政化 , 而地中海萬島权枒 而漸据法地 成之也 ,民權憲法之興 , 又無大國 0 惟海便交通,易爲增 ,至威廉第 , 皆地勢使然, , 故能 (,亦即 以海 ,其海權雖交 入主英而 战根於是 尼基亞 寇崛 故余常 長 起 , 制 其 有 匪

化波 者稍 詩所謂端莊雜流麗 吾自雅 希臘島地域甚 杈枒,又有無數島嶼輔之,其中剖地爲二,有內海以交通,故吞吐 粗 峭 典乘汽 豪 摊 , 群 秀奇妙 車至可 Ш 奇,大半幾周 奔 走 , , 連士 剛健含婀娜矣。况又與海波相印帶,遙遙二千里,如美人照鏡,羅襛凌波 亭亭媚 , 龍 飛鳳 以海 嫵 易汽船, 舞 , 宇內少有其比 • ,號稱半島 至極南之端 穿內海二千里,至北極之可孚島 ,而突出二千里,廣數百里, ,惟意大利那威及吾江浙與 , 以漸淘汰其粗 則秀美而 山海 群 , 牙角 峭特 故幾同海國矣。 Ш 日本間 連旦 崎嶔 , 獨 ,突兀 稍 近之。 臻 , 不可 其 起 勝 旦巴凸 忠議 其 伏 0 東 ,而 在 , 坡 0

水流沙轉

非

人爲也

之靈 海波 子以人爲道,故以文爲尚,是以其道能行。蓋文者,美也,美之爲義,于文之中,又充實華妙中 師 底之獄 波潘淼之島國 于人心焉 愶美者。墨子至仁矣,然尚儉太過,莊子以爲其道太觳,失天下之心,天下不堪,故去王遠。 摩娑感慨于不盡 世多禩,垂二千餘年,金石不刋,巍峨猶昔,尚想其制作之偉盛,政俗之風流。 雅人雖文乎, **岌坡利士岡,爲京城之鎭** 岡阜聳起 之文物義理 岡顛而望全城 雅典都邑,三面半環山,惟西南一角臨海 船 ,有以致之耶?迄今登岡顧盼,古堂遺廟,敗堵危牆,壯麗遺模,林立可指 ,豈能爲文美之制作乎?中華印度皆大陸 臨蕞 ,岡外海角名沙林士 0 皆 蓋文之至矣,安得不爲天下後世師乎?蓋雅典之山川至美,又有海波浩蕩之故 ,以美爲尙 爾小國之京邑, 其武功之盛 山 ,爲尤華妙矣 ,側睨海波 石嵯峨 。蓋雅典人以美爲大義。夫美者情所愛樂,號稱圓首方足含識之倫 。夫人類之生 ,絕無平迤冗暑者,北有崇山,中穿至城中,突起石岡,高十餘丈 ,惟項羽以三萬人破章邯百萬之師可比之。嗟乎!豈非 , , 而雅典能以數萬之衆破之,用以保其文明 俛瞰邑野 。况希臘後起,兼有埃及、巴比侖、亞述、匪 , 氣象跛騀 卽昔戰拒波斯,大壞波人軍艦數百艘,大流士王遂遁。夫以百萬之 。古寺廟議院勝迹,多在其顛麓 ,多本于山川之觀感 ,群山嵯 ,尚有小岡障焉。以山爲郭 峨而合抱 ,巴比侖埃及皆江流 ,海水噴激而飛揚 ,如生于沙漠及衞藏地 , 其人文美之好尚 ,王宮在其前 ,中開數十里平原,而郭中 ,導揚光大,而 尼士之文明 , 西 南 令人慕仰徘 Ш 一岡 , , 雖有 鬱鬱多在 ,孰 Ш , 吾乘 奇秀 傳于歐 , 爲囚 聰明 易于踵事 必不 有 , 好 馬 , 其人 如海 悪而 吞吐 索格 車登 日厄 睿 徊 土 **,**歷 孔

嫩廟 之觀也。 極精 作,在西 日氣運轉旋 增華乎?故雅典之文明 見梭 議 岡麓,今全壞矣 好 如京師之煤山 刻人像爲之甚精 入正門之左爲噫叻地 詰伋比亞,車至山 厄岌坡利士岡,全石,頂平麓峭,古蹟大者,萃聚于是,四千年前,巴拉士覲始 民為農工者,未必通政治,若平等行之,恐成暴民之政。今南美共和國多大亂 屋 , 其稍壞者則近數百年,郅那華人來攻礮彈所敗者也。吾徘 倫諸賢抵掌高 皆取材于編梯利覲大山 堂皇宏壯 此院雖壞 歷前四百四十年 勝波斯 ,必有復榮之候 ,錢塘之吳山,吾粤之粤秀山 ,今歐洲宮室偉麗者,刻柱 0 , 議之丰 上稍平,卽爲廟門,歷崇階七百級,乃至顚,左右廊門如二柱 方廣十餘丈,每行十八柱 而 以岡爲基,僅存石址十數級 , 廟 基址完好,蓋大地民權國 勝瑪拉章, ,皆雅典之地爲之,非人力所能强致也。今雖枯山瘠陸, , 古紀雅典之首王者 焉 ,當吾春秋末也。左爲厄天拿觀 雅典重生,未必無日,但必非今日,而在千數百年 0 ,蓋冕呢華第八所作也。此爲雅典最高處, 希臘以富級爲議員之例 勝斯巴達 為像 0 ,桂林之獨秀山,福建之烏石山矣。 ,柱皆偉大瑩滑,蓋雅典之最瓌構矣。 左有五柱 會之先師 , ,于此俛望 甚峻 , 即仿此也。 , , 上平臺 雖似不平, , , 最爲 横楣尚完 ,石壁頗完好 , 何覽眺 比行數十步 可珍 ,正面 密 然亦權 , , 前 亦以此爲基者也 左五級 , ,感不能言矣!議院亦在此 Ш ,前 後 周望都 海 利義 半 , 至高平頂 廊四柱 垣 雄 , , 右三級 頹 奇 務之至論 此廟 邑, 作廟 後耳 廣地不毛 惟智利以富級爲 , , , 惟 迫住迦拉 各廟皆用文石 最 , 山海尤 處 勝 蓋 岡 前 數千年猶完 0 , 紀三 又左五 , 為 亭 矣 顛 登此 也 四 ,古名 0 而它 扒地 釐所 勝 戰 乎如 柱 且 爲 貧

民主國 集,富民秀民多,則其勢平等,而難以一人行專制。卽如今者,瑞士以二十二鄕合國 爾 徒以近事責古人,則未知事勢也。然民權國會公理也,義之至也,勢所必行也,但待其時耳。今 臘之能創民權政治者,實只希臘能之。若吾中國之大,雖有聖者善政,必不能創此義。蓋希臘蕞 政獨能治 日之宜行國會 久矣。數百里小島, 不設民主,而能治安也。又如意之匪尼士佛羅鍊士郅那華,德之漢堡伯雷問呂壁,皆自然創 假令立民主乎,則道路不通 ,己分十二國 ,蓋師希臘也。然共和民權,只易行于小國 亦以地小民寡故耳。 ,實因物質發明,鐵路電線之縮地爲之,此又與舊地相反,而政治亦宜反矣 ,國小而民寡,又多富民秀民,地僻于海島易守,國小則易于交通,民寡則易聚 與數萬里大陸,形勢至反,故政法亦至反,惟其相反,是以各得其宜 若吾中國 ,紀綱不立,中國反不能强,不能安 ,自黃帝時卽已征服萬國而統 ,故盧梭謂共和政宜行于二萬人之國 ,而爲 一之,泱泱大陸 人所弱 ,或分亂成多國 ,只立議長 , 比于全歐 ,故希 或者 若今

環厄岌利士岡之上,分爲羅馬戲場,在西歷前四百五十年, 其規模之大,令人驚嘆 足至顚,今其下三四層 而精美者。其巴孤士酒神石十二像,坐立跪各精妙,摩娑不盡 乃西歷前 五百三十年 , ,多有存者,例如城門, !其旁爲綏士廟 亦依 山爲之。其零石斷碣 , 十二柱甚完而壯 尚百數十戶 敗柱 無數 ,柱上横楣亦完好 日噫羅爹士厄的哥士。高 ,皆圓拱式,石壁巍 , 有石几甚完好 。石多刻像 0 廟 峨 旁爲希 , 五層 刻 書 ,多完好 臘 精 大戲 , 白岡 I

乃其時,于是希臘之政法,遂爲法于天下。

布纒身 其明德,至今數千年,尚放大光明,人誰不死,如索先生,亦何嘗死乎?索像奇瑰而 開,其中以現成石室爲獄室,陰陰襲人,想見索先生之慘也!抑索先生爲學不厭,誨人不倦 三戶,中戶大,左右長方戶,有鐵柱,左方戶十三柱,二橫,中戶十五柱,四橫,右方作鐵 議院岡外之石岡,横亘如平臺,削石成壁,古爲獄室,其樑之孔獨在,卽囚索格底死是間 行縢纒足,希臘之服 ,幾似印度,太不文明,故羅馬從之,亦極不文明,蓋地太熱故也 頭甚大,匹 。獄開 柵 , 明 日

地既大 樂之盛 國體當其沃土近江海者,其盛不可思議。觀于意之匪尼士佛羅鍊士德之漢堡,而可推矣。吾國土 各國戲場,紐約巴黎至大,僅坐二萬人,無有能坐其人數之半者。而彼在遠古時,合羣之大,行 其舊石多爲突人取去,今新修之費凡三兆。嗟乎!希臘二千餘年前之戲場,宏壯已如此。今全地 有文石大戲場,長六百五十尺,層高一百三十五級,可坐四萬八千人,乃西歷前三百五十年者 ,而州縣之治最與相反,蓋縣官至卑,科舉太少,受治數重,而不能自立,民愚而 ,已如此,誠令後人驚絕!蓋欲致地方之美盛,非大行地方自治不爲功,尊而優之,儼成 卑,日

哉

,則戲園賞物之盛具也。一戲之美至微矣,表之於衆以榮之,盛飾其華表以重之,其效如此

,卽由此起;人民之樂利,亦由此生;遂以音樂戲曲爲全歐導師,餘波及于大地矣

,屹然數丈,下方中六角,柱上平臺,又上作數尺,柱花爲三足碟

,鐵柵護之,是何物

然而美術之精

道有華表

趨陋僿喬野

,亦與自治之小國成反比例也

以工商爲國者 中國以尚儉爲俗 ,必尚奢樂。而大陸國必以農立,海島國易以工商者 ,必惡其爲淫樂無度矣,相反甚遠 ,無得而稱焉 !蓋以農爲國者 ,亦根于地勢不得已也 ,必尚勞儉 l。惟人

道進化 之至也,非奢也。今萬國並較,若以尙儉爲俗,其道太觳,吾中國宮室道路,皆不修飾,器用苦 子戒之。然小人樂其樂而利其利,若與民同樂,舉國偕富,凡民偕樂,同能審美以致文,則公理 ,必以文明爲尙,文明則必以奢樂爲表,若以少數豪貴,最極奢樂,則有敗亡之慮 ,故君

窳,徒令人輕笑,比于野蠻,無治術甚矣!

亦存,眞可寳也。其旁碑柱屹然無數 衆拉覓碑長方丈許,有蓋,製似中國 , ,蓋上刻巨石獸如熊,下護石壁,二千餘年完好無少缺,文 雅典古物 , 以此爲最珍異矣

非羅拍皮士華表三層,下大上小,以一大石爲之 , 中國橫像 ,刻人馬 ,頂爲二龕 ,左圓大者 像

盤坐,首斷矣,右方者像垂足,石與刻皆精美甚。

風神塔六角,崇二丈,下三階 , 頂數尺,刻人物 ,畫甚完好而精美,其像逼眞欲飛 ,餘石皆磨滑

晶瑩。

右三事皆二千餘年至完好精美者。

羅馬王大哈練門,二層,下作拱門式 ,上分三戶,頗完好,在西歷一百二十年者。刻畫尙存 ,市

門五柱猶存,西歷前四百二十五年者。

租必大廟遺柱十七,昔尚存一百二十六,廟在西歷前五百三十一年,此廟在今新大學外至近矣

羅馬時哈地那王再修建,後中止。

凹行無他式,多則厭矣

有小廟九百年者 , 刻石甚佳 , 其餘壞牆敗柱頗有存 ,然無足觀矣。以雅典之制 ,柱皆刻圓 ,而刓

公園,其前則賣茶酒 王宮四層,新立國後 可謂同民樂也。 環王宮前則銀行郵局大客舍皆在,宮旁街道新整,富豪權貴列第頗新。旁爲王廟 ,夕時都人士咸集,燈火絃歌,如吾粤藩署前 ,乃新建者。居都之中,前作敞場,植花木,陳噴池,石像分三成 ,小國王無權不貴故若此 ,而下爲 , 抑

王廟頗崇晚 博物院 、大學 ,希臘爲東教 、書藏 、高等學駢列焉。只有此街 , 與各東教廟同式 神神 座階前列 , 覽可盡 ,王及后大僧三座同 ,餘無足觀矣 , 有前教皇伽

釐个

棺

,千八百二十一年者

精雅 大學紅牆加 , 小 國能此 畫,其內式與各國同。學科神哲醫律與各國同。其書藏高等校皆白文石作 , 吾國大愧矣!惟藏書不多,希臘新建築反不如古者,此三者至美矣 高 臺刻劃

天使 博物院紅文石壁 此院雖不大,然十數室亦美不勝收。入門左右闌有小銅馬二三甚精,最盛名者二像 , 乃阿連比亞新出土者。一亞天拿女神像,高髻像如玉,華嚴妙莊,二千餘年物 、方柱,甚宏麗。門外卽爲公圍,頗有花木,然不足數矣。希臘以刻石像名天下 ,幾可爲極 , 堪寫士

其 日天子像赤體 ,他神像甚多,羅馬王大哈練像甚秀,名醫結笠刁士像奕奕有神 ,凡前六百年衣

矣

0

戴而 其製金甚美妙 末,已甚 巾皆如埃及也。有三槄刻文甚精,所刻神馬足甚奇偉。其玻璃器創在西曆前三四百年,當吾春秋 不敢者。 精 ,此 其印章女服之飾極多,悉與今歐制同 ,信乎希臘之文明也。有希臘車亦同羅馬而三層 玻璃之始也,宜今歐人之推而愈精也。金器極多,王之桂花冠多存焉 ,乃知歐物所自來也。今己風蕩至東洋矣,然 ,戴東原輩終日注考工記,安得 此愷撒 欲

年物 購此 宮室 度時 十數,吾徧觀之,眞者甚珍異 周 請命于外部,吾行期甚迫 雅典之盛名 0 土之古物 吾所購者皆有畫,如武梁祠堂畫像,但論畫己足珍矣。希臘國制禁購古物出 時之車,存至今日乎?孔子之車在闕里,然毁之久矣,甚矣!中國之不知保存古物也 携佛 褒偉妙 乃得 無一 像同 ,其瓦器尊豐瓶盤及人物像,二大店尙多有焉。眞者頗昻 存者 允 ,昔讀圖繪如林 麗 艱 。更遊數地 , , , 乃 又多完好 而此區區一城之地 知得 ,不得已特留謁外部,告以中國慕希臘古物文明而無之,開 ,至畢地利士邑,而先直寄可孚,累重甚,至意大利乃能寄之, 一古妙異之物 ,大地自埃及外 ,神往久矣,今來遊 ,且多破裂,吾購得十數器,爲二千餘年希臘古尊罍入中國之始 ,備此二千餘年之數巨蹟 , 其 ,未有比焉 福 亦不易享也 ,乃寥寥僅得此 。試問吾中國久號文明 。所居克蘭客舍 ,豈非最難得者哉?希臘日 ,甚失望也。然諸名蹟皆 ,索百數佛郎, ,乃昔英王義華第七曾 , 萬里之大 ,肆 贋者 博物院 人告曰 |賤甚 與 ,千年 有 二千餘 在印 新 ,特 , , 當 矣 僅 H

希臘金幣同突厥,故不再詳。

來遊

止者

,

故廳

事及飯廳門楣簾幙皆用金

,冕極輝麗

,

出入門即多人拂塵

希

雅典熱甚,不可耐 ,在突京時,頗欲自此遊耶路撒冷及開羅 ,以雅典在三十餘度,其熱如此

南乎?必不能耐,徒生疾耳。

郞 頸 青草焉。其耕稼所成,稍有青綠之壤,則見似人而喜矣。漸至可連士,此地爲希臘兩島相 遂以凌晨十一時北行乘汽車遵海而北,波瀾杳瀰,岡巒起伏,秀峭甚矣。惜皆枯槁 熱 ,蕞 , 內海至此 極 爾國. 但以水濕巾障面 如此 ,本不通,十五年前乃開一渠,長四千八百蔑度,爲二十五啓羅蔑度 ,亦可謂非常之巨工矣。游之僅如一坑塹耳。行二時,至可連士, 。乘馬車 行一 時許 ,野寡種植 ,間有西瓜菩提。 凡行二十餘里 人家寥寥百數 ,幾所謂野無 , 費十 連之海 四 望見 兆

秀嶺嶔岩,古壘壓順,故宮遺柱在麓矣。

則西 略與邦牌同式 像刻者,置柏林博物院中。吾昔曾摩挲,不意今親遊其地也。停車處有博物院三間 方希臘式 邊基上,堆畫石無數,堂後引戶數十,上頂鐵柱 ,今己有半里許,他日不可量,或與羅馬之邦渒並美矣,而古尤遠過之。德以 可連士古希臘名國,今之得大名者,則以掘地新搜出古城也。日搜日大,德博士常駐此搜而購之 ,有人司之,專以搜新出土者。古城前丘阜絫砢,今多堆畫石,漸入至正堂之基,尚得數尺,路 層前 七百年 ,外半圓 。在希臘時可連士繁富甚,故能容千妓館,于是千妓館遂爲可連士最有名之事物 , 當吾春秋前矣 ,羅馬式 ,將來可開之戶尙無數,此在西曆前六百年, 。循路 而行 ,道窄而屋甚少 ,下有噴泉,亦有暗渠,以鐵管運水 ,蓋昔皆妓館 旁又 , 凡千間 一堂 一兆金買其石之有 , ,古瓦石堆 皆石 尚 存七柱 其戶內 室 ,亦

于雅 團問 史時 妙物 石室 文石 千人爲祝 東西二流 稱可連士之富實,誠以可連士輻轂全希,中分兩海,為卑魯波匿蘇之起訖,馬列阿山勢遠入海中 前威尼士人來據此而築守者 不嚴,吾得持多石 旁無數,以吾所見,各國搜出古城之大且多,此為第二矣。將來必為最名勝地,今以太僻 號爲金星祠 通,可居可浴 中衰 典 像 ,在西曆前一千西曆前一千一百年,在我周文武時矣。此外繞道漫山,皆新開之堂室**,**堆 ,必不可 ,希臘之都會,先盛于士兒拿島 極 ,而又過之 **,** 而 精 ,山水同 史家雅沁尼撰美女名艶者多出此 · 其浴室尤古而奇 , 少者 可連士與阿連比士兩市府 而 ,制甚詭。昔有羅馬將軍愛一女兩年,己而淡置之,女憂而 他 以還。復至停車處,熱甚 會于可連士,南挹亞洲之輸,北受意大利之灌,故翕受希臘諸部之商業,遠先 處不可一覩者 ,故民巧物華 ,宜來可連士採購 0 雅典畢爹利士皆然 ,以天成三丈之大石鑿成噴池,激水上下,開敷斜道以流水 ,誠 ,爲希之冠。久之既富而淫偸,爲金星祠以祀情愛女神, 非希臘 ,以其近黑海 , ,殷賑大興 且宜速 ,飲水遊近地人家,草圃 ,卽吾所見所謂千妓之室是也。若雅典尙爲後起者矣 ,不得有此矣。吾國 ,遲則恐不易買矣 ,亦可想見威尼士人之雄矣 ,斯拓拉保言歲星偏愛阿連比士故富樂 ,自東徂西 ,營商者先焉 0 開 山上有石壘甚 博物院希臘石像爲大 豆棚,瓜架冀道間 服毒 ,又多金, 0 孟德斯 ,醫者救之, 新 ,乃四 鳩謂 地第 故盛及商 ,皆堆古 質梅詩 ,幾禁 度宮女 ,亦 ,互相 五 居此 石兩 百 精 年 極

自可 連士渡河 , 其渡船以鐵鍊縛之,馬車行二十餘里,至海邊迦拿惡止焉 。客舍有文石之溫泉

。後羅

馬

人來

全夷之云

衣爹海邊,小市人家數百 日當成大埠 倚闌 0 小 夜飲 ·睡至夜一時起候船,至三時行,船甚小 ,望海 ,而爲名地者,以爲爹非必經之路 月流波 ,感慨希臘故事,欷歔不絕!北市之開僅十五年,甚得地 ,熱極 ,而候船之所也 ,臥船面 , 曉六時至衣爹 而 泊焉 要,他 a

人, 井繁盛 乘馬車 典人曾· 國也 似 雅典山之秀麗相反 **爹非希臘古名國** 人之能創體操久矣。又頗 至阿連比亞,蓋亦 0 君士 有客舍可宿 可連士、及爹非 近六 想見當時立國之盛矣 0 十年 來戰 但丁那部 其地當希臘 時許 其 争此地 市 , ,惜甚 制 德人始來 , 可 , 0 亦 開在 **盤旋至** 內 , 近雖有 有 希臘古名國也。古蹟頗存,有綏士神廟甚 • ,于是時多美園宅 與 宜其政俗亦相反也。然國實蕞爾 類君 海 小矣 西 阿連比亞 開 , 雄岡 北出 歷前五百九十八年,土人傳上帝乘龍尋得溫泉于此 0 有工廠焉 0 。今所存古蹟 闢 士但丁那部者 翼日復至衣爹候船,行一日 其餘小古蹟數四亦有博物院 , 走雲 自海上望之,樓閣冠岡 處 • 而斯巴達無之。自爹非乘船西渡可連士之海 ,惟車行大陸, , , 石 與 , 皆文石 勢 雅 ,有 0 貨物駢 典爲希臘 鴨婆羅廟甚 ,遺基多存焉 , 冷草 闐 野無 南 , 緜伏 官署 麓 , 青草 大 不過吾 ,後枕. ,至斯巴達。斯巴達背山 ,搜存石像無數 , 爲兩 版 場 , 且完好 ,粗勢莽蒼 ;山瓜 |肚麗,有大體操校 , 後無 極矣 一州縣耳 Ш , 林 花 雖秀 木整整 人居 0 0 , 古戲 故都會最大 高 , , 宜 , 0 , 而沙 希臘 7 蓋 故喀來能東以爲兵而妙 場 其民强武而 , 八百 士女 圓 希 ,乃命僧建寺云 塵滾飛 凡四 規 臘 , ,皆文石爲之,希 〈湊集 臨海 八十 乘 甚 ,人家萬 種 馬 大 博物院 人 户 不 , , 車共六時 , , , 熱日炎蒸 于是 可 文 然 希臘古名 , 數 容萬 也 由 , 雅 0 切 衣 0 , 賏 皆 市 數 雅 典

之制度 班牙及中國 熱,又久隸突厥,新開化無可責者。在此候船,竟日不出而頻浴,其浴無室,以圓盤注水 作歐式者 ,令舉 式 ,而塵土坌人,士女亦復喬野,實無可觀,自北歐來觀此,全希幾類野蠻矣。蓋地旣 , ,亦進化程度之自然耶!晚食于客舍前,海邊蓋客舍,不設食廳 無變化 國童子舍父母而養于國 。山上雖有古蹟 , , 皆以國 畏熱不復遊 民而 盡爲兵 ,僅望哪 , 尼士之古城。緬思斯巴達之强戰 用以小國而爲霸,豈不雄哉?嗟乎 ,亦一異事也 喀來 希臘 如 西 極

欲强者非

盡國爲兵不可也。

夜十時又乘船至可孚

阜 海 壘中 去耳。臨海二山 中,蓋王歲避暑居此。吾今來時,王則往避暑瑞士云。如此熱地,王者亦苦,幸無事權 靑,宮室道路 最得地故也 可孚爲希臘極北島,又希臘一古國矣 奥后以列沙伯 其 越陌度阡 他 人家 曲 徑 , 德主威 僅數百步,甚短, ,亦稍整麗,花木極盛 , 林木蕪菁 , 營之 磚砌盛花 ,鑿築爲壘,置兵守焉。形勢最勝,旌旂飛揚,山顚壘下爲王宮,後爲操 廉亦愛此島 ,及后死 , , 頗類 百菓諸菜相望 , 中國 後岡爲公園甚大,夾道繁花,林木幽深,中爲王宮,據岡 威廉以百萬購之而潤色焉 ,特買行宮于島崖邊,尤据優勝焉 0 ,農事甚修 , 此園地位與花木皆爲阿連五國之第 行編希臘 , 道中多 哑 羅樹 ,木多柳欅。王有二行宮在此 , 南北二千里,歷六古國至此島 ,如柳而枝, 。亞論氏宮距可孚市 0 此宮地名亞論氏 不垂幹,多孔 一矣。蓋可孚一 , 二十餘 一小 ,乃稍見林木靑 宮 ,青綠滿野 里 ,十七 ,得 在公園 阿顛可望 島 場 穿岡 年 , , 本 前 繞

希

,十日來久不見此 ,頗爲欣然。行宮據岡顯而臨海崖,高四層,門左食室正陞,登樓二層 , 壁皆

之廣狹高下爲之,大可里許,正中敞臺望海,對立二銅人,乃西曆前百年物。有白石圓規以測日 啚 畫 ,頂樓橫引岡 顛 ,地按橫簷,下立希臘石像十二,皆古名人也。前爲園 ,林深徑曲 **,**因 一岡顛

, 如中國。林下曲徑,有英詩人羅湃認像,極精。臺下假山藏鏡 ,垂籐夾徑,自此下崖 , 萬 木盤

深

至山足臨海爲浴室,隨地可以望海

終日洶涌

,左望一島

,爲僧舍,今爲德商之公司焉。鎖鑰南

北

,覽掬宇

宙,

誠大觀也!威

廉營

,波光如鏡

,崖石縱橫,島嶼雜沓

諸

山迴抱

,浪聲打石

行宮于是歲 ,避暑而來,曾駐三月,置電話以通往來焉。守宮之宮女,亦自栢林宮中派來者

君士但丁那部 ,與此地並置行宮,威廉之雄心遠略,不可思議,卽今商務亦多歸德 人矣

盛矣。此島爲希臘人盛稱,船貨所聚,有直通美國者,然市實甚小,電局亦僅一小室,市亦寂然 可孚島地形横長二百七十八英里,人民九萬一千, 地闢于西曆前六百五十年,當吾春秋時 ,想尤

,而已爲希臘第一也。古今異時,人亦無可恃矣。

遊畢,吾自乘原船還意大利之巴連德詩,行十八時也。

希人幣制仍用突厥,而英磅法佛郎皆通行

希男人履皆尖仰。

希兵甚困悴,蓋熱甚故。

希人種皆雜亂 , 蓋無復古希臘遺民。蓋一服于羅馬,再滅于畽尼士,三滅于突厥,文字皆變滅

前 人種 日頻遭戰 亂 , 無復留餘 , 即有留餘 ,不能保守 , 亦隨人變滅 ,而不能復認 , 蓋耗喪盡矣 ,豊

不哀哉。

流斐然 孑遺者 然喜,又可奭然驚者!吾國 大地 奴隸 尤可畏哉?雖然 黑,不見秀文,比之希古刻像,及今歐人,皆遠不及,甚驚怪!及考知其原人已盡 今埃及及巴比侖與東西羅馬人,亦皆盡非古種之遺,蓋亦久經變亂之故,眞所謂 頓人之吞鰲八極耶 吾初至希,以愛其諸先哲故,甚敬希人。旣到雅典,及徧其全國,則希人樸僿椎魯,卽面色亦黃 , 0 然則古文明國地至大,人至多,傳至古,文字種類宮室一切皆不少變 惟有我耳。 0 扇蕩全球 以邃古第一文明諸古國 ,大地古文明國 否則或並波斯耳!然則貴種大姓莫如我 。如吾中國古物皆不存 人既顧 前 ,人種惟我與印度波斯獨存 的自雄 人種皆不能久存,若此 ,更宜發憤爲雄 ,如人種 不盛 , 則 , ,否則無可恃也。 而永保與不保 ,惟其所餘制 ,卽波斯種己雜亂大失 經變滅 ,當與諸 作 ,是在今日 後生可畏 , , 野蠻同 烜 而能 赫 周 宇宙, 保存者 餘黎民 , ,乃爲歎息 而印 盡矣 ,不觀今條 此則可欣 逐能 度 , 豈不 靡有 横覽 久爲 風

遊希臘畢感賦

拓海軍 營商雄 希臘號 艦多 文明 鄰右 , 0 , 其先起 開山 有攻 金礦顯 者尤强 海寇 。製作日有新 0 , 海王宓那思 走海無畏漏 ,盜據海波溜 ,富樂更無倫 0 後來得雅典 0 0 , 雕牆而峻宇 虜人爲之奴 文治漸發展 , , 0 好女而敬神 封物歸爲囿 埃及巴比侖 0 0 , 旁搜 漸富徙居陸 妙畫與艷曲 得文獻

娓娓佳詩文。至今遺劇場 ,坐客四萬人。是時無憲法 ,尚美樂云云。海波覩灔灔 , 權謔俗所欣。

金星千女祝 ,大會無遮春。從來盜有道,得物分必均。是起平民權,公帑久公分。公事公議之

國會遂爲根。惟其蕞爾島,平等難獨尊。惟其海爲家 知識日增新。惟其波浩蕩,尚美且樂君

諧嬉好歌舞 ,懽喜而慈仁。始盜中爲商 。腓尼基先駈

匪尼 士 繼聞 。諾曼亦海盜,大尼入英倫。哥倫布尋海 ,班葡編寰巡。荷蘭以商創 ,海利亦大伸

强英起三島 0

,絕陸鮮兵氛。憲法用是誕 ,海霸權獨振 。是皆由地形,孕育隱彌淪 。若以得失較

終讓大陸人。請觀全希臘,終歸于大秦。陸同我最大 ,願起神州魂

,末成艦隊軍。終以富樂名,從來海島民

六〇二

南美之國,巴西爲大。東西二千七百三英里,南北二千六百五十八英里,面積三百二十一萬八千 北美合衆國及加拿陀,而居第四,歐洲之俄國不及也,實爲南美之最大國也。 方英里,中有巴馬孫河,天下第一大河也。多產樹膠咖啡,為地球冠者。其土地雖少,次於中國

同,自須彌山下,無有大山,巴西亦自安底斯下,故亦無大山也。巴西氣候大半在熱帶 亞馬孫河,橫於巴西,入於大西洋,其流地低平成一大原,茂林蓊鬱,惟中部流域成大高原 海一千尺乃至三千尺,起伏如波濤洶湧,山雖不少,然徧此大陸國 者拉士,散布恪等各州之一部,與伯拉拿散他加多里拿,里阿古蘭的多士路之三州,氣候和平, , 四季無變,只有降雨期乾燥期之別。獨中部地高,雖炎暑中時或淸風徐來,候如溫帶 ,但以地居南半球,其時令稍有不類,然歐人以其淸涼多居之。至於良的喳彌恪,美拿士 ,而無一萬尺之山,蓋與 ,甚 ,四時之 酷 印 , 拔 熱 度

海也, 西,遂成大河。水深二百四十尺,或三百二十五尺,多有深淵,其深一千六百二十五尺者不少。 亞馬孫河流長四千英里,枝流數百,合而計之,三萬一千二百五十英里。其浸潤之域 有四千五萬七千方英里 實爲地球莫大之河流。其水源發始於秘魯安底士山,曰間微微湖 ,河口有百五十八英里,初西班牙人編遜者始發見之,疑爲海,名爲淡水 凡流一千數百英里入巴 ,總計面積

癘疫不行,各國移民,皆保壯健,少寒暖燥濕夭疾尤其良也。

巴

口千八百六七十英里之地。其拔海高四百六七十尺,其支流拉布拉打河,接近伯拉哇河上流,交 士河而止。此河之下流千九百八十八英里之間,屬於巴西,其流域占巴國全面積三分之一, 數千噸之洋汽船 ,可達至馬拿可士市,歐人曾乘炮艦逆流試航,達二千里以上,至秘魯之煙嘰托 離 河

通甚便。馬拿可士之上流,十八餘英里之間,以急流不便航渡,近者築鐵路連絡矣 亞馬孫河之地,草木鬱蒼,馬地拉河之流域,樹林深密,有高二十餘丈者。日光不見,晝間 如夜

十二月爲最涼 ,溫度八十九度十五爲最高 ,寒度七十二度零五爲最低

其氣候以地跨赤道南北純熱帶,只知有夏耳。此地一帶,多雨,空氣濕潤

,歲以八月爲最熱

亞馬孫之地 水蛇之大者長六十尺,亞馬埠之河,尤魚之天府歟!算者謂假人類專以食魚爲生,則亞馬孫之魚 ,產貘豹鰐水蛇,貘之大者身長二尺,豹之大者,長六尺,鰐之大者,長一丈五尺

淡水魚凡百五十種,而亞馬孫之上流馬拿可士之側,其面積不過五百方碼一小湖耳,所得魚類 尚有餘云。歐之博物學者,研究全大西洋之魚類,不能勝於亞馬孫河之魚 ,且歐洲所有之川河

,其數一千二百種,今有許多不知名者云。

品,芽如笋爲食品 岸上之植物 巴西植物至繁,其已知名於學者,凡二萬二千種之多,其未知名者,尚幾百千種。乾氏曰,亞馬孫 心則爲樽塞,葉爲家畜餇料,仁爲咖啡代用品,幹中有白汁,可作蠟,或作澱紛,其功用至大, 其 有用者頗廣,其數百二十種 ,葉爲帽籃筵箒之料,幹爲建築爲樂器爲水管爲喞筒 ,中有加路紐白,其用甚大,此樹不畏旱魃 或作酒酢澱紛之料 根為 樹

以產木者 土人視為萬木之魁云。今以其多野樹而樹有膠,故專取樹膠為事,其他未遑採擇也。此土將來必 ,且栽植熱帶諸種草木,最爲適宜 。樹膠冠於地球,卽在此河,巴西之人多賴以爲生焉

0

支流,依咕呱士川 巴西河大者,如散付蘭施士、古吐根亭、巴拉噌、巴拉拿四者、亞馬孫之支河也。巴拉拿河又有一 爲世界第二之大瀑也 者 ,絕壁奔流,成一大瀑,比於北美鼐格瀑布高過六十尺,廣三倍,水景頗多

人口 巴西合衆國 市 馬數千,絡繹不絕,官衙戲院 市之中央,樓高三五層,列如櫛比。近坡處大園,花開四時,豪富多往來,至海濱設遊步場 白雲綠樹 政府歲出入,約二萬萬八九千萬圓,內外債約六十萬萬圓以上。至各自立州歲出入與乎州債市債 而爲一大商港也。港水深廣天然,良港更以巨款築之,規模廣大。市後奇峰屹立,皆花岡岩質 中歲出入略各二千五百萬圓 五十萬 海濱雪沙,上下相映,景色雄奇佳妙。都會內衞生工事完備 ,自二十獨立州合成之。大者莫如亞馬孫州,其大五倍於日本 ,合近郊居飞八十五萬,爲南美大都會,其繁盛雖次阿根廷首府之波那士愛力 ,寺廟學校,圖書館、公園病院等皆壯麗,比歐美大都會無遜色 ,市吏約三千,以辦 市政,物價之貴,頗 可 ,市區改正,道路 驚焉 ,首府良的 喳 彌恪市 修 土市 ,車 理 ,

巴西之貿易額 , 歲輸 入三億七千萬圓 ,輸出六億三四千萬圓 , 通計十億圓以上。以我之廣土衆民

不在此

計

巴

西

六〇五

六〇六

,輸出僅及巴西之半,比之大耻矣!且輸出超輸入之半,尤爲富溢。且其人民之用,倍於我國

故富力頗高。正貨多流入,故內外債雖三倍於日本國債,而辛苦之度,比於日本甚輕

叻士之三州爲最,尤以散包羅爲第一。日本人到巴西者,大抵傭人種咖啡爲業。若大開栽植適於 百萬袋,乃至二千萬袋,其價約三億數千萬圓,咖啡之產地,以散包羅、略底喧彌羅,及美拿士者 巴西物產繁庶 種咖啡之地,皆闢而種之,則產量過於現產者十數倍,惟販路甚少,故今散包羅政府暫限制增植 ,咖啡爲最,以全球計,產七分半以上,每袋咖啡重十基羅,歲輸歐美各國者千五

其他產樹膠次之,其次獸皮,其次「麻荻」「茶煙草」「可可子」棉花砂糖皆最盛。歲輸出二萬 七八千噸,其價一億數千萬圓,其每年輸出如左:

專務擴張販路

獸皮 二千數百萬圓

煙草 千五百萬圓 千七百萬圓

棉花 八百萬圓可可子 千二百萬圓

七百萬圓

畜牧最盛 ,因獸皮輸價而知全國所飼之生牛約數千八百萬頭。以日本比之,過十二倍。按此論

之,凡農林畜牧之產額日盛,可過十數倍,乃至數十倍焉

歐洲諸殖民,移住於巴西者頗多,自西千八百二十年至千九百十年,凡九十年間,移入國者,略

計二百八十三萬千百八十六人。計開如左:

伊太利人 、二五四、八七一人

葡萄牙人 七三三、六四六人

西班牙人 三四〇、〇七〇人 一〇五、三二一人

獨逸人

墺洪國人 六八、八五三人

露西亞人 六八、四九九人

其他諸外國人

二五九、九二五人

其人來者多耕作,然有二種,一爲一時之勞働而歸國者,如意人萄人班人等是也。二爲永遠之移

州多移民,至於利阿的喳爾羅、美拿士喳拉意士、及意士比利吐散吐之三州亦不少。近年歐人來移 住民,如德人墺人俄人等是也。散包羅、伯拉拿、散打加打利拿,及利阿古蘭的吐士路。其南部四

住者,大約一年四五萬乃至八九萬人,以葡人爲最多,班人意人次之,來爲殖民者,德墺俄等人

皆頻來不止

巴

西

巴西歲出入諸港船 ,約二千萬噸,英船凡三分之一。鐵道雖未能普及全國,然以地大人稀較之,

六〇八

康南海先生遊記彙編

不大,然巴西僅次於阿根廷耳。凡有一萬九千噸之大戰艦二,實爲南美之大强國也。 萬圓。巴西之電線約長一萬四千八百數十英里。電話長約千二百七十二英里。南美列國之軍備雖 頗多,英人爲最,約二萬萬圓。兼計巴西借英之公債及英種種營業,則英之資本在巴者殆十三萬 亦過二倍於日本矣。其鐵道有三種:一國有,二州有,三私有是也。外國人立會社以營業布設者

## 本書編者蒐輯南海先生遺著簡目

康南海先生遺墨 民國六十四年七月初版 自印

萬 萬木草堂藏中國畫目 康南海先生遺著彙刋二十二册 木草堂 主遺稿 全三册 民國六十六年八月初版 民國六十五年九月初版 台北文史哲出版社

台北宏業書局

萬木草堂遺稿外編

民國六十七年四月初版

台北成文出版社

